



BIBLIOTECA NAZ.


Vittorio Emanuele III

XLVII

A

NAPOLI








XLVIII

a  
3



# TUBA MAGNA MIRUM CLANGENS SONUM,

Ad Sanctissimum D. N. Papam

CLEMENTEM XI.  
IMPERATOREM, REGES,  
PRINCIPES, MAGISTRATUS OM-  
NES, ORBEMQUE UNIVERSUM.

*De necessitate longè maxima reformandæ*

SOCIETATEM JESU

Per Eruditissimum Dominum

D. LIBERIUM CANDIDUM

S. Theologiæ L. L.

EDITIO TERTIA

*Correcta, aucta, & priorum editionum adver-*  
*sus HUYLENBROUCQUIUM Apologeti-*  
*ca, in duos Tomos divisa.*

TOMUS SECUNDUS.



ARGENTINÆ.  
MDCCXVII.



THE  
LIBRARY OF THE  
CONGRESS  
WASHINGTON, D. C. 20540

U.S. GOVERNMENT PRINTING OFFICE  
1967 O - 345-100



A D  
TUBAM MAGNAM  
A P P E N D I X,

*Continens variorum Autorum Opuscula, de  
necessitate longè maxima reformandi  
Societatem Jesu.*

I  
AURELII LE BLANC  
GRATIANOPOLITANI  
OPUSCULUM

*De necessitate reformandi Jesuitas ob turbas longè  
maximas, quas plusquam à sæculo in Ecclesia  
suscitant cum maximo Reipublicæ Christia-  
næ & honoris Sanctæ Sedis  
præjudicio.*

SECTIO PRIMA.

*De turbis quas suscitant per Molinianas novitates  
suas.*



Mnibus in amore esset Societas, si quem-  
admodum ab initio dum viveret San-  
ctissimus Fundator ipsius Ignatius, si  
& hodiè pacem amaret, ab excitandis-  
que in Ecclesia turbis sibi temperaret.

Verum ab eo tempore quo novitias Molinæ opiniones defendendas suscepit, gravissimas in Ecclesia turbas suscitare non cessavit. Et turbarum quidem initium dedisse per novitatum illarum defensionem, testis omni exceptione major est Clemens VIII. in solemnī Oratione quam die 20. Martii 1602. ad Socios habuit dicens: „ Hæc quæ inter vos tamdiu agitata est con-  
 „ troversia, ita pertinacibus concertationibus, in mul-  
 „ torum aures & animos per universam Europam se  
 „ insinuavit, & tam ingentes turbas in multis Acade-  
 „ miis excitavit, ut maximum Reipublicæ Christianæ  
 „ periculum minitari videatur, nisi vel ad pacem  
 „ mutuam vos ipsi deducamini, vel salutare remedium  
 „ nos huic negotio adhibeamus. Etenim novis istis  
 „ vestris opinationibus, vel veteribus quidem, sed se-  
 „ pultis jam post mille ducentos annos, & ab Eccle-  
 „ sia profligatis, ita Catholicorum animos rursus im-  
 „ buere studuistis, ut procul dubio videamini pacem  
 „ scindere, inconsutilem Domini tunicam dividere,  
 „ & in Ecclesia Dei Pelagii hæresim iterum invehere.  
 „ Quid enim aliud est, vel prorsus repudiatis, vel  
 „ saltem posthabitis vetustissimis illis & Sanctissimis  
 „ viris, Hieronymo, Ambrosio, Augustino, Prospero,  
 „ & aliis, qui nullis vigiliis aut labori pepercerunt, ad-  
 „ versus Pelagianos constantissime dimicarunt, eorum  
 „ artes dissuerunt, venenum detexerunt, falsos sensus  
 „ aperuerunt, & argumentationes omnes dissolverunt:  
 „ quid (inquam) aliud est; posthabitis his Sanctissimis  
 „ & doctissimis Patribus, Recentioribus quibusdam,  
 „ vel nullius, vel certe exigui nominis Doctoribus tan-  
 „ quam ducibus, ad istas vestras opinationes defenden-  
 „ das uti, quam Ecclesiam Dei Pelagianorum erroribus  
 „ denuo inficere & contaminare? Quid est hoc quod  
 „ molimini? An non dubitatis pro defensione unius  
 „ Molinæ invehere in Ecclesiam Dei Pelagii dogma?  
 „ Perpendite, obsecro vos, quam grave periculum à  
 „ vestris istis concertationibus universo Christiano Or-  
 „ bi impendat. Nolite communi necessitati & saluti  
 „ privatas vestras rationes præferre. Cedite Patribus,

"cedite veritati.... Mementote omnes vos Ecclesiæ u-  
 "nius filios esse. Per sponsum ejus Christum Jesum  
 "rogo vos, ut omni odio deposito, dissidiisque pro-  
 "priis semotis, ita inquirendæ & indagandæ veritati  
 "operam navetis, ut à vero sensu Scripturarum, & à  
 "defæcata S. Augustini doctrina, quam & Ecclesiæ  
 "doctrinam esse nemo vestrum ignorat, nullis invidiæ  
 "& livoris facibus impediamini.

Orationis hujusce fragmentum, inter Romanorum Pontificum de S. Augustino elegia, Euchologio suo, à S. Inquisitione Romana approbato, inseruit Franciscus Macedo Ordinis Minorum Theologus celeberrimus, in Clemente VIII. pag. 406. & 407. Sicut & Cardinalis Norisius in Vindiciis Augustinianis, a Sacris Inquisitoribus Imperii Veneti approbatis c. 6. ubi addit, hanc ipsius Clementis manu exaratam sibi offensam fuisse ab Ilmo. D. Philippo Vicecomite Mediolanensi, Episcopo Catacensi.

Nec à Molina novitiæ cœperunt opiniones: in eas, contra seriam S. Ignatii Fundatoris sui monitionem, ipso in Concilio Tridentino inclinasse visi sunt Laynez (S. Ignatii in Generalatu successor) & Salmeron, quos ad Concilium istud proficiscentes litteris suis admonuerat, *ne novam ullam opinionem, firmis licet rationibus nixam* (verba sunt Orlandini l. 6. c. 26.) *proferrent in medium, qua vel ad hæreticorum commenta deflectere, vel ad eorum, qui nova sectantur, opinionem videretur accedere; ac quamdiu ab Ecclesia pars non definiretur alterutra, à probabilissimis etiam rebus assensum cohiberent & linguam.*

Non colibuerunt tamen, imo Laynius (teste Pallavicino Histor. Concil. Trid. l. 3. c. 13.) Tridentinum Canonem quo liberum arbitrium, motum & excitatum à Deo, dissentire posse definit, si velit, ita emolliendum censuit, ut sanciretur, hominem communi duntaxat vocationi posse dissentire, tacite tunc seminans quod Societatis Theologi secutis temporibus apertè senserunt, specialibus gratiæ per se efficacia auxiliis dissentiri non posse;

posse; de humana proinde libertate actum esse, si his excitaretur, ac moveretur.

Hoc idem Salmeronem sensisse Thomas de Lemos in volum. Actor. 6. sess. pag. 133. probat ex actis manuscriptis ejusdem Concilii in arce S. Angeli asservatis. Qui & addit, iisdem Theologis displicuisse verba illa præfati Canonis: *liberum arbitrium, motum & excitatum à Deo*, eorum loco reponendum censentibus, *mens à Deo mota & excitata*, quasi mens sola à Deo moveretur, non voluntas: cum enim in plena Congregatione proponeretur Patribus Concilii canon ille quartus " Si quis dixerit liberum hominis arbitrium, motum & excitatum &c. " omnibusque Patribus illa verba placerent. P. Laynez à Societate semel & iterum dixit: non placet quod dicitur: " liberum arbitrium, à Deo motum & excitatum, sed mens mota & excitata ponatur. " Quod cum Patribus displicuisset, Episcopus quidam dixit, illam sententiam, quam proponebat P. Laynez, esse Pelagianam: nolentem Deum agere & movere hominis arbitrium, seu liberam voluntatem, sed tantum intellectum & mentem. Idem plane Salmeronem cum Layno sensisse fertur pag. 133. eorundem Actorum.

Fuerunt illa controversiarum de auxiliis infausta prænuntia (ait Sapientissimus Serrius Histor. Congregat. de Auxiliis l. 1. c. 1.) à venerandis Concilii Patribus ægris auribus excerpta, quæ ferventissimis monitis amovere sætegerat B. Ignatius. Sed quid illo ad superos evocato? Sui jam juris facti, quasi excessissent ex ephebis, suo quisque indulsit ingenio. Tenendæ S. Thomæ doctrinæ legem, qua contra novitates omnes vineam suam, sacrâ velut sepe, munierat in Constitutionibus suis sanctissimus parens, demoliri sensim ac dissipare aggressi sunt: idque non privatim ac clanculum, sed factò velut agmine, collatisque conciliis. Ea de re statim actum ea in Congregatione, qua ad supremam Societatis præfecturam vocatus Didacus Laynez, communibus votis S. Ignatio suffectus anno 1558. Illic ad limam vocata tenendæ S. Thomæ doctrinæ lex, speciosæ interpretationis obtentu concussa est, accommodatoris sc-



tiliorisque Theologia, propediem edendæ, accepto consilio, quæ solemnî Præpositorum ac Theologorum Societatis approbatione prælegenda foret. Ita quippe statutum in Declar. ad cap. 14. p. 4. Constit. litt. B. *In Theologia legetur vetus & novum Testamentum, & doctrina Scholastica D. Thoma. Prælegetur etiam Magister sententiarum.* Sed si videretur temporis decursu alius Author studentibus utilior futurus, ut si aliqua Summa, vel liber Theologia Scholastica conficeretur, qui his nostris temporibus accommodatior videretur; gravi cum consilio, & rebus diligenter expensis, per viros qui in universa Societate aptissimi existimentur, cumque Præpositi Generalis approbatione, prælegi poterit.

Hinc velut signo dato, orta confestim opinandi licentia. Seu enim accommodatioris Theologia editione, Societatis votis respondere festinarent aliqui, seu novæ scholæ erigendæ Principes, novique Israelis Magistri evadere vellent alii, diligenti æmulatione tentatum est. Id mutua gestorum subsequenitum collatione videas. Nova quidem vulgavit Molina anno duntaxat 1588. At scientiam mediam, doctrinæ suæ caput & corpus, annis antehac triginta, & mente concepisse, & in Scholasticis disputationibus, sub scientiæ naturalis nomine, se propugnasse professus est. Quæ duo si conferas, eum ignes concepisse suos invenies anno circiter 1558. quo Generalis Congregationis Decretum emissum est. Idem in Fonseca notare licet. Prodiit quidem ejus Metaphysica, iisdem novitatibus famosa, anno 1696. Verum altrilla scientiæ mediæ mysteria sibi ab annis supra triginta, revelata gloriatur, sed non ea palam eructare ausum esse, donec à Molinæ, Suarezii, Vasquezii, Mendosæ præviis revelationibus auctoritatem acceperant. Quæ si debitè conferas, ad præfatæ Congregationis vicina tempora revocabis, quibus à male sibi consciis parentibus, abortivi foetus opportuno silentio celabantur.

Primus sodalium suorum doctrinam, diuturna illa tacitaque meditatione concoctam vulgavit in publicum, ac Litterario certamini commisit Prudentius de Monte Major anno 1581. jacta velut alea probaturus, quam

apud viros eruditos fortunam esset habitura. Theses publicæ disputationi dedit Salmanticæ, quibus tum absoluta Dei erga actus liberos Decreta, tum gratuitam prædestinationem explodebat. Res incommode cessit. Hunc quippe publica disputatione exagitavit Dominicus Bannez, Ordinis Prædicatorum, primariæ Cathedræ Moderator, qui etiam non ita post, editis in i. p. D. Thomæ Commentariis, eas nascentis Molinianæ Scholæ novitates impetiit ac profligavit, tanta tamen animi modestia, ut illos nunquam ex nomine designarit, quorum opinionationes refellebat: satis officio suo consultum putans, si veritatem absque ullius famæ jactura tueretur: *ut facilius corripere poenitendo* (inquit Leo Magnus serm. de Pass.) *quos nulla deformasset abjectio.*

Nec solum Ordinis Prædicatorum Theologi, verum etiam alii gravissimi Salmanticensis Universitatis Magistri, novam illam doctrinam, tanquam erroneam, ac de Pelagianorum reliquiis derivatam, ad sacros fidei Censores deferendam esse judicarunt. Quo factum est ut S. Inquisitionis Vallisoletanæ Judex insignis Joannes Aresius, Vir ingenio, litteris, prudentia, & omni virtutis officio præstans, Salmanticam hujus rei inquirendæ & examinandæ causâ missus sit: qui, diligenti examine de assertionibus & assertoribus factô, omnis S. Theologiæ Salmanticensis Magistros in unum congregatos consuluit. Qui omnes temeritatis & erroris nota dignam esse judicarunt, prout totidem omnino verbis referunt Prædicatores in sua contra Molinam Apologia, sacris fidei Quæstionibus Matrîti data anno 1595. Quod & Theologi Societatis fatentur in libello supplici iisdem ipsis fidei Quæstionibus sub idem tempus exhibito, cujus mentionem iniecit Paulus Leonardus in Apol. pro scient. Med. 3. p. n. 35.

Anno 1584. elaborari incoepit studiorum liber per sex Patres ad id jussu P. Generalis Aquaviva deputatos, sed nonnisi anno 1585. absolutus, & anno 1586. publicæ luci datus, sub hoc titulo: *Ratio atque institutio studiorum.* In quo cavetur ut Theologiam S. Thomæ Socii

sequantur, *paucis exceptis*, inter quæ excipitur doctrina asserens, *causas secundas esse propriè & univocè instrumenta Dei*; & cum operantur, Deum in illas primum influere.

Librum hunc ægre tulerunt viri è Societate primæ notæ. Intercessit Henricus Henriquez, id præsertim stomacho ferens, quod in novâ edenda Theologia Societatis honor agi diceretur; suæque intercessionis capita, post annos aliquot, dato libello supplici exposuit Clementi VIII. Pontifici Maximo.

Philippo quoque II. Hispaniarum Regi displicuit immoderata, quæ in libro illo elucebat, de S. Thomæ dogmatibus judicandi licentia. Librum de ratione studiorum sacris fidei Quæstitoribus tradidit, qui in illum uti *temerarium, periculosum, jactantia plenum* animadverterunt. Sua demum apud Sixtum V. effecit auctoritate, ut illum publicis Societatis usibus interdiceret, quemadmodum testatur clarissimus Pegna Rotæ Romanæ Decanus in sua de initiis celeberrimæ controversiæ narratione.

Hoc proinde sublato, alter aliquantulum emendatior prodiiit anno 1590. In eo statuitur, ut Socii in *Theologica Facultate sequantur S. Thomæ doctrinam*, sed sic ut liberum relinquantur, *ut alios graves Doctores sequi possent, qui velint, in paucis quibusdam quæstionibus, qua subjecto liberarum propositionum catalogo continentur.*

Id verò ibidem notatione dignissimum (prosequitur Serrius) quod cum non ita pridem Sixtus V. Pontifex Maximus Societatis Præpositos seriò monuisset, ut cum doctrinæ Canonem præfigerent, *quem Paterna Instituta* (Sancti utique Ignatii Constitutiones) postulabant, id se nova illa studiorum ratione exsecuturos gloriantur, qua maxime violarunt. Dum scilicet sexaginta & amplius Angelicæ Theologiæ quæstiones privatorum opinionationibus permiserunt, cujus ne vel unam, invitante licèt pietate, permittendam judicaverat B. Ignatius. Ut ut est, fecit superioris libelli adversa fortuna, ut non absimilis jacturæ metu, illum publicæ luci subdu-

ducendum, & intra domesticos fines continendum, judicaverint Societatis Præpositi.

Demum anno 1594. de nova studiorum edenda ratione, seu verius de superiori recognoscenda, atque emendanda actum est in Congregatione Generali anno 1594. habita. Cujus Consilii conscius Clemens VIII. S. Thomæ doctrinæ juxta Constitutionum S. Ignatii præscriptum standum edixit. Cujus jussis obtemperantes Socii, in hac ipsa Congregatione Decretum 56. hisce verbis condiderunt. *Nostri omnino S. Thomam ut proprium Doctorem habeant, eumque in Scholastica Theologia sequi teneantur. Tum quia Constitutiones nobis eum commendant, & Summus Pontifex Clemens VIII. id se cupere significavit. Tum quia cum unius Scriptoris doctrinam in Societate eligendam Constitutiones moneant, nullius hoc tempore doctrina potest occurrere, quæ sit ex solidior, aut securior, ut non immerito S. Thomas Theologorum Princeps ab omnibus habeatur.*

Verum hanc tenendæ Thomisticæ doctrinæ legem, à Clemente VIII. præscriptam, & à Congregatione illa Generali impositam, Claudius Aquaviva anno 1599. pene irritam fecit, ita decernens: *Nostri non sic Sancto Thoma adstricti esse intelligantur, ut nulla prorsus in re ab eo recedere liceat; cum illi ipsi, qui se Thomistas maxime profitentur, aliquando ab eo recedant, nec arctius nostros Sancto Thoma obligari par sit, quàm Thomistas ipsos.*

Unde neglectam satis in Societate Decreti Clementis VIII. & laudatæ Congregationis Generalis religionem, plusquam satis experientia docuit, innuitque Mutii Vitelleschii Præpositi Generalis epistola transmissoria, data 4. Januarii 1617. ubi de suis conqueritur, quod ad eas sententias non accesserint, quæ tutiores essent, quæ bonis moribus conducerent magis, quæ denique pietatem alere & prodesse possent; nec Decreta servaverint, quibus removeri jubentur à Cathedris, qui S. Thomæ doctrinam parvi facerent, aut eam corde non præferrent. Vitelleschii verba sunt ista: *Nonnullorum ex Societate sententia, in rebus præsertim ad mores spectantibus,*

bus, plus nimio libera, non modo periculum est ne ipsam evertant, sed ne Ecclesia etiam Dei universa insignia adferant detrimenta. Omni itaque studio perficiant, ut qui docent, scribuntve, minime hac regula & norma in delectu opinionum mutantur: „Tueri quis potest; Probabilis” est; Authore non caret. “ Verum ad eas sententias accedant; quæ graviorum majorisque momenti Doctorum suffragiis sunt frequentata; quæ denique & pietatem alere, & prodesse queunt, non vastare, non perdere. Quoniam verò Constitutiones, Decreta, Regulas probe callent de S. Thoma sequendo, de non promovendis ad Cathedras, aut etiam removendis, qui ejusmodi doctrinam parvi facere, aut cordi non habere præ se ferunt (præsertim si novitatum amantes deprehendantur, qui nulla ratione sunt ferendi) reliquum præterea nihil est, nisi ut hac ipsa serventur, uti maximi rem momenti, quam maxime possum urgere.

Verum Decretorum illorum immemores illi è Societate, quotquot hætenus in occulto novitatibus fuerant delectati, parvi habita S. Thomæ doctrina, novitates suas incircumspecte, erectoque supercilio in scholis venditare aggressi sunt.

Hos inter primi in aciem descenderunt Leonardus Lessius, & Joannes Hameliüs, Lovanii in Collegio Societatis S. Theologiæ Professores annis 1585. & 1586. Ii scilicet propositiones triginta quatuor, de Scriptura Sacra, de providentia, prædestinatione, reprobatione, gratia, justificatione, publicis lectionibus docuere, quæ celeberrimæ Facultatis Lovaniensis zelum ac religionem concitarunt.

Delatis itaque ad sacrum Theologorum Ordinem propositionibus (ait Clarissimus Serrius) nihil temerè leviterque tentandum voluit Academia. Variorum imprimis Societatis discipulorum quaterniones consulendos judicavit, data selectis Magistris hujusce rei provinciâ, ne unius alteriusve discipuli oscitantæ culpa foret, qui dicentium ex pulpito Magistrorum dicta minus fideliter exceperant. Ubi verò compertum fuit consonare omnes, easdemque ab omnibus positio-

nes excerptas esse, Censuram in eas instruxit, seu verius benignam admonitionem ad eosdem Theologiae Professores, ceterosque Collegii Lovaniensis Jesuitas directam: qua nempe, singulis notatis propositionibus, earumque demonstrata falsitate, ac novitate, suadent meliora consilia; Sanioris atque à Pelagianismo remotioris doctrinae zelum commendant; Majorum exempla, ac potissimum Roberti Bellarmini, qui non ita pridem Lovanii summa cum laude docuerat, ad imitationem proponunt.

Censurae suae varia transumpta ad Belgii Antistites transmisit Facultas, ad Mechliniensem scilicet, Ruremundensem, Ipreensem, Buscoducensem, Atrebatensem, Namurcensem, nec non ad Archiepiscopum Cameracensem, ac demum ad ceteros omnes Belgii Episcopos, & insignia Sedum vacantium Capitula, nec feruit censura columbas. Et enim anno 1588. die 20. Januarii Lovaniensium judicium, data in Lessium Censura longe durior, confirmavit Duacensis Academia, ab Illustrissimis Praefulibus Joanne Hauchino Mechliniensi, Ludovico de Barlemont Cameracensi, Guiljelmo Damasi Lindano Gandavensi sententiam rogata. Censuram ceterorum Doctorum nomine & autoritate adornavit Guiljelmus Estius, sua Orbi Christiano fama notissimus, qui nascentem novitatem innumeris Scripturarum, Conciliorum ac Patrum momentis exagitavit.

Censurae quidem Lovaniensi Lessianas propositiones velut peregrinas, offensivas, periculosas, haeresique vicinas notanti, Jesuitae opposuerunt contrarium judicium Facultatis Trevirensis & Moguntinae. At frustra. Tum quia Facultates istae celebritate & eruditione comparabiles non sunt Lovaniensi & Duacensi. Tum quia Facultates sunt Jesuitarum, qui judices esse nequeunt in propria causa. Scandalum ergo magnum in Universitate Lovaniensi Lessianae creaverant novitates. Unde Henricus Henriquez l. de ult. fine. 12. gratuitam propugnans praedestinationem, Lessium tacito nomine carpit, dicens: *Quidam doctus predicavit in Academia Lovaniensi oppositum, cum magno scandalo Academia, &*

re ad Sixtum V. Papam delata, sustinuit sua temeritatis gravem reprehensionem.

Et quia Lovaniensem Censuram anno 1588. exceperat, ac solito loco affigi jusserat Academia Duacensis, non jubente quidem, sed ita optante, ac per litteras significante Nuntio Apostolico, pax Belgicis Scholis restituta putabatur: cum ecce turbas alias, superioribus nihilo mitiores Duaci excitarunt Societatis Professores annis 1589. & 1590.

Academiae doctrinam (inquit Serrius) Calvinismi palam fugillavit Joannes Deckerius Theologus Jesuita, in suis ad i. 2. D. Thomæ prælectionibus q. sua 4. proposit. 2. *Difficile est (aiebat ille de sententia Duacensium) videre in quo hac sententia differat à sententia Calvinii. Nam Calvinus dicit &c. ... Hac verò opinio dicit &c. ... Quæ sententia duæ, in quo inter se secundum rem discrepent, certè non video &c.* Rursus in dictato quodam extraordinario, ex illis Edicti Sixti V. verbis: *super quibusdam sana doctrina articulis*, suam suorumque doctrinam, ab Apostolica Sede probatam effutiit. Non absimili audacia Physicus Professor in tr. de causis Facultatis doctrinam sub Calvinismi nomine prolixius oppugnavit, cæterique passim, posthabito Apostolici Nuntii Edicto (quo ad impediendas ultiores contentiones ac dissensiones, super materiis controversis ab omni decertatione usque ad judicium Apostolicæ Sedis desistere universis ac singulis præceperat) adversus Academicarum Censuras notata Lessii & Hamelii dogmata tenacius sectabantur. Hinc ergo motus, hinc dissensiones ac rixæ.

Nuntio Apostolico procul absente, rem primo cognoverunt Atrebatensis & Tornacensis Episcopi, qui, indicto Jesuitis silentio, Academicæ Censuræ standum judicarunt, donec controversa dogmata judicasset Apostolica Sedes. Amicam etiam inter partes dissidentes compositionem curarunt mense Februario anni 1591. Eique subscripserunt tam Episcopi illi, quàm Bossemius Cancellarius Duacensis, Guilielmus Estius, Bartholomæus Petrus Linthrensis, necnon Jesuitæ Joan-

nes Deckerius, & Joannes de la Haye Rector Collegii Soc. Jesu.

Quod adeo mirum, ut Societatis viros, in suis servandis finibus adeo expectatos & acres, ei subscrip-  
fisse, miraculi prope loco haberi possit. Sed hanc illis  
subscriptionem (inquit Serrius extorsit causæ necessitas,  
in quam illos Academia Duacensis induxerat, nequid  
illis pejus accideret. Aperta enim in primis atque ex-  
plicitissima lex erat (in tr. de opinionum delectu pag.  
10.) cui illos stare voluerunt Illustrissimi Præsules, ei-  
que repugnare palam pudor erat: *quæ opiniones, cujus-  
cumque Authoris sint, in aliqua Provincia aut civitate,  
multos aut nostrorum, aut exterorum Catholicos, & non  
indoctos offendere scientur, eas ibi nemo doceat aut defen-  
dat, quamvis alibi sine offensione doceantur.* Rursus  
cum ante annos 23. pacto cum Academia Duacensi  
inito, ad docenda Pastoralia duntaxat admissi fuissent,  
hoc est ad Theologiam nudam, qualem simplicium  
Sacerdotum, & Curatorum status exigit, edocendam;  
timendum illis erat, ne, si oblatæ compositioni acquies-  
cere nollent, omni docendi jure interdicerentur: quip-  
pe qui pacta jam pridem inita violaverant, contentiosa  
illa de divinis auxiliis tractatione. Stimulabat & illos  
tam præfracta, tam audax Decreti à Nuntio Apostolico  
læti violatio; metusque erat, ne, siquid hac occasione  
missitarent, admissi delicti poenas luerent. Quare de-  
missio supercilio, oblatæ compositioni specie saltem as-  
sensere, ea tamen conditione verbo additâ: *nisi à Ge-  
nerali suo Præposito improbarentur*; quod illum forte ab  
ipso improbatum iri suspicarentur.

Conditionem, tametsi lepidè festivam, accepere  
sequestri præsules; ea nihilominus lege, ut Præpositi  
Generalis improbatio (si forte accideret) Ordinario loci,  
scripto ac forma juris exhiberetur.

Verum bono licet animo omnia fierent, non diu Je-  
suitas initæ compositionis religio tenuit. Quin potius  
injuriam clanculùm causati, Nuntium Apostolicum  
Colonix commoventem litteris occuparunt Mense ipso  
Februarii die 17. quibus Academiam variis calumniis

im-



impetebant, illustrissimosque pacis sequestros, uti publici juris violatores incusabant.

Erant hæc calumniosæ criminationis capita 1. quod pristinum Edictum in causâ Lovaniensi latum, qua par erat reverentia, debitoque loco minimè vulgasset Academia, hoc est non in fronte Cathedræ Professoris Theologi, sed à tergo, ut à nemine legi observarique posset.

2. Quod ab ea dubitatum esset, an Edictum illud Theologos Duacenses perinde ut Lovanienses adstringeret. 3. Quod eousque desipuisset, ut etiam in quæstionem verterit, an reipsâ à Nuntio Apostolico emanasset Edictum, an à quopiam subdolo impostore. 4. Quod ab illius observantiâ procul abfuisset Academia, ex quo tempore latum erat. 5. Quod conviciis Societatis viros affecissent Academiæ Theologi, novæque in dies jurgia concitarent. 6. Quod tentata ab Illustrissimis Episcopis compositio novas dissensiones commovisset: aliaque id genus conviciorum plaustra, de suscitato Bajanismò, quibus meritissimos Theologos non apud Nuntium tantum, sed & apud viros Principes oneraverant. Hamum voravit Nuntius Apostolicus, falsis expositulationibus circumventus. Rem totam, Cardinali Sfondrato litteris significavit; ac, necdum expectatis Rescriptis, ordinaria Nuntii Apostolici auctoritate usus, Atrebatensem & Tornacensem Episcopos per litteras monuit, ut recentem flammam extinguerent, publicâ Edicti (in causâ Lovaniensi aliàs editi) promulgatione. Id impigre præstiterunt prudentissimi Præsules, non sine aliquo Academiæ sensu: cui plane perspectum erat, ex falsa suggestione mandatum illud extortum fuisse; eamque iteratam Edicti publicationem, cum tacita sui accusatione (quasi in eo aliàs publicando servandoque defuisset) sui que nonnulla ignominia conjunctam esse. At injuriam pati maluit, quàm officio deesse. Edictum nova solemnitate vulgatum, nova venerationis & observantiæ significatione osculata est.

Interea Nuntius Apostolicus novo Edicto, quo prioris observantiâ jubebatur, in Academiam Duacensem,

falsis ab adversa parte criminationibus appetitam animadvertit, durioresque ad ejusdem Rectorem epistolas dedit, universo Theologorum Ordini communicandas. Verum novi istius Ediſti promulgationi interceſſit Academia, quod illud à Judice falsis documentis, & adversæ partis artibus circumvento latum certò sciret. Ea tamen animi modestiâ se gessit, ut nihil de sua in Nuntium Apostolicum veneratione remitteret. Prolixas ad eum litteras misit 13. Augusti 1591. adjunctis publicæ fidei instrumentis, quibus æmulorum criminationes diluebat. Rerum gestarum seriem aperuit, suam in veteri Ediſto servando religionem probavit: omne in Jesuitas accusatores crimen rejecit, rogavitque supplex, ut factâ tectâ manente amica compositione, ab Episcopis Atrebatensi & Tornacensi gravissimis de causis initâ, mutuoque partium assensu susceptâ, ab hujusce novi Ediſti promulgatione superfederet. Epistolam hanc totius Theologici Ordinis nomine scripsit Guilielmus Estius, vir omni laude superior, pietate, eruditione, religionis zelo commendatissimus.

Hæsit ad hæc Nuntius Apostolicus, nihilque quod sciamus ab Academia Duacena postulavit, jussitque, deinceps acceptis epistolis. Quare nec ex juris formulis Ediſtum illud secundum vulgatum unquam, nec in publicos Academiae Commentarios relatum est.... quo circa effectum est, ut prisce Belgicarum Academiarum Osores, qui qualibet ex re criminandi occasionem arripuere, nodumque quolibet in Scirpo, quæsiere, primum quidem Octavii Ediſtum ad sua Instituta detorserint; ab hoc tamen secundo proferendo prorsus penitus temperaverint, quod illud effectum caruisse satis nossent.

Ad Censuram Lovaniensem redeundo, eam quidem recentium Societatis Theologorum Moraines, Pauli Leonardi, Henao, Annati &c. scripta, de divina gratia tractantia, contendunt, à Sixto V. fuisse proscriptam, uti maleferiatum opus, & abortivum Bajanæ Factionis partum. Id verò qua parte conentur extundere? mirum dictu! Animadverterunt scilicet viri boni tum Sixtum

V. in Brevis Pontificio ad Octavium Nuntium suum de die 5. Aprilis 1588. tum Octavium in Decreto, ortam Lovanii controversiam significasse, de *quibusdam sana doctrina articulis*; ac protinus, quasi ridente Minerva, ac secundo sibi favente Mercurio, hæc ad Leonardii Lessii designandam doctrinam misere detorserunt; eamque propterea uti *sanam* à summo Pontifice, ejusque Nuntio judicatam jactitarunt. Rursum, indictum Academiæ silentium, quasi non itidem Societati jussum esset, damnationis loco reputarunt, indigna plane atque injusta facti dissimulatione; ac demum Michaelem Bajum (cujus propositiones aliquot Pius V. & Gregorius XIII. prædamnaverant) è Lovaniensibus Censoribus unum animadverterunt, eoque modico fermento totam Academiæ massam corruptam conclamarunt.

Non opus hic morari, quæ ad primam criminationem confutandam scripsit recens Belgicarum Censurarum Apologista, legendum scilicet *sacra non sana doctrinæ*. Tamen enim legendum sit, *sana doctrina*, non idè Lessii commendata doctrina, aut Lovaniensium prædamnata Censura putanda est. Ea quippe loquendi ratione controversiæ Academiæ inter & Societatis agitatæ argumentum indigitatur. Cum enim non de philosophicis, sed de Theologicis quæstionibus ageretur, soleatque Theologia sacræ doctrinæ nomine nuncupari: hinc de quibusdam sacræ doctrinæ articulis ortæ controversiæ dici potuerunt. Cumque rursus repugnet id sanum non asseri, quod sacrum merito dicitur; quidni quoque super *sana doctrina* articulis ortæ controversiæ dictæ fuerint? Hoc itaque sibi voluit unum Pontifex Maximus, de rebus Theologicis Lovanii controversiam emerxisse.

Quamquam si eâ loquendi ratione, non ipsa per se controversiæ materia, sed alterutrus partis doctrina designata fuisset, quo, quæso, jure, quoque titulo, id in rem suam Jesuitæ præ Lovaniensibus verterent? Certe dum controversiam ortam significat Sixtus V. de *quibusdam sana doctrina articulis*, ne verbulum quidem

insinuat, quæ pars *sanam* illam doctrinam profiteretur. Pari itaque sorte, si quid inde lubet extundere, verba hæc suas in partes trahere possent Lovanienses ac Jesuitæ.

Verùm iis omiſſis, non ita operosum erit primæ hujus in Lovaniensem Censuram criminationis iniquitatem aperire, ex ipsis solis Nuntii Apostolici delegationis instrumentis, antequam Censurarum Belgicarum auctoritatem, petitis aliunde monumentis demonstramus.

Quæ etenim, amabo! ratio, quæ forma juris patitur, ut in ipso Pontificis Brevi, quo utrique parti æquè silentium indicit, causam judicandam ad se vocat, instrumenta partium ad se transmitti jubet, facti cognitionem postulat, ut controversiam tandem authore Spiritu Sancto definiat, partem alteram unius appositione voculæ prædamnaverit? Facti repugnantiam vehementer auget temporum observatio. Datum quippe fuit Sixti V. Decretum 15. Aprilis 1588. Censura autem Lovaniensis non ante diem Mensis ejusdem 28. ab Octavio Romam transmissa est, nec nisi sub finem Maii summo Pontifici reddi potuit. Quî ergo contentam in eo Decreto Lovaniensis Censuræ damnationem fabulantur, damnatam nobis à Sixto V. Censuram obtrudunt, quo illam tempore nec legerat, nec expenderat? Quod quam verisimile sit, judicent eruditi.

Sed & Nuntius ipse, Pontificiæ voluntatis dignus Interpres, quique iis verbis *sana doctrina* pariter utitur, suo in Decreto profitetur, Romanam Ecclesiam neutrius partis damnasse sententiam, alterutramque Censura aliqua notare vetat, donec controversia Authoritate Pontificia fuerit definita. Num, quæso, illud necdum ab Ecclesia damnatum dixerit, notarique vetuerit, quod Brevi suo Pontifex prædamnasset?

Quinimo post datum illud Sixti V. Decretum, Censuræ suæ defensionem edidit Academia Lovaniensis, Lessique doctrinam novis confutavit argumentis, præsentente ac volente Nuntio Apostolico. Ut quid autem passus esset ille, Lovanienses denuo coram semetipso  
candem

eandem solemniter doctrinam profiteri, quam Pontifex ipso delegationis suæ Decreto proscripisset; eamque rursus, uti peregrinam, offensivam & periculosam publicè confutare, quam idem veritatis Arbiter approbasset? Mirum!

Secunda, de imposito Academiae Decreto silentio, criminatio sua ipsius levitate dissipatur, & evanescit. Nam & Societati æquâ forte indictum est, non spectatis quidem controversæ doctrinæ meritis, sed vitandæ contentionis studio, donec rem Sedes Apostolica definiret. Quid hinc porro Jesuitæ sibi præ Lovaniensibus arrogant? Rebus enim ita in suspensio positis, stat utriusque partis æqua conditio, iudicii Ecclesiastici spectata ratione, nulliusque propterea definita vel damnata sententia censenda est. Quamquam tamen sua unicuique doctrinæ servanda prærogativa ex assertoribus, authoribusque petita, sic ut Lessiani articuli nonnisi privati viri opinionationes habeantur; Lovaniensium verò Censuræ tanquam venerandi Ordinis assertiones excipiantur, cujus est doctrinale de rebus Theologicis iudicium ferre. Hinc Bastidam, indicti silentii prætextu objectam sibi Censuræ Lovaniensis Authoritatem declinantem, non semel coram Clemente VIII. Lemosius exagitavit, quod eam meritissimis Patribus venerationem in lato doctrinali iudicio non exhiberet, quam tanti fama nominis postulabat.

Tametsi attenta instrumentorum lectione satis innotescat, nec Brevis Pontificio, nec Nuntii Apostolici Decreto, plenum absolutumque silentium partibus indictum, sed circumspeditione aliqua temperatum esse. Pontifex quippe à *contentionibus*, *dissensionibus*, *decertationibus*, *dissidiis*, non à publicis lectionibus abstinendum injunxit. Nuntius vero neutri parti vetuit, ne sua sedate & pacifice sentirent ac legerent, sed statuit, ut utrique parti *maneat sua sentiendi & docendi libertas, servata utrimque Christiana in eruenda veritate modestia, depulsiisque hinc inde injurijs ac invectivis, privatis publicisque contentionibus*. Firmioribus non stat fundamentis tertia contra Lovaniensium criminatio. Quid enim

enim (prosequitur Serrius cap. 7.) si Censores inter federit Michaël Bajus , à Pio V. ante annos viginti damnatus ? Nunquid universum Theologicum Ordinem , obtorto veluti naso ductum , privati cujusdam hominis studia æmulari , eique jam pridem illatæ calumniæ vices Societati rependere voluisse putandum erit ? Aut Academiam Duacensem , omnesque pene Belgii Episcopos , Lovaniensis Censuræ vindices ( quibus nihil unquam commune cum Bajo fuerat ) malo in Societatem animo actos , ac vindictæ facibus animatos existimabimus ? Absit.

Alius certè erat , ætate illa , non Academicarum modo , & Episcoporum , de quibus talia sentire sacrilegum est , sed & ipsius Michaëlis Baii animus , alia voluntas. Illatum enim vulnus non sola diuturnitas temporis obdlexerat , sed eximie virtutis , summæque humilitatis sensus , quo Sedis Apostolicæ judicium absque ulla prorsus criminatione amplexus , quieverat. Adeo ut non tam læsa sit ea damnatione doctrinæ illius fama , quàm aucta pietatis ac Religionis opinio : cui Scriptores Ecclesiastici , etiam ex ipsa Societate , Palavicinus histor. Conc. Trid. l. 15. c. 7. Toletus , Possévinus , Valerius Andreas &c. illustre perhibent testimonium.

Unius Theophili Raynaudi verba dare sufficiet , qui ut rugosæ frontis , & obducti supercilii Censor esse solet , in laudando viro minus Societati propitio , fidem sibi facilius conciliabit. In clausula Operis de libris configendis n. 571. de humilitate post justam confixionem tenenda sermonem habens , *quo in genere* , inquit , *Michaël Bajus aeternum quibusvis scriptoribus exemplum sapientia ac virtutis statuit. Cum confixis à Francisco Toletio per Pontificem ad id delegato , nonnullis ejus libris , oblatæque Censuræ , an acquiesceret rogatus , malle se dixit porcos pascere , quàm cujusque per Ecclesiam delecti Judicis de Descriptionibus suis pervicaciter oblitari.*

Quare nec Octavius , Apostolicæ sedis Nuntius , Lovaniensis dissidii diligentissimus cognitor , ullam de  
me-

meritissimis Censoribus factionis, coitionisque suspicionem habuit, sed illos uti religioso zelo ductos excepit. Nec qui Societatis partes egere in Congregationibus auxiliorum, objectamque sibi Censuram Lovaniensem ægrè tulere, eam doctissimis viris injuriam irrogarunt. Sed & aliis pluribus argumentis cap. illo 7. Serrius ad oculum demonstrat, Censuram Lovaniensem iniquis Baii artibus minime tribui posse.

Censurarum itaque Belgicarum illasa permanet auctoritas, à magna parte Inferioris Germaniæ Episcoporum comprobata. Unde nisi totius causæ cognitionem ad se vocasset Romanus Pontifex, Concilii Nationalis judicio, velut Semipelagiana proscripta fuisset novo-antiqua Societatis doctrina, uti Serrius probat c. 3. Tot verò Episcoporum judicia instar luculentissimæ approbationis haberi religio vult. Idèdque plurimùm diversa fuit Lessii, Censorumque Lovanienfium apud Romanos Pontifices fortuna: cum prior, proscriptæ à Lovanienfibus doctrinæ Patronis, à Sixto V. acrem temeritatis suæ sustinuerit reprehensionem, Henricus verò Gravius, Censuræ Lovanienfis author, ab eodem Pontifice ob exquisitam eruditionem adscitus à Gregorio XIV. Successore ipsius honorificè in Aulam exceptus, Bibliothecæque Vaticanæ & Apostolicæ Typographiæ præfectus sit institutus.

Nec Romanis minus probata fuit Guilielmi Estii, Censuræ Duacenæ Authoris, eruditio. Propter eam quippe de controversis divinæ gratiæ quæstionibus ab Illmo. Armachano, quo tempore sub Clemente VIII. Romanis Congressibus aderat Censorum & Consultorum primus, consilium rogatus fuit. Unde in Congressibus istis seu Congregationibus de auxiliis, teste P. Gregorio Nunnio Coronello, Congregationum Secretario, commendata, novisque, reprobatis, periculosisque Molinæ opinionibus coram Paulo V. opposita fuit Lovanienfis Censura die 14. Septembris 1605. *Cum Doctores* (inquit) *Facultatis Lovanienfis verbatim excerptas triginta & eo amplius propositiones, à Professoribus Societatis in suis prælectionibus traditas in eadem Civitate Lovanienfi, di-*

ligenter considerassent, illas peregrinas & periculosas iudicantes, habito hac de re maturo consilio, ne quid leviter & temerè credidisse viderentur, quosdam ex suis ad Professores Societatis miserunt, ut cum illis conferrent, & an prædictas propositiones pro suis vellent agnoscere, intelligerent. Cum autem prædicti Professores, illis inspectis, in sententia sua peristerent, Doctores Facultatis graviter commoti sunt, quod sibi cernere viderentur præcipuum illud de gratia Christi, & divina prædestinatione argumentum, novis, jam diu reprobatis rejectisque periculosis opinionibus corrumpi, & turpiter infici. Unde ad illam dignam adhibuerunt Censuram.

Cardinalis quoque Baronius, in exquisito Codice, propria ipsius manu scripto, in Cardinalis Riccii Bibliotheca asservato, eandem Censuram laudat ut gravem; & quemadmodum Academia Lovaniensis Lessianas, sic ipse Molinianas plurimum improbat novitates: quæ & olim Romæ & in Hispania excitarunt, & nunc in Ecclesia universa graves excitant rixas ac dissensiones. Legi (inquit Baronius in epist. ad Archiep. Vienne.) Molina libros, sed non sine stomacho, cum in illis, nihil potentius præ se ferat, quam S. Augustino adversari.... eumque oscitantia arguere, seque illo in disputationibus vigilantiorē acutioremque jactare. Vah superbum caput! Quis potest eum talia loquentem absque nausea tolerare? Licet ut anguis effugiat, & è manibus facile elabatur, ut etsi temerarium quis inveniat, haud facile possit hæresis convincere & sugillare: non hujusmodi commentatoribus indiget Ecclesia, quæ puritate, candore, nitore delectari tantummodo consuevit, ipsa non habens maculam neque rugam. Legi (inquam) eum, & ad quinquaginta & amplius notari propositiones, verba, phrasas, quæ vel saltem affines esse erroribus Pelagianorum, sive Semipelagianorum (licet ipsis cautius, intra Catholicæ fidei limites, vel protestando saltem, se contineat) nemo puto, qui absque affectu illa perlegerit, negabit omnino. Quid Ecclesia Dei indiget hujus Molinae libris, ut discat quæ à tot Sanctis Patribus, Conciliis, atque Decretis, jam ante tot sæcula didicit atque docuit? Quod ad id ipsum



D. N. Clementem VIII. Papam attinet, hoc ipsi in proposito est, hoc in voto, hoc denique in Decreto, ut nec ad latum unguem à vestigiis Prædecessorum suorum recedat, sed iisdem instet quam firmissime. Scrivit plane tot sanctos Pontifices, Innocentium, Sixtum, Calestinum, Hormisdam, ac denique Falicem, cuius sunt. Canones Arausicani Concilii, hoc professos suis scriptis esse, atque testatos, Romanam Ecclesiam, in iis quæ spectant ad gratiam & liberum arbitrium, sequi semper consuevisse S. Augustinum. Testatur equidem id tot idem verbis Hormisdas suis litteris, adeo ut alio iudicio opus non sit, cum jam præjudicatum sit.... Monui RR. PP. meos Soc. Jesu, ne æstimationem suam in defensione librorum Molina periclitari sinant, & in discrimen adduci.

Hujus epistolæ fidem facit Petrus Matth. Histor. septem annorum pacis l. 7. narrat. 4. Eleutherii in eandem epistolam nugas, officias & commenta solidè refellit Serrius l. 5. sect. 3. c. 5. edit. 2.

Quid verò de eadem novo-antiqua Molinæ doctrina Henricus Henriquez Societatis Doctor, & Suárezii Magister? Enatis in Hispania dissidiis longè gravissimis de ista Molinæ doctrina, contenta in libro Concordia nuncupato, de doctrina utique Augustinianæ de gratiæ per se efficacis ad singulos actus pietatis necessitate adversantis, ab Augustissimo S. Inquisitionis Senatu sententiam suam dicere jussus, anno 1594. sic censuit; Licet Author admittendus videatur, ut apud Censores purget se de vehementi suspitione hæresis Pelagianæ, cui sæpe favet, & monitus non desistit: liber tamen dignus est ut omnino prohibeatur: nec enim purgari potest: cum passim infinitis locis scateat periculosis & erroneis doctrinis. Nam parat viam Antichristo; dum contra merita Christi, & gratiarum auxilia, ac prædestinationem, plurimum tribuit viribus naturalibus liberi arbitrii.

Illam novitatem concordie, quam sibi Author arrogat, asserens etiam Sanctos Augustinum, Thomam, & reliquos Patres, imò & Pelagium, aliosque hæreticos, si advertissent illam, fuisse sibi consensuros.... blasphemè & inverecunde, more hæreticorum, bellicat contra SS. Patres sapien-

pietissimos, & illas eorum sententias, quas Theologi certas & indubitatas asserunt, ait Author esse periculosas, & esse occasionem multorum errorum, imo tollere libertatem arbitrii nostri, neque à Conciliis fuisse veritatem de prædestinatione, & gratia, & libertate arbitrii, declaratam, aut plane intellectam antequam author hunc librum conderet. .... In speciali de concursu generali Dei asserit quadam nimis falsa, aut temeraria. De gratia & auxiliis ita diminutè agit, ut periculose aditum prabeat erroribus Pelagianorum, aut reliquiis illorum, qui dicuntur Semipelagiani.

Et in altera Censura anno 1597. jussu Clementis VIII. edita: Cùm essem in Academia Salmanticensi, mandatum mihi est anno 1594. ut scriberem quæ adverteram circa librum de Concordia liberi arbitrii, gratiæ & prædestinationis Ludovici Molina &c. Mihi verò id quod observavi ad Senatum S. Inquisitionis Hispaniæ, designans questionem, disputationem, paginam, & cujusque pagina lineam Authoris; deinde breviter addens notam Censuræ. Eadem cura commissæ est viris doctissimis in Hispania, quibus doctrina fere tota libri visa est suscitare antiquos errores Pelagii & Semipelagianorum, de vi naturali liberi arbitrii, ut possit homo certò credere omnibus mysteriis fidei, imple-re omnia præcepta moralia, vitare omne peccatum mortale contra illa, & resistere omnibus tentationibus, etiam difficilibus, habere dilectionem Dei super omnia, & contritionem de omnibus peccatis, idque per naturalem vim liberi arbitrii, sine ulla necessitate auxilii prævenientis, satisque esse concursum Dei concomitantem. Quem quidem explicat esse concursum causis etiam naturalibus communem. Eum vero dici auxilium gratiæ, quia datur sine merito hominis. Deum non providere (id est prædefinire) singula bona moralia, aut supernaturalia, nec prædestinasse homines adultos, & Angelos qui salvantur, nisi quia in signo rationis Deus præscivit hunc & illum bene usurum vi naturali arbitrii, aut etiam auxilii, & præscivit hunc ita bene utentem decessurum in gratia, & tunc dici prædestinatum. Nam si Deus, ante præcognitum eum usum liberi arbitrii, prædestinasset aliquem, aut in tem-  
pro

pore contulisset auxilium efficax praeveniens, non relinqueretur, inquit, in homine libertas arbitrii. Quae doctrina, si à viris astutis & potentibus alicujus familia defendatur, adferet periculosum discrimen. toti Ecclesiae, & ruinam multis Catholicis. Eleutheri objecta contra istius Censurae veritatem & soliditatem, partim falsa, partim futilia esse demonstrat Serrius l. 1. c. 17. & l. 5. Sect. 3. c. 1. Edit. 2.

Eapropter Belgicis Censuris nihilo mitiores fuerunt Molinianarum novitatum illarum Censurae, quas Universitates & Episcopi Hispaniarum, à Cardinale de Quiroga Inquisitore Generali, sententiam rogati dedere. Quemadmodum & Romae S. Congregatio de auxiliis dedit post decem prope annorum examen, septies repetitum, etiam in judicio contradictorio, prout idem Serrius in laudata Historia ex actis authenticis luce clarius demonstrat. Et Clemente quidem VIII. ad superos vocato, Paulus V. meditatum à se adversus easdem novitates judicium, laudatae Congregationis judicio conforme, in suspenso posuit, & commodiori tempestate à se promulgandum pollicitus est. Neque tamen citra temeritatis notam, propterea quod necdum promulgatum sit, easdem novitates censeri queunt approbatae: siquidem silentium istud Romano-rum Pontificum approbationis loco jactare, hominum est nimis audacium (ait Illustrissimus D. Carolus Mauritius le Tellier, in Decreto ad Remensem Academiam directo die 15. Julii 1697.) qui sedem Apostolicam Protestantium calumnia committunt, qua eam de contempta jam tandem Augustiniana doctrina, novisque Molina inventis in animum inductis accusant. Quare cum Gabriel Thirioux è Soc. Jesu Theologus in Thesis die 5. Decembris 1696. in Remensi Collegio defensis asseruisset, (quod) doctrina Ludovici Molina... ita ab errore Calvinii, aliorumque hujus aetatis sectariorum recedit, ita ad opinionem Pelagianorum nullo modo accedat. Et ideo tam valide impetita, toties à diversi generis hostibus impugnata, & coram summis Pontificibus tam diligenter agitata, tamquam aurum in fornace probata, purior

rior inventa est, ut ait *Maurolicus*, & cum honore ex tot disputationum fluctibus emerfit) temerariam ipsius audaciam Illustrissimus repressit dicens, quod quantumlibet hujus *Thesis* Author in despicienda futileque *Maurolici* sui autoritate fidem ponat, ferre nullatenus possumus eam, immoderatis adeo laudibus doctrinam efferrī, quæ ex ipsa sui origine sinistra ut minimam suspicionis labem incurrit. Quod & ex antedictis, & probatissimorum hujus ætatis Scriptorum suffragio perspicuum est, maxime verò ex *Cardinalis Baroni* Epistola, cujus acre judicium magni apud omnes ponderis est. Tantum igitur abest, ut *Molina* doctrinam, velut Ecclesiæ approbatione dignam excipere liceat, quin potius illum ipsum, veluti virum propriis figmentis caterorum Novatorum more delectatum habere necesse est, ejusque doctrinam infausta novitatis & audacia labe ab ipso sui authore notatam exhibilare. Et post multa laxiora *Molinæ* dogmata exculta eruditione confutata, adversus superiorem *Gabrielis Thirioux* assertionem, quæ tertiæ columnæ prima erat, ita pronuntiat: iis de causis, aliisque gravissimis bene multis, invocato Dei nomine, re maturius expensa, auditis S. Theologia Doctoribus eruditissimis, sapientissimis, & in Episcopali dignitate constitutis, damnavimus, atque damnamus primam propositionem tertiæ columnæ *Thesis* habita die 5. decembris ultimo elapsi, quam & hic supra retulimus, uti falsam, temerariam, scandalosam, captiosam, & inducentem in errorem.

Merito quidem, quia de *Molinæ* doctrina longe durior fuit Censura Congregationis de Auxiliis, uti constat ex actis illius propria Secretariorum manu subscriptis, in laudata Historia à *Serrio* laudatis; quibus licet publica & authentica fides adhibenda non sit, defectu legitimæ promulgationis, juxta *Innocentii X.* Decretum; fides tamen historica deneganda non est, dum à viris gravibus & notæ probitatis referuntur, prout nec deneganda est fides historica Actis sacrarum Congregationum, *Cardinalis Præfecti* ac Secretarii Chirographo, sigilloque non munitis, tametsi *Urbanus VIII.* Decreto sancitum sit, hujusmodi declarationi-

b<sup>us</sup>, tam impressis & imprimendis, quam manuscriptis, nullam fidem esse in judicio, & extra, à quoquam adhibendam, sed tantum illis qua in Authentica forma, solito sigillo & subscriptione Eminentissimi Cardinalis præfecti, ac Secretarii Chirographo sigilloque munita sunt, dum earum veritas à viris gravibus, & notæ probitatis, v. g. à Fagnano, Barbosa, Jordano, Antoniello, Lezana, Pignatello asseritur, declarationesque illæ, ut veræ, ex ipsis Autographis eorum ad jus Canonicum commentariis vulgantur. Enimvero Romani Pontifices per similia Decreta fidem censuris vel declarationibus illis non auferunt, quam ante habebant (siquidem facti causa infecta nulla Constitutione fieri possunt l. in bello §. facti ff. de captivis & postliminio revertis) sed quam reipsa non habebant, non habere denuntiant. Atqui veritatem Censuræ, seu Censurarum & Actorum Congregationis de Auxiliis, testantur viri graves & notæ probitatis, scilicet Cardinalis de Noris, qui visam à se supra laudatam Clementis VIII. Orationem, Molinianos tam belle defricantem, ipsius manu exaratam, lectaque ex integro Coronelli istius Congregationis Acta Manuscripta diserte testatur. 2. Illustrissimus D. Philippus Vicecomes Episcopus Catalensis, qui hoc idem testatum reliquit in notis ad cap. 4. libri S. Augustini vindicati. 3. Illustr. D. Jacobus Boonen Archiepiscopus Mechliniensis, cujus ista sunt verba: *Paulus V. Bullam componi jussit, cujus habeo exemplum, & Autographum in archivis Pontificiis Romæ asservari fide digni testes affirmant.* 4. Illustr. D. Carolus Mauritius le Tellier Archiepiscopus Dux Remensis, qui delineatæ contra Molinam Constitutionis Pontificiæ, in suspenso positæ, & in commodiorem tempestatem dilatae mentionem facit, in celebri Censura, anni 1697. 5. Joannes Mabillonus Benedictini Instituti, Reipublicæque Litterariæ decus ingens, qui visà à se, dum Romæ degeret, omnia acta Autographi Congregationis de Auxiliis, sub Clemente VIII. & Paulo V. proficitur in Museo Italico. 6. Carolus Riccius, Angelicæ Augustiniensium Bibliothecæ & Archivi præ-

Etus, qui recitatam à Coronello coram Paulo V. rerum omnium sub Clemente VIII. gestarum narrationem à se cum ejusdem Autographis collatam, dato Chirographo testatus est. 7. Dominicani complures, Carmelitæ Salmanticenses, Jacobus Gibiuffus Oratorii Berulliani Presbyter, qui jam tum ab anno 1630. nonnulla actorum istorum fragmenta in tractatus suos Theologicos transtulerunt. Illosne omnes Jansenianos Jesuitæ de more dicent, & sacra etiam capita familiari illa infamiæ labe aspergent? Ipsa utique divinorum Auxiliorum Acta non nisi à Jansenianis exscribi, laudari, commendari, ubique conclamant: belle sane reponit laudatissimus Serrius: *Agite, & me jam, quod hac ipsa acta laudarim, plenis buccis Jansenianum appellate; per me licet, nihil modo convicio moveor: Id à vobis dici, quod illis, non solum infamia non est, sed gloria cumulus.*

Non ex uno itaque illo Innocentii X. interdicto colligi potest falsitas historica Actorum illorum, de quorum veritate tam celebres & tam illustres viri testantur: primigenij, quos Serrius in historia sua refert, Codices adeundi sunt, & videndum bonave an mala, vel merito suspecta fide referantur. Quod posterius tanto minus credibile est, quanto verius, quod præter Actorum Autographa, alia etiam documenta propemodum infinita, totâ pene historiâ fideliter recitet. Malam potius Jesuitarum fidem Serrius demonstrat, ex eo quod malorum litigatorum more in judicio victi, tam multa in judices convicia jecerint, eorum suffragia rationibus destituta, affectibus præcipitata, ac adversæ partis artibus extorta criminantes, rejecta instrumenta, contemptos Libellos, spretas chartas, otiosis lectoribus ingerentes; ab iniquis tandem, uti prætenderunt, cognitoribus, ad æquos rerum æstimatores à decreta sententia ad ipsâ causæ merita provocantes, prout tota passim historia sua Eleutherum factitare Serrius toto lib. 5. ad oculum ostendit. Quas enim (inquit) molestias Clementi VIII. non intenterunt, ut ipsum à ferenda contra Molinam sententiâ deterrerent?

Ipsi

Ipsi timorem incutere conati sunt, clamoribus magnis Romanam Curiam implentes, de odio, Consultorum partialitate, & insufficienti ad rem tantam peritia calumniantes, deque turbis magnis orituris, si Molina damnaretur, de necessitate Concilii œcumenici ad rem tantam definiendam, ita ut sua Sanctitas jure quereretur dicens: *Adeo me isti perturbant, ut pene mentis errore ex perturbatione me afficiant.* Sententiam quoque Congregationis Valentia velut Calvinianam & Lutheranam traduxit. Cumque Augustinum in Molinæ partes trahere vellet, *corrupt ejus authoritates; nec minus impudenter, quam temere plura alia asseruit.* Verba sunt Secretarii publicis actis inscripta. Cumque petita responsionum suarum exemplaria tradere negligerent Jesuitæ, eos ipse subridens: *Profecto mirum est (inquit) quod Reverentia vestra clamet millies, quod Molina non audiatur, & nunc id ipsum vos omnes etiam clametis apud Principes, & nihilominus non possumus à vobis impetrare exemplaria, ut expendamus vestras rationes. Acriorem audacia sue Censuram tulit Gregorius de Valentia (ait Sertius l. 2. c. 19.) quod non Prædicatores modo, sed & Censores ipsos Lutheranismi notasset, minusque modeste dicendo se gessisset, ita ut Consultores omnes mirabantur hominis temeritatem in corrumpendis quibusvis Scripturis, & impudentiam in loquendo.*

Nec Sanctissimo ipsi Domino Papæ Clementi VIII. pepercerunt, utpote quem malo in Societatem animo fuisse, ab Hispanis in Prædicatorum gratiam circumventum, minus pro dignitate argumenti eruditum, Molinianæ doctrinæ, ac præsertim Scientiæ Mediæ mysteria non satis edoctum, tritis obmurmurationibus suis questi sunt.

Quid vero Sanctissimo D. N. Paulo V. Claudius Aquaviva Societatis Generalis? Cum sub ipso jam instructum esset Pontificii diplomatis specimen, Molinæ damnans doctrinam, Claudius Aquaviva Societatis Præpositus Generalis; liberali audacia Pontifici denuntiavit, se, si forte Sanctitas sua eam infamiæ notam Societati inureret, deua Jesuitarum millia præstare non

posse, qui contumeliosa & indecora Apostolicæ Sedis Authoritati non scriberent, prout ex manuscripta controversiarum istarum Historia à Jesuita Possino elucubrata, testatur nuperus Scriptor libri Gallice inscripti „Etat du Siege de Rome, id est “Status Romanæ Sedis to. 3. pag. 28. in Clemente VIII.

## SECTIO SECUNDA.

*De Turbis per Jesuitas in Ecclesia fuscitatis à tempore Congregationum de Auxiliis.*

Visum est sectione prima quod turbas in Ecclesia magnas, & tumultus Jesuitæ fuscitarint tempore Congregationum de Auxiliis, Romanam Curiam clamoribus implendo, molestiam Pontifici creando, Congregationis Consultores calumniando, totam fere Europam, seu illius Principes in sui patrociniū commovendo, Academiamque Parisiensem pro se stare mentiendo &c. ita ut ipsos omnia audere Pontifex conquereretur. Nec verò Pontificio decem annorum examine contenti, Academias consulendas, imo & Concilium generale convocandum conclamarunt, ut de Molinianis dogmatibus (ad fidem pertinentibus) judicaret (aliās inqueiebant, timendum, ne Pontificiam definitionem Academiæ parvifacerent, novoque discrimini Ecclesia committeretur) ita ut illi ipsi, qui tanto nunc studio & zelo Pontificii judicii in facto Janseniano definiendo infallibilitatem tuentur, ipsius in dogmatibus illis fallibilitatem tunc credidisse convinctur, idque conclamasse verbo & facto: verbo, dato ad id Paulo V. libello. facto, ut quid enim Academias audiendas, & Concilium Generale congregandum vociferati sunt, si absque illis Pontificem in definiendo infallibilem crediderunt? Ut quid insuper Molinam ipsum audiendum prætenderunt? Ut quid tot strophis & adinventionibus Pontificiam definitionem eludere, retardare, & impedire conati sunt? Ut quid institerunt, & à Magnatibus urgeri curarunt, ne causa sub Paulo V. post



post tot sub Clemente VIII. examina resumeretur? Ut quid denique usque adeo ipsis curæ fuit ne conclusa à Paulo V. causæ definitio, definitivaque Constitutio promulgaretur? Ista profecto indicia non sunt hominum sincere amantium & quærentium veritatem, credentiumque in ea definienda infallibilem Spiritus Sancti assistentiam Pontificiis ex Cathedra definitionibus nunquam deesse. Hæc quisquis sincerè amat & quærit veritatem, sincerè quærit & amat eam cognoscere quam certius fieri potest. Cujus etiam insinceritatis argumenta alia plura in Congregatione de Auxiliis præbuerunt, dum adduci non potuerunt, ut propriam de divina gratia mentem aperirent, id jubent Cardinale Madrucio, sed mandatum ipsius lepida circulatione, non semel declinarunt, morasque traxerunt, diverticula quæsierunt, ne mentem aperirent; ita ut Prædicatores adversus ipsos quasi in domesticæ Scholæ doctrina exponenda minus, sinceros expostularent, Congressusque coram Censoribus, quoad possent, declinarent.

Sed & post finitas de auxiliis Congregationes, cum Paulus V. occultatis rationibus permotus, Pontificii diplomatis promulgationem misisset in aliud tempus, atque interim partibus dissidentibus, futuri judicii expectatione suspensis, vetuisset, ne quis in hujusce argumenti tractatione *partem alteram nota aliqua, vel censura notare* auderet: novas in Hispania turbas Jesuitæ concitarunt, dum audito hoc nuntio, falsis reportatæ victoriæ rumoribus plebem universam adeo occuparunt, ut Prædicatores digito pene monstrarentur. Nec ipsis hujuscemodi mendaciis (quippe sententiam jam à se latam esse, nec se judicium laturum, sed jam latum opportuno tempore promulgandum rescritto suo edixerat) plebem alere satis fuit, verum etiam Salmanticæ, Vallisoleti, Valentia, Villagarcia, Toleti, publicis gaudii significationibus victoriam sibi accinuerunt, feriis utique studentibus triduo indictis, volatilium ignium festivis apparatus, publicis fabularum actionibus, tauris per plateas & vicos agitatis, triumphalibus arcubus magna mole positis, quorum in fron-

te aureis litteris incisum erat, *Molina victor*. Imo non defuere qui varias inter Molinæ laudes Sacros ei titulos deferendo, victoriam *hujusce Sancti Patris* meritis adscriberent. Eos inter Antonius Montelinus Soc. Jesu in Epistola ad Joannem Gasco, Dominum de Rioseco, *Summus Pontifex* (inquit) *Societati litem adjudicavit..... Jam tandem Oraculo Pontificio Ludovici Molina.... doctrina vera atque Catholica.... pronunciata est: atque idcirco adversa sententia, quam profitentur Prædicatores, hæretica, aut certe suspecta putanda erit &c.*

Verum non diu penes vanos triumphatores mendacii sui stetit usura, Romam de eo querelam quantocyus Prædicatores pertulerunt. Quibus auditis Franciscus Pegna, Rotæ Romanæ Decanus, ad secretiorum suæ Sanctitatis audientiam admissus, exposuit, *Hispania regnum perpetuo schismate discissum iri, nisi intra breve tempus, quam promiserat sanciti judicii promulgationem palam faceret, Regem Catholicum hac unâ imminentis, ut confidebat, promulgationis expectatione etiamnum ali, qua sola hujusmodi hominum audacia coerceri posse videbatur*. Novas demum in dies detegi nonnullorum artes, qui Pontificiæ Authoritati petulantius obloquerentur, ad Concilium Generale pro finienda controversia provocandum existimarent.

Regi Catholico ab Hispaniarum Oratore suo nomine rescribi jussit Paulus V. multum abesse, ut suo illo Rescripto litem Jesuitis adjudicasset, cum eorum doctrinam nequidem ut probabilem admisisset. Idque sibi à Pontifice non sine stomacho dictum in adversariis suis testatur clarissimus Pegna. Denique Hispanis Episcopis, Inquisitoribus, cæterisque viris religiosi ab Oratore Regio, Pegna & Thoma de Lemos, communem epistolam rescribi jussit Sua Sanctitas, ejusque formulam sibi in antecessum exhibitam atque in hunc modum emendatam, mitti voluit: *Legi quæ scripsit Dominatio vestra circa Auxiliorum controversiam. Obstupesco vehementius, quod contra Sanctitatis suæ mem-*  
*tem*

tem hujusmodi fabulas dictitare, atque in vulgus spargere audeant. Certissimum quippe est nihil à S. D. N. definitum esse, (definitione utique ultimata, five formalitatem omnem juris habente,) imo post reservatam sibi determinationem, eam etiamnum animo meditatur & tractat. Quapropter qui oppositum affirmant summa impudentia rei sunt, & injuria, qua Sanctitati suae & Apostolica Sedi irrogatur. Hoc unum est, quod mihi hac in parte, omni asseveratione, omnique, quanta haberi potest, morali certitudine dicere liceat. Rescribas, si quid in oppositum tentari contigerit, ut dignoscantur inobedientes. Roma 8. Januarii 1608.

Nec tamen acquieverunt viri mendaces, sed pristina licet statione pulsi, de S. Thoma longe quam antea licentius pronuntiantes novas in dies turbas excitabant, nedum in Hispania, sed & in Gallia, & alibi, Molinae doctrinam, post tot praelia, judicante Pontifice Maximo, non victam, sed victricem, aurumque omnibus numeris purgatissimum vociferantes. Quod cum publicis in Theſibus Remis buccinassent, praesto fuit Illustrissimi Archipræfulis ac Ducis vigilantia, mendacique triumphum solemnī Censura dejecit die 15. Julii 1697. assertionem illam, Decreto publico, ad Academiam Remensem directo, uti falsam, temerariam, scandalosam, captiosam, & in errorem inducentem damnans. Equidem Clemente VIII. ad superos (inquit) evocato, Paulus V. meditatum judicium in suspensio tenuit, & in commodiorem tempestatem consulto distulit. At (ut ipsum supra dicentem vidimus) nemo inde citra temeritatis notam propterea colliget, probatum idcirco fuisse librum illum de quo tamdiu fuerat deliberatum. Post tam diligentem mota litis tractationem, silentium Romanorum Pontificum approbationis loco jactare velle, hominum est nimis audacium, qui Sedem Apostolicam Protestantium calumnia committunt, quā eam de contempta jam tandem Augustiniana doctrina, novisque Molina inventis in animum induct, accusant. Quare... ferre nullatenus possumus; eam immoderatis adeo laudibus doctrinam efferri, quā ex ipsa sua origine, sinistra ut minimū suspicionis labem incurrit

Quod & ex antedictis, & ex probatissimorum hujus aetatis Scriptorum suffragio perspicuum est, maxime vero ex Cardinalis Baronii epistola, cujus acre judicium magni apud omnes ponderis est. Tantum igitur abest, ut Molina doctrinam velut Ecclesia approbatione dignam excipere liceat, quin potius illum ipsum, velut virum propriis fragmentis caterorum novatorum more delectatum, habere necesse est; ejusque doctrinam infausta novitatis & audacia labe ab ipso sui Authore notatam exhibilare.

Hinc tamen factum non est ut Socii sibi temperarent, oraque comprimerent, sed futilem cantilenam, congestis licet magna mole libris eventilatam, obfirmatis animis, rerum exitu dissimulato, eandem in integro fabulam ingerunt, ut, sin minus eruditis, saltem aurito gregi, & pecori fucum faciant. Sed ipsis hoc: unum reponere juvat, quod aliàs Augustinus Juliano similes ingerenti nœnias reposuit: *Fam responsum est, nihil novi dicere potes: tace, si potes, sed neque hoc potes.*

### SECTIO TERTIA.

De Turbis per Jesuitas excitatis occasione libri *Jansenii*, cui nomen AUGUSTINUS.

**T**URBÆ illæ inceperunt à tempore quo liber ille apparuit ob parallelum in eo expressum inter Molinismum & Semipelagianismum; sicut & ab eo tempore quo clarissimi viri D. Arnaldi Apologistæ ipsius liber prodiiit de *frequenti Communione*, quem Jesuitæ calumniabantur occasionem dedisse alteri libro de *magnitudine Ecclesiæ Romanæ*, in quo duo Ecclesiæ Principes Petrus & Paulus statuebantur, duoque ejusdem Ecclesiæ capita, sed non absque subordinatione Pauli ad Petrum. Contra hunc anno 1647. emanavit quidem Decretum S. D. N. Innocentii divina providentia Papa X. sed liber de *frequenti Communione*, à plerisque sapientissimis Episcopis & Doctoribus Sorbonicis approbatus, post diligentissimum duorum annorum examen, non ob-

stan-

stantibus Jesuitarum clamoribus & calumniis multis & magnis, Romanam censuram evasit, imo eminentissimorum Cardinalium laudes promeruit. Eodem anno ab iisdem Jesuitis, seu eorum foederatis publico datus est liber imposturis & calumniis refertus, sub hoc titulo, *Theologia Petri Aurelii, seu principales ipsius errores contra fidem & bonos mores*, quo Catholicæ celebritis istius Authoris veritates traducebantur ut errores. Et sequenti anno 1648. libellus alter, Authore Patre Veron, cujus inscriptio erat *Epistolum Fanfieniarum & Arnaldistarum*. Sed tot injuriis & calumniis gravidus totque, & tam scandalosis morum regulis, animarum saluti, fideliumque ædificationi præjudicium ingens afferentibus, ut civili Authoritate proscriptus fuerit. Siquidem inter alia pag. 6. edit. 1. contendebat, sensum plurium olim fuisse, à Christo præceptam non fuisse confessionem, etiam in morte; multo minus olim, peccato mortali obnoxiiis, præceptam fuisse Confessionem ante Communionem, cum sola contritio sufficeret, nec tunc præceptam fuisse Confessionem annuam, sed solum anno 1215. in Concilio 4. Lateranensi. Et pag. 7. Confessionis & Sacramenti Poenitentiae usum olim rarum fuisse, nec mortalium Confessionem ante Communionem, & in morte in usu fuisse. Sed tamen libellus iste excitavit in Sorbona strepitum magnum, examen illius solitis artibus suis impedivit factio Corneti & aliorum Molinianorum.

Anno 1649. in Sorbona, per eundem Cornetum, Ex-Jesuitam, jactum est seminarium divisionum & turbarum longè graviorum ac diuturniorum. Cum enim in ea prævaleret Molinistica factio ipsius, quinque propositiones æquivocas, fallaces, ambiguas, à se fallaciter sic fabricatas, ut tam hæretici, quam Catholici sensus susceptibiles essent, Sorbonæ ad Censuram obtulit, Augustini de gratia doctrinam, cum Molinistis suis, vulpino, non leonino more censurabilem reddere volens. & patentem sibi interim januam relinquere se coram viris intelligentibus excusandi, quod in propositionibus illis solum notare voluisset hæreticum sensum, absque

intentione Augustinianam censurandi doctrinam; dum tamen apud viros simplices, & parum eruditos (quorum longe major est numerus,) eam traduceret velut meritedamnatam & hæreticam. Hoc utique vel in prima propositione dilucide apparebat, *Aliqua Dei præcepta* &c., quam Augustini esse, plurimis ipsius testimoniis perspicuis & indubitatis Jansenius demonstrat, sed sic ut nihil aliud intenderet, nisi quod justorum non eadem semper sit dispositio, nec internus vigor voluntatis, sed bona voluntas subinde adeo debilis & parva, ut sat valida non sit ad vincendas cupiditates, ipsos à mandatis Dei servandis retrahentes, prout de se ipso Paulus Apostolus, juxta aliquorum Patrum expositionem dixit: *Non enim quod volo bonum hoc facio, sed quod nolo malum, hoc ago.* Rom. 7. cum tamen propositio illa ad litteram alium sensum hæreticum redderet, quod utique aliqua Dei mandata nec per gratiam possibile sint in hac vita, prout Calvinus docet in Antidoto Concil. Trid. Sess. 6. c. 12. *utrumque Dei Spiritu adjuventur.* Ita ut addat: *mibi sufficit, neminem extitisse unquam, qui legi Dei satisfecerit, nec ullum posse inveniri.* Item: *Apostolus procul dubio significat impares fuisse ab initio universos mortales legis observationi, hodieque esse.* Cum tamen certum sit, possibile esse, quod per gratiam in hoc statu impetrabilem possibile est: nec de eo sit inter Catholicos controversia, sed de eo duntaxat, an omnes justī semper habeant gratiam ad mandata servanda necessariam, sive ad hoc ut ipsi possibile sint possibilitate cum effectu, sic tamen ut ea deficiente possibile sint possibilitate simplici ab effectu sejuncta. Mandata quippe ipsis semper possibile esse possibilitate cum effectu, Moliniana Schola affirmat, Augustiniana & Thomistica negat. Et ideo propositiones illæ grandium discordiarum (ut dixi) seminarium fuerunt. Molinistis tam in Gallia quam Romæ, per imposturas & calumnias suas, novitias Molinæ opiniones defendentibus, tamque S. Augustini quam S. Thomæ doctrinam, seu illius defensores calumniose traducentibus, sic tamen ut dum quinque propositionum

illarum

illarum causa Romam perlata est, ne Thomisticam Scholam offenderent, Romanis persuadere conati sint, ex multis capitibus perspicuum esse, inter Thomistas & Jansenistas discrimen; eo quod Thomistæ nunquam hæcenus negassent, præcepta Dei homini justificato, per auxilium gratiæ esse possibile, hoc vero Jansenius & Jansenistæ negarent, uti prætendebant, & quaquaversum spargebant, præsertim Romæ, ubi & persuaserunt, 1. Quod docerent justis deesse gratiam, qua possibile fiant eo tempore quo ipsos sub mortali peccato obligant. 2. Ad ea servanda ab ipsis necessariam asseri gratiam efficacem, antecedenter necessitantem, cum qua non staret dissentendi potestas, nec proinde arbitrii libertas: ab ipsis etiam negari gratiam etiam Thomistico sensu sufficientem; denique ab ipsis asseri quod Christus mortuus non sit pro omnibus, sed pro salute duntaxat prædestinatorum, quodque Jansenistæ Romæ quidem persuadere conabantur, se esse Thomistas, sed in Gallia patenter essent Calvinistæ. Quæ omnia nihil aliud erant, nisi calumniosæ imposturæ, & mendacia putidissima Hallerii & Jesuitarum, uti ad oculum demonstrarunt quinque Sorbonici Doctores à præclarissimis undecim Episcopis Gallicanis ad defendendam S. Augustini de gratia doctrinam ad summum Pontificem delegati, si conferentiam legitimam cum adversariis, in judicio contradictorio, per totos duos annos à se humiliter postulatam obtinere potuissent; sed ne obtinerent, subdolis artibus suis Jesuitæ effecerunt, ne per hujusmodi conferentiam, de calumniis istis aperte convincerentur. Ex iis tamen quæ consecuta sunt istius conferentiæ concedendæ necessitas liquido apparuit. Istis itaque calumniis Cardinales & Consultores præventi in maximam adversus Jansenium ipsiusque defensores alienationem inducti, ipsum quoque summum Pontificem adversus ipsum prævenerunt. Unde factum est ut solis adversariis seu calumniatoribus auditis, non aliis, ne Dominicanis quidem (quorum Generalis audientiam sex-decies humillime postulavit, nec semel obtinuit) Bulla quinque damnans propositiones expedi-

ta fuerit; tametsi palam auditis post illius expeditionem defensoribus Augustinianæ de gratia doctrinæ, Pontifex declaraverit certum esse, quod eam per Bullam suam non damnaverit, sed in eo statu reliquerit, in quo fuit in Congregationibus de Auxiliis sub Clemente VIII. & Paulo V. ac per Eminentissimum Cardinalem Franciscum Barberium Generali Jesuitarum præceperit, ut suis omnibus per Orbem universum prohiberet, ne Bulla ista uterentur ad firmandas opiniones suas, traducendamque S. Augustini doctrinam. Sed nec Generali suo, nec S. Pontifici ad salivam non loquenti obedierunt Jesuitæ. Et inde tot turbæ, tot & tam irreverentes, tam audaces, tam conviciosæ ipsorum adversus Augustino-Thomisticam de gratia doctrinam propositiones; ex quibus centum sex, ex Jesuitarum libris depromptæ, Innocentio X. exhibitæ sunt per Sorbonicos Doctores S. Augustini Defensores, in audientia quam obtinuerunt 19. Maii 1653. An non P. Adam in suo *Calvino profligato*, de sui Provincialis licentia, cum approbatione trium Theologorum Societatis, edito usque adeo oblitus fuit pudoris, & reverentiæ S. Augustino debitæ, ut ipsum non puduerit doctrinam ipsius hæreticam & Calvinianam asserere? An non merito Generalis Inquisitio Hispanica 18. Martii 1652. sequentes Jesuitarum, & Jesuitis devotorum propositiones damnavit, quarum

1. Est: *Augustini quadam dogmata ab Apostolica Sede in terminis esse damnata.*

2. Miseram fore Ecclesiam, si Augustini placitis obstricta maneret.

3. Ecclesiam à tutela & pædagogio Augustini esse vindicandam.

4. Augustini Authoritatem non plus valere, quam rationes, quas allegat, evincant.

5. Augustinum fuisse Doctorem, perinde ac alium quempiam, etiam modernorum.

6. Augustini dotes, seu naturales, seu infusas, non fuisse altioris Ordinis, quam aliorum Doctorem, etiam Scholasticorum.

7. Si



7. Si post Augustinum nihil Christianæ eruditionis accesserit, Scholasticam Theologiam penitus rejiciendam fore.

8. Augustini auctoritatem interponentibus, respondendum esse, Ecclesiam in suis filiis usque hodie crescere, etiam eruditione.

9. Augustinum Juliani Pelagiani argumentis non satisfecisse.

10. Si triumphus Ecclesiæ de Pelagianis niteretur posterioribus Augustini libris, immeritò de iis illa triumphasset.

11. Volentem sustinere partes Juliani, non posse Augustini rationibus convinci.

12. Augustini Theologiam, de originalis peccati traduce, esse rusticanam.

13. Ex Augustini opinione, de peccato originali, cogimur incidere in sententiam Pelagii.

14. Augustinum Sacrarum Scripturarum auctoritatem sua expositione enervare, & ludibrio infidelium exponere.

15. Augustinum, quasi sub caligine constitutum, ad veritatem à recentioribus inventam, non attendisse.

16. Augustini sententiam, fidelium non paucos turbasse, ejusque auctoritate perculosos in Pelagianismum declinasse.

17. Augustini Sententiam, à multis duram nimis, indignamque divina bonitate ac clementia judicari, non mirum.

18. Ab Augustino, aliisque idem sentientibus, peti posse, undenam suæ sententiæ certitudinem hauserit.

19. Augustini sententiis non esse insistendum, sed aliter philosophandum.

20. Augustini locutiones, quamvis aliquo sensu veras, improprias tamen esse, non frequentandas.

21. Utrum Augustinus, contra quod sentimus, sentiat, non admodum referre.

22. Non recte dici potest, illud saltem ab omnibus esse tenendum, quod Augustinus tenuit, nec retraxit.

Quam alienæ sint assertiones istæ ab unanimi sensu totius Ecclesiæ, SS. Patrum, Romanorumque Pontificum plusquam viginti, magnifica demonstrat ipsorum elogia de Augustini doctrina. Magnificentius profecto de ipsius doctrina locuti essent Jesuitæ, devotique Jesuitarum assellæ, si Molinianis novitatibus adversatus non fuisset. Vel suis ergo illis adversus Augustini doctrinam probis ideo tam irreverenter de ipso loquuntur, quia ipsum Molinianis novitatibus suis adversari sentiunt.

Et quænam alia ratio est, propter quam S. Augustini discipulos tam invidiose velut hæreticos traducunt, insectantur ac persequuntur? Illos (inquam) S. Augustini discipulos, qui cum Sancto illo Doctore gratiam per se efficacem tuentur velut necessariam ad singulos pietatis actus?

Ast (inquiunt) licet in eo discipuli S. Augustini conveniant cum discipulis S. Thomæ, in alio disconveniunt, quod præter gratiam efficacem, cujus isti agnoscunt necessitatem, insuper agnoscant necessitatem gratiæ sufficientis, quam non agnoscunt discipuli S. Augustini.

Sed contra, licet noviores Thomistæ necessitatem agnoscant gratiæ sufficientis ad posse; eam tamen non agnoscunt veteres Thomistæ, atque ex ipsis recentiores eam fatentur insufficientem ad agere, dum ad id necessariam asserunt gratiam per se efficacem. Quæ proinde non tam de re differentia est, quam de nomine. Ad salvandas quippe divinæ Scripturæ, Conciliorum & SS. Patrum definitiones, sufficit admittere gratias inefficaces, quibus plerumque resistitur, sed eas Scripturæ, Concilia, & Patres, nunquam vocant sufficientes, quia revera non sufficiunt ad finem principalem propter quem dantur, ob resistantiam quam inveniunt in voluntate, validioribus cupiditatibus præoccupata: licet sufficient ad posse, hoc sensu, quod voluntatem elevent ad posse supernaturaliter velle & operari, sufficientque ad velle & operari de facto, ni obstitet fortior erga creaturam cupiditas, quam erga Deum charitas.

Nul-

Nulla proinde de re ipsa est differentia inter ipsos & recentiores illos Thomistas, sed de solo nomine.

Porro quod gratia per se, seu per omnipotentem Dei virtutem efficax, necessaria sit ad omne pietatis opus; doctrina est S. Augustini adeo certa, ut eam Sanctus ille Doctor innumeris locis tradat velut fide certam, & tenendam & ab omnibus, *qui volunt non solum vocari, verum etiam esse Christiani*. Sic loquitur in l. de pecc. orig. c. 23. l. de grat. Christ. c. 10. l. de don. persev. c. 13. Quia, ut ait epist. 186. necessitatem istam *fides vera, atque Catholica tenet Ecclesia*. Quod & ait epist. 217.

Et Cœlestinus Papa epist. ad Episc. Gall. *prorsus non reputat Catholicum quod apparuerit praeiis & sententiis* (quas inter est sententia de istius gratiæ necessitate) *esse contrarium*. Et rursus Augustinus de corrept. & grat. c. 1. explicans Catholicam fidem de necessitate gratiæ se ipsa efficacis, (uti totus liber manifestum facit,) qua, inquam, solâ homines divinitus liberantur à malo, & sine qua nullum prorsus faciunt bonum, non solum monstrante ipsa quid faciendum sit, sed etiam præstante ipsa ut id cum dilectione faciamus, cum iis Deus inspirationem hanc bonæ voluntatis atque operis largiatur: *Hanc fidem* (inquit) *qua sine dubio vera, & Prophetica & Apostolica & Catholica fides est*. Quam etiam S. Prosper epist. ad Rufinum docet ab ipso confutendam, ut defæcatissimam Evangelicam, Apostolicamque doctrinam intelligentiam consequatur. Et Arnobius l. 2. de pugna hæreticum declarat quisquis ei contradicit. Et contrariam Fausti & Molinistarum doctrinam Catholica fidei inimicam declarant Africani Præsules pro fide in Sardinia exules, in epist. ad Oriental. Et S. Fulgentius in l. de fide ad Petrum, *hæc quadraginta Capitula* (quorum trigessimum secundum est de necessitate gratiæ se ipsa efficacis ad mandata Dei servanda) *ad regulam vera fidei pertinentia fideliter crede, fortiter tene, patienter defende, & si quem contraria his dogmatizare cognoveris, tamquam pestem fuge, & tamquam hæreticum abijce*; ita enim ista quæ posuimus fidei Catholiciæ con-

congruunt ; ut si quis non solum omnibus ; sed etiam singulis horum contumaciter repugnat , & his contraria dicere non dubitat , hæreticus , & Christiana fidei inimicus , atque ex hoc omnibus catholicis anathematizandus appareat , utpote contrarius illi doctrinæ , de qua in lib. de verit. prædest. & grat. c. 18. hac utique Catholicorum Patrum doctrina ( inquit ) Apostolicis institutionibus tradita , permanet sine aliqua dubitatione doctrina.

Ne nos ergo ( qui eandem de necessitate gratiæ se ipsa efficacis doctrinam tuemur , ne nos (inquam) in culpam ideo trahamur (ait Ratramnus sæculo IX. in lib. de prædest. ad Carolum Calvum) si Sanctorum Auctoritatem sequimur. Si enim quod illi dicunt , Catholicum est , nec repugnans rectæ fidei , nos quoque non à Catholica fidei certitudine discrepare judicemur , si hoc dicamus & sentiamus , quod illi dixerunt & senserunt. Illorum enim doctrinâ fides Ecclesiastica munitur.

Hanc fidem (ait Lupus Ferariensis) tenuerunt Ecclesiæ Catholicæ invictissimi defensores : hanc ego minimus omnium custodio , cum sit Catholica fidei vera perfectæque consensus. Et infra : Hac est nostra fides : quia hac est vera , Prophetica , Apostolica , Orthodoxa , atque Catholica fides.

Et Concilia Valentinum III. Lingonense & Tullenſe de eadem S. Augustini doctrina , Constantissime & fide plena fatemur , quod Sanctissimi Patres auctoritate sacrarum Scripturarum nobis tenendum reliquerunt , quod Africana , quod Arausiana Synodus professæ est , quod beatissimi Pontifices Apostolica Sedis , catholica fide tenuerunt.... Certa & vera fide quod à SS. Patribus de his & similibus sufficienter provisum est , amplectatur fraternitas &c.

Anonymus Abbas Cisterciensis in disput. contra Abailardum , circa annum 1180. probat gratiam non omnibus dari , nec aliam homini sufficientem ab Apostolo prædicatam , nisi quæ cor ipsius lapideum mutat in carneum , ex tenebroso lucidum , ex infirmo sanum : Hanc solam Predicator egregius gratiam appellat , hanc

in epistolis, & maxime in ea qua est ad Romanos defendit & pradicat... Alteram non novit Paulus, de alia non disputat Augustinus.

Denique pluribus omissis, Congregatio de Auxiliis 19. Novembris 1603. contra predictam Pelagianorum & Semipelagianorum haresim tria semper tenuit & docuit Ecclesia Catholica, de actuali gratia adjuvante, seu efficaci. 1. Quod sit pravia, non pedissequa, antecedit nostra voluntatis consensum, nec illi subijciatur.... 2. Quod influat in voluntatem, & illabatur cordibus nostris. Ac denique 3. quod per illam Deus sic immutet voluntates hominum, & faciat ex nolentibus volentes, ex repugnantibus consentientes, & ex persequentibus amantes, ut liberum arbitrium non auferat, sed firmet in bono, ne per inania feratur. Et hac est patentissima S. Augustini doctrina. Quibus collatis cum doctrina Molina, apparuit eum, ut omnino negaret gratiam adjuvantem (qua praoperans moveat efficaciter liberum hominis arbitrium ad consensum, & ex malo ad bonum voluntates transferat) ita doctrinam predictam de causis partialibus tradidisse, ut S. Augustini sententia de gratia Christi omnino adversetur, & Pelagianorum haresim mirum in modum foveat. Et 5. Januarii 1605. resolvit Congregatio, secundum veram & Catholicam doctrinam, constantissime tenendum esse, antecederet ad omnem scientiam mediam ejus, quod qualibet voluntas, si in tali vel tali ordine rerum constituitur, sit actura, praedestinationem aeternam fieri per unicum & absolutum Decretum, quo Deus statuit, certos quosdam homines, ceteris in massa perditionis relictis, misericorditer pro suo beneplacito liberare, eisque gratis dare gloriam & merita, quibus certissime liberentur. Et ab hac Sententia, quam Augustinus docuit, & tamquam fidem Ecclesia acerrime defendit, contra Pelagianos, & eorum reliquias, & quam Summi Pontifices Caelestinus, Leo, Gelasius, & Hormisdas approbaverunt, omnia discessisse Molinam.

Denique Clemens VIII. in celeberrimo scripto quindecim articulorum, formalissimam S. Augustini doctrinam

ctinam continente (prout eadem Congregatio de Auxiliis post diligens examen in judicio contradictorio declaravit die 3. Septembris 1605.) posteaquam art. 5. dixit gratiam habere efficaciam ex omnipotentia Dei, & ex dominio quod omnipotens habet in voluntates hominum. Hac Dei gratia (inquit art. 13. necessaria est ad singulos actus, juxta illud Augustini epist. 116.) fides vera & Catholica tenet Ecclesia, quod gratia Dei per Jesum Christum (qua Deus operatur in nobis velle & perficere pro bona voluntate, prout ibidem explicat) pusillos cum magnis sic adjuvet, ut nisi adjuvet, nihil pietatis atque justitiae, sive in opere, sive etiam in ipsa voluntate, habere possimus.

Hanc nihilominus S. Augustini, imo totius Ecclesiae doctrinam Jesuitae cum asseclis suis, sacrilego ausu palam traducunt velut haeticam ab Innocentioque damnatam ut talem, tametsi Innocentius ipse velut certum declaraverit, id prorsus alienum esse ab intentione sua; cum doctrina S. Augustini nimis probata esset in Ecclesia, ut damnari posset. Et addidit, quod in Bulla sua rursus examinare & discutere noluisset materiam de gratia sub Clemente VIII. & Paulo V. per decennium agitatum. Cúmque quinque Doctores ad suam Sanctitatem deputati, valide pro defendenda illa S. Augustini doctrina non solum perorassent, sed & protestationem hanc, coram sua Sanctitate fecissent: *Profitemur coram ipsa, nos & universos S. Augustini discipulos ac defensores, pro indubitata tanti Doctoris, atque adeo Ecclesia doctrina, praedictas propositiones (famosas quinque) ut à nobis superius expositae sunt (in sensu utique gratiae seipsa efficacis, ad singulos actus pietatis necessariae) perpetuo defensuros, quamdiu de illis, ut supra expressè expositae sunt intellectis, disertis verbis prolatum non erit (quod à Sanctitate vestra postulamus) solemne definitivumque judicium, quo nobis aperte constet, eas in sensu quem asserimus Catholicum, esse damnatas.* Sanctitas sua non solum non damnavit sensum illum, sed & perorationem ipsorum, pro ejus defensione coram sua Sanctitate factam, à se magna cum

cum satisfactione auditam declaravit, plurimumque collaudavit velut *validam, modestam, prudentem & doctam*.

Nec Sua Sanctitas vivæ duntaxat vocis oraculo sapius declaravit de gratia seipsa efficaci, ipsiusque necessitate ulla in re violanda, nequidem cogitasse; sed & ut nulli id obscurum esse posset, voci scriptum adjunxit. Nam in Brevi ad Episcopos Gallix misso, mentionem facit cujusdam Decreti S. Inquisitionis, in quo expressè habetur, controversiam de Auxiliis eodem loco ab Innocentio X. relictam, quo illam Clemens VIII. & Paulus V. reliquerant.

Hinc ipsorummet Romanorum Theologorum pars longe maxima, non minus post Innocentii X. Bullam, quam ante, eandem doctrinam coram Summo Pontifice quotidie tuetur ac docet. Cæteræ vero per Orbem Academiæ, adeo illam non rejiciunt, ut multæ aliam non admittant, nullæ nisi Jesuiticæ excludant. Apud ipsas etiam religiosas Societates, Augustinianorum, Dominicanorum, Carmelitarum Discalceatorum, Benedictinorum, Præmonstratensium, Canonicorum Regularium S. Augustini, & Patres Oratorii Beruliani, exulat Molinismus, regnat victrix Dei gratia, paucissimosque habet in hoc numero Molina Sectatores.

An isti omnes hæretici sunt? An damnati per Innocentianam? Hoc hodie prætendunt Jesuitæ, sed hac prætensione turbas magnas excitant in Ecclesia Sancta Dei? Ne ipse quidem Molinistarum signifer Annatus in Cavill. p. 29. ausus est id asserere, imo contrarium disertis verbis asseruit, dicens: *Summum Pontificem id, in quo dissident Thomista à Jesuitis, disputationi reliquisse, nec attingere voluisse controversiam de gratia per se efficaci*. Et tam ipse, quam alii Jesuitæ, Jesuitarumque Affectu Hallerius & Collegæ ipsius, libros & rumores per totam Romam & Galliam sparserunt, quibus Romanis Consultoribus, & Eminentissimis Cardinalibus, Gallicanis Episcopis sibi devotis, ipsique Sux Sanctitati persuaferunt libri Jansenii sensum, & do-

doctrinam, Calvinianam esse, mandata Dei, ipsis etiam justis, absolute esse impossibilia, & ne per gratiam quidem in hac vita possibilia esse; gratiæ Dei resisti non posse, creptam nobis bene & male agendi libertatem, Christum non esse pro omnibus mortuum, sed pro salute duntaxat prædestinatorum.

Ista ut persuaderent, prima ab ipsis excogitata fallacia fuit affectare cum Thomistis ad tempus consensionem: cum enim Thomistica doctrina magnâ Romæ & ubique autoritate floreret, si ipsius damnationem persecuti fuissent, certam haud dubie repulsam passi fuissent. Ne hoc ergo contingeret, palam denuntiarunt, de Thomistica doctrina nullatenus in quinque propositionibus agi, gratiæ prædeterminanti per earum damnationem nullum illatum iri præjudicium; Jesuitarum sententiæ nihil penitus firmamenti accessurum. Hoc consilio liber ab Annato editus, & ab Hallerio Romæ sparsus fuit, sub hoc titulo: *Jansenius à Thomistis damnatus*, in cujus præfatione sic habetur: interesse puto, tum communis veritatis, quam omnes quarimus, tum privata Thomistarum dignitatis, autoritatisque, quam non expedit in Censura damnabilium sententiarum implicari, ut omnes intelligant, præcipuos defensores gratiæ prædeterminantis, & qui causam illam ardentius egere circa tempora disputationum de Auxiliis, contraria prorsus posuisse principia principiis Jansenistarum. Quod, ut spero, Lector perspicue intelliget ex oppositione doctrinæ Thomistarum ad quinque propositiones, qua modo ad examen vocantur, ut non dubitem, quin mecum dicturus sis, eos qui tam facile sibi patiuntur imponi, alterutram Theologiam necessariò nescire, nempe vel Thomisticam, vel Jansenianam.

Et in alio super quinque propositionibus scripto, per Hallerium & Collegas ipsius similiter distributo, primam propositionem (ajebant) Jansenista cum Calvino communem habent. Per eam intendit Jansenius, hominem in eo statu collocare, in quo si peccat, necessario peccet: quia defectu gratiæ non peccare non potest; si vero bene agit, necessario bene agit: quia gratia illum ad agen-



agendum necessitat. Calvinus hoc etiam dicit: propterea concludit, hominem libero arbitrio carere.

Et ad quartam propositionem, hanc (inquiunt) propositionem adstruunt *Jansenista*, ut consequenter ad sua principia loquantur, ut gratiam sufficientem tollant, ut qui bene agit, bene agere necessario dicatur, cum gratia resistere nequeat. Et ad quintam; Hanc propositionem adstruunt ut consequenter loquantur. Si enim Christus pro omnibus mortuus non est: ergo nullam gratiam illis confert, saltem in ordine ad salutem, qui damnantur, Ergo necessario peccant. Ergo praecepta Dei illis impossibilia.

Et rursus Annatus in responsione ad epist. 17. Montaltii, cum dixisset Montaltius: Si quid *Jansenius* super istis propositionibus à gratia efficaci diversum sentit, defensoribus caret. Si autem nihil, caret erroribus. Respondet: Ad purgandum *Jansenium* non sufficit illud adferre, solam gratia efficaci doctrinam ab ipso defendi. Duplici enim modo defendi potest, quorum unus haeticus & Calvinianus est, ut si quis ita dicat, voluntatem à gratia efficaci moveri, ut potestatem resistendi non habeat. Alius Catholicus, Thomistica & Sorbonica Schola consentaneus, petit ex Conciliorum Autoritate principis nixus, ita scilicet à gratia efficaci regi voluntatem, ut resistendi potestas, ipsi non auferatur.... Catholicum fore *Jansenium*, si Thomisticè gratiam efficacem defenderet. At haeticum ideo esse, quod eo modo defendat, qui à Thomistarum sententia abhorreat, soli Calvino placeat, nec obscure dissentendi à gratia vim eripiat.

Videamus an ista sint vera? An per imposturam falsam & calumniam *Jansenio* afficta? Per imposturam falsam *Jansenio* calumniose censenda sunt afficta, si *Jansenius* disertis verbis contraria horum asserat. Atqui *Jansenius* disertis verbis contraria horum asserit, doctrinam illam reprobat, velut Ecclesiae & S. Augustino adversantem; cum propterea Calvinum ab Ecclesia recte damnatum asserat, quod diceret, per gratiam efficacem voluntatem ita ad bonum moveri, ut resi-

stendi

stendo non haberet potestatem. Ista namque sunt verba ipsius to. 3. l. 2. c. 21. *hac sunt, qua Ecclesia in Calvino, quantum ad hanc materiam gratiae & liberi arbitrii, improbat.* Primum est, quod Calvinus negat esse in homine boni & mali electionem &c. Secundum est, quod Calvinus doceat gratiam ita movere hominem, ut non sit ei liberum resistere. Sic enim loquitur: *Voluntatem Deus movet, non qualiter multis saeculis traditum est, & creditum, ut nostra postea sit electionis, motioni aut obtemperare, aut refragari.* Augustino verò Dominus ita movet voluntatem, ut quamvis infallibiliter convertatur & operetur, possit tamen motioni Dei refragari aut obtemperare, seu ut Concilium Tridentinum loquitur, illi dissentire si velit. Potentia quippe dissentiendi non repugnat actuali gratiae motioni & consensui, quamvis fieri nequeat ut actualis assensus cum actuali Dei motione jungatur.

Nec hoc isto duntaxat loco aperte declarat, sed & aliis integris capitibus multis, v. g. cap. 20. ubi cum Thomistis ait: *Dicimus ergo liberum arbitrium, quantumcumque vehementi atque efficaci gratia delectatione praevenit, atque determinatum ad faciendum bonum; adhuc tamen posse bonum, non tantum non facere, sed etiam malum.* Verum est enim istud, non quidem in sensu composito, ut vulgo dici solet, sed in sensu diviso: nimirum quia eodem tempore, quo voluntatis arbitrium sub gratia delectatione, efficaciter eam movente, positum est, imo quo etiam actum voluntatis bonum facit, est in eadem voluntate potestas illud non faciendi, imo peccandi. Non quod cessatio ab actu, quem tunc elicit, aut actuale peccatum cum gratia delectantis influxu consistere possit; quod sensus composuit postularet; sed quia cessandi & peccandi potestas cum eadem gratia simul in eodem voluntatis arbitrio conjungi potest. Nam quamvis duo actus contrarii sint oppositi, & in eadem voluntate simul esse non possint: potestates tamen ad opposita non sunt opposita, nec sibi invicem, nec actibus oppositis, & in eodem simul subiecto, siue agente, siue quiescente, commorantur. Sic ergo voluntas

quan-

quantumcumque gratia suavitate capiatur, potest non agere id quo rapitur. Quia veram non agendi potentiam, etiam sub gratia rapiente, retinet: quamvis fieri nequeat, ut ipsa non actio, cum gratia operatione in eadem simul voluntate copuletur. Quid apertius? Quid Augustino-Thomisticæ de gratia & libero arbitrio doctrinæ conformius? Unde & hanc esse Concilii Tridentini mentem diserte asserit ibidem, addens: Sic etiam juxta Tridentinum, homo recipiens inspirationem, illam abjicere potest, & liberum arbitrium, à Deo motum, potest dissentire si velit.

Quæ cum ita sint, primam propositionem Jansenius non magis docere videtur, quam Thomistæ. Nec secundam: quia cap. 27. cum Thomistis ait: Non moveat quemquam, quod constet multos divinitus mente collustrari, imo vero & in ipsa voluntate motibus divina gratia percelli, qui tamen ab ejus interna suasionem & inclinationem dissentiunt, ut propterea falsum putet, gratiam, in eo cui datur, semper operari effectum ob quam datur, considerandum est enim multiplices esse divina gratiæ effectus, sicut & voluntatis. Est enim velle perfectum, & est imperfectum, quod velleitatem appellare solent. Et hoc ipsum diversos gradus habet, donec ad ipsam primam tenuissimamque boni complacentiam veniatur. Hac ergo primus est celestis ipsius roris effectus quem ut minimum in omnibus operatur, in quibus eum infundit Deus. Nam quemadmodum inundatio divina gratia totam hominis voluntatem secum instar impetuosæ cujusdam torrentis rapit, sic ut omnia cordis humani retinacula, quibus terrenis rebus irretitur, velut violenta quadam tempestate dirumpit; ita lenis ille velut aure tenuis afflatus, complacentiam quamdam voluntatis tenuissimam rei tam pulchræ, quæ simul obijcitur contemplanda, contemperatam suaviter impetrat, & celerrime quasi furtim post se rapit. Hac igitur gratia, quamvis non sufficiat, ut homo mandatum Dei peretur, ut Deum super omnia diligat, ut speret, ut oret, ut credat, ad hoc preinde sit inefficax, ad hoc tamen facit aliquid, & efficax est, ut istarum, vel alterius cujus-

cujusdam celestis rei, liberas quasdam, non voluntates; sed velleitates, vel complacentias excitet, quas, nisi divinitus infundantur, obtinere humana potestate nemo potest. Sic videmus plurimos, qui necdum ab immunditiis carnis se continere possunt, vehementer tamen optare continentiam: cujusmodi vota divina gratia sunt munera, & majoris gratia provocativa, quamvis nullo modo vera perfectaque continentia comparanda sint.

Hactenus Jansenius, ex cujus verbis facile quisque videt, duplex interioris gratiæ auxilium ab ipso admissum. Prima est illa, quam simpliciter efficacem Thomistæ vocant: huic semper resisti potest, nunquam tamen reipsa resistitur. Altera est inefficax quam modò sufficientem, modò excitantem vocant; quæ quidem tribuit potentiam boni operis ad quod voluntatem excitat; non tribuit tamen vires ad hoc satis validas, & ideo ipsi resistitur, quo ad opus perfectum ad quod ex natura sua tendit; licet semper producat actus imperfectos, ad quos ex Decreto absoluto divinæ voluntatis ordinatur.

Quod nec in tertia Jansenius differre videatur à Thomistis, probare videntur sequentia ista verba ipsius cod. to. 3. l. 8. c. 20. *Quares fortassis, utrum igitur nulla indifferentia, sive contrarietatis, sive contradictionis, sit in libero voluntatis arbitrio, post peccatum, quamdiu in mortalitate vivimus? Si enim non adest indifferentia contrarietatis, quomodo possumus hic semper bene & male vivere? Si non adest contradictionis, quomodo ergo dicitur, "Qui potuit transgredi & non est transgressus, " facere mala & non fecit? " Respondetur, quamdiu hic vivimus, sive in infidelitate ante gratiam, sive jam sub gratia, indifferentiam ad contraria, hoc est, ad volendum faciendumque bonum & malum semper libero inesse arbitrio, sed non eo modo, quo quidam (Molinistæ utique) putant, qui quibuscumque arbitrium, sive gratia, sive peccati, delectationibus imbuatur, semper existimant cum utraque ejus dispositione fieri posse, ut utrumlibet velit, sive bonum, sive malum, pro illa sola scilicet innata indif-*

differentia voluntatis, qua sub quacumque dispositione, actum praveniente, se sua libertate in utramvis partem flectit. Talis enim indifferentia contrarietatis ab Augustino constantissime negata fuit, & à Pelagianis contentiosissime postulata, prout utrumque suis locis demonstravimus. Alio igitur sensu liberum arbitrium ante gratiam, quemadmodum etiam alio sensu sub gratia indifferentiam contradictionis & contrarietatis habet: ita ut videlicet quibuscumque pñsitis, quæ ad agendum bonum vel malum requisita sunt, possit liberum arbitrium in hac vita facere bonum & malum, facere alterutrum, & non facere. Dicimus igitur liberum arbitrium, quantumcumque vehementi atque efficaci gratia delectatione &c, ut supra. Quæ de re qui plura volet, authores qui de physica prædeterminatione tractant, consulendi sunt.

Hoc est igitur quod S. Augustinus tradit, quando toties docet, concupiscentiam & ignorantiam, per quam nunc omnia peccata committuntur, non auferri ex nobis, quamdiu in hac mortali vita versamur: hinc enim fit, quod non solum in nobis ipsa potentia voluntatis, quæ de se ad malum flexibilis est, sed etiam pondus ad peccandum remanet, quod est peccandi potestas perfectissima; quæ sanè non solum adest inestque voluntati, quando gratia delectatione caret, sed etiam quando intima ejus suavitate efficaciter trahitur, propter quam sane liberum arbitrium ad bene agendum rapiatur, rectissime dici potest, posse peccare, licet fieri nequeat ut ipsum peccatum simul in sensu composito, cum gratia operatione societur. Hoc sensu S. Prosper. " Qui ad obediendum sibi ipsum velle sic donat, ut etiam à perseveraturis illam mutabilitatem, qua potest nolle, non auferat. " Quibus verbis significat, manere in Sanctis illam mutabilitatem, quæ potest in tentatione mutari, propter pugnam videlicet carnis & spiritus.

Inter actum liberum (ait rursum l. 6. c. 34.) & statum libertatis præmagna differentia est. Aliter Deus, aliter Angeli viatores, aliter beati, aliter damnati, aliter Christus Dominus in via constitutus, liber fuit; nec ulla peccato, quæ in uno statu libertatis adsunt, aut etiam re-

quisita sunt, ad alterum extendenda sunt. Hominum igitur viatorum non solum coactionis expertem esse libertatem, sed etiam necessitatis immutabilis voluntaria, cum Scriptura, & Patribus, & Catholica fide fatemur perlibenter.

Et l. 8. c. 20. *Quamdiu hic vivimus, semper inest indifferentia libero arbitrio, sed non eo modo quo isti Scholastici (Jesuitæ) putant, quos supra diximus, qui quocumque modo arbitrium sive gratia, sive peccati delectationibus imbuatur, semper existimant, cum utraque ejus dispositione posse fieri, ut utrumlibet velit, sive bonum, sive malum, pro illa sola scilicet innata indifferentia voluntatis, quæ sub quacumque dispositione actum præveniente, se se sua libertate in utramque partem flectit.*

Et rursum: Eodem tempore, quo voluntatis arbitrium sub gratia efficaciter eam movente positum est, imo quo etiam actum voluntatis bonum facit, est in eadem voluntate potestas illud non faciendi, imo peccandi: non quod cessatio ab actu, quem tunc elicit, aut actuale peccatum; cum gratia delectantis influxu possit consistere (quod sensus compositus postularet) sed quia cessandi & peccandi potestas cum eadem gratia simul in eodem voluntatis arbitrio conjungi potest. Sic ergo voluntas quantumcumque gratia suavitatem rapiatur, potest non agere id ad quod rapitur, quia veram non agendi potentiam sub gratia rapiente retinet: quamvis fieri nequeat, ut ipsa non actio cum gratia operatione, in eadem simul voluntate copuletur. Et cap. 21. Ecclesia reprehendit in Calvino, quod doceat gratiam ita movere voluntatem, ut non sit ei liberum resistere. Augustino vero ita Deus movet voluntatem ut quamvis infallibiliter convertatur, & operetur, posset tamen motione Dei refragari, aut obtemperare, seu, ut Concilium Tridentinum loquitur, illi dissentire, si velit.

Circa quartam propositionem eodem l. 8. c. 6. In hoc ergo proprie Massiliensium error situs est, quod primæ libertatis reliquum putant, quo sicut Adam, si voluisset, poscerat perseveranter operari bonum, ita lapsus homo saltem credere posset, si vellet, neuter tamen absque interio-

vi gratia adjutorio, cujus usus vel abusus relictus esset in  
 omni/cujusque arbitrio & potestate.

Et eodem to. 3. c. 1. Proscripti sunt Massilienses, non  
 ob aliam causam, nisi quia tale auxilium (Molinisticè  
 sufficiens) sufficere putarunt, adeoque nullum aliud ad-  
 jutorium, ex parte Dei necessarium esset.

Circa quintam denique propositionem ait quidem  
 lib. 3. de grat. Christ. c. 20. nec enim juxta doctrinam  
 antiquorum pro omnibus omnino passus & mortuus est  
 Christus efficaciter, in sensu Moliniano, quasi omnes  
 mortis Christi beneficium, seu gratias recipiant ad  
 salutem sufficientes versatiles, à libertate arbitrii effi-  
 caciā recipientes, nec speculatori modo pro electis  
 mortuus sit, quam reprobis. Unde immediatè præ-  
 miserat: Ex quibus omnibus jam satis arbitror patere, ar-  
 gumentum istud, quo Christus pro omnibus passus & mor-  
 tuus est, vel redemptionem se pro omnibus dedisse dicitur,  
 nihil omnino pro auxilio (Molinisticè) sufficienti suppedi-  
 tando facere.

Cæterum initio ejusdem capituli admittit, Christum  
 pro omnibus mortuum esse sufficienter, sensu Pro-  
 peri; addens cum eodem, quod quia proprie redimere  
 est de captivitate cum effectu eruere, Christus pro  
 omnibus mortuus non sit efficienter, sive cum effec-  
 tu illo, sed pro solis iis qui participant beneficium  
 mortis ejus. Quid ergo dicendum, si in quinque  
 propositionibus illis Jansenius à Calvino recessit, prout  
 ipsum recessisse censet & probare nititur R. D. Dec-  
 kerius, Ecclesiæ metropolitanæ Mechliniensis Decanus,  
 zelo magno adversus Jansenium zelatus, in Brevi sua  
 Jansenismi historia, & in defensione Constitutionis S.  
 D. N. Clementis XI. vineam Domini Sabaoth? Si (in-  
 quam) gratiam necessitantem cum Calvino non ad-  
 misit, sed verbis expressissimis disertè improbavit, nec  
 admisit gratiam Molinæ versatilem? Non aliam igitur  
 gratiam admisisse videtur, nisi se ipsa efficacem,  
 ad singulos pietatis actus necessariam cum Augustino-  
 Thomistis.

Hoc utique fatetur & contendit Liberius Gratianus,

Jesuita ; in sua dissert. 1. *De mente Concilii Tridentini circa gratiam physice prædeterminantem*. Et ista præcise gratia est, cujus doctrinam & necessitatem, prout ab Augustino-Thomistis traditur, ausu plusquam temerario, ne dicam sacrilego, Conciliisque, summis Pontificibus, Sanctis Patribus, & Ecclesiæ universæ injurio, asserit esse hæreticam, & tam à Concilio Tridentino, quàm ab Innocentio X. in quinque propositionibus damnatam, ajens quod in vanum Theologi illi duplicem distinguant necessitatem; unam infallibilitatis & consequentiæ, alteram absolutam & consequentem. Utramque irridet, hæreticamque dicit, quemadmodum & Thomisticam distinctionem sensus compositi & divisi; utpote quæ non veram & realem (inquit pag. 81.) statuit dissentendi potentiam, sed fictitiam & chymericam. Et cap. XIII. non sine fastu sustinet, Thomistarum de gratia doctrinam, ipsissimam esse Jansenii; inde concludens, quod vel Jansenii doctrinam Ecclesia non damnaverit, vel Thomisticam illam de gratia doctrinam damnaverit. Dum enim Jansenianam damnavit, aientem aliqua mandata justis esse impossibilia, definivit justo peccanti non deesse gratiam dantem proximam obediendi potentiam, vel remotam quidem, & per se imparem observantiæ mandatorum, parem tamen, & per se sufficientem ad orandum, & per orationem impetrandam viciniorem facultatem.

Nec his contentus, persuadere volens Molinismum suum esse ipsam Ecclesiæ doctrinam, Jansenium in eo damnat, quod in justo sic admiserit potentiam non peccandi per arbitrii flexibilitatem per fidem & charitatem habitualement, ut non admiserit adjutam gratia actuali per se sufficiente, saltem ad orandum, per quam, media oratione, justus impetrare posset gratiam Molinisticè sufficientem, quæ ad mandati observantiam par esset.

Manifestum per consequens est quod damnatam in Jansenio doctrinam consistere velit in negata gratia Molinisticè sufficiente, Molinismum proinde usque adeo



velit esse de fide, ut ipsi adversantes hæretici sint Janseniani, & Jansenii *Augustinum* velut hæreticum esse damnatum, quia ipsi adversatus fuit.

Verum quid inde non sequitur? Sequitur profecto, Innocentium X. à Jesuitis, qui pro æquivocarum quinque propositionum damnatione apud ipsum tam ardentè institerunt, ausu sacrilego fallaciter fuisse delusum. Sequitur (inquam) versipelles Oratores istos, dum à Cathedra Petri unum quid, per speciem & apparentiam, bonum, petere se simulabant, damnationem utique gratiæ necessitantis, seu Calvinianæ, aliud non bonum, nec unquam sciente, & vidente Petro approbandum, per fraudis iniquissimæ malas artes non jam obtinere, sed furari voluisse. Si enim larvam quam gesserunt deposuissent, & siparium amovissent, quo sese contexerunt, si denique apertè dixissent, quærere se à sede Apostolica gratiæ Molinisticè sufficientis definitionem, certissimè non obtinuissent, ut quod sub Clemente VIII. & Paulo V. post celebres quadraginta septem coram summis Pontificibus illis de Auxiliis Congregationes, adhibitis gravissimis Consultoribus, auditis acerrimis disputatoribus in eorum doctrina prope damnatum fuit, velut Pelagianum vel Semipelagianum, modò sub unius larvatiæ propositionis proscriptione, sine strepitu, sine disputationibus, sine partium advocacy, sanctum & catholicum declararetur.

Nec permisit Deus hoc ab Innocentio X. declarari, prout supra est demonstratum. Non permisit (inquam) sic damnari primam ex quinque famosis, ut pro gratia Christi, humanorum cordium victrice & domina (cujus necessitatem cum Ecclesia universa, Augustinus tam constanter asseruit) stabiliretur gratia creatæ voluntatis serva & pedissequa, per quam libero hominum arbitrio (utpote gratiam ex se indeterminatam determinanti, efficacemque reddenti,) bonorum operum gloria adscriberetur, prædestinatio Sanctorum, non ex vocante, sed ex operibus credenda prædicaretur; electorum salus æterna volenti & currenti, potiusquam Deo miserenti deputaretur; abjecta

denique solidissima, sacratissima, & per omnes Ecclesie ætates usque ad Molinam receptissima fidei doctrina, nova, Massiliensis (uti Congregatio de Auxiliis censuit) farinæ molitura, cui sui remolitoris Molinæ novis, nec melioribus paraturis, in Ecclesie Sanctuarium (valere jussu Augustino) importaretur. Hoc utique per æquivocarum propositionum Censuram ancipitem & inexplicatam, variis proinde interpretationibus obnoxiam, in animo habuisse versipelles Molinæ defensores satis probat, si quid probat Liberiana assertio, supra exposita. Probat (inquam) eo consilio inconcussam S. Augustini de gratia doctrinam sub illarum propositionum æquivocarum nubibus & obscuritatibus ab ipsis inexplicatam Censuram esse propositam, ut eam postea à S. Sede Apostolica damnatam esse proclamando, Semipelagianum (ut visum est præfatæ Congregationi) errorem, simul cum Catholica fide commiscendo, perturbandoque omnia, & censuram non explicatam impetrando, ipsius sibi judicium & interpretationem deinceps arrogarent; in quos vellent sensus inflecterent; firmatum per eam (invito Augustino) Molinismum suum prædicarent; sub ancipitisque istius Censuræ prætextu sibi licentiam sumerent quidlibet audendi, & innocentissimos quosque sibi invisos, apud imperitam multitudinem, imo apud Reges quoque, Principes & Magistratus traducendi.

Quo ut pervenirent, ea ipsis opportunissima visa est via ad impetrandam ancipitem & inexplicatam Censuram, variis calumniis diffamatos S. Augustini defensores adoriri, præsertim vero traducere velut inimicos S. Sedis, & adversus summi Pontificis dignitatem atque Authoritatem vexillum erigentes. Sic futurum sperarunt, ut eos Romani in propositionum Censura damnandos censerent, eoque facilius Jesuitis ipsis crederent.

Sed enim occurrebat hic grandis scrupulus, ad quem sua cœpta allisum iri pene cœtum erat; expectata nempe illa à Gallicanis Episcopis, pro Augustino  
labo-

laborantibus, & Doctoribus ab ipsis ad S. Sedem delegatis Congregatio solemniter, in qua partes oppositæ mutuo congredierentur, viva voce coram inter se contenderent, & scriptis utroque citroque communicatis, omnem fraudis suspicionem amoverentur. Sic utique fraudes & calumniæ detectæ fuissent, vidissetque Pontifex necessitatem nullis æquivocorum sensuum involucris obiectum proferendi judicium, sed secundum solitas Ecclesiasticorum judiciorum formas, ac regulas, in omnibus hucusque Conciliis observatas pronuntiandi. Quod si factum fuisset, præcisæ fuissent lites, cæteræque causæ tot malorum subsecutorum, sicut & occasio inquietis hominibus novos longe lateque tumultus excitandi. Hujus proinde tantæ certi naufragii, una Jesuitis ratio fuit, ut nervos omnes suos intenderent, ad hoc ut summum Pontificem ab instituendo expetitæ illius collationis instituendæ consilio detererent.

Magnum erat hoc impetrasse; impetratum tamen non sufficiebat ad victoriam. Quid enim si scripta mutuo communicarentur inter Doctores, & Jesuitæ congererentur explanatæ & distinctæ quid peterent & vellent, aperire? scilicet amicarum ipsis abstractionum commentum nudatum fuisset, & inde metus, ne sibilis à Romanis exciperentur. Quid ergo Jesuitæ commodius hic agerent, nisi ut ne scripta communicarentur, ne cum adversariis pugnarent, sed illud pervincerent, ut soli ipsi, magna Romæ gratia pollentes, & ipsis confederati, tam voce quam scripto, tam Pontifici quam Consultoribus loquerentur, nec illorum mendacia ulli liceret refellere.

Hoc affectuti Superiores quidem esse poterant, non tamen citò. Quid enim si Consultores, lecto & examinato Jansenii libro, sensum ipsius circa quinque propositiones explanassent, & cum Thomistis convenire docuissent? Illorum relatione fortasse commotus fuisset Pontifex. Enitendum ergo vobis fuit ut neminem audiret pro Jansenio loquentem, ante resolutam inexploratam propositionum damnationem, sed solos Jansenio

obloquentes. Et hoc quoque sic obtinuistis, ut si Augustiniani Doctores audirentur, audirentur ad pompam conceptâ jam damnationis Bulla; non audirentur vero ad hanc controversiam penitus explicandam. Ista omnia solitis artibus suis & calumniis adversus Jansenium & Augustini defensores Jesuitæ obtinuerunt. Inter fallaces verò suas artes ea una fuit, Romanis persuadere, quod in causa Janseniana quinque propositionum, nulla esset ipsis cum Thomistis controversia, sed summa consensus; cum nihil S. Pontifici proponerent, de quo in Congregatione de Auxiliis inter Thomistas & Jesuitas fuerat controversia, non utique causam gratiæ per se efficacis, vel Molinisticè sufficientis, sed solam causam gratiæ necessitantis, quam à Jansenio cum Calvino sustineri, tot artibus & fallaciis ubique sparserunt, ut Romanis adversus Jansenium ob Bullam Urbani VIII. præventis, & ipsi Pontifici persuaserint, & ut persuaderent, jam ante per Doctorem Cornetum Exjesuitam quinque propositiones terminis æquivocis conceptas (quæ eo tendere videbantur) subdole fabricaverant & in Jansenii libro totidem verbis contineri, fallaciter persuaserunt; & ne fallacia ista detegeretur, solemnem (ut dixi) congregationem, seu cum Augustini defensoribus Congregationem (per quam detectis fraudibus, pax Ecclesiæ reddita fuisset, & subsēcutæ turbæ, subsēcutæ non fuissent) impediverunt, ita exigentibus peccatis nostris, propter quæ Deus prævalere permisit fallaces Jesuitarum artes. Et inde factum est, quod Molinismum suum, per Innocentianam Bullam definitum proclamando, ingentes in Ecclesia turbas in hodiernum usque diem perdurantes concitaverint; Antimolinianos omnes, velut Jansenianos & hæreticos infamando. Quæ de re vir celebris, Annatum alloquens, quisquis Calvinianus non est: quisquis Catholicam fidem ex ore tuo amplectitur, te Judice Catholicus est. Ita si nos ut hæreticos pergas incessere non tam nobis turpissimi criminis notam inuris, quam tibi injuria, inconstantiaque notam apud homines, culpam apud Deum accersis, (paulo ante namque

que ex ipsismet Jansenii propositionibus supra laudatis demonstrat nihil aliunde quoad rem à præsentis Jansenistis doceri, quàm à Thomistis, quos orthodoxos Annatus fatebatur) hujus judicium, mi Annate, nimis abest ab oculis tuis. Aliter ageres, si de illo serio cogitares. Quam enim tandem Deo rationem redditurus es, cum exprobrabit tibi servorum suorum famam manifestissimo hæreseos crimine conscissam: projectam in periculum schismatis Ecclesiam: vilissimis nullis (de facto Jansenii) quasiunculis, turbatam fidelium pacem: delusam artibus tuis summi Pontificis aquitatem, cujus aures, heu! vobis nimis credulas, innumeris quotidie mendaciis oneratis? Non agitur de Jansenio. Ille in tuto locatus non jam veretur humanum diem, de nobis agitur, quibus, Orbe Christiano inspectante, Calvinianum sensum objicere non dubitas. Etiamne id nobis impetrabis, ut, reclamante conscientia, hunc errorem à nobis defensum agnoscamus, quem tota mente semper repudiavimus? Nimis nimis hoc durum est, Pater Annate, ut falsum crimen agnoscendum sit, ne falso accusasse videaris.

Quid afferes igitur, quominus illa hæresis, nobis objecta, planè evanuerit? Iterumne ad Janseniani sensus cavillationem recurres, & ad tuum illud puerile sophisma: Jansenianus sensus est Calvinianus. At Jansenianum sensum defenditis, ergo Calvinianum. Deus immo: talis! adcone homines ex odio & cupiditate immutari possunt, ut nullum in iis, non dicam humanitatis, sed rationis vestigium supersit? Nam tu, si homo esses, mi Annate, illo potius modo argumentum tuum contexeres: Jansenianus sensus est Calvinianus. At damnatis sensum Calvini. Ergo damnatis sensum Jansenii. Debueras ergo nobis non Calvinum objicere probatum, sed Jansenium desertum.

At quidam negant Jansenii sententiam esse Calvinianam. O Miseram hæresim, & ante inauditam! Si sibi isti falsò persuadeant Jansenii doctrinam Augustino-Thomisticam esse, non Calvinianam. Stultos igitur eos voca, Catholicos fatere, quamquam jam ostendam tibi, unde stultitiam istam hauserint. Hauserunt enim non modo

ex multis *Janſenianis* locis ſupra exhibitis, ſed etiam ex P. Palavicino, Romano Jeſuita, vere in iſtis rebus & intelligente & moderato. Ipi addere poterant Liberium Gratianum, ipſum quoque Jeſuitam. Audi ergo quomodo Palavicinus Janſenium cum Thomiſtis conjungat, de gratia ſufficiente loquens: “ Primum (inquit tract. de grat. anno 1645. dictato in colleg. Rom. diſp. 4. a. 4.) “ aſſerunt communiter Patres Dominicani, & idem reiſa docet Janſenius l. 3. de grat. Chriſt. c. 1. cum inficiaretur dari gratiam aliquam ſufficientem, ſubdit eam concedi poſſe, ſi admittatur in eo ſenſu, in quo eam admittit Alvarez, cæterique nobis Adverſarii in quæſtione de Auxiliis; ut nimirum det quidem poſſe, non tamen ſit ſufficiens ad agendum, niſi aliquid aliud addatur ex parte Dei: ad huc tamen non eſſe veram Chriſti gratiam. Contra-ria eſt doctrina Societatis &c. “ *Hinc ille in votis ſuis* “ (dum unus eſſet ex Cenſoribus in cauſa quinque propoſitionum) *eadem Cenſura Janſenium perſtrinxit, quã idem Alvarez perſtrinxiſſet. Erroneum dixit illius ſenſum, quia Thomiſticum: hæreticum nunquam dixit, quia Thomiſtas hæreticos dicere, nondum auſus fuit. Quid quod ille ſuper quarta propoſitione ſenſum Janſenii diſertis verbis abſolvit, & immunem judicat à Cenſura? Hic (quaſi) reſponde, Pater Annate. Cum Palavicinus ſenſum Janſenii immunem judicabat à Cenſura, an ille Calvinianus erat, an blaſphemus, an hæreticus? Non opinor. Quare ergo ut Catholicum defendebat, quod tu Calviniani erroris accuſas, niſi quia aliter quam tu Janſenium interpretabatur? Sentitne igitur, non propterea quemquam Calvino adharere, quia Janſenium defendat, alioquin Romanum illud judicium dimidio fere Calviniſtarum numero conſtatum fuiſſet.*

Ceterum hoc Pallavicini tui loco admonemur, ut o-  
biter hic aperiã, quantopere credulis Lectoribus hoc ſufficientis gratiæ nomine ſciens, vel imprudens impo-  
nas. Scilicet nihil crebrius in ore habes, ut tibi Domi-  
nicanos adjungas, quam gratiam ſufficientem Thomi-  
ſtarum à Janſenio quaſi monſtrum eſſe exagitatam. At  
in

in hoc, mi Annate, longissime erras. Illa enim gratia sufficiens, quam ut monstrum infectatur Jansenius to. 3. l. 3. c. 3. non est illa Thomistica, quam ab *Augustino libenter admissum* iri docuerat cap. 1. Sed *Sodalium vestrorum, suarisque precipue, incongrua gratia, qua lato limite à Thomistica dividitur.* Hoc vero tam manifeste..... testificatur, ut mirum sit vos tam putidam criminatiozem toties iterasse.

Tamet si ergo solis fallaciis suis, & gratia illa qua Jesuitæ Romæ pollebant, factum sit ut quinque propositiones S. Augustini defensoribus, in judicio non auditis, absque ulla explicatione damnarentur; earum nihilominus damnationi iidem defensores Orthodoxa obedientiâ illicò (Bullâ promulgata) sese submiserunt, totoque corde & ore damnarunt quinque propositiones, per Innocentianam Constitutionem damnatas: cùmque oportuisset Jesuitas de tam prompta Augustinianorum obedientia ipsis congratulari, deque reddita per eam pace, sopitisque fidei controversiis gaudere; alterius generis bellum adversus ipsos adorsi sunt, nova lite suscitata de Jansenii facto, nihil ad fidem, nihil ad mores pertinente, quamque ideo *superfluam nulliusque momenti*, Innocentii X. & Alexandri VII. decessores, de quæstione simillima loquentes, nuncupaverunt. Atque utinam intra limites ejusmodi quæstionum continuassent! (ait Christianus Alethophilus Art. Jesuit. §. 8. sect. 8. subsect. 18.) verùm molestè ferentes, quod Molinismo adversantes promptâ illâ suâ obedientia sese ipsorum manibus subduxissent acceptâ illâ, inani de Jansenii facto controversiâ, primùm in Gallia, deinde Romæ conclamare cœperunt; deceptum ab ipsis Pontificem, inanemque redditam Innocentii X. Constitutionem. Certissimè id erat à veritate alienum: quomodo enim inutilem, cum turbas composuisset, pacem restituisset, fidei depositum in tuto posuisset, fidelibus omnibus in fidei unitate, seu Ecclesiæ communionem permanentibus, damnatumque quinque propositionum sensum, velut hæreticum sese damnare, corde & ore profitentibus? Hoc manifestè satis erat ad cu-

stodiendum fidei depositum, sed satis non fuit Jesuitis, quorum intererat, ut suis è manibus non elaberentur Molinismo, (cujus defensionem Societas susceperat) adversantes. Pacem ergo ut supra restitutam turbantes, super inutili quæstione illa litem ipsis denuo suscitaverunt, clamoribus magnis ubique conclamantes, ab Innocentio X. definitum esse, quod quinque propositiones totidem verbis in Jansenii *Augustino* extarent, nec id ab istius libri defensoribus bona fide negari, sed perversa intentione, damnatas propositiones opportuno tempore palam sustinendi.

Erat calumnia manifesta, judiciumque certissimè temerarium, cum nulla perversæ istius intentionis indicia præberent. Nec hoc Innocentius X. in definitiva parte Constitutionis suæ, qua singulæ propositiones damnatæ fuerant, ullam de eo mentionem fecerat, sed in proœmio dumtaxat & clausula illius, quæ, juxta Canonistas, ad narrationem spectat, non ad definitionem. Nec aliunde probabile deerat ex circumstantiis fundamentum, ad credendum, id ab ipso definitum non fuisse. Primò ex eo quod novum prorsus & insolitum esset in Ecclesia, hæreticas propositiones Authori, in Ecclesiæ communione defuncto, definitive tribui, tanquam ex libro ipsius extractas, nisi totidem verbis in ipso extarent. Cuivis verò legenti manifestum erat, quatuor saltem propositionum verba in libro ipsius non extare. Secundo ex eo quod nulla Ecclesiæ definitio, damnans sensum & librum alicujus Authoris, in materia fidei, inter Catholicos controversa, fieri soleat absque juridico libri examine. Certum vero erat, juridicum libri Jansenii examen nulli Congregationi ab Innocentio demandatum fuisse, cum id ex nullo actu Authentico appareret, sed examen duntaxat in abstracto, sive abstrahendo à quocumque Authore, prout ex Censoribus ab Innocentio deputatis testificati sunt Wadingus, & Commissarius Sti Officii. Tertio, ex eo quod verisimile non erat, Episcopi de Ecclesia bene meriti (prout erat Jansenius) velut hæreses quinque docentis in *Augustino* suo, condemnationem ab Innocentio X. de-

fini-



ſinitive factam fuiſſe, non ſervato juris ordine, dum ſervari poterat, auditâ ſcilicet utraque parte, auditis proinde hac de re, in judicio contradictorio deſenſoribus ipſius, coram Pontificio tribunali ipſum deſendere paratis, & audiri ſolemniter poſtulantibus; quos tamen ſuper hac re juridice auditos non fuiſſe; certiffimum eſt. Ipſis vero inauditis, æquitas non videbatur permittere tantum Epiſcopum (quem, utpote fidei depoſitarium, maximè oportebat iſtius depoſiti fidelem eſſe cuſtodem) in libro illo velut hæreſeos Doctorem condemnare, vitâ proinde civili ſpoliare, fama utique & honore, in vera fide fundato; qui honor cùm homini Chriſtiano carior ſit vita corporali, ipſum condemnare velut in libro ſuo à fide devium, vere eſt ipſum civiliter occidere. Quod non ſervato juris ordine æquitas non magis permittit, quam ipſum corporaliter occidere. Quid ne à Romanis quidem adhuc gentilibus factum fuit, cùm ſcriptum ſit act. 25. *Non eſt Romanis conſuetudo damnare aliquem hominem, priuſquam is qui accuſatur præſentes habeat accuſatores, locumque defendendi ad abluenda crimina.*

Quia ergo ex Innocentiana Conſtitutione nihil contra Antimolinifas erue poterant, ſi ſeſe Conſtitutioni illi ſincere ſe ſubmiſſiſſent; per pulpita, per domos privatorum, per palatia Epiſcoporum, ac Principum, tanta calliditate ubique inſuſurrare & clamare cœperunt ſimulatam eſſe profeſſionem fidei ipſorum, ab ipſiſque ore, non corde, quinque propoſitiones damnari, nec factum Janſenianum ab ipſis bona fide in controverſiam vocari; ſed peſſima & perversa, ut iſto velut pallio hæreſim ſuam tegerent, non deponerent, viamque ſibi relinquerent ad eam opportuno tempore propalandam. Et tantâ id calliditate ubique ſparſerunt, ut hoc pluribus Epiſcopis Gallicanis, ac per ipſos Alexandro VII. perſuaſerint, ab ipſoque per obreptionem iſtam Conſtitutionem impetrarint, quæ deſinivit, propoſitiones illas ex Janſenii libro excerptas, in ſenſuque ipſius damnatas eſſe, filioſque iniquitatis eſſe, qui contra ſentirent.

Quo fane verbo numquam optimus Pontifex usus fuisset adversus eos, qui in sola critica quæstione facti, ad fidem nihil omnino pertinente (in qua ipsa etiam Concilia œcumenica non semel circumventa fuerunt) bona fide, justis de causis, aliter quam ipse sensissent; maxime cum de critica illa quæstione juridicum examen (auditis utrimque partibus) Alexander non magis instituisset, quam Innocentius, ex ipsiusque Constitutione certissime constaret, Antimolinistas illos non aliter ab ipso filios iniquitatis appellari, nisi quia, Jesuiticis fraudibus circumventus, sibi persuasit Jansenii defensores non bona, sed pessima fide de critico illo facto litigare. Hoc igitur pacto Ecclesiæ pacem Jesuitæ rursus perturbarunt, & intestina in ea Bella fecerunt perennare, eo quod, nunquam desinant calumniari, & usque adeo invalescant mendaces voces, ac jugiter iteratæ fallaces querimonie ipsorum, ut in ipso sinu Ecclesiæ, Romanos Pontifices, unum post alium, adversus fratres suos exasperent, in eamque persuasionem fallaciter inducant, ut silentium quod circa criticum illud factum, illius defensores promittunt, nihil aliud sit, nisi tacita hæreseos professio; dum silentio illo, velut pallio, non *deponitur error, sed absconditur; vulnus tegitur, non curatur, Ecclesia illudatur, non paretur; & lata demum filius inobedientiæ via sternitur ad fovendam silentio hæresim.* Impium hujusmodi silentium meritissimè damnat S. D. N. Clemens XI. Constitutione sua *Vineam Domini Sabaoth.* Quis enim non detestetur silentium, fidei & Ecclesiæ auctoritati tam exitiosum? Quis non excretur nefandum hominum genus, si usquam est, qui in Ecclesiam inducere non erubescunt tam tetram dissimulationem? Conterantur (ait Liberius Candidus) si qui sint de isto hominum genere.

Verum de eo genere esse critici facti Janseniani defensores, certissimam esse Jesuitarum calumniam, plus quam à sexaginta annis palam ipsi protestantur, nec Jesuitæ unquam legitime probarunt, aut probare potuere; nec etiamnum possunt. Manifesti ergo sunt

calumniatores, & conviciatores, sapientum omnium judicio. Quia ista ab ipsis *conviciante magis levitate, quam convincente veritate dici, quis mediocriter sapiens ignoret?* ait S. Augustinus l. de unit. Eccles. c. 5.

Est vero Ecclesie tam exitiosa calumnia ista, ut plusquam dignum justumque sit de ea à sede Apostolica, citata & audita utraque parte, juridice inquiri, ut tandem, cognita veritate, si de illo genere Janseniani facti defensores inveniantur, ab omnibus anathematizentur; sin minus, Jesuitæ calumniatores, velut Ecclesie perturbatores, & per illam perturbationem infinitarum animarum salutem impediētes, puniantur, ac pro meritis castigati, Sedem Apostolicam, Regesque, & Principes ac Magistratus imposturis ac mendaciis, & fallacibus astutiis suis delinant circumvenire.

Propterea hos à Sede Apostolica juridice inquiri, maxima qua possunt humilitate supplicant Antimolinistæ. Neque enim Apostolicum de eo judicium, salvo juris divini & humani ordine, refugiunt ipsi, de nullo sibi conscii, sed soli refugiunt Jesuitæ, sibi conscii de calumniis suis.

Nec deerit fructus ingens juridicæ istius inquisitionis: si enim malæ fidei deprehendantur facti Janseniani defensores, à fidelibus omnibus, prout dixi, anathematizabuntur, si innocentes deprehendantur, Jesuitis tamquam calumniatoribus palam castigatis, pax Ecclesie restituetur, totque Innocentium persecutio cessabit. Cessabunt & tot alia mala, per illam persecutionem cum ingentissimo salutis infinitarum animarum præjudicio causata. Cessabunt denique hæreticorum, hac de re Ecclesiam calumniantium, clamores, quasi legem tyrannicam statuatur, formularii juramentum exigendo; cum legem istam tyrannicam vel ipsi Jesuitæ, cum Illustrissimo D. Archiepiscopo Cameracensi censeant, si in decidendis ejusmodi factis Ecclesia falli possit, prout falli posse, communissima est Theologorum veterum ac modernorum doctrina, à Christiano Alethophilo argumentis irrefragabilibus  
com-

comprobata supra laudato art. 8. sect. 4. subsektionem  
1. 2. 3. 4. 5. 6. 7. 8. 9. 10. 11. 12. 13. 14. 15.  
16. 17.

Nec id absque ingenti fructu fecit Clemens IX. Cum enim fallacibus Jesuitarum artibus & calumniis præventus, adversus sanctissimos Episcopos, hæctenus inauditos, Alecensem, Appamiensem, Bellovacensem, Andegavensem, ipsos velut Sedi Apostolicæ circa Jansenii factum inobedientes, ab Episcopatu remove cogitasset; eo quod palam declarassent, Ecclesiæ quidem Decretis, quibus quotidiana, nec divinitus revelata facta deciduntur, debitam esse reverentiam & venerationem; non tamen infallibilem ac fide divina credendam veritatem, cum inquam, à Jesuitis circumventus, mala fide id ab ipsis declaratum existimaret; auditâ in contrarium parte altera, visisque attestationibus Archiepiscopi Senonensis, Episcoporumque Catalaunensis & Laudunensis; viso etiam instrumento ad ipsum (Jesuitis insciis) clam misso per Nuntium Apostolicum, à quo Sanctitas sua specialiter informari voluerat de iis quæ continebantur in processibus verbalibus Episcoporum illorum super Formularii subscriptione; *Episcopi quatuor* (aiebant laudati Episcopi ipsi in instrumento illo) *aliæque Ecclesiastici fide egerunt quam optimâ, certoque eis propositum non est, nisi zelo maximo fidem Ecclesiæ, altamque erga S. Sedem submissionem conservare. Condemnarunt, & condemnari jusserunt propositiones quinque, sinceritate omni, absque explicatione vel restrictione qualicumque, in omnibus sensibus, quos Ecclesia condemnavit. Absit ab illis quam longissimè, ut corde suo tegan consilium quodcumque errores illos quovis prætextu renovandi, ferendique, ut qui illos renovet, vel in minimo factam ab Ecclesia illorum condemnationem labefactet: cum alii Ecclesiastici non sint, qui inviolatè magis, in hoc argumento, aliisque omnibus, doctrina ipsius adhaereant.*

*Quod verò ad attributionem spectat, qua propositiones illa adscribuntur libro Jansenii, Episcopi Iprensis, iterum præstiterunt, jusseruntque præstari S. Sedi omnem reverentiam*

tiam & obedientiam, qualis ipsi, dum libros proscribit exhiberi debet juxta Theologorum omnium consensum, juxta doctrinam omnium retro seculorum catholicam; imo & novissimis temporibus assertam ab acerrimis auctoritatibus S. Sedis defensoribus, quales fuerunt Cardinales Baronius, Bellarminus, Richelius, Pallavicinus, & Patres Petavius, & Sirmondus; idque conformiter ad mentem Constitutionum Apostolicarum, quæ in eo posita est, nihil ut dicatur, scribatur, vel doceatur Pontificum decisionibus contrarium. Quibus addiderunt processuros se in suis Diocæsi-bus per vias canonicas, adversus eos quorum officiorum alterutri deessent.

Declaramus ac testificamur (habita communicatione & cognitione speciali eorum quæ sentiunt quatuor Episcopi, quæque in Processibus eorum verbalibus continentur) doctrinam hoc scripto comprehensam, prorsus conformem esse doctrinæ dictorum Processuum verbalium, nihilque in eis contineri doctrinæ huic contrarium. Atque hæc etiam mea doctrina est, & novemdecim Episcoporum, qui ad Sanctitatem suam scripserunt sententia. Et instrumentum signarunt; Fœlix Episcopus & Comes Catalaunensis. Antonius Arnaldus, Presbyter, & Doctor Sorbonicus.

Quo instrumento accepto, frequentissimam Eminentiſſi. DD. Cardinalium, Prælatorum, Consultorum Congregationem Clemens IX. instituit, eoque per tres hebdomadas diligenter & mature discussa, Instrumentum probavit, pacemque Ecclesiæ Gallicanæ concessit, & specialiter quatuor Episcopis, probata eorum innocentia, & falsitate calumniarum, adversus ipsos ad se delatarum: Non enim potuit persuasum non habere, à quatuor illis Episcopis plenam & integram obedientiam exhibitam fuisse, ac omnimoda sinceritate formulario subscriptum. Inde sibi per omnia ab iisdem satisfactum esse judicans, statuit apud se suam illis benevolentiam denuò impertire, gratificarique per Apostolicum Breve, &c. prout habetur in Regesto Eminentiſſimi Cardinalis Patroni Rospi gliosi.

Ad pacem istam conciliandam, non parum etiam pro-

profuerunt litteræ, tum quatuor Episcoporum illorum, tum novemdecim aliorum è primariis, ad eundem Sanctissimum Dominum Clementem IX. Et litterarum quidem quatuor Episcoporum tenor fuit iste: „ Beatissime Pater, quam primum accepimus &c. Vide *Tomo primo pag. 353.*

Halce litteras secutæ sunt 1. Decembris ejusdem anni, ad eundem Clementem IX. aliæ novemdecim Episcoporum, prædictorum quatuor Episcoporum causam suscipientium, sub hoc tenore: „ Cum exordia „ vestri Pontificatus, &c. *Tomo primo pag. 359.*

Receptis hisce litteris, una cum Instrumento ante exhibito, & sic audita parte altera, Clemens IX. compositis Ecclesiæ Gallicanæ dissidiis, declaratâ plenâ atque perfectâ quatuor Episcoporum obedientiâ, Gallicanæ Ecclesiæ, restituit pacem. Quam & Successoribus facile esset toti Ecclesiæ restituere, eadem vel simili via, audita utique accusata à Jesuitis parte altera.

Sed quia pax illa Ecclesiæ Gallicanæ insciis, atque invitis Jesuitis à Gallicanis Episcopis, regiisque Ministris, ipso Rege annuente procurata fuerat; eam Jesuitæ fallacibus artibus suis brevi perturbarunt; quia de gloria & interesse Societatis esse existimant, ut semper sint Jansenistæ, atque ut eo nomine diffamare possint quoscunque suis opinionibus adversantes. Deceptum ergo à supra laudatis Gallicanis Episcopis Clementem IX. mentientes, novæ incudis suæ, fidei articulum, toti Antiquitati incognitum comminisci cœperunt, quod utique post Pontificiam Alexandri VII. & S. D. N. Clementis XI. definitionem de fide esset, quinque propositiones ex Jansenii libro in sensu damnato extractas esse, sive in eo contineri; quasi verbum Papæ, de non contentis in Scriptura & Traditione, æque sit fide divina credendum, ac verbum Dei scriptum vel traditum. Quod nihil aliud est nisi facere Papam Deo æqualem, sive æqualis cum Deo Auctoritatis & infallibilitatis. Quod cum anno 1661. die 12. Decembris, Pater Jacobus Coret, in Thesi sua Clam-

montana conclus. 19. & 20. asseruisset, novitatem inauditam tota exhorruit Gallia, eamque velut novam hæresim, totius Christianæ religionis fundamentum subvertentem, valide statim repressit liber inscriptus, *La nouvelle heresie des Jesuites, soutenue dans le College de Clermont*. Cumque Thesi illi suppetias ferre conatus fuisset P. Annatus, statim & ipse validè repressus fuit altero libro, cui titulus fuit, *Les illusions des Jesuites dans leur livre intitulé, Expositio Theses &c.* Enimvero quis Christianus, etiam hæreticus non scandalizaretur, si Jesuitam audiret dicentem, æqualem submissionem debitam humano Papæ verbo, v. g. dicenti, quinque hæreses in Jansenii libro contineri (quod profecto nullibi Scriptura vel Traditio explicite vel implicite dicit) ac verbo divino, dicenti *Verbum esse Incarnatum*. Omnino refugit animus, hanc audire blasphemiam; nec certè audiri potest absque gravi, vel ipsorum hæreticorum scandalo, quorum conversionem mirum quantum impediat novitius ille fidei Jesuiticæ articulus. Rident quippe & subsannant nos, cum à Jesuitis audiunt, sese à Catholicis adhuc habendos hæreticos, etiamsi cum Ecclesia Romano-Catholica primatum credant Romani Pontificis, septem Sacramenta, realem Christi in Eucharista præsentiam, Missæ Sacrificium, purgatorium, cæteraque omnia, quæ Romano-Catholici credunt, nisi insuper novum illum crederent articulum, nec in Scriptura, nec in Traditione fundatum, nec ab ullo Concilio, imo nec ab ullo Romano Pontifice definitum, tamquam fide divina credendum. Romanis proinde Pontificibus, & Ecclesiæ Catholico-Romanæ injurius est novus ille Jesuiticæ incudis articulus: quia ipsos & Ecclesiam eorum ludibrio exponit, quasi novos quotidie fabricent articulos fidei, & Papa, perinde ut Deus, inerrabilis sit in decidendis factis humanis in dies emergentibus; cum Papa homo sit, & *omnis homo mendax*.

Ad majorem proinde solius Societatis, non Dei gloriam, confectus est articulus ille, nullo Ecclesiæ bono, imo magno ipsius malo; cum multorum utique fidelium

lium perturbatione, innocentium persecutione, ipsorumque etiam hæreticorum scandalo; absque ulla utilitate, etiam ad finem, ob quem à Sociis confectus fuit. Nec enim probabilis est, utpote nullo gravi innixus fundamento, certaue contra se habens argumenta, quæ profert Christianus Aleophilus sectione 2. 3. & 4. Et totum unicumque ipsius fundamentum, vel ipse Jesuiticæ Scholæ Princeps Molina Comment. in 1. p. 4. 1. a. 28. disput. 2. funditus evertit, dum, cum communi Theologorum sententia asserit auxilium, quo Spiritus Sanctus assistit Ecclesiæ Catholicæ, summoque Pontifici, Capiti ipsius, non esse ut efficiat de fide, quod prius non erat de fide, sed solum ut non erret, in declarandis iis quæ mediatè vel immediatè ad fidem pertinebant, velut contenta in Scriptura, vel Traditione; ad quam profecto non pertinebat declaratio, asserens Titium in tali libro, tali sensu hoc vel illud asseruisse. Quare sicut nulla est in Ecclesia potestas, nec Authoritas efficiendi aliquid de fide, quod ante non erat de fide. ... Sic (inquit Molina) nec faciendi Scripturam Sacram, vel librum aliquem Canonicum; nec, quod inde consequens est, definitionem ullam fidei divinæ credendam.

Ecce Molinistarum Patriarcha illud ipsum principium in pulverem redigit, ex quo ipsius discipuli novitium suum fidei articulum, novitiamque hæresim comminiscuntur, principiumque illud in pulverem redigendo, demonstrat probabilem non esse articulum illum. Et ut probabilis esset, fide divina credibilis non esset. Quia nihil fidei divinæ credibile est, si probabiliter duntaxat, non certo sit divinitus revelatum. Siquidem Innocentius XI. hanc cum Ecclesia universa damnavit propositionem 21. inter 65. *Assensus fidei supernaturalis & utilis ad salutem, stat cum notitia solum probabili revelationis; imo cum formidine, qua quis formidet, ne non sit locutus Deus.* Qua in propositione plusquam damnata est novitia hæresis, à Jesuitis noviter excogitata, adversus eos, qui novitium fidei articulum ipsorum non credunt. Neque enim hæreticus est,



est, nec esse potest, qui credere non vult articulum, quem fide divina credere nec potest, nec tenetur. Imo hæreticus est, qui non credit veraciter ac sincere profitenti, se credere omnia, quæ Ecclesia credenda proponit, nisi & novum istum articulum credat; ipsumque propterea de hæresi suspectum & illam ipsius professionem, pro simulata haberi vult. Quia, ut Gregorius Magnus ait l. 5. epist. 16. *veraciter confitenti non credere; non est hæresim purgare, sed facere.* Et quid aliud est, nisi Ecclesiam perturbare? Cum, ut ibidem addit, *si credi fideliter confitenti dispicitur, cunctorum in dubium fides adducitur.* Nam cum oris confessionem fieri clamet Apostolus ad salutem, qui recta professioni credere non consentit, in eo quod alium improbat, se accusat. .... Nam nullus ambigit, infidelitatem esse, fidem fidelibus non habere. Hoc ergo, frater charissime, subtiliter perpendamus (ait ibidem epist. 15.) & sub prætextu hæresis affligi quemquam veraciter profitentem fidem Catholicam non sinamus: ne, quod absit, hæresim fieri sub emendationis magis specie permittamus.

Dum ergo Jesuitæ, sub commentitio prætextu hæresis, Viros integerrimos persequuntur, dum ipsorum existimationem quoquo modo student evertere, suam se evertere, nocendi cupiditate, non vident. Contextunt enim, & qualibus possunt sententiis ineptissimarum quarundam blasphemiarum prodigiosa mendacia, eaque ostendenda & ingerenda multis publice privatimque circumferunt, afferentes talia in virorum innocentium esse sensu, qualia diabolico continentur indiculo. S. Prosper in præfat. respons. ad capitul. object. Vincent.

Hoc est quod à Jesuitis plerisque in hodiernum usque diem fieri, fideles deplorant; vere tamen ab ipsis fieri demonstrant plerique libri ac libelli ipsorum. Et quis nescit, illos etiam velut hæreticos, vel de hæresi, atque in Ecclesia rebellione suspectos, apud populum, apud Potestates, apud ipsam quoque S. Sedem traduci, qui quinque damnatarum ab Ecclesia propositionum hæresim, vere hæresim esse, toto corde & ore cum Ecclesia credentes, de earum duntaxat attributione ad  
librum

librum Jansenii, sive de critico Jansenii facto, certissimè non revelato, post Innocentii X. Alexandri VII. & Clementis XI. Constitutiones, bona fide dubitant, ob visam sibi gravissimam, de facto illo dubitandi rationem, parati interim dubium deponere, si de facti illius veritate *ratione duce* doceantur, prout Orthodoxos trium Capitulorum bona fide defensores, post Concilii V. definitionem, Pelagium II. & Gregorium Magnum olim ratione duce docuisse, nec ipsos ob negatam continentiam hæreseos in libris ipsorum, in Concilio illo definitam, pro hæreticis habitos fuisse, ex variis utriusque Epistolis certo certius est, eo quod utique in definitione illa actum non esset de fide, sed de solo facto ad fidem non pertinente. Et idem est de definitione, qua Concilium Generale VI. VII. & VIII. definierunt, Monothelitanam hæresim, in Honorii litteris contineri, quod licet negent Baronius, Bellarminus, Petavius, alique Viri graves, non ideo à viris doctis, nec à Romanis Pontificibus, pro hæreticis habentur. Nec ergo pro talibus habendi sunt supradicti defensores libri Jansenii, maximè cum parati sint suum illud dubium deponere, si de facti Jansenii veritate, *ratione duce* doceantur.

Oblatrant quidem Jesuitæ 1. bonam non esse illorum Jansenii defensorum fidem, nec sinceram, sed simulatam esse professionem, qua palam profitentur, toto se corde credere, quinque damnatas propositiones hæreticas esse, cum aliud in corde gerant, aliud ore profiteantur.

Ast secundum Augustinum de unit. Eccles. c. 5. sapientum omnium judicio, prorsus injusta & calumniosa censenda est criminatio ista, nisi manifestis probetur indiciis. Nullo vero certo, imo ne probabili quidem indicio à Jesuitis probatur, nec probari potest.

2. Oblatrant, ipsis utpote malignam in corde habentibus intentionem, hæresim in silentio fovendi, habendam non esse fidem. Sed cum malignam illam intentionem nullo unquam exteriori signo manifestarint, nedum temerarii, sed & maligni sunt Accusatores fratrum

trum suorum, ac pro talibus habendi à sapientibus omnibus. Lex namque divina violatur, & debitus ordo Ecclesiasticis in judiciis violatur, si palam & aperte profitentes, se corde sincero quinque damnatas propositiones velut hæreticas damnare, semperque damnatos, dum nullum insinceritatis signum exterius proferunt, in simulatæ professionis suspicionem vocentur; quia sic nullus, quamlibet innocens, tutus esset ab hujusmodi suspicionibus, ut recte S. Gregorius supra. Et ideo Innocentius XII. in Brevi ad Episc. Belgii sapientissime statuit, neminem invidioso nomine Jansenismi traducendum, nisi prius suspectum esse, legitime constiterit, aliquam de quinque propositionibus docuisse, ac tenuisse.

#### SECTIO IV.

*De turbis per Jesuitas adversus aliorum Ordinum Missionarios in Sinico Imperio suscitatis, occasione Rituum Sinenſium, ab Innocentio X. & S. D. N. Clemente XI. damnatorum.*

CUM soli in Imperio illo essent Jesuitæ, certos ibi ritus Neophytis suis permittebant; quos superstitiosos, seu idololatricos Ecclesia postmodum declaravit, fueruntque deinde occasio turbarum & persecutionum ingentium. Iis ab initio sese opposuerunt eruditi quidam Jesuitæ; quibus deinde se adjunxerunt aliorum Ordinum Missionarii, Dominicani & Franciscani, à quibus eorum defensores moniti sunt, quod superstitiosi essent. Sed cum Jesuitæ ex adverso sustinerent quod mere politici essent: controversiâ istâ ab anno 1631. usque ad annum 1640. perdurante, à Dominicanis Romam deputatus est R. P. Joannes Baptista Morales, Missionarius Ordinis S. Dominici, & R. P. Antonius à S. Maria Missionarius Ordinis S. Francisci, qui de ea consulerent S. Sedem. P. Antonius in Macao detentus fuit; Pater Morales, post iter duorum annorum, Romam adveniens ob factas sibi contradictiones

& oppositiones multas & magnas, controversiæ decisionem non obtinuit ante annum 1645. quo Innocentius X. solemnī Decreto declaravit, Ritus illos Neophytis permitti non posse, utpote superstitiosos & idololatricos eosque practicari prohibuit sub pœna excommunicationis.

Cùm Decreto illo in Sinam reversus Pater Morales, illud ibi publicum fecit. Sed illi Decreto Jesuitæ non acquiescentes, post illud publicatum, Romam deputaverunt Patrem Martinum Martini, qui Ritus illos tam insincerè & dolose repræsentavit, ut in iis nihil superstitiosum appareret. Ac per hoc ab Alexandro VII. anno 1656. Decretum obtinuit, Decreto Innocentii X. contrarium, sed sub conditione, quod expositio ipsius veritate niteretur: nec mirum, duorum illorum Pontificum varia responsa, utpote super factis sibi propositis sub expositione quarum una alteri erat contraria. Cum enim Morales aliter, aliter P. Martini Ritus illos exposuisset, variatâ facti expositione, necesse fuit variari decisionem. Maxime cùm facta illa, in judicio contradictorio discussa non fuissent.

Jesuitarum, Ritus illos defendentium, permittentiumque, scopus erat doctrinam traderè moribus Sinenſium accommodatam, seseque ipsis gratos reddere, legem divinam accommodando cum doctrina & moribus Sectæ Litteratorum (ut vocant) & Confucii, quam Sinarum Imperator, Litterati, totaque nobilitas sequitur, quorum religio proprie consistit in praxi contraria doctrinæ quam tradunt. Siquidem principia ipsorum vere ad aliud non collimant, in speculatione, nisi ad stabiliendum purum Atheismum, cum tam ipsi quam populus, omni se dedant idololatriæ. Porro Jesuiticus modus, Religionis nostræ principia accommodandi sectæ ab ea tam procul distanti; est prætere, quod dum Sinenſes sacrificia offerunt cœlo, per cœlum, non intelligant cœlum materiale, sed Deum cœli, quem prætendunt designatum per Sinicas voces *Tien & Xangti*; tametsi prior vox revera non significet nisi *cælum*, & posterior *virtutem cæli*, geniosque veterum quorundam Imperato-

ratorum Sinicorum. Simili modo prætendunt, quod dum Sacrificia offerunt terræ, montibus, aquæ, & quinque Spiritibus, seu geniiis domorum; per ista non intelligant, nisi Dominum terræ, montium, aquæ, & Angelos custodes mentium, atque domorum. Quod templa Confucio, suisque Majoribus dicata, non sint nisi Scholæ, aulaque simplices. Quod altaria in honorem ipsorum erecta, non sint nisi simplices tabulæ. Quod Sacrificia, piæ oblationes, genuflexiones, incensationes in ipsis factæ, luminaria ardentia, non sint nisi honores purè civiles ac politici. Quod tabellæ quas asservant, in honorem defunctorum suorum, cum hac inscriptione *thronus anima*. N. coram quibus Sacrificia offerunt, thura & aromata incendunt, sese prosterunt, aliasque faciunt ceremonias, non sint nisi modi laudabiles conservandi memoriam defunctorum Majorum suorum.

Nec dissimili modo de aliis similibus ceremoniis ratiocinantur. Verùm coram Apostolica Sede plene demonstratum est, istum eorum sensum indefensabilem esse. Idque R. P. Gonzales à S. Petro Ordinis S. Dominici, Missionarius Apostolicus & suorum in China superior, in libro cujus inscriptio est, *Relatio nova persecutionis in China, usque ad mortem Cardinalis Tournonii* p. 1. §. 3. inter alia probat ex testimonio cujusdam Chinenensis, in lingua illa peritissimi, qui volens fieri Christianus, lecto Jesuitico libro, in quo Patres Jesuitæ probare conabantur *Tien* & *Xanti*, Deum esse Christianorum, se risui dedit; aiens Authorem nihil intelligere in materia quam probandam susceperat; nec quemquam esse posse verum Christianum, nisi penitus desertâ sectâ Litteratorum, abrenuntiatisque honoribus Confucio reddi solitis. Paragrapho vero 4. id probat ex eo quod Sedes Apostolica, visâ contrarietate expositionum, quas de ritibus illis faciebant Dominicani & Jesuitæ, statuit in Chinam plures mittere Missionarios, & Vicarios Apostolicos, in controversia illa non interfectos; quos selegit ex Presbyteris sæcularibus, & Religiosis Ordinis S. Francisci, aliorumque; factâ ipsis

jussione vacandi studio diligentissimo litterarum Chinenſium , rituumque & conſuetudinum ipſorum. Inter eos deputatus eſt Dominus Carolus Maigrot , Doctor Sorbonicus , factus deinde Vicarius Apoſtolicus Provinciæ Fokienſis , & Episcopus Cononeniſis. Statim atque in Chinam appulit , plenus deſiderio exequendi quod ſibi per Sedem Apoſtolicam juſſum fuerat , cum omni ſollicitudine poſſibili ſe applicavit ſtudio librorum Chinenſium , nulli labori parcens , pro aſſequenda eorum intelligentia ; in eum quoque finem in Magiſtros ſeligens eos ex Chinenſibus , qui peritiores habebantur.

Post inſatigatum pluſquam 20. annorum ſtadium , anno 1693. per totam Vicariam ſuam publico Mandato prohibuit ceremonias , à Jeſuitis permitti ſolitas Neophytis ſuis ; Mandatumque iſtud anno 1700. renovavit ſub poena privationis facultatum ſuarum , incurrenda à Miſſionariis , qui obedire recuſaverint. Inſuper præcepit ab Eccleſiis auferri tabulam inſcriptam *King Tien*, id eſt *adorate cælum*.

Tabulam iſtam ſoli ea in Provincia Jeſuitæ ſervaverant , eam cum honore exponentes in Eccleſiis , ſuis præſertim in Fochien Civitate Metropolitana Provinciæ Fokien. Aliam præterea tabulam , in eadem habebant Eccleſiâ , in qua ordo deſcriptus erat , quo ipſorum Neophyti ab ipſis , poſt communionem , procedere jubebantur ad honorandos deſunctos Majores ſuos , coram ipſis ſeſe inclinando. Denique in januis ejusdem Eccleſiæ , plures aliæ extabant tabulæ , prout conſormes praxi ſectæ Litteratorum.

Primam tabulam dono acceperant Imperatoris , eamque propterea non ſolum in Eccleſia collocaverant Fochienſi , ſed & in aliis omnibus Eccleſiis ſuis , confidentes hac ſibi via comparandam gratiam & protectionem Imperatoris : tamenſi ipſis facillimum fuiſſet , ſimplici juſſu ſuo tabulam iſtam , aliasque omnes ab Eccleſiis ſuis amovere , damnatasque praxes omnes , ab ipſis hætenus permiſſas , amovere ; cum ad id diſpoſitiſſimi eſſent Chriſtiani ipſorum , niſi ſeſe quaſi oppigneraſſent ,  
de-

deque imaginario Societatis honore esse credidissent, isti praxi sese non opponere.

Posteaquam Pater Gozani, Pastor Ecclesiæ de Fockien, cum Patre Sa socio suo, ob suam erga Decretum Illustrissimi D. Cononensis inobedientiam, suspensionem incurrisset, in plena Concione Christianos suos monuit, quod alium deinceps habituri essent l'astorem; cum sibi & Socio suo à Domino Cononensi sublata esset omnis ipsos dirigendi potestas. Idque ipsis tanta cum lamentatione indicavit, ut omnium lachrymas extorserit, tantumque per tres dies eadem in Ecclesia tumultum, ut speciem haberet rebellionis. Quarto die, triginta ex ipsis ad Ecclesiam Illustrissimi Domini Cononensis profectos, tanta ipse benignitate excepit, tantaque cum sinceritate & charitate suum ipsis mandatum explanavit, ut convicti de facilitate illud exequendi, ad Jesuitarum Ecclesiam tranquilli redierint.

Dominica vero die 18. Aprilis eadem in Ecclesia magno cum tumultu congregati, ad Episcopi sui Ecclesiam octoginta ex ipsis profecti, dum Missam perageret, in eam horribilibus cum clamoribus ingressi, audire nolentes ea quæ ad iracundiam ipsorum reprimendam dicere volebat, tanta cum violentia manus in ipsum coniecerunt, ut in terram dejecerint, & genuflectere jussu biretum more Sinico confectum sustulerint, & in terram dejecto, alii vestes detraxerint; alii pugnorum & pedum ictus incusserint; alii injuriis & maledictionibus non pepercerint; alii è terra levatum ad latera percusserint; atque ex ipsis unus pugionem extractum pectori ipsius infixisset, nisi ab aliis cohibitus fuisset.

Cum ista agerentur magno cum Gentilium presentium, totiusque civitatis scandalo, supervenienti P. Thomæ Croquerio, Dominicano Missionario, tanto cum furore improbi illi Christiani occurrerunt; ut, ictibus percussum hinc inde deicerent. Eos nihilominus ipse tam efficaciter allocutus est, ut Episcopum è manibus ipsorum eruerit, totumque illum tumultum, post duarum vel trium horarum spatium, sic sedaverit,

ut Neophyti, post contracta in Episcopi domo mobilia quædam, maleque habitum hominem septuagenarium de ipsius obsequio, in sua se receperint. Die sequenti in aliam Civitatem Episcopus confugit: quo cognito Jesuitarum Neophyti persecutionem suam in P. Croquerium usque adeo verterunt, ut coactus fuerit se occultare de domo in domum, ac deinde in montes fugere, eo quod Neophyti illi, magno cum scandalo, per domos ipsum perquirerent. Nec ista est nisi pars excessuum & sacrilegiorum ista in occasione commissorum.

Jesuitæ interim, prævidentes à se impediri non posse Apostolicam adversus ceremonias illas decisionem, ad eam impediendam per fraudulentas informationes non solum surripuerunt commendatitias variorum Principum, Ecclesiasticorum & Sæcularium; sed & anno 1700. Sinarum Imperatori Memoriale obtulerunt, ipsi terminis valde æquivocis exponentes, vel potius non exponentes puncta omnia spectantia ad causam istius controversiæ. Responsum votis suis conforme statim Romam miserunt, & ut magis esset authenticum, consumari fecerunt per juramentum, à se magnis sollicitationibus exactum à Chinesibus multis, quos inter erant plebei multi & ignorantes, non solum in lectura propriorum characterum, sed & in Christiana doctrina.

Eodem tempore S. Congregationi testimonium obtulerunt à magna Neophytorum suorum multitudine subscriptum, quo suas Eminentias certiores faciebant cælum materiale à Chinesibus non adorari, sed Deum verum sub cæli nomine, nec ab ipsis sperari quidquam à Confucio, nec à defunctis Majoribus suis, in oblationibus quas ipsis faciebant.

De eo tamen nec obtinere, nec mittere potuerunt testimonium Neophytorum de Provincia Xensiensi, utpote à R. P. Gemonæ Ordinis S. Francisci, Vicarii sui Apostolici instructorum; qui solum attestati sunt quod Chineses Christiani non nisi Deum verum adorarent, nec crederent aut quidquam sperarent à

Con-



Confucio, nec à Majoribus suis. De qua certificatione tanto magis attoniti fuerunt Jesuitæ, quod pro obtinenda certificatione votis suis consona, litteras ad ipsos eo tempore à Curia Peckiniensi obtinuissent, quo existimabant P. Gemoni à Metropoli abesse, prout eo tempore abesse consueverat, & proficisci ad Missiones diæti quatuordecim à sua Metropoli distantes; sed tunc infirmitate detentus proficisci non potuit. Communicata proinde ipsi fuit à Christianis, quam à Jesuitis acceperant epistola, postulatūque ipsius consilium iis in circumstantiis, in quibus vel adversus ipsos Societatis Patres ipsorumque Neophyti, in curia degentes, erant irritandi, si petito ab ipsis testimonio subscribere recusarent, vel perjurium committendum, si subscriberent. Et ideo conscii de falsitate illius, de sui Pastoris consilio responderunt ut supra. Nec ad votum suum signaturam obtinere potuerunt, nisi à paucissimis Christianis locorum, in quibus Missionarii erant vel Dominicani, vel Franciscani, vel Augustiniani, & à paucissimis quidem tam secreto, ut id rescire Missionarii illi non potuerint. Simili etiam sub secreto obtentum à se Imperatoris responsum diu servaverunt.

Cumque inter eos qui testimonio ab ipsis petito subscripserant, fuisset Doctor quidam Neophytus ipsorum, nomine Uvang-Joseph, ac deinde apostatasset, sed post tres vel quatuor annos ad Ecclesiam rediisset, in Curia tamen confessus & communicatus, Chineses ritus abjurare nollet; reversusque ad patriam suam in Fogan, ritibus illis nuntium remittere nollet. petitorium à Missionariis Dominicanis poenitentiae Sacramentum, ipsi denegatum fuit. Sed interim ad Christi fidem conversus & baptizatus uxor ipsius ac filia præcellentis ingenii, ab ipsis instanter sollicitatus ad ritus illos abjiciendos, abjicere obstinate nolens, periculosa tandem & longa infirmitate errorem suum miserente Deo recognoscens, illum detestatus & toto corde ad Deum conversus fuit, & suis illis Ritibus nuntium remisit, seque in subscribendo ut supra perjurum fuisse cum lachrymis confessus est; tametsi enim Christiani Chineses,

nihil crederent, nec sperarent à Confucio; nec à progenitoribus suis; qui tamen de Gentilibus ritus illos practicantibus contrarium certum erat, per consequens certum erat Ritus illos à Christianis praticari non posse.

Anno 1705. die 8. Aprilis Illustrissimus ac Rmus D. Carolus Thomas de Tournon, Patriarcha Antiochenus, Missionumque Orientis cum potestate Legati à Latere Visitator Apostolicus, appulsus in Civitatem primariam Provinciæ Chinenfis *Kuang-tunc* nomine *Canton*, velut Pastor plenus charitate, specialique erga Societatem benevolentia, Patrem Beauvoillierum, Procuratorem Jesuitarum in China monuit, ut Patres illos certiores faceret magnam illam de Ritibus Sinicis controversiam adversus ipsos Romæ jam esse decisam, vel proxime decidendam. Quod cum ita esset, necesse erat, ut quasi ex seipsis damnatos Ritus amodò dimitterent. Quod si facerent, Sanctitas sua prædilectæ à se Societatis honori & famæ consulens, Decretum suum decisivum nunquam promulgaret. Ast charitativæ istius monitioni Jesuitæ non solum sese humiliter non submiserunt, quin potius per omnes Missiones suas rumore sparserunt, illas de Ritibus contestationes Romæ in favorem ipsorum esse decisas, non sine perturbatione & confusione magna aliorum Missionariorum. Statim atque ad notitiam Imperatoris pervenit adventus Patriarchæ, tanquam supremi Pontificis Legati, omniumque Sinensium Missionum Superioris, per Gubernatores, Vicereges & Capitaneos Provinciarum, ipsum ad se summo possibili cum honore, suæ Majestatis expensis, deduci jussit, deductumque Imperator cum tota Curia iisdem cum honoribus excepit, quo vel ipse primogenitus suæ Majestatis exceptus fuisset, ita ut in Civitate Hangcei tunc vulgatum fuerit, visum hætenus non fuisse exemplum, quo quemquam tanto cum honore Imperator exceperat, quo D. Patriarcham.

Conferentiæ Imperatoris cum ipso ideam magnam ingesserunt talentorum ipsius, & Romani Pontificis, tanti meriti, tantæque prudentiæ Ministrum habentis,

&

&c inde desiderium magnum concepit strictam cum Sanctitate sua correspondentiam stabiliendi. Ipsum namque Principem esse magnum inferebat ex eo quod sciret ipsum à Regibus omnibus ac Principibus Catholicis velut patrem suum honorari. Et revera bona illa Imperatoris cum Pontifice correspondentia, optimos habuisset pro Missionibus istis effectus, nisi tam prospera initia à Jesuitis in obliquum fuissent tracta.

Cum vero die 27. Decembris 1705. ab Imperatore Patriarcha facultatem impetrasset, in Curia fundandi domum pro Missionariis de propaganda, idque Imperator eo ipso die Jesuitis communicasset, ad ipsorum instantiam Imperator facultatem illam revocavit, quia ab ipsis didicit Presbyteros cum Patriarcha in Chinam advenisse ad finem perturbandi Ritus in Imperio usitatos. Et inde factum est quod Imperatoris erga Patriarcham benevolentia refrigeraret, & ipsum suspectum haberet, seque ab ipso alienaret; eo quod Pater Pereira ipsi exposuisset Patriarcham in Chinam venisse ad finem depellendi Jesuitas ex Curia. Et iste Pater tam violenta cum passione alia à veritate aliena Imperatori exposuit, ut Imperatoris primogenitus Patri Barros exprobraverit, quod Patriarcham odio persequerentur. Quod cum ipse negasset, à Principe jussus negationem juramento firmare, jurare ausus non fuit.

Interea Imperator adversus Patriarcham & Episcopum Cononensem per Jesuitas exacerbatus, utrumque & Patriarchæ Ministros persequi coepit, & Cononensem quidem vix non morti adjudicatum è Chinesis Imperio exulare jussit; Patriarcham vero in Macao relegavit, nec Missionarium ullum in Imperio suo permanere, nec Missionem suam exercere permisit, nisi Sinenses Ritus, à S. D. N. Clemente XI. definitive damnatos ut supersticiosos sequeretur. Ista omnia per Jesuitas ab Imperatore procurata sunt, ut soli ipsi in China Missionarii permanerent, omnes vero Sinicis Ritibus adversantes, inde cum infinitarum animarum salutis præjudicio pellerentur, prout evidenter demon-

frat Gonzales à S. Petro in libro supra memorato; ubi etiam ad vivum exponit horrendas persecutiones, quas Jesuitis instigantibus Patriarcha sustinuit; persecutiones utique tantas, ut causa fuerint mortis ipsius, haud dubie causatae per dolorem ex tot malis conceptum, quae in Macao perpeffus fuit; ex eo utique quod ipse Patriarcha, S. Sedis à Latere Legatus, & Cardinalis, captivus à sibi subditis detineretur; quod mandata ipsius & censuræ contemptui haberentur; quod in Gentilium tribunalibus à Jesuitis traducere-tur; quod sectatores sui, & obedientes filii pessimè tractarentur, & ipsorum aliqui in arce captivi detine- rentur; & in ipsiusmet personam captivitatis minæ jactarentur, quod ad januam domus suae Edicta per- sonae suae, Christianæque Religioni injuriosa affige- rentur; quod domesticorum suorum egressus è domo non permetteretur; quod rerum ad vitam necessaria- rum, ipsius etiam aquae ingressus in domum recusa- retur, ita ut ipse & domestici aquam falsam potare necessitate compellerentur; quod sibi subditi tympa- norum & tubarum clangore ipsi obedire sub poena carceris prohiberentur; quod per confederationem Lusitanorum Macaonensium cum Mandarinis Gentili- bus Viceregis Cantonensis mandata in favorem Emi- nentiae suae executioni non mandarentur; quod sex Missionariis, qui tantis cum incommoditatibus, in itinere tam longo perpensis, biretum Cardinalitium ipsi detulerant, à sex mensibus in custodia detine- rentur, quod invita Eminentia sua Missionarii Domi- nicanici contra fidem datam, contra jus gentium, & contra Imperatoris Edictum compulsi fuerunt, mari se committere versus Coromandelum; quod denique Ecclesia & Christiani persecutionem tantam sustine- rent, ut vix possibile esset asferre remedium; depul- sorumque ex China Missionariorum omnium (iis ex- ceptis qui damnatos Ritus Chinos cum Jesuitis per- mittebant) istorum malorum omnium Jesuitas fuisse causas Gonzales aperte demonstrat per totum librum supra memoratum cujus p. 2. a. 28. & 29. refert  
qua-

quatuor schismaticas & scandalosas propositiones, quas contra S. D. N. Clementis Decretum, adversus Chinicos Ritus, post exactissimam tot annorum discussionem emanatum, ab Illustrissimo Patriarcha promulgatum, Pater Ludovicus Porquet Jesuita publice sustinuit, utique 1. *Quod asserens defunctorum animas super Chinicis tabulis requiescere, contra fidem non peccet.* 2. *Quod Papa infallibili auctoritate definire non possit Controversias de Ritibus Chinicis.* 3. *Quod Missionarii obedire non teneantur Mandato Illmi. D. Patriarcha, super Ritibus illis.* 4. *Quod nec Papa, nec Ecclesia, infallibiliter definire possit quidpiam esse idolum.* Super quibus Jesuita ille à Patriarcha interrogatus num crederet propositiones illas esse veras; ipso eas non diffidente, imo rationibus quibusdam defendente; A sua Excellentia jussus eas ipsi scripto tradere, Censura notandas, si Censura notandas judicaret. Pater ipsi actam tradidit, quâ à Domino Patriarcha ad S. Sedem appellabat, & à sua Excellentia sæpius revocatus ut juridice super illis interrogaretur, suæ Excellentie Auctoritatem irridens, & contra eam scribens, respondere noluit. Et istam ob causam à suæ Excellentie Commissario publice excommunicatus, pro excommunicato se gerere recusavit, nec ipsum Jesuitæ pro excommunicato habere voluerunt. Denique Chinicos illos Ritus, post Pontificiam eorum damnationem, in nova Societatis Historia Romæ impressa nuper adhuc sustinere ausus fuit P. Jouvencius Jesuita, Rmi Magistri S. Palatii mentitus approbationem, quam à se non datam Rmus ille Magister Romæ palam declaravit.

## SECTIO QUINTA.

*De Turbis per Jesuitas excitatis, Occasione Quesnellianarum Reflexionum, super Novum Testamentum.*

**H**icce etiam turbis initium & progressum dedit male animatus adversus Eminentissimum D. Cardinalem Noaillium Archiepiscopum Parisiensem Jesuitarum animus. Et istius quidem animositatis causa prima fuit institutio parvi Seminarii per suam Eminentiam Catalauni facta juxta Concilium Tridentinum, ideo Jesuitis invisa, quia Collegio ipsorum, prout ipsis videbatur, damnosa. Causa altera fuit translatio ipsius ad primariam totius Christianissimi Regni Sedem Parisiensem, à Rege, motu proprio absque ipsorum interventu facta. Siquidem affectant ad Sedes Episcopales solos sibi bene visos à Rege nominari; hoc proinde absque consilio ipsorum non fieri, ut Episcopos omnes habeant sibi devotos, suisque nutibus obsecundantes. Suam tamen de ista translatione displicentiam dissimularunt, usquedum anno 1696 Illustrissimus Archiepiscopus, volens quidem Jesuitarum amicus esse, non famulus (nec enim hoc Archiepiscopum decebat) laudatissimam illam vulgavit Instructionem Pastoralem in quo Jansenismum sic damnavit (damnata *Expositione fidei catholica de gratia & predestinatione*.) velut eum redolente, ut tamen se defensores declararet in illa materia doctrinæ Sancti Augustini, & S. Thomæ, saniorisque de amore Dei, poenitentia &c. doctrinæ, adversus eos qui eam plus nimio emollicebant: addendo se, juxta Breve S. D. Innocentii XII. non passurum, invidioso Jansenismi nomine traduci probos & Catholicos viros, de quibus legitime non constaret, aliquam ex quinque famosis propositionibus tenere.

In hoc signo sese recognoscentes Jesuitæ, suam adversus ipsum animositatem & furorem amplius dissimulare non valentes, seseque ulciscendi occasionem quærentes; cum eam non invenirent integerrimis moribus ipsius, & doctrina, eam non tam invenerunt quam

quam ex livore captarunt in approbatione libri cuius inscriptio est, *Novum Testamentum, cum Reflexionibus Moralibus P. Quesnel de Oratorio.* Adversus quem librum anno 1698. fabricarant, & in vulgus sparserant famosum illud *Problema Ecclesiasticum, directum ad D. Abbatem Boileau:* in quo Jansenianas quinque propositiones singulis propè Reflexionum illarum paginis apertè contineri vociferantes, Eminentissimum D. Cardinalem, earum approbatorem, calumniatrix impudentia ipsorum traduxit velut *Jansenistam declaratissimum*, imo & *Jansenistarum caput*, idque tanto cum scandalo, tantaque cum Eminentissimi injuria ut adversus Problema illud, impudentissimum, tota insurrexerit Gallia, cui compertissima erant Eminentissimi Cardinalis merita, Catholicissimaque doctrina. Et ideo Problema istud jure optimo damnatum fuit ab Innocentio XII. & Parisiis per supremi Parlamenti Regii decretum, manu carnificis igni datum, & in favillis redactum, velut tanto viro enormiter contumeliosum.

Animvero sapientibus omnibus prorsus incredibile erat, in Quesnellianis Reflexionibus singulis fere paginis Jansenianas propositiones apertè contineri: cum in libro illo, post diligentissimum examen, non solum nihil simile deprehendissent sanctissimi & illuminatissimi Episcopi, & Doctores, sed doctrinam è contra apprimè Catholicam, & Sancti Spiritus unctione plenam. Imprimis Illustrissimus Vialartius Eminentissimi Noailii in Episcopatu Catalaunensi Prædecessor, in Sanctitatis opinione defunctus, ac post mortem miraculis clarus Quesnellianas Reflexiones ante Noailium primus approbavit, & in Pastoralis suæ Instructione Pastoribus & Vicariis diocesis suæ plurimum commendavit dicens, quod earum *Autor debuit instructus esse illa charitate luminosa, de qua Augustinus, & tempore non modico in schola Spiritus Sancti, qui divinum novi Testamenti librum dictavit, discipulus fuisse, qui tanta claritate & unctione mysteriorum intelligentiam, & Verbi incarnati doctrinam penetraverit.*

Talem tantumque Prædecessorem Eminentissimus

noſter ſubſecutus, ante translationem ſuam, palam declaravit, Authorem *ea Spiritus Sancti vi & ſuavitate, quæ vel duriffima corda vincit, doctrinam Evangelicam pertractaſſe.* Poſt ipſum modernus Epicoſopus Catalauneniſis in epiſt. Paſtorali de die 25. Februarii 1697. *non poſſum vobis non commendare pias conſiderationes ſuper novo Teſtamento, quas Eccleſia Gallicana debet Illmo D. Epicoſopo Catalauneniſi deſuncto, cujus juiſſu in lucem prodierunt, nondum perfectæ, quasque ab authore longè ampliores melioresque factas, Illuſtriſſimus Pariſienſis Archiepiſcopus approbavit, & valedicens, vobis reliquit tanquam optimum depositum & teſtimonium zeli, quo veſtrum in divina legis notiſia proſectum deſiderabat.*

Eædem Reflexiones magnopere etiam commendatæ fuerunt per Illuſtriſſimum D. Urfæum, Epicoſopum Lemovicenſem, qui & ipſe mortuus eſt in magna ſanctitatis opinione: per Illuſtriſſimum quoque D. Franciſcum, Epicoſopum Aginnenſem, qui eas magna cum eruditione tutatus eſt adverſus paſtorales Inſtructionem Lucionenſem & Rupellenſem: inſuper per Illmum D. Boſſuetum, Epicoſopum Meldenſem, cujus memoria (ob præclara in Eccleſiam merita, egregia adverſus hæreticos ſcripta, & incomparabilem pro fide Catholica zelum) in benedictione eſt: qui & ipſe earundem Reflexionum eruditiffimas ſcripſit vindicias adverſus omnes Jeſuitarum objectiones, quas infundatiſſimas & calumnioſas eſſe ad oculum invictiſſime demonſtravit. Nec in Reflexionibus Janseniſmum invenit Illuſtriſſimus Harlaeus, Archiepiſcopus Pariſienſis, Antijanseniſta juraſtiſſimus. Alioqui eam per totam Dioceſim ſuam cum applauſu legi non permiſiſſet.

• Poſt hæc omnia quid adhuc fecit Eminentiffimus? Conſtat ex epiſtola ipſius ad Illuſtriſſimum D. Epicoſopum Aginnenſem infra referenda, ipſum, ſtatim ut didicit declamationes nonnullorum adverſus Reflexionum librum, nonnullasque expreſſiones ſeu propoſitiones ab ipſis trahi in prævum ſenſum (quod non contigit niſi pluribus annis poſt primas iſtius libri editiones) eum de novo accuratiſſime examinari feciſſe, per deputatos



à se Doctores maxime idoneos, ab omniq[ue] novarum doctrinarum suspicione alienissimos, cum mandato, ut ab eo removerent, quiddid vel minimam ingerere potuisset suspensionem vel umbram latentis erroris. Quod & factum est, & pariter jussu Eminentissimi adjecta & confecta specialis tabula in qua designarentur loca, in quibus Author evidenter docet contradictorium quinque famolarum Jansenii propositionum, easque expressissime condemnat.

Cum secundum exactissimam correctionem & additionem istam, nova editio facta fuerit, quid amplius ab Eminentissimo desiderari potuit? Et quæ rationabilis superesset suspicio latentis in libro illo Jansenismi? Non mirum proinde, quod nova editio ista maxima cum æstimatione ab omnibus passim laudata fuit, à nonnullis etiam primariis Jesuitis, quos inter fuit R. P. de la Chaîse tunc Confessarius Regis, antea S. Theologiæ Lugduni Professor. De quo Illustrissimus Dominus Episcopus Agninnensis in sua ad Illustrissimos Episcopos Lucionensem & Rupellensem Epistola tanquam veritatem certissimam testatur, quod à prænobili quodam de curia Domino interrogatus, quomodo legeret Reflexionum librum qui de Jansenismo dicebatur suspectus? *Quid dicis?* (inquit P. de la Chaîse) *damnarine potest liber tam bonus?* Fatebor tibi sincerissimè, quod à biennio defumam ex eo materiam quotidiana meditationis meæ, non modicam sentiens delectationem de eo quod continet. Idem quoque R. P. de la Chaîse ipsimet Regi Christianissimo librum illum præ manibus habenti, & interroganti num aliquid esset quo impediretur eum legere? respondisse fertur à viro fide digno (de ea se bene informatum certificante) quod cum omni cum securitate legere posset. Denique à pluribus Sorbonicis Doctoribus idem approbatus fuit & plurimum commendatus; quemadmodum & à R. admodum Patre eximioque Doctore Jacobo Jansens Elinga, Inferioris Germaniæ Ord. Prædicat. Provinciale, ejusdemque Ordinis Missionariorum Præfecto Apostolico in Belgio confederato, qui in approbatione libri cujus inscriptio est, *Lettres d'un*

Theologien à un de ses amis à l'occasion du Probleme Ecclesiastique, dicit quod tantum abest, ut aliquas istarum quinque propositionum contineant, imo vel oleant Quesnellianæ Reflexiones Morales, quod ex opposito..... diametraliter iisdem opponantur, sintque planè conformes doctrina & phrasi præclarissimorum Ecclesiæ Doctorum. SS. Augustini & Thoma, eorumdemque omnium Discipulorum. Unde & per totum Gallia regnum vicinasque provincias, per totos quadraginta annos, Quesnellianæ Reflexiones maximo cum fructu, ædificatione & voluptate lectæ fuerunt ab omnibus passim Sæcularibus & Regularibus, utriusque sexus, clericis & laicis, Sacerdotibus & Episcopis, absque animadversione ullius in illis erroris. Sed non ideo cessavit maledictus furor Jesuitarum, quia pertinax est indignatio eorum, quia dura. Cujus livore ardentes, nonnullos Episcopos sibi devotos & mancipatos fuscitarunt, qui sese ipsi adjunctes, adversus Eminentissimum eorum approbatorem tam Regi, quam Romano Pontifici litteras scriberent felle & amaritudine plenas, & in supremo gradu sensibiliter offensivas personæ, in tam Eminentis dignitate constitutæ. Tales scripserunt Episcopi Lucionensis & Rupellensis, stylo adeo ferreo ut suam Eminentiam traducere non vererentur, velut omnium Ecclesiæ inimicorum patronum, hæreticorum & errorum authorumque pestilentium fautorem, Episcoporum pro sana doctrina zelantium persecutorem injustum, furibundum, vindicativum, Jansenii & Jansenistarum defensorem &c. sed in ferocissimis litteris illis quemadmodum & in Pastoralis eorundem Instructione, manum Joab recognovit Eminentissimus, manum utique Jesuitarum sive Patris Tellier de quo ne dubium superesset, Deo sic disponente, in manus ipsius pervenit litterarum fasciculus apertus, in quo epistolam invenit D. Abbatis Bochard ad Illustrissimum Episcopum Claromontanum avunculum suum, Jesuitarum sive P. Tellier adversus Eminentiam suam Jesuiticas cabalas & tricas manifestantem; per eam quippe ipsam certiore faciebat de longa suâ cum Pater Tellier con-

ferentia, circa controversiam vertentem inter Episcopos Lucionensem & Rupellensem, & suam Eminentiam, circa quam judicium suum Rex suspendebat; sic tamen ut jam parata esset sententia à Rege pronuntianda, per eundem Tellerium composita, per quam levis quidem satisfactio Eminentiae suae facienda decernebatur; victoria tamen sic Episcopis illis adjudicabatur, ut damnato Quesnelli libro, Eminentissimus Cardinalis haeres Jansenianae fautor declararetur. Justitia proinde supradictis Episcopis sic fieret, ut Eminentissimus revocare juberetur Pastorale Mandatum suum, mense aprili novissimo vulgatum adversus Pastoralem Instructionem ipsorum istiusque Instructionis lectionem permittere in Dioecesi sua, sicut & lectionem Instructionis Vapincensis, non obstantibus erroribus quos Eminentissimus esse declaraverat in Instructionibus illis.

Siquidem in Lucionensi & Rupellensi pag. 429. & pag. 125. & 126. traditur doctrina favens tertiae propositioni Jansenianae, Baique errores renovans.

Pag. 133. aperte declaratur, libertinorum crimina, quamlibet horribilia, idololatrias, sacrilegia, blasphemias, homicidia, adulteria, non esse nisi peccata improprie dicta, punitione non digna, si commissa essent à destitutis gratia Dei, tametsi ea se indignos reddidissent per peccata praecedentia.

In Vapincensi verò pag. 39. vitrix delectatio esse dicitur fundamentale principium doctrinae Jansenianae; Janseniana proinde reputabatur doctrina tradita in Catholicis scholis prope omnibus, etiam Romae, sciente & permittente summo Pontifice.

Pag. 133. censurâ notatur retractatio conclusionis qua P. Beschefer Jesuita erroneum vocaverat opinionem, à culpa lethali non excusantem peccata obduratorum gratia sufficiente destitutorum.

Pag. 38. & 39. dicitur, liberum arbitrium non esse liberum ad meritum & demeritum, nisi constitutum sit in aequilibrio inter gratiam & concupiscentiam, ita ut tot in ipso sint gradus gratiae, quot cupiditatis. A  
liis

lias ipsius crimina non fore nisi peccata improprie dicta, nullius poenae meritoria: quia sine libertate facta.

Pag. 27. juris naturalis ignorantiam à peccato excusare, etiamsi quis eam culpa sua causaverit, directè vel indirectè.

Pag. 30. fornicationem committi posse per ignorantiam invincibilem, tametsi causatam per proprium peccatum antecedens.

Pag. 28 & 37. Doctrinam asserentem, quod solo inferni timore, non concipiatur odium peccati, nec excludatur voluntas peccandi, esse erroneam, et diminui virtutem Sacramenti.

Pag. 31. 32. & 33. absolvendos esse poenitentes, etiam sufficienter non probatos.

Pag. 32. 33. & 37. peccata publica esse remittenda absque poenitentia publica.

Pag. 31. indulgentiarum effectus, sine spiritu poenitentiae recipi posse.

Pag. 42. Sancti Augustini Scripta de gratia esse periculosa & adeo obscura, ut hætenus non sciatur, à quibus melius sint intellecta, an à Thomistis, an à Molinistis.

Et quamvis Instructiones illæ Lucionensis, Rupelensis & Vapincensis, omnes contineant errores à Jesuitis hætenus probatos, nec unquam ab ipsis condemnatos, etiam post Ecclesiæ condemnationes, vult equidem Tellerius Instructiones illas cursum habere in Ecclesia Dei.

Nec hoc solum continetur in epistola D. Abbatis Bochard, sed & secreta adversus Eminentissimum cabala, quam Pater Tellier moliebatur, Episcopos sibi devotos ut adversus ipsum scriberent concitando. Vidi (inquit) *plusquam triginta epistolas principum de Clero, justitiam à Rege postulantium adversus Eminentissimum. Et mihi Tellerius dixit quod ante dies octo totidem adhuc expectaret. Secretum promittitur omnibus qui scripturi sunt, nec à sua Eminentia, nec à publico unquam cognoscendis. Honorem habeo Illmæ D. T. transmittendi exemplar epistolæ ad Regem: cui ut signaturam tuam ap-*

*ponere digneris Pater Tellerius rogat*, Idem ferè paulò post de quodam mandato dicit. Sic ergo à Jesuitis caballantibus Mandata fabricantur Episcopalia, quibus sola addenda est Episcoporum ipsis devotorum signatura. Quid post hæc mirum, si quando similium nubes appareant Mandatorum, alium ab ipsis laborem non postulantium, solius signaturæ?

Talis Mandati sive Instructionis Pastoralis exemplar inventum est in epistola Abbatis supra nominati; in quo facile quisque recognovit stylum epistole Episcoporum Lucionensis & Rupellenfis ad Regem.

Nemo post hæc obstupescet, quod epistola ista stylo ferreo scripta sit, utpote à Jesuitis nihil nisi furorem, & vindictæ livorem spirantibus fabricata. Interrogatus nihilominus à Rege super isto negotio Tellerius ipsi juramentum obtulit, in eo nullam se partem habere, sed de suæ Majestatis religione fuit, juramentum non acceptare, utpote quod certissime perjurium fuisset.

Jesuiticis nihilominus artibus seu dolis & calumniis Rex circumventus una cum dictis Episcopis, Societati mancipatis, ad Sanctissimum Dominum nostrum Clementem XI. litteras dedit pro obtinenda adversus Quesnellianas Reflexiones Constitutione, & facile obtinuit. Eminentissimo earum approbatore in Romana curia ob politicas rationes jam non bene viso: eo quod anno 1705. præsidens Coetui generali Cleri Gallicani cum reliquo Coetu stetisset pro opinione Ultramontanis non probata, quod scilicet Episcopi jure divino, cum Papa Conjudices sint causarum fidei, non simplices executores decisionum papalium. Vir considerabilis, circa id tempus Romæ existens, inde redux, Parisiis palam testificatus fuit, se dum Eminentissimo Cardinali Fabrono valediceret, sibi ab ipso dictum, quod in Quesnellianis Reflexionibus Roma inveniret unde Cardinalem Noaillium humiliaret pro eo quod in Coetu illo pro Romanæ Curie prætensionibus non stetisset.

Rebus ergo sic se habentibus difficile non fuit Jesuitis

suitis (quorum magna nimis Romæ, sicut & in aſſa Regis Christianissimi potentia est) Pontificiis Ministris & Aulicis illud ipsum persuadere quod per calumniam Regi persuaserant, dictas Reflexiones erroribus plenas esse, nihilque aliud iis contineri nisi purum putum Jansenismum, pietatis specie coloratum, maxime cum earum Authorem, juratum Jansenitam esse Jansenistarumque Coryphæum jam ante persuasisſent. Et id ipsum pari facilitate Censoribus à Pontifice deputatis, ipsique etiam Pontifici per ipsos, sive per calumnias suas & dolos sub- & ob reptitie persuaserant. Subreptitie verum subticendo, quo cognito Censores aliter censuissent. Obreptitie ipsis falsa suggerendo, quorum etiam falsitate cognita, Reflexiones illas censura dignas non judicassent. Quare enim censura dignas censuerunt? Quia ex una parte ipsis per calumniam Jesuitæ persuaserunt, earum Authorem juratum esse Jansenitam, Pontificiæ autoritatis & Ecclesiæ contemptorem &c. in pravo proinde sensu suas illas Reflexiones intelligere. Ex alia vero parte ipsis subticendo Reflexionum illarum vindictas factas per Authorem integerrimum, omni ex optione majorem qui cum appellari potest fidei & Ecclesiæ defensor, eruditione & fidei zelo parem non habens in Episcopis Galliæ, & vix parem habens Romæ, Bossuetum utique, dum viveret Episcopum Meldensem, qui in vindictis illis ad oculum demonstravit in Reflexionibus illis prorsus rejici & improbari damnatum sensum quinque propositionum, nihilque contineri nisi apprimè Catholicum. Quod & Quesnellus ipse pari evidentia demonstravit in Apologetica earum Expositione & centies alias. Et ut Sanctitatem suam, Censoresque de eo certiores faceret, ante earum damnationem audientiam, quæ nulli scelerato denegatur, humiliter postulavit, sed Jesuiticis seu Jesuitarum, Aulicorumque ipsis devotorum artibus factum est ut non impetravit.

Et sic prodiit Constitutio damnans centum & unam propositiones, earumque authorem depingens, velut unum ex falsis Prophetis, qui veniunt ad nos in vest-

vestimentis orationis, sive velut unum ex magistris illis mendacibus, & in deceptione illusoribus, qui splendida pietatis specie prava dogmata latenter insinuant, introducunt sectas perditionis, sub imagine Sanctitatis: utque facilius incautis obrepant, quasi deponentes lupinam pellem & sese divina legis sententiis velut quibusdam velleribus obvolutus, sanctarum Scripturarum, adeoque ipsius etiam novi Testamenti verbis, quo multipliciter in suam aliorumque perditionem depravans nequiter abutitur: antiqui scilicet, a quo progeniti sunt, mendacii Parentis exemplo, ac magisterio edocti &c. Depingitur ergo velut perditissimus hæreticus, sub pietatis specie suas hæreses spargens. Ac sic spiritualiter occiditur sive vita civili, fama scilicet & honore modo horribili spoliatur. Quod non videtur fieri potuisse, nisi prius audiretur. Quemadmodum enim nullus inauditus spoliari potest vita corporali, ita nec civili, quæ carior est corporali. Inauditum namque, sive corporaliter, sive civiliter occidere, est contra leges naturales, divinas & humanas; ab ipsis etiam gentilibus observatas. Unde Act. 25. *non est Romanis consuetudo damnare aliquem hominem, priusquam is qui accusatur presentes habeat accusatores, locumque defendendi accipiat, ad ablunda crimina.* Et ne primos quidem parentes nostros inauditos Deus condemnavit.

At verisimile non est Sanctissimum D. N. Clementem XI. contra leges divinas & naturales Quefnellium presbyterum inauditum damnare, & civiliter occidere voluisse, nisi per Jesuiticas calumnias, dolosæque sub- & obreptiones circumventum. Nec certe impossibile est ipsum taliter circumveniri; teste namque celebri Authore tractatus de libertatibus Eccles. Gallic. Romæ impressi, & plurimum commendati, l. 2. c. 3. *lumen illud Sancti Spiritus, quod summo Pontifici adest, cum explicanda sunt fidei mysteria, & tradenda morum præcepta, non perpetuo illa hypocritarum fraudes, Aspicorum adulationes, improborum mendacia detegit, non adversus ambitioforum importunitates, Magnatum preces, suspecta officialium consilia immotum servat.* Quod si (quod tamen sine gravi fundamento suspicari nefas est) summus

Pontifex aliquo ulciscende injuria..... aliove privato affectu impelleretur ad precipiendum aliquid sua Potestatis limites excedens, aut justitia repugnans (nec enim altitudo & sanctitas officii sanctum facit) num siquid hujusmodi contingeret, ab exequendo mandato non liceret abstinere? (v.g. ab executione mandati prohibentis lectionem librorum ad necessariam innocentis adversus iniquorum calumnias defensionem editorum: quæ defensio cum juris sit naturalis ac divini; nulla esse videtur in terra Potestas, quæ eam prohibere possit) Possunt igitur, dissimulantibus etiam Summis Pontificibus, expendi novæ leges, antequam recipiantur ut si quæ prodierint, quibus non sit necesse, vel etiam expediens parere, suspendatur executio, ac suspensionis causa significentur dummodo id cum bona fide, reverentia debita, & intentione sincera fiat.

Ubi quod celebris Author ille dicit, dicit post Gregorium Magnum Dial. l. 1. c. 4. ubi sic: Quid miraris, quia fallamur, qui homines sumus..... David, qui Prophetia spiritum habere consueverat, contra innocentem filium Jonatha sententiam dedit..... Quid ergo mirum, si ore mentientium aliquando in aliud ducimur (contra veritatem utique, & innocentiam) qui prophetæ non sumus. Multum vero est, quod uniuscujusque Prasulis mentem curarum densitas devastat, cumque animus dividitur ad multa, fit minor ad singula; & propterea facile ei in una qualibet re (præsertim in factis doctrinalibus, & personalibus, non revelatis) subripitur.

Et post S. Augustinum, Pelagium I. & II. aliosque sanctos Patres S. Bernardus l. 2. de considerat. c. 1. Eugenium III. alloquutus ait Romanis Pontificibus adco frequentem contingere deceptionem ex facilitate credulitatis, ut ipsorum vix ullus a vitio isto sit immunis: Est vitium, (inquit) cujus si te immunem sentis, inter omnes quos novi, in his qui Cathedras ascenderunt, sedebis, me judice, solitarius. Quia veraciter singulariterque levasti te supra te, juxta Prophetam. Facilitas credulitatis hæc est, cujus callidissima vulpecula Magnatum neminem comperi satis cavisse versutias. Inde eis ip-  
si



*sis pro nihilo ira multa; inde innocentium frequens addictio, inde prejudicium in absentes, dum inauditi damnantur. Sed & S. Thomas quodlib. 9. a. ult. Scotus, Joannes de Neapoli, S. Antoninus, Almainus, Dionysius Carthusianus, Melchior Canus, Franciscus à Victoria, Joannes à St. Thoma, Gonet, Contenson, Petrus Marchantius, Hausfeur, Cardinales à Furno (dictus postea Benedictus XII.) de Turrecremata, Osius, Baronius, Bellarminus, Pallavicinus, de Laurea, Aguirius, Cusanus, Perronius, Richelius. Et è Societate (præter Bellarminum & Pallavicinum) Sirmondus, Molina, Tannerus, Becanus, Michael de Elizalde, Veronius, &c. Societatis Generalis Aquaviva, in libello supplici, quem Societatis nomine, anno 1605. Paulo V. sub initium Augusti obtulit, in quo dicit facta humana quotidiana, etiam doctrinalia, sic definiri non posse, ut ad fidem pertineant: quis etiam dicat, pertinere ad fidem, quod hic aut ille.... vel existimaverit, vel docuerit? Res quidem (idest dogma, quod in ipso legitur,) ad fidei forsasse objectum spectare utcumque potest, fuisse autem illos hujus vel illius sententia, nisi ex ipsorum scriptis, sive evidenter, sive probabiliter colligatur, ambiguum erit & obscurum. Fide proinde catholica definiri non poterit. Cum enim Romanus Pontifex.... non possit novos libros CANONICOS SCRIBERE, ET NOVOS, FIDEI ARTICULOS CONDERE.... sequatur necesse est sacrarum litterarum, & divinarum Traditionum auctoritatem, vel sanctorum Patrum & Theologorum consensionem vel communem quemdam totius Ecclesie sensum, & quasi gustum, quorum nihil spectare potest, cum de privati hominis sententia disputatur. Nam..... Spiritus Sanctus Romano Pontifici adest, ut in rebus fidei declarandis, explicandisque sacris Litteris, apostolicisque traditionibus, quibus principia fidei continentur nunquam fallatur, aut erret; in privatorum vero dictis declarandis, quæ humano studio ac diligentia deteguntur vereor an possit hanc sibi infallibilem Sancti Spiritus assistentiam certo polliceri.*

Cum igitur ex proxime dictis certum videatur, Beatissime Pater, Sanctitatem vestram sicut & aulicos suos

ac Ministros per informationes falsas, dolosasque sub-  
 & obreptiones Jesuitarum decipi & circumveniri po-  
 tuisse circa intelligentiam Quesnelianarum Reflexionum,  
 quemadmodum, ipsa etiam Concilia oecumenica VI.  
 VII. & VIII. circumventa fuerunt circa intelligentiam  
 Epistolarum Honorii Papæ ad Sergium Patriarcham  
 Constantinopolitanum (prout censent Eminentissimi  
 Cardinales Baronius, Bellarminus, alique Theologi  
 multi) humillime supplicant Sanctitati vestræ, fide-  
 les quamplurimi, quatenus permittere dignetur sibi  
 representari angustias animarum suarum certe magnas,  
 quas patiuntur à tempore quo ipsis notificata fuit Con-  
 stitutio *Unigenita*. Et angustiarum quidem causa ex  
 una parte est voluntas firma qua adherere volunt Se-  
 di Apostolicæ, Ecclesiæque Romanæ quæ mater est  
 aliarum Ecclesiarum, & centrum unitatis fidelium,  
 ex alia parte Constitutionem illam vestram concordare  
 non possunt cum Constitutionibus seu decisionibus  
 ac declarationibus plurimorum Prædecessorum  
 vestrorum, Conciliorumque Africanorum & Arausica-  
 ni II. per ipsos solemniter approbatorum, quibus San-  
 cti Augustini de gratia per se efficaci, ipsiusque ad singulos  
 pietatis actus necessitate, & infallibili potestate doctri-  
 na canonizata est velut ad fidem pertinens, nec cum  
 primo symboli articulo, quo credimus in Deum Pá-  
 trem omnipotentem, etiam respective ad causas liberas,  
 prout Augustini aliorumque Sanctorum Traditio doc-  
 cet. Exempli gratia Sanctitas vestra damnat hanc  
 propositionem ordine decimam: *Gratia est operatio ma-  
 nus omnipotentis Dei, quam nihil impedire potest, aut  
 retardare.* Sed ut expressissime asserit S. Augustinus  
 in l. de corrept. & grat. c. 14. *Non est dubitandum,  
 voluntati Dei, qui in cælo & in terra omnia quæ vo-  
 luit fecit.... humanas voluntates non posse resistere,  
 quominus faciat ipse quod vult, quandoquidem etiam  
 de ipsis hominum voluntatibus, quod vult, cum vult  
 facit.... sine dubio habens humanorum cordium quo pla-  
 cet inclinandorum omnipotentissimam potestatem.* Quod  
 pluribus ibidem exemplis ostendit fieri salva hominis li-

libertate. Quod & diserte tradit Scriptura 2. Paralipom. 20. Domine... in manu tua est potentia, nec quisquam tibi potest resistere. Et Esther 13. Domine Rex omnipotens, in ditione tua cuncta sunt posita, & non est qui possit tua resistere voluntati, si decreveris salvare Israel. Et revera salvavit Israel, convertendo cor Regis ab indignatione ad mansuetudinem prout dicitur c. 15. Cor Regis (inquit Augustinus l. 1. contra duas epist. Pelag. c. 20.) occultissima & efficacissima potestate convertit & transtulit ab indignatione ad lenitatem... Numquid..... oppugnavit liberum hominis arbitrium? Absit: sed omnipotens..... auxilium misericordissimum commendavit.

Sed & damnatio cæterarum de gratia propositionum esse videtur damnatio omnipotentis Dei respectivè ad creaturas liberas, sicut & damnatio perpetuæ Traditionis Sanctorum Patrum, Doctrinæque de gratia primariarum Catholici Orbis Scholarum, Augustinianæ scilicet, & Thomisticæ. Damnatio propositionum concernentium differentiam inter vetus & novum Testamentum esse damnatio differentis quam S. Paulus tradit in epistola ad Romanos, & ad Galatas.

Cæteras Reflexionum propositiones gratiam concernentes laudatus Meldensis Episcopus pag. 8. 22. & 24. pari evidentia demonstrat non continere nisi approbatam ab Ecclesia S. Augustini doctrinam à Christo in Evangelio, & ab Apostolo Paulo in epistolis suis traditam, per consequens nisi ea damnata, damnari non posse.

Gratiam proinde omnipotentem, seu victricem delectationem corda quamlibet obstinata invincibiliter vincentem, & facientem libere velle quod volebant, à S. Augustino cum approbatione sanctæ Sedis, totiusque Ecclesiæ Catholicæ esse manifeste traditam velut fide certam, videtur extra dubium.

Pag. 24 In eo præsertim consistere discrimen inter gratiam status naturæ corruptæ, & status naturæ innocentis.

Pag. 27. Deferendas non esse locutiones S. Augustini eo prætextu quod iis utentes ab adversariis traducantur

tur ut Jansenistæ, cum certum sit ab ipsis calumniose traduci innocentes.

Pag. 28. Pro explicanda mandatorum in justis possibilitate audiendum esse S. Augustinum, ad quem Concilium Tridentinum nos remittit, dum pro ea explicanda verba mutuatur istius Sti. Doctoris.

Pag. 34. In puncto gratiæ efficacis, necessaria ad quodcumque opus christianæ pietatis, sapientissimam scholam St. Thomæ cum St. Augustini schola esse concordem.

Pag. 63. Doctrinam istam non dependere ab expressionibus scholæ, quamlibet bonis.

Pag. 71. Nec ista in materia, nec in aliis dandum esse pro definito, quod definitum non est, idest dogmaticas definitiones extendendas non esse ultra id quod expriment, in sensu naturali & obvio; nec sub damnatis comprehendendas, nisi eas quæ isto sensu in Decretis comprehenduntur; nec fas esse ex iis arbitraria deducere consectaria, ab accusatis non concessa, sed evidentia duntaxat, quæ à nemine negari possunt.

Pag. 11. Demonstrat ab adversariis Reflexionum malitiose suppressi loca expressissima, in quibus Reflexionum author clarissime dicit gratiæ plerumque resisti.

Pag. 13. ab iisdem pari malignitate suppressi loca, in quibus manifeste dicit gratiam non necessitare.

Pag. 14. Oppositum non sequi ex eo quod cum S. Augustino & divina Scriptura dicat gratiæ resisti non posse.

Pag. 22. Demonstrat doctrinam esse S. Augustini, quod gratia de se efficax & victrix, necessaria sit ad omnes pietatis actus.

Pag. 24. Solvit objectionem in contrarium.

Pag. 27. Demonstrat doctrinam libri Reflexionum aperte rejicere impossibilitatem mandatorum.

Pag. 33. 37. 40. & seqq. juxta divinam scripturam & SS. Patres dari verum posse, quod non complectitur omne necessarium ad agere, quod qui habet orare debet pleniori posse, quod S. Augustinus vocat possibilitatem cum effectu, consistitque in ipso velle & agere.

Pag. 67. ostendit, gratiam fidei non omnibus dari.

Pag.

Pag. 78. Demonstrat catholicum sensum Authoris propositionum quibus asserit, sine gratia nihil nos posse, nisi malum.

Pag. 79. Catholicum sensum propositionum ipsius de virtutibus Theologicis, à charitate separatis.

Pag. 83. Catholicum sensum propositionum de timore inferni.

Pag. 86. Catholicum sensum propositionum de excommunicatione, & persecutionibus servorum Dei.

Pag. 90. Catholicum sensum propositionum de membris Christi & Ecclesiæ.

Jure ergo merito propositiones illas in sensu prorsus catholico intellexerunt, atque intelligendas esse, & sic ab Authore intellectas fuisse censuerunt tot sanctissimi & sapientissimi Episcopi & Doctores supra laudati. Viderunt enim Authorem ipsum disertissimè sic explicare, viderunt eundem à Jansenismo alienissimum esse, damnatasque propositiones omnes expressissimè rejicere, & damnare. Audiendus proinde hic Eminentissimus Cardinalis Noaillius in epist. ad Episcopum Aginensem, in qua & ipse seipsum à Jansenismo manifestè justificat, dicens: „ A primâ juventute ad statum ecclesiasticum formatus, in cursuque studiorum meorum adjutus fui per defunctum Patrem Amelote, „ cujus aversio magna à Jansenismo omnibus notissima est. Ipsius consilio statui adhærere doctrinæ S. Augustini & S. Thomæ, nec erubescam duorum Sanctorum Doctorum illorum esse discipulus. Inde „ factum, ut quasi naturaliter aversus essem ab opinionibus Molinæ. In Episcopatu tamen cum Ecclesiâ toleravi quidquid Ecclesia tolerat, in Ecclesiæ ministerio indifferenter usus opera etiam eorum, qui „ Molinistæ dicebantur, dummodo digni essent, nec „ in animarum directione laxiora sectarentur opinamenta; tametsi mei muneris esse duxerim non permittere, ut Molinismus velut fidei dogma traderetur. „ Dummodo hoc caveretur, libertatem Theologis relinquendam censui, nec imponendum ipsis jugum, „ quod nec ab ipsis Conciliis œcumenicis impositum

Tub. II, E est,

„ est , sed curandum ut servetur *in necessariis unitas* ;  
 „ *in dubiis libertas* , *in omnibus charitas* .

„ Prævisum est à me periculum , cui me expone-  
 „ bam , sectando viam istam , & jam plusquam satis  
 „ expertus sum inde subsecutas suspiciones , officia  
 „ mala , denuntiationes odiosissimas , & apertas contra  
 „ me conjurationes . En fructus notoriæ adhæisionis  
 „ meæ ad veritatem . Sic vocare lubet eam , quam  
 „ sequor , doctrinam , utpote quam Sedes Apostolica  
 „ suam fecit , suoque favore semper fovit &  
 „ commendavit , visibilique patrocínio suo communi-  
 „ vit , velut sacræ Scripturæ & Traditioni conformem .  
 „ Verbo , si S. Augustini & S. Thomæ doctrinam se-  
 „ qui , hoc est Jansenistam esse , vel Jansenistarum fau-  
 „ torem , palam declaro me , quidquid tandem acci-  
 „ derit , ad ultimum usque vitæ spiritum , hoc sensu  
 „ Jansenistam fore , Jansenistarum fautorem , cum  
 „ spe & fiducia magna , me in Tribunali Domini mei  
 „ Jesu-Christi accepturum retributionem amatoribus  
 „ veritatis promissam .

„ Nec ideo aliter me loqui oportet , quod etiam  
 „ Novatores subinde sic loquantur , glorienturque se S.  
 „ Augustini & S. Thomæ discipulos esse : quia ut S.  
 „ Augustinus dicit , Oves non ideo deponere debent  
 „ pelles suas , quod iis etiam lupi subinde se conte-  
 „ gant .

„ Nec tibi jam novi aliquid dico , sed illud ipsum  
 „ quod dixi tota vita mea ; absque alio inter tempus  
 „ præsens & præteritum discrimine , nisi quod priori-  
 „ bus annis nemo esset , qui in eo notaret quidpiam  
 „ censurâ dignum ; novissimis verò hisce annis non  
 „ desint qui omnia perturbare affectantes mihi vertunt  
 „ crimini , quod antehac erat absque crimine .

„ Nec ad hoc demonstrandum meliori opus est testi-  
 „ monio , quam Mandati mei Pastoralis , quod in adventu  
 „ meo ad Archiepiscopatum Parisiensem publico dedi.  
 „ In eone personam alteram indui ? In eone me occul-  
 „ tavi ? In eone sensus meos dissimulavi vel emollivi ?  
 „ An erubui Evangelium gratiæ ? Ipsissimum libenti  
 animo ,

„ animo , Pauli Apostoli Evangelium nuncupa : cum  
 „ enim mysterium vitæ Jesu Christi , inter homines  
 „ converſantis , quatuor scripserint Evangelistæ : Ma-  
 „ gnus Apostolus ille specialiter se applicasse videtur ad  
 „ exponendum nobis Evangelium gratiæ , ac regni  
 „ Jesu Christi Domini nostri in animabus.

„ Statim ut Mandatum illud nostrum apparuit , non  
 „ solum ingenti plausu Romæ & in Gallia acceptum  
 „ fuit , sed & ultra vota mea magnificatum , & diu  
 „ collaudatum.

„ Sed post tam diuturnas & tam magnificas laudes  
 „ vix comprehensibile est , quomodo nonnullos non  
 „ puduerit , illud *Fansenistica fidei professionem* appellare.  
 „ Inde (vir illustrissime) cognosces , hodie esse homi-  
 „ nes , quorum fides , *fides est temporum* , non fides  
 „ Ecclesiæ , quæ omni tempore & loco una est ; ut-  
 „ pote cujus regula una omnino est , *cui nemo præscri-*  
 „ *bere potest, non spatia temporum, non patrocinia per-*  
 „ *sonarum, non privilegia temporum.*

„ Simile quid accidit libro , adversus quem tanta  
 „ hodie tempestas in Ecclesia suscitatur. Eum , ut  
 „ scis , in dicecesi Catalaunensi , ab annis triginta reperi,  
 „ dum ad eam regendam vocatus fui. Primam ipsius  
 „ editionem non solum approbaverat , sed & omnibus  
 „ Pastoribus suis plurimum commendaverat Illustrissi-  
 „ mus Vialartius , cujus memoria adhuc ibi est in be-  
 „ nedictione. Observavi , quod non solum nullum  
 „ causasset malum , quin magnum potius bonum , per  
 „ facilitatem , quam Pastoribus procurabat instruendi  
 „ animas sibi commissas , tamque parvulis & simplici-  
 „ bus , quam magis idoneis sancta explanandi Evan-  
 „ gelia , nullam apud ipsos excitando curiositatem ,  
 „ nec disputationem circa materias de gratia hodie  
 „ controversas , nec vel minimam tentationem adhæ-  
 „ rendi praviæ ulli doctrinæ. Quod cum plurimum an-  
 „ norum experientiâ didicissem , meritò censui me  
 „ consentire posse , sicut per publicum Mandatum  
 „ consensi , in continuatum usum ipsius.

„ Dum dedi Mandatum istud , liber auctoritatem

„ habebat per approbationem plurium doctorum , &  
 „ in publico approbationem generalem omnium ,  
 „ ita ut jam exhaustæ essent plurimæ editiones ipsius ,  
 „ ob fructum magnum quem ex lectione ipsius fideles  
 „ percipiebant ; & Illustrissimus Harlæus , Prædecessor  
 „ meus ( cujus adversus Jansenismum vigilantia & at-  
 „ tentio magna omnibus nota est ) ipsum Parisiis &  
 „ per totam dicecesim , liberè distrahi ac legi per-  
 „ mitteret.

„ A pluribus quoque Episcopis , pietate , zelo pa-  
 „ storali , & ad novitates oppositione illustribus ( quo-  
 „ rum nonnulli in sanctitatis odore ad æternitatem  
 „ transierunt ) sollicitatus fui , ad librum illum patro-  
 „ cinio meo sustinendum , eo quod ipsum idoneum ju-  
 „ dicarent ad inspirandam populo pietatem , juvandos-  
 „ que Pastores in fidelium instructione.

„ Eos inter fuit D. Urfæus , Episcopus Lemovicen-  
 „ sis , cujus tanta & tam pura fides fuit , tantaque &  
 „ tam generalis charitas , ut optabiles forent plures  
 „ Episcopi , fide , charitate , & vitæ sanctimonia tam  
 „ illustres.

„ Cum igitur modico tempore post translationem  
 „ meam ad Archiepiscopatum Parisiensem , quæstio  
 „ esset de nova istius libri editione , pro eaque mihi  
 „ tempus non esset , per meipsum sanctuarii pondere  
 „ perpendendi expressiones omnes illius , pro zelo ,  
 „ quem me habere oportebat erga bonam doctrinam ,  
 „ prudentiæ meæ esse credidi , librum illum novo &  
 „ exactissimo examini plurium sapientissimorum Do-  
 „ ctorum committere. Cui examini sese applicantes  
 „ maxima cum sollicitudine , plures in libro repperunt  
 „ propositiones Jansenianis diametraliter adversas. Quas  
 „ & ego reperi , & ut eas lector quisque facilius reperiret ,  
 „ iussione meâ adjecta fuit Tabula materialium , propo-  
 „ sitionum istarum loca designans.

„ Cum satisfactioe etiam consilia accepi omnium ,  
 „ quibus ea dare placuit , etiam erga Authorem malè  
 „ animatorum , illudque omne correxi , quod mihi  
 „ ostensum fuit dignum correctione. Dominus Bos-  
 „ fue-



„ fuetus , Meldenlis Episcopus , pro sua bonitate  
 „ dignatus fuit unus esse , ex iis quibus intrare placuit  
 „ in examen istud. Ipse est Author libri nuper typis dati,  
 „ cujus inscriptio est *Vindicia Reflexionum* &c. In eo  
 „ manifestum facit de libro illo favorabilem sensum suum.  
 „ De Præfato vero tam profundæ cruditionis , tam  
 „ probatæque adhæfionis ad fidei puritatem , suspicari  
 „ non licet , vel non recognovisse , vel dissimulasse er-  
 „ rores in eo extantes , quibus liber prætenditur esse  
 „ repletus. Si vero tam celebris & tam sapiens iste  
 „ fidei defensor erraverit in libri illius intelligentia ,  
 „ nullum in illo errorem deprehendendo : si & ipse ,  
 „ & ego erraverimus , secundum doctrinam Sancto-  
 „ rum Augustini & Thomæ intelligendo propositiones ,  
 „ quæ hodie accusantur : certum saltem est , quod nec  
 „ ipse , nec ego erraverimus inhærendo doctrinæ San-  
 „ ctorum illorum Ecclesiæ Doctorum , quam in Vindi-  
 „ ciis illis Magnus ille Gallicanæ Ecclesiæ Doctor tam  
 „ solidè stabilivit , quamque in materia prædestinatio-  
 „ nis & gratiæ Romani Pontifices secuti sunt , dum de  
 „ ea actum fuit coram ipsis in Congregationibus de  
 „ auxiliis.

„ Una vero ex primariis rationibus , quæ Meldensem  
 „ ad justificandum librum Reflexionum impulit , scan-  
 „ dalosum fuit *Problema* , anno 1698. typis datum , in  
 „ quo Problematis Author Episcopis omnibus Re-  
 „ flexiones denunciabat , una cum propositionibus  
 „ multis inde extractis , quibus contineri prætendebat  
 „ totum Jansenismi venenum. Scis (Illustrissime Do-  
 „ mine) quam infelix fuerit Problematis fortuna ; ad  
 „ ignem damnatum fuit , statim atque apparuit , &  
 „ paulo post Romæ ab Innocentio XII. censura nota-  
 „ tum. “ Quæ censura existimata fuit approbatio  
 „ quædam ( saltem tacita & indirecta ) libri Reflexio-  
 „ num ; nec sine solido fundamento : cum Pontificia  
 „ damnatio operis præcise facti ad accusandas Re-  
 „ flexiones , visibilis cenfetur earum approbatio.

„ De cætero non parvi momenti est , quod Lector  
 „ observet , librum Reflexionum , opus non esse dog-

„ maticum (in quo necesse sit loqui rigorosa cum  
 „ exactitudine) sed opus pietatis, in quo expressionum  
 „ exactitudo tanta non solet observari, ne à Sanctis  
 „ quidem Patribus, & Scriptoribus piis. Unde &  
 „ quotidie videmus, ejusmodi libros à personis Janse-  
 „ nisum palam detestantibus in manus fidelium tra-  
 „ di, in quibus licet expressiones contineantur æque vel  
 „ magis censurâ dignæ, quàm quæ in libro Reflexio-  
 „ num accusantur, à nemine tamen censurâ notan-  
 „ tur.

Et ideo visum est istius libri Examinatoribus,  
 „ quod si in eo fortassis extarent aliquæ propositiones  
 „ minùs exactæ, veniâ dignæ judicarentur ab æquis  
 „ astimatoribus; maximè cum sensum favorabilem,  
 „ etiam obvium & naturalem haberent, cumque ab  
 „ ipsomet autore expressissime declaratum, in eoque  
 „ sensu ab annis multis acceptæ fuissent, usque dum  
 „ in lucem prodiit Pastorale mandatum meum, vel  
 „ si mavis approbatio mea.

Haftenus Eminentissimus D. Cardinalis, addens,  
 „ quod Reflexiones, quæ in Constitutione qualifican-  
 „ tur seditiosæ, revera tales non sint, nisi per arbitra-  
 „ riam earum interpretationem, in illis non funda-  
 „ tam, cum earum Author è contra validè firmet autho-  
 „ ritatem supremarum Potestatum, tam civilium  
 „ quàm ecclesiasticarum, subditisque inculcet debitam  
 „ ipsis obedientiam & subjectionem, solumque redar-  
 „ guat abusum ecclesiasticæ potestatis, si non exer-  
 „ ceatur in spiritu mansuetudinis & humilitatis, sed in  
 „ spiritu dominationis contra id quod Christus ait ad  
 „ Apostolos suos: *Reges gentium dominantur eorum...*  
 „ *vos autem non sic.*

Tandem concludit, quod cum in libro illo pluri-  
 „ mum repererit luminis, & magno numero ipsamet  
 „ SS. Patrum reflexiones, fovendæ fidelium fidei ac de-  
 „ votioni admodum idoneas, religioni duxerit, diceces-  
 „ nos suos Catalaunenses privare utilitate, quam exinde  
 „ percipere coeperant. „ Neque enim certificare vereor  
 „ (inquit) prorsus insensatum esse discursum eorum.

„ quos

„ quos asserere non pudet , nihil in opere illo sanum  
 „ esse , nihil nisi ad medullas usque corruptum : cum  
 „ discursus iste proficisci nequeat , nisi ab iis qui vel  
 „ librum non legerunt , vel non legerunt nisi animo  
 „ versato in præventionem , quæ sit absque exemplo.  
 „ Quale enim prodigium ! Velle quod liber ille usque  
 „ adeo plenus sit mortifero hæreseos veneno , ut li-  
 „ brum adeo perniciosum hæresis hæctenus non pepe-  
 „ rerit ; à triginta tamen annis nec Cardinales , nec  
 „ Episcopi , etiam sanctissimi & sapientissimi , nec  
 „ laici , nec clerici , nec sacerdotes , nec doctores , nec  
 „ fideles quiquam , sive amici , sive inimici , ullum in  
 „ eo animadverterint errorem ; sed isti omnes ex vene-  
 „ nato Babylonis Calice potaverint , eoque sese inebria-  
 „ verint , non solum absque ullo sanitatis spiritualis  
 „ dispendio , imo cum illius incremento.

Quæ cum ita sint , iudicet Sanctitas vestra , Beatissi-  
 me Pater , an sine ratione usque adeo turbata & scan-  
 dalizata fuerit fidelium multitudo longè maxima , per  
 totum Galliæ regnum , vicinasque provincias , statim  
 atque ipsis innotuit Constitutio *Unigenitus*. Siquidem  
 ipsis visum est moraliter impossibile , quod si liber *Re-*  
*flexionum* tot & tantorum errorum venenum *aperitissi-*  
*mè* contineret , prout Constitutio dicit ; nullus ex lau-  
 datis Cardinalibus , Episcopis , Doctoribus , & eruditis  
 fidelibus , laicis & clericis ex omni ordine , tot anno-  
 rum spatio vel unum ex istis erroribus animadvertisset.  
 Per consequens à se amovere possunt vehementem su-  
 spicionem , quod Sanctitas vestra una cum Consultori-  
 bus & aulicis suis , circumventa fuerit , partim per  
 malignas suggestiones , calumniosasque & dolosas in-  
 formationes Jesuitarum , qui esse sciuntur notorii ini-  
 mici , tam libri & Authoris , quam Eminentissimi Ap-  
 probatoris illius ; partim per denegatam Authori au-  
 dientiam , ab ipso omni cum humilitate postulatam ,  
 omni tamen jure debitam , & ne scelestissimis quidem  
 ab ipsismet infidelibus denegatam , antequam personali-  
 ter condemnentur ; cum justæ defensionis ( pro qua  
 audiri postulavit ) denegatio esse videatur contra omne

jus , naturale & positivum , divinum & humanum. Et ne Luthero quidem & Calvino audientia , sui que defensio personalis denegata fuerit à Concilio Tridentino, imò ad id ipsis concessus ac missus Salvus Conductus, ut securè & absque ullo metu ad Concilium venire, & rationes suas ac defensiones ibi exponere possent.

Porro quod Reflexionum Author per Constitutionem personaliter condemnatur, manifestum videtur ex toto Constitutionis præmio, in quo fama & honore spoliatur, dum depingitur, ut supra, velut unus ex *falsis Prophetis* , qui veniunt ad nos in vestimentis ovium, sive unus ex *Magistris illis mendacibus* , & in deceptione illusoribus est.

Non posset coloribus magis atris, & horribilibus depingi, nec damnari malignitas & prava intentio authoris Reflexionum. Sed cum intentio ista P. Quesnellio iuste tribui non posset nisi de ea constet manifestis indiciis, prout docet S. Augustinus, ipsoque teste sapientes omnes. De tam prava vero ipsius intentione nec Sanctitati vestræ, nec cuiquam alteri videatur manifeste constare potuisse ex propositionibus seu expressionibus in Reflexionibus contentis (cum iisdem utatur & S. Augustini, & S. Thomæ Schola, utantur & SS. Patres, Augustinus, Prosper, Fulgentius; utantur plerique Prædecessores Sanctitatis vestræ; utantur Concilia, etiam subinde Tridentinum; utatur Apostolus Paulus in epistolis suis, utatur & ipsa Veritas sive Christus in Evangelio; non est unde Sanctitas vestra de intentione tam maligna certificari potuerit, sive manifesta de ipsa habere indicia. Certe non ex Spiritus Sancti lumine, ipsi infallibiliter assistente; utpote quod juxta Sanctos Patres & Theologos omnes, eorumque Principem S. Thomam, Summo Pontifici in judiciis personalibus, & factorum quotidianorum, etiam doctrinalium non perpetuo detegit hypocritarum fraudes, improborum mendacia &c. ut supra dictum est, atque non raro innocentes condemnari docent S. Gregorius, S. Bernardus, & S. Thomas Cantuariensis, epist. 29.  
de

*Occasione Reflexionum Moralium. Sect. V. 105*  
de Romana Curia dicens: *Nescio quo pacto pars Domini*  
*semper mactetur in Curia, ut Barrabas evadat, & Chri-*  
*stus mactetur autoritate Curie.*

Videat proinde Sanctitas vestra, an ipsam non circumvenerint illi ipsi qui tam perversam Quesnellii intentionem ipsi maligne persuaserunt, & an non ab ea se satis non purget ipse in advertentia quam præmisit ad librum, cujus inscriptio est, *Memoriale Primum serviens ad examen Pontificia Constitutionis Unigenitus &c.*, cum dicit: *Soli Deo*, & mihi compertum est quod latet in fundo cordis mei; solus etiam ego, post Deum, judicare possum, & testimonium perhibere de intentionibus meis. Per Dei verò misericordiam, mea me conscientia nunquam reprehendit, de reatu vel minino tinctura terribilium illarum intentionum, de quibus mihi horror est vel cogitare. Sat video, ob horrendam de me ideam quam de me Roma, & alibi ingesserunt inimici mei, fidem mihi non adhibendam in solo simplici verbo meo. At fortasse religioni ducetur, fidem mihi denegari, se verbum meum confirmem per id quod sacratissimum est in Religione nostra. Permolesta est necessitas, dum eo oportet devenire. Contremisco, dum ad id video me compelli; veniamque omni qua possum humilitate deprecor à supremo cordium scrutatore, secretique conscientiarum solo Judice, quod audeam ipsum in testem accipere, prout accipio, corde prostratus (omni qua, per Dei gratiam, possum reverentia & religione) coram divina sua Majestate. Deus, inquam, mihi testis est, nullam me unquam habuisse pravarum & sacrilegarum illarum intentionum, qua mihi in praeambulo Constitutionis tribuuntur, nec quidquam quod ad eas appropinquet. Unicum motivum, quo scripsi Reflexiones super novo Testamento, fuit obsequium fidelibus prestare, quorum utilitati mihi persuasum fuerat, eas posse deservire. Tantus in me semper fuit veritatis & unitatis amor, ut numquam me subierit cogitatio opus illud suscipiendi animo caballandi vel alios in partes erroris alliciendi, quemadmodum absque ullo accusor fundamento, & absque ulla verisimilitudinis umbra.

Nec magis fundata est ipsius de Janseniana hæresi accusatio , adversus quam se clarissime justificavit in Explicatione Apologetica sensuum suorum super Reflexionibus ad Novum Testamentum , quemadmodum & in epistola ad Illustrissimum D. Episcopum Aginensem , & aliis Opusculis multis.

Nec minus clare supradictas Reflexiones ipsius ab omni suspitione Jansenismi justificavit vir incomparabilis Bossuetus in solidissimis earum Vindiciis. Nec contrarium erui potest ex confectariis quæ ab adversariis deducuntur , ex eo v. g. quod cum Schola Augustiniana & Thomistica , cumque S. Augustino & S. Thoma , imo cum Christo & Apostolo Quesnellus dicat , sine gratia efficaci mandata ( ut oportet ) servari non posse etiam à justis ( possibilitate utique cum effectu ) præterquam enim quod ex confectariis , ab Authore non concessis , imo prorsus improbatis , argumentum efficax adversus ipsum deduci non possit ( uti demonstrat idem Bossuetus in libro cujus titulus est *Expositio doctrinae Ecclesie catholicae* ) licet justis gratia ad ea de facto servanda ( efficace utique ) destituti , ea de facto servare non possint , quia tamen gratiam ad id necessariam , orando impetrare possunt , mandata ipsis impossibilia non sunt , impossibilitate à Concilio Tridentino , & ab Innocentio X. damnata , sed adhuc possibilia possibilitate vera & reali , tametsi non possibilitate cum effectu , quamdiu gratia ad id efficace destituti sunt. Et hoc est quod utraque illa Schola constanter docet , semperque docuit Ecclesia permittente. Unde Reflexionum Author cum utraque Schola illa in cap. 12. Luc. v. 13. *Deus ( inquit ) impossibilia non jubet ; cum ea , quæ impossibilia videntur , solum impossibilia sint humana infirmitati ; sed jubendo monet , & ut faciamus quod possumus , & petamus quod non possumus , & in adiutorium nostrum venit , ut possimus.* Manifeste ergo loquitur cum Tridentino Sess. 6. c. 12. Manifestum proinde est ipsi tribui non posse primam propositionem Jansenianam. Nec minus manifestè ludatissimus Bossuetus in citatis Vindiciis id ipsum demon-

monstrat de aliis. Demonstrat & Quefnellus ipse locis supra citatis. Sicut & Author libri novissimè editi sub hoc titulo, *De testimonio veritatis in Ecclesia*, *Dissertatio Theologica*, alique quam multi, ostendentes per Constitutionem damnari ipsissimas expressiones divinæ Scripturæ, S. Augustini, aliorumque præcipuorum Sanctorum Patrum, vel certe iis simillimas, exacteque æquivalentes, etiam à pluribus Conciliis, Summis Pontificibus, & ab Ecclesia universa approbatas, velut ad fidem pertinentes. Talesque esse non solum expressiones de gratia per omnipotentiam Dei effectum bonum infallibiliter inferente, deque ipsius ad faciendum bonum, malumque vitandum necessitate; verum & alias quam plurimas. Exempli gratia 27. *Fides est prima gratia, & fons omnium aliarum*, cujus propositionis expressio simillima est expressioni verborum Concilii Tridentini Sess. 6. c. 8. *fides est humane salutis initium, fundamentum & radix omnis justificationis*. Eundemque prorsus sensum habet. Non enim alia ratione nec alio sensu fides est *humane salutis initium*, nisi quatenus est *prima gratia*. Nec alio sensu fides est *initium, fundamentum & radix omnis justificationis*, nisi quatenus est fons omnium aliarum gratiarum quibus homo pertingit ad justificationem. Duæ proinde istæ propositiones quoad sensum sunt una eademque propositio. Damnatio proinde unius, damnatio est alterius.

Similiter expressio ista propositionis 68. *Dei bonitas abbreviavit viam salutis, claudendo totum in fide & precibus*, identica est cum expressione propositionis Christi Joan. 6. & Apostoli Rom. 10. Christus namque ibi à Judæis interrogatus, *Quid faciemus, ut operemur opus Dei*, per quod utique salutem consequamur, ut patet ex contextu? Respondet, *Hoc est opus Dei ut credatis in eum, quem misit Pater*: quia, ut paulo post dicit, *hæc est voluntas Patris mei qui misit me, ut omnis qui videt Filium, & credit in eum, habeat vitam æternam*. Apostolus vero Rom. 10. cum duplicem distinxisset justitiam, unam ex lege Moydis,

alteram ex fide Christi; de hac sola dicit, quod det salutem: *Quid dicit Scriptura*, de justitia quæ est ex fide? *Prope est verbum in ore suo, & in corde suo, hoc est verbum fidei, quod predicamus; quia si confitearis in ore tuo Dominum Jesum, & in corde tuo credideris, quod Deus illum suscitaverit à mortuis, salvus eris.... Dicit enim Scriptura: Omnis qui credit in illum non confundetur. Et omnis quicumque invoverit nomen Domini, salvus erit.*

At (inquies) Quesnellius in sua illa propositione nullam mentionem fecit de operibus necessariis ad salutem; per consequens videtur illa exclusisse. At certissima calumnia est. Neque enim Christus neque Apostolus supra, mentionem fecerunt operum; non ideo tamen opera excluderunt, tum quia licet ibi eorum non fecerint mentionem, fecerunt centies alibi; quemadmodum fecit & Quesnellius. Qui & merito ibi censendus est loqui de fide per charitatem operante, sicut & Christus & Apostolus. Denique opera continentur in fide & oratione sicut in suo fonte & germine, ideoque fides & oratio non immerito vocantur via abbreviata *Salutis*. Quod de fide per charitatem operante tanto certius est, quanto verum istud Rom. 13. *Si quod est aliud mandatum, in hoc verbo insinuat* DILIGES.

Et an non expressio ista propositionis 55. *Deus non coronat nisi charitatem: qui currit ex alio impulsu, & ex alio motivo, in vanum currit*, simillima est expressioni qua Paulus 1. Cor. 13. dicit: *Si habuero omnem fidem, ita ut montes transferam, charitatem autem non habuero, nihil sum; & si distribuero in cibos pauperum omnes facultates meas; & si tradidero corpus meum ita ut ardeam, charitatem autem non habuero, nihil mihi prodest; maxime cum Apostolum ibi de charitate actuali Sanctus Augustinus & alii Patres communiter exponant, de eaque Apostolum loqui contextus manifestet.*

An non etiam expressio propositionis 77. *Qui non ducet vitam dignam filio Dei, & membro Christi, cessat interius habere Deum Patrem, & Christum pro capite.*  
fun-



fundatissima est in expressione illa Christi Joan. 8. *Si Deus Pater vester esset, diligeretis utique me.... vos ex patre diabolo estis.... Qui ex Deo est, verba Dei audit: ideo vos non auditis, quia ex Deo non estis.* Et Joannis Apostoli 1. Joan. 3. *Omnis qui non est justus, non est ex Deo.* Unde & unanimis Patrum est v. g. S. Augustini epist. 153. *Num Deus malorum Pater est? absit.* S. Athanasii orat. 5. contra Arianos. *In quorum cordibus (per Spiritum Sanctum) non est Filius, horum Pater Deus nominari non potest.* S. Ambrosii commentar. in c. 8. ad Rom. *In quorum actibus consilia Principum & Potestatum hujus mundi videntur, non sunt filii Dei, sed diaboli.* S. Cyrilli Alexandr. l. 5. in Evang. Joan. to. 5. pag. 551. *Non licere quibusvis citra reprehensionem Deum vocare Patrem, sed in quibus pietatis erga Deum decus elucet..... Judaeos esse mendaces, cum Deum Patrem vocare non verentur, propterea quod eum non diligant.* S. Chrysostomi homil. de orat. domin. *Indignum esse, ut si aliquis sit adulter, Deo audeat dicere, Pater.* Isidori Pelusiota l. 4. epist. 24. *Quavis superiorem audacia eum esse arbitror, qui cum nihil eorum faciat, quæ laudabilem deceant filium, tamen ausit Patrem appellare rerum omnium conditorem.* Similia habent reliqui Patres, Cyprianus dicens quod peccator populus, non possit dici filius: Gregorius Nyssenus quod impius mentiatur, dum Deum invocat Patrem. S. Chromatius Aquileiensis Episcopus, S. Venantius Fortunatus, Petrus Laodiensis, Paschasius Radbertus, S. Remigius Antiodorensis, Euthymius Monachi, Innocentius III. Dionysius Carthusianus &c.

Denique idem pluribus libris hac de re editis palam ostenditur de reliquis propositionibus 101. Ne sua prolixitate lectorum animos fatiget nostra hæc oratio, sufficiet hic addere propositionem 50. *Frustra clamamus ad Deum, pater mi, si Spiritus charitatis non est ille qui clamat.* Quid enim aliud exprimit Apostolus Rom. 8. cum dicit: *Spiritus adjuvat infirmitatem nostram (ut oremus sicut oportet: ut proinde frustra non oremus) nam quid oremus sicut oportet, nescimus, sed ipse Spiritus*

*postulat pro nobis* (id est postulare nos facit) *gemitibus inenarrabilibus*. Nisi ergo Spiritus Sanctus, qui charitas est, faciat nos orare, non oramus sicut oportet; frustra proinde oramus. *Ita enim dictum est interpellas* (ait Augustinus epist. 194. ad Sixtum) *quia interpellare nos facit, nobisque interpellandi & gemendi inspirat affectum.....* Nemo ergo sine spiritu orationis salubriter est oraturus. Qui protecto spiritus non est spiritus timoris, sed charitatis, prout Apostolus ibidem ait: *Non enim accepistis spiritum servitutis, iterum in timore, sed accepistis spiritum adoptionis filiorum, in quo clamamus, Abba pater*. Nam ut idem Apostolus prosequitur ad Galat. 4. *Quoniam estis filii, misit Deus spiritum Filii sui in corda vestra, clamantem, Abba pater*. Unde expressissime Augustinus serm. 71. *sine qua* (charitate) *inaniter clamat, quicumque clamat, quæ est ipsissima propositio 50. Magistro suo concinit fidelis S. Augustini discipulus S. Thomas in cap. 8. ad Rom. Ubi dicit quod Spiritus Sanctus facit nos orare, quantum in nobis desideria bona producit, quæ desideria nascuntur ex amore charitatis, quem in nobis producit, juxta illud: Charitas diffusa est in cordibus nostris per Spiritum Sanctum, qui datus est nobis. Quamdiu vero Spiritus Sanctus dirigit & movet corda nostra, desideria nostra esse non possunt nisi utilia. Et rursus Spiritus Sanctus clamare nos facit non per fortitudinem vocis, sed per fortitudinem & fervorem desiderii. Tunc enim clamamus Abba pater, quando per affectum accendimur calore Spiritus sancti ad desiderium Dei. Et S. Prosper sentent. 100. Clamor ad Deum est intentio cordis, & flagrantia dilectionis: quia semper petitur, quod semper optatur. Hoc autem Deo absconditum non est; quoniam ad ipsum redit, quod ab ipso processit. Et quæ doctrina certior, quam expressissima ista apostoli 1. Cor. 13. Si linguis hominum loquar & angelorum; charitatem autem actualem non habuero, factus sum velut æs sonans & cymbalum tinniens..... nihil mihi prodest. In vanum ergo clamamus ad Deum Abba pater, nisi charitas clamet, neque enim de charitate ha-*  
bi-

bituali sermo est, sed de actuali. Alias opera omnia catechumenorum & fidelium ad poenitentiam sese disponentium, ante justificationem, ante charitatem proinde habitualement facta nihil essent, nihilque prodesse. Quod sine errore dici non potest, de amore ergo five charitate actuali Apostolus ibi dicit, quod *sine amore fides nihil prodest*, ut loquitur Augustinus Enchir. c. 8. nihil proinde etiam prodest oratio, quæ est locutio angelorum. *In Christo enim neque circumcisio aliquid valet, neque praputium, sed fides.* Non omnis fides quæ per charitatem operatur. Unde rursus Augustinus l. 2. ad Bonifac. c. 8. fidem, quæ per dilectionem non operatur, dicit esse fidem dæmonum, qui *credunt & contremiscunt*, sed non diligunt. Sed non istam fidem, sed *fidem qua per dilectionem operatur, approbat atque commendat* Apostolus. Atque ex his Enchir. 8. concludit ut supra, quod *sine amore, fides nihil prodest.*

An ergo non formidandum, Bmè Pater, quod veritates istæ (quæ ad fidem & pietatem christianam videntur pertinere, utpote tam clarè & expressè contentæ in verbo Dei, scripto & tradit) per Constitutionem *Unigenitus* damnatæ videantur? Ideo ergo turbantur fideles, eosque inter *boni horrent, mali ridet, inimici Ecclesiæ Catholicæ insultant, amici confunduntur*, scribebat olim Innocentio II. S. Bernardus epist. 178. Apostolicam Authoritatem vestram toto corde honorant ac venerantur; *sed licet nos, aut angelus de cælo evangelizet vobis præter id quod evangelizavimus vobis, Anathema sit*, aiebat Paulus Apostolus ad Galat. I. Propterea cum omni humilitate à Sanctitate vestra doceri postulant fideles, quomodo Constitutio *Unigenitus* ipsis non evangelizet aliter quam evangelizaverit Christus, quam evangelizaverit Paulus, quam evangelizaverint Innocentius I. Bonifacius I. Cælestinus I. Leo I. Gelasius I. Fœlix IV. Bonifacius II. Joannes II. Agato, Martinus V. Clemens VIII. Paulus V. Innocentius X. Alexander VII. Clemens X. Innocentius XII. aliter quam Concilia Africana, Sardinienſe, Arausicanum. II. aliter quam S. Au-

S. Augustinus , S. Prosper , Sanctus Fulgentius , & SS. Patres passim omnes , à quibus tradita fuit de gratia doctrina , quam Constitutio *Unigenitus* damnat , prout Quesnellus ipse demonstrat in epistola ad Episcopum Aginnensem.

Nec turbantur duntaxat fideles , sed & scandalizantur , dum audiunt modum , ut ipsis videtur irregularem quo Constitutio prodiit , non servatis utique regulis æquitatis , solis nempe accusatoribus auditis. Siquidem æquitas videbatur postulare 1. Ut Sanctitati vestræ suspecta esset fides accusatorum ob notoriam passionem adversus authorem libri , & Eminentissimum approbatorem illius. 2. Ut Sanctitas vestra curaret locum *subreptionibus non patere*. Hoc enim necessarium esse docet S. Leo epist. 21. 3. Ut *quam plenissimè & lucidè universa sibi indicari juberet , ne inter assertiones partium aliqua ambiguitate falleretur*. S. Leo epist. 20. 4. Ut nihil incognitis rebus in cujusque partis præjudicium definiret , priusquam universa quæ gesta sunt definiret , veraciter audiret. S. Leo ibidem. 5. Ut utramque partem audiret : quia *justus Judex non est qui sic unam partem audit , ut nihil alteri parti reservet*. S. Petrus Chrysologus epist. ad Eutychem. Hasce omnes æquitatis regulas servandas censuit , servavitque Leo in causa Eutychemis , tum ut juxte judicaret , tum quia decet (inquit) in talibus causis hoc maxime providere , ut sine strepitu contestationum , & charitas custodiatur , & veritas defendatur. Maxime cum Eutyches se offerret ad corrigendum id quod in doctrina ipsius reprehensione inveniretur dignum. Plus ego feci (ait Quesnellus in Præfatione quarti sui Memorialis) & majori , quam ipse , sinceritate per litteras quas ad Papam scribere mihi honori duxi. Et tamen professio fidei , quam ipsi feci ; duæque apologeticæ explicationes meæ dudum ante Constitutionem in lucem datæ ; quemadmodum & responsiones meæ ad omnia quæ D. Gaillandus objecerat ex parte adversariorum meorum , aliæque permultæ sensuum meorum declarationes coram publico factæ , unà cum clarissimis solidissimisque Doctrinæ

Re-

Reflexionum Vindictis per nunquam satis laudatum D. Bossuetum, Episcopum Meldensem, tam efficaciter & evidenter abstergerent omne dubium adversus fidem meam formatum ab accusatoribus meis, ut ea ex parte nihil superesset, quod me indignum redderet audientia tam humiliter à me postulata, auditis satis accusatoribus & notoriis inimicis meis, Papa me inauditum in defensionibus meis condemnavit, nec recipere voluit justissimas defensiones meas, nec explicationes, quas paratus eram dare super omnibus quæ difficultatem pati poterant. Per consequens non solum providere noluit (uti juxta S. Leonem supra *decebat, in talibus causis*) *uti sine strepitu contestationum, & charitas custodiretur, & veritas defenderetur*; sed nec custodire voluit justitiæ legem, etiam naturalem & divinam, ab ipsis quoque Gentilibus consuetudine firmatam, ac velut jure gentium, observatam, juxta illud Act. 25. *Non est Romanis consuetudo, damnare aliquem hominem, priusquam is qui accusatur praesentes habeat accusatores, locumque defendendi accipiat, ad abluenda crimina.* Et quamvis, omni jure recipere atque examinare teneretur informationes omnes necessarias ut locus subreptionibus non pateret, hisce omnibus neglectis, Constitutionem promulgavit, Episcoporum omnium judicio explicationibus indigentem, quam ne humillime quidem supplicatus ab Eminentissimo D. Card. Noaillo, & Episcopis ipsi adhærentibus, dare dignatus fuit, imo pro eo supplicantes, velut seditiosos & schismaticos damnavit, tametsi non ignoraret, ne quadraginta quidem Episcopos sine datis à se explicationibus Constitutionem recipere voluisse (ingenuè confitentes sine iis saltem quadraginta ex 101. propositionibus justè damnari non posse) sed & reliqui per Gallix regnum Episcopi, se ponunt in possessione Constitutionem explicandi, suo quique modo, atque ex ipsis plerique prohibent eam aliter intelligi, & aliter intellectam recipi.

Ecce ergo concursus & conflictus explicationum, diu duraturus, contestationumque & perturbationum

fons

fontis & scaturigo futurus, quarum nec Papa nec quisquam juniorum Episcoporum visurus est finem. Ecce quid parit iudicium, non auditis audiendis præcipitatum. Ecce quo tendebant Constitutionis promotores. Res quippe suas per ejusmodi turbas promovere solent, mediantibus artibus quibus sibi Principum & Magnatum favorem conciliare consueverunt. Eò collimantes, Episcopis sibi devotis permittere cavebant, ut eo in statu constitueret, quo Sanctissimo Domino ipsemet darem explicationes meas; imo suas mihi tribuere volebant, ut liber meus velut hæreticus damnaretur. Et ideo impedierint, ne audirem in justificationibus meis: quia de re ipsorum erat, ut reus essem; & sic ut *dum unus homo impetitur, in omnem Ecclesiam faviretur*, ait S. Leo epist. 40. In tota fortassis Historia ecclesiastica similis injustitiæ non reperitur exemplum. E contra vel ipsos manifestiores hæreticos Ecclesia urisit ut sese explicarent juxta regulam fidei: quod dum præstiterunt, Episcopi cum gaudio explicationes ipsorum exceperunt, cordeque verè paterno ipsis ecclesiæ sinum velut boni patres aperuerunt.

Hodie Presbyter Catholicus ad Patrum suorum se projicit pedes, ut ab ipsis, à Sanctissimo utique Domino & Episcopis auditus, discat errores suos, seque justificandi ordinem & modum sive explicando sive retractando, paratus ipsorum iudicio submittere approbationes doctrinæ suæ ab annis triginta imo quadraginta à sanctioribus & sapientioribus Episcopis datas. Et repellitur, & humillimis supplicationibus ipsius aures occluduntur, verbisque & expressionibus ipsius Episcopi sensus attribuunt ipsius intentioni & sensui naturali prorsus adversantes, sensus (inquam) insensatos, posteaquam eos antecederet protestatus fuerat à sensibus suis alienos, protestationemque juramento, coram Deo, Angelis & hominibus firmaverit. Hucusque Quesnellus.

Obsecrant fideles sibi ignosci si in eo Sanctissimus ipsis videatur reprehensibilis, prout S. Petrus reprehensibilis visus est Paulo. Neque enim in eo visus est uti

potestate, eo modo, & cum ob finem, ob quem est data. Ignoscant & quadraginta Episcopi si ex dictis ad oculum demonstrata videatur falsitas assertionis, qua dixerunt, *nihil adjici posse veritati, exactitudini & soliditati Instructionis sue Pastoralis*, in eaque *unumquemque ex ipsis Ecclesiarum suarum fidem & traditionem recognovisse*. Faxit Deus, ut ex ipsis nemo sit in die judicii à supremo Judice convictus de mendacio in Spiritum Sanctum. Nec enim apparet, quomodo ex ipsis justificari queant illi, qui non obstantibus præventionibus suis, positivè facti sunt ex 101. propositionibus saltem quadraginta esse, quæ censurâ notari non poterant. Ubi ergo (respectivè ad illas) *veritas*? Ubi *exactitudo*? Ubi *soliditas*? Ubi *traditio* & *fides*? Pluribus jam scriptis traditio & fides in contrarium demonstrata est. Vel solæ probationes Hexaplorum nuper editorum Lectores certos faciunt, quod Illustrissimis Episcopis Gallicanis difficile foret verificare suffragia sua; quæ ideo dederunt, quia talia Jesuitæ, Instructionis, ut fertur, fabricatores, Regis favore suffulti, & apud ipsum valde potentes, voluerunt, & ipsis placere necesse fuit quærentibus quæ sua sunt.

Enimverò præter hæc dicta quomodo fides & traditio ipsos docuit damnabiles esse propositiones per divinam Scripturam & Traditionem consecratas v. g. 50. 55. & 77. supra memoratas? Idem ab ipsis quærere liceat de 58. *Nec Deus est, nec religio, ubi non est charitas*: cum Veritas toties in Evangelio doceat totam legem & prophetas in duplici de charitate Dei & proximi mandato consistere, *in his duobus mandatis universa lex pendet, & Propheta*. Et Apostolus Rom. 13. dicat: *Si quid est aliud mandatum, in hoc verbo instauratur, diliges*. Si totum in hoc sit, tolle ergo hoc, totum tollis, etiam Deum, id est Dei cultum & Religionem. Nam ut Augustinus ait l. 10. de Civit. Dei c. 3. *Deo sacrificamus hostiam humilitatis & laudis in ara cordis nostri, igne fervida charitatis, hoc est Dei cultus, hæc vera religio, hæc vera pietas, hæc tantum*

Deo

*Deo debita servitus. Ibi ergo non est religio, nec pietas, ubi non est charitas, juxta S. Augustinum.*

Quid dicemus de propositione 87. *Modus plenus sapientia, lumine & charitate est, dare animabus tempus portandi cum humilitate, & sentiendi STATUM PECCATI, petendi spiritum pœnitentia & contritionis, & incipiendi ad minus satisfacere iustitia Dei antequam reconcilientur?* Propositio ista videtur damnari non posse, nisi damnata praxi constantissima Ecclesiæ per tot sæcula, juxta quam S. Cyprianus tract. de lapsis animarum directores contra nostrorum temporum laxones sic instruit: *Oportet Dei Sacerdotem non obsequiis decipientibus fallere, sed remediis salutaribus providere. Imperitus est medicus, qui timentes vulnere sinus manu parcente contrectat, & in aliis recessibus viscerum virus inclusum dum servat, exaggerat, aperiendum vulnus est, & secandum, & putaminibus amputatis medela fortiore curandum.* In eos vero qui laxiorem praxim sequuntur præcocique absolutione & communione valde graviter lapsos donant, sic invehitur: *Emersit, fratres charissimi, novum genus cladis; &.... sub misericordia titulo malum fallens, & blanda perniciēs. Contra Evangelii rigorem, contra Domini ac Dei legem, temeritate quorundam laxatur incautis communicatio, irrita & falsa pax, periculosa dantibus, & nihil accipientibus profutura... Pœnitentia de pectoribus excussa est. Gravissimi extremique delicti memoria sublata est. Operiuntur morientium vulnera, ut plaga lethalis altis & profundis vulneribus infixæ, dissimulato dolore contegitur. A diaboli aris revertentes ad Sanctum Domini sordidis & infectis nidore manibus acceditur.... Vis infertur Corpori & Sanguini Domini.... ante expiata delicta.... ante offensam placatam indignantis Domini, & minantis pacem putant esse quam verbis fallacibus venditant. Non est pax illa, sed bellum.... Quid eos, qui flere jugiter, & rogare Dominum suum debent, intercepta pœnitentia lamentatione communicare se simulant?... Non concedit pacem facilitas ista, sed tollit,.... & impedit ad salutem.*  
Per-



*Persecutio hac est alia, & alia tentatio.... Ita fit, ut dum temeritate quorundam vel promittitur salus falsa, vel creditur, spes vera salutis adimatur.*

Similia dicit Clerus Romanus, Cypriani dicta confirmans in epist. ad ipsum sicut & Ambrosius l. 2. de poenit. c. 9. Et Chrysostomus homil. de S. Philogonio, S. Augustinus Hom. 50. S. Gregorius alique Patres sequentium sæculorum, ac novissime S. Carolus, & Concilium Gebennense 4. p. tit. 9. c. 5. Cardinalis Bellarminus Conc. ix. in Domin. iv. advent. Cardinalis Aguirius dissert. 8. in can. xi. & xii. Concilii Toler. III. Cardinalis Denhoffius Instruct. de poenit. Cardinales Grimaldi & Camusius in Instruct. Pastor. Nec non Archiepiscopi quatuor & Episcopi Galliarum duodecim in celebri epistola sua ad Urbanum VIII. & alterâ ad Innocentium X. pro defensione libri *De frequenti Communione*, cujus effectus fuit quod liber ille ab omni censura, non obstante summa Jesuitarum adversus eum sollicitatione, immunis evaserit.

Quæ ergo mala timenda non sunt ex damnatione propositionis 87. attentis falsissimis ideis quas de justitia Christiana, ac dispositionibus ad justificationem requisitis sibi in animum induxerunt laxones horum solutioni, quos quia sacerdotes tam multi sequuntur, per absolutiones præcipitatas *perit sacerdotum multitudo infinita*, prout dicit laudatum Concilium Gebennense.

Quæ cum ita sint, non mirum quod fidelium suspicio magna sit, Beatissime Pater, quod lumen illud Spiritus Sancti, quod Summo Pontifici ad hoc facienti, quod facere oportet cum explicanda sunt fidei mysteria, & tradenda morum præcepta, Sanctitati vestræ non detexerit Jesuitarum fraudes, mendacia & calumnias, Episcoporum ipsis mancipatorum præventionem, Aulicorum suorum adulationes, suspecta Consultorum suorum & officialium consilia, sed ab iis Sanctitatem vestram circumveniri. Notum quippe est universo orbi solos quinque Cardinales, Fabronum, Tolomeum

Jesuitam ; Albanum nepotem vestrum , Ottobonum ; Ferrarium Congregationibus ad examen libri accusati institutis adfuisse ; atque ex iis quatuor priores ab omni partialitatis suspicione liberos non fuisse . cum tamen examinandæ forent tot & tanti momenti propositiones , utpote christianæ Religionis essentialia concernentes , ut nunquam majores ob causas congregata sint Concilia Generalia. Unde saltem Concilium Cardinalium omnium vicinorumque Episcoporum ad examen tot & tanti momenti propositionum videtur fuisse necessarium ; ob periculum alioqui damnandi ipsissimas veritates divinæ Scripturæ & Traditionis , prout revera damnatæ videntur : cum plurimæ ex propositionibus illis videantur expressè contineri in divina Scriptura & Traditione , ut supra visum est , demonstratque vir incomparabilis Bossuetus, Episcopus Meldensis, in Vindiciis Quesnellianarum Reflexionum ; per consequens non videantur magis damnabiles quam veritates divinæ Scripturæ & Traditionis.

Et ideo major pars Facultatis Theologicæ Parisiensis Constitutionem acceptare recusant , uti demonstrat liber cujus inscriptio est, *Relatio deliberationum S. Facultatis Theologicæ Parisiensis*. Et ne quadraginta quidam Episcopi Galliarum acceptarunt nisi dependenter ab explicationibus à se datis , uti declararunt ; quas tamen à sensu Authoris Reflexionum , ac proinde à sensu Sanctitatis Vestræ alienas esse certissimum est ; maxime cum Molinismum adeo patenter inducant , ut Illustrissimus D. Episcopus Mirapicensis in Instructione sua Pastoralis pag. 54. conqueri non dubitet : *Eas mihi sit dicere, quod formidem ne hodie in ecclesia Gallicana contingat simile eo quod in ecclesia universa contigit post Concilium Ariminense, dum ut S. Hieronymus expressit, INGEMUIT TOTUS ORBIS, & Arianum se esse miratus est. Quia revera formidandum est, ne Gallicana Ecclesia, præter intentionem suam, brevi se videat Molinisticam totam.* Quod eadem in Instructione pluribus ostendit : nec certe dubium est collimasse Molinistas, dum Jesuiticis artibus & dolis apud Sanctitatem vestram

stram pro Constitutione institerunt; cum de facto, <sup>10</sup>*triumphe* canant pro Molinismo suo per Constitutionem *Unigenitus*, ut putant, definito. Nec magis dubium est luxuriantia plurium Casuistarum ingenia sibi invicem etiam applaudere, quod per eandem confirmata videantur laxiora opinamenta ipsorum de amore Dei, de timore inferni, de poenitentia & administratione sacramenti poenitentiae &c.

Propterea ergo tanta adversus Constitutionem commotio & offensio. Siquidem viri eruditi obstupescunt stupore gravi, quod per Sanctitatem vestram primo intuitu damnari videantur veritates ad fidem pertinentes, subvertique morum regulæ à præcipuis ecclesiæ Patribus traditæ. Et personas pias offendit visa ipsis damnatio tot sanctorum documentorum, unde plurimum ædificantur. Noviter converforum fides vacillat, & qui ad Ecclesiam videbantur proxime reversuri, ab ea longius recedunt, crescitque Libertinorum subsannatio, & Protestantium adversus Romano-Catholicos insultatio.

Ecce quod non satis præviderunt nec præcaverunt quatuor supra nominati Cardinales & Consultores partiales, à Jesuitis circumventi, quibus per omnia non acquievissè fertur Eminentissimus Ferrari. Nec certe per omnia acquiescere posse videbatur salva scholæ suæ doctrina de gratia, per tot prædecessores vestros, ut per Congregationem de Auxiliis approbata damnataque per eandem in judicio contradictorio novitia Molinæ doctrinæ. Absit tamen ut turbas illas & commotiones vestræ tribuamus Sanctitati, cujus cognoscimus ac veneramur laudabilem intentionem, & zelum magnum pro conservanda fidei & morum puritate: quinimo solis tribuimus malignis informationibus, quibus Sanctitatem vestram, ausu sacrilego circumvenerunt Jesuitæ, magis quæ sua sunt quærentes, quam quæ Jesu Christi, & magis honorem Societatis suæ, quam Apostolicæ Sedis in qua sedet Sanctitas vestra, indigni profecto affectu illo, ut plerisque videtur, nimis magno, quo ipsos solos audit. Audire (obsecro) di-  
gne-

gnetur & alios , ab ipsis per calumniam accusatos, quia ipsis videtur quodd cum filiali fiducia dicere queunt cum S. Bernardo epist. 180. ad Innoc. II. *Bonam causam, habere & equum judicium: qui non cunctabitur evacuare quod subreptum est, cum apparebit quod verum est. Nec poterit inde ridere, qui voluit irridere, sed (ut scriptum est) mentita est iniquitas sibi. Hoc solet habere precipuum Apostolica sedes, ut non pigeat revocare, quod à se forte deprehenderit fraude elicitum, non veritate promeritum. Res plena aequitate, & laude digna, ut de mendacio nemo lucretur, praesertim apud sanctam & summam Sedem. .... Adsit Dominus cordi Domini mei; ne iterum posset ei subripi à Jesuitis, non tam (ut simulant) appetentibus veritatem, quam fugientibus Molinismi sui damnationem, à S. Congregatione de Auxiliis post exactissimum decem annorum examen justissime resolutam, & in approbata à Paulo III. bulla ad formam reductam, quam & suo tempore promulgare pollicitus est, & apostolicam pollicitationem istam exequi usque adeo necessarium est, ut Jesuitæ numquam cessaturi sint Ecclesiam turbare, donec ipsorum superbia & potentia magna nimis humiliabitur istius bullæ promulgatione. Non ignorat Roma, christianam religionem è Japonia factam exulem culpa ipsorum, sicut & subversam Missionem Chinensem, & valde infirmatam Missionem Cochinchinensem & Tunquinensem, faciemque ipsorum sanguine Legati S. Sedis à Latere respersam. Sic delatores isti, (ait Tacitus) genus hominum publico exitio repertum, & poenis quidem nunquam satis coercitum, per premia, & favorem principum, Romanæque Aulæ eliciuntur & multiplicantur.*

Et isti sunt qui per epistolam Anonymi ad Eminentissimum Cardinalem Noaillium frontem habent petendi à mitissimo hominum, an ipsi, an Eminentissimus præsentem suscitaverint tempestatem. Sed vivit dominus, respondere potest Eminentissimus, *Nec ego, nec quisquam adhaerentium mihi prophetarum, turbavi Israel, sed tu, & domus patris tui.* Et nonne ideo Jesuitæ aliàs è Gallia pulsi? quia usque adeo intus sedi-

ditiosi, extus formidabiles, & adhuc nuperrimè Juvencius Jesuita ausus fuerit vulgo dare Apologiam reorum sanguinis Regii, & Gallicana Societas cœlum terramque movere ad suppressendum cursum justitiæ adversus Apologistam illum Gallum. Et rursus illi ipsi qui olim è sedibus suis exules fecerunt sanctum Episcopum Palafoxium, totque alios sanctos Episcopos Mexici, Paraquanæ, Manilæ, Interfectoresque Cardinalis Turnonii, hodie persecutores sunt Cardinalis Noaillii. *Istud genus hominum* (dicebat plusquam à sexaginta annis Pater Valerianus Magnus) *intolerabile se reddit toti Christianitati.* Aspirat ad grandia & dominationem, leges divinas & humanas, positivas & naturales finibus suis accommodando, & ad se vel per commodam doctrinam suam, vel per spem aut metum attrahit omnes magnates terræ, eorum deinde auctoritate ad promovendas res Societatis abutendo. Ipforum facinora & attentata nulla puniuntur nec coercentur auctoritate, imo potius præmiantur; & ideo ea cum audacia illa committunt, ac si Deo redderent obsequium. Cognoscit hoc totus mundus de eoque cum execratione loquitur. Sed nullus est qui tantæ tyrannidi se possit opponere.

„ Testor & protector sanctissimæ & individue Trinitati, Patri, & Filio, & Spiritui Sancto (aiebat Innocentio X. Sanctus Episcopus Palafoxius in epist. ad ipsum data anno 1649.) quidquid in hac epistola, vel supplici libello..... à mea humilitate dictum, & prolatum, non alio fine vel intentione proferre velle, nisi propter christianæ Religionis augmentum, puriorem fidei propagationem, infidelium securiorem & efficaciorum conversionem, Religionis Jesuitarum majorem profectum & utilitatem, & ut quamplurima mala, quæ hodie in Ecclesia pululant, & deinde imminet, à tua Sanctitate & prudentia vitentur, aut præcaveantur.

„ Ista, B. P. protestatione christiana præmissa, cæ ingenuitate & sinceritate, qua decet & licet filio, qui Patrem, viro Christiano qui Christi Vicarium ut  
TUB. II. F „ ni-

„ niverſalem alloquitur , profiteor Religionem iſtam ,  
 „ aliàs ſanctiſſimam , ſi intra cancellos juſtæ & honeſ-  
 „ tæ reformationis à Tua integritate & ſapientia non  
 „ arceatur , jam non tam utilem quam animarum re-  
 „ gimini , quod nobis Episcopis competit , nunc certe no-  
 „ xiam extare , & magis tractu temporis noxiam eſſe  
 „ futuram .

„ Jeſuitas Religioſos per triginta annos ſatis intimè  
 „ tractavi , ..... nunquam iſtis Jeſuitis malus fui , ni-  
 „ ſi quando Eccleſiæ meæ bonus ab omnibus exiſti-  
 „ mabar .

„ At ſupponamus , quod pro Eccleſia laboret So-  
 „ cietas Jeſuitica , quid intereſt , ſi ejus onere , pondere ,  
 „ magnitudine Eccleſia Dei univerſalis laboret & ge-  
 „ mat . Quid intereſt quod Episcopos ſuo miniſterio  
 „ adjuvet , ſi Episcopos non ſuis nutibus obſecundan-  
 „ tes deprimat & exagitet ? Quid intereſt , quod po-  
 „ pulos doceat , ſi populos commoveat & pertur-  
 „ bet . . . .

„ Quid intereſt quod Miniſtris aliquando Regiis  
 „ Dynaſtiſque & principum Aulis cum utilitate ſe  
 „ inferat ; ſi plures in eo excedant non neceſſaria , imò  
 „ Reipublicæ noxia introductione & præſumptione ,  
 „ quæ ſpiritualis miniſterii exiſtimationi detrahit plu-  
 „ rimum , & offenſam ſæcularibus reddit , manu di-  
 „ rectioneque interiori de ſpiritualibus ad politica , de  
 „ politicis ad profana , de profanis ad nocentiſſima  
 „ ſubintrando , & magno ſæcularium ſcandalo , & in-  
 „ commodo , interiora domorum ſæcularium dirigen-  
 „ do & gubernando .

„ Quid intereſt , quod tot ſcriptis Eccleſiam illuſ-  
 „ tret , ſi tot novis opinionibus Eccleſiam vexat ,  
 „ chriſtianam ſapientiam divexat , & ſcindit , verita-  
 „ tem tandem reddit ambiguam ? Nonne & ſcientia  
 „ quiſquis laborabit ſi plus ſapiat , quam oportet ſapere ?  
 „ Nam ad ſobrietatem ſapere docendum & ediscen-  
 „ dum eſt .

„ Quæ alia Religio . . . . Eccleſiæ Dei univerſæ tan-  
 „ to fuit impedimento , & diſcordiis adeo totum or-  
 „ bem

„bem christianum implevit? ..... Quæ alia Religio  
„tantas aliis Religionibus, Clero, Episcopis, & sæcu-  
„laribus Potestatibus, & his christianis & catholicis,  
„turbas commovit, æmulationes peperit, querelas  
„concitavit, controversiis litibusque implicavit? Ali-  
„quæ aliquas, tantas nulla.....

„Quæ alia Religio doctrinam Sanctorum 'anta li-  
„bertate impugnavit? Et illis veræ fidei antesignanis,  
„Ecclesiæ columnis, Theologiæ micantissimis & di-  
„gnissimis Præceptoribus, minus detulit reverentiæ?  
„Fallitur S. Thomas, Bonaventura decipitur, non  
„tantum dicit & scribit, sed etiam typis mandat,  
„quicumque Jesuitarum modernus præceptor.

„In suggestis sacris jam reticet Augustinus, Ambro-  
„sius, obmutescunt Gregorius, Hieronymus, Chry-  
„sostomus, Cyrillus, & cæteri Ecclesiæ non quomo-  
„documque lumina, sed luminaria fulgentissima: qui-  
„dam enim tantummodo neoterici Jesuitæ à suis dis-  
„cipulis laudati exaudiuntur, & eorum autoritate,  
„dictis, scriptisque doctrinam Christianam fulcire ni-  
„tuntur. Quod non solum dignitati verbi Dei indecens, sed  
„neque animarum saluti securum existimo. Si enim  
„cuique Doctori eadem, quæ sanctis conceditur au-  
„thoritas, maxime vexare potest Ecclesiam opinionum  
„diversitas, & labefactari fidei puritas, & morum in-  
„tegritas, quæ ex autoritate Patrum & Sanctorum  
„veneratione dependet.....

„Quæ alia Religio adeo integros & antiquos mores  
„Ecclesiæ laxavit, postquam à primitivo suo fervore  
„discessit..... circa usus, circa præcepta Ecclesiastica &  
„Decalogi circa omnem christianum vivendi tenorem,  
„præcipue quantum attinet ad doctrinam? itaut arbi-  
„traria pene videatur & probabilis omnis in Ecclesia  
„moralis Theologia..... Quibus legibus, aut opinionibus.....  
„instructi discipuli juvenes, non solum iner-  
„mes, & effeminati, & spiritum fugientes & carnis  
„illecebris & voluptatibus procliviores & indulgentio-  
„res educantur, sed quæcumque in ecclesia aspera, &

„ quæ ad pœnitentiam inducunt , & quæ crucis mortificationem promovent , verendum est ne metuant , respiciant , perhorrescant : & cùm regnum cœlorum vim patiatur , & violenti rapiant illud , mirum non erit , si rapere ipsi non adeo facilliter queant....

„ Quæ alia Religio , P. B..... in ecclesia Dei telonium exercuit , pecuniis fœneravit.... Quæ alia Religio foro bonisque cessit ? & profanis commerciis & contractibus maris terraque totum fere Orbem maximo sæcularium scandalo , & admiratione complevit ?

„ Luget Hispalensis populosissima civitas , complorant viduæ Bæticæ , pupilli orphani , desertæ virgines , honesti sacerdotes , & sæculares à Religiosis Jesuitis deceptos esse inclamando , qui plusquam quater centum millibus ducatorum miserabilium ipsarum personarum dilapidatis , & expensis in proprios usus , bonis foroque cessere.

„ Quid dicent Batavi hæretici in illa provincia & littoribus Gaditanis ubi hoc accidit , frequentissimi ? Quid Britanni & Germani negotiatores , qui bonam fidem in contractibus servare præsumunt ? Profecto catholicam & Romanam fidem.... irridebunt , & contumaciores in suis erroribus permanebunt.... Nihilominus hæc omnibus patent.... non solum in Hispania , sed & in aliis Orbis christiani partibus....

„ Tota Ecclesia Chinica congemiscit , & se non tam edoctam , quam deceptam ab ipsis Jesuitis in fidei purissimæ documentis & rudimentis inclamat... crucem Domini reclusam , Gentilicos ritus permisos... christianizantes idololatrias , idololatrantes christianos , .... sub gentilica larva fidem sanctissimam dolentissime conspicit.

„ Hæc , B. P..... mea humilitas , muneris & oneris pastoralis obligatione compulsâ , tuo sanctissimo zelo retulit moderanda , vel omnino reformanda.... Remedium exposcunt , censura indigent , reformationem expetunt. Tuo prudentissimo iudicio relinquendum erit , quibus mediis remediisque hæc omnia , si non sanari , saltem moderari valeant , quod facillimum

tuae



„ tuæ supremæ Potestati erit, præcipue omnibus fere  
„ Ecclesiæ ordinibus in idipsum conspirantibus....

„ Et hoc medio ipsis Jesuitis medicinam, Clero &  
„ Episcopis operarios sine livore, & ministros spiritua-  
„ les sine æmulatione, cæterisque Religionibus tran-  
„ quillitatem sapientia tua, Innocenti sanctissime, spi-  
„ ritus Sancti radiis illustrata præberet, & Ecclesia to-  
„ ta universalis; tot tantisque controversiis, discordiis,  
„ difficultatibus & scandalis; & aliis Jesuitarum nego-  
„ tiis, tanquam procellis implicata & agitata, con-  
„ quiesceret.

Et nonne ipsi sunt, beatissime Pater Clemens XI. de quibus Pater Thomas Jesuita refert, sibi Eminentissimum D. Cardinalem Turnonium viso agendi modo Jesuitarum in China confidenter dixisse, quod si diabolus personaliter in Chinam venisset ad ibi subvertendam Religionem, plus ipsi mali non fecisset, quam Jesuitæ fecerunt. Atqui Jesuitæ ubique sunt Jesuitæ, ubique barbarum & persecutionum suscitatores adversus innocentes, ubique fratrum suorum falsi delatores. Ubi-que Ecclesiasticarum civiliumque Potestatum per informationes falsas deceptores. Unde & S. D. N. Alexandrum VII. Sacramque Congregationem de propaganda fide, per falsas suas de Ritibus Chinensibus informationes decepit Pater Martinius ab ipsoque subreptitum illud extorsit decretum, in favorem Rituum illorum, per quod adeo pertinaces permanferunt in illis defendendis, ut etiam post novissimum Sanctitatis vestræ decretum, Ritus illos definitive declarans supersticiosos, Juvencius Jesuita nuper adhuc defendere ausus fuerit in nova suæ Societatis Historia Romanis typis (dolose circumvento S. Palatii Apostolici Magistro, sicut & approbatoribus) edita; ita ut obstupefcant fideles, Sanctitatem vestram adhuc usque adeo ipsis esse credulam, & specialiter favorem cum exemplari potius videantur punitione digni, quam affectu & favore tam speciali. Sed hoc pro S. Sedis honore filiali cum fiducia sub correctione sit dictum.

1. Decembris 1714.

## I I.

## E P I S T O L A

*Sanctissima, gravissima Illustrissimi viri & natalibus, doctrina, virtute vere christiana Clarissimi, Domini JOANNIS DE PALAFOX ET MENDOZA, Hispani & in America Episcopi Angelorum populi, ac Consilarii Indiarum Decani, ad summum Pontificem INNOCENTIIUM X. de Jesuitarum Societate extinguenda, vel strictè reformanda ob universalis Ecclesie bonum.*

BEATISSIME PATER,

1. **S**acris tuæ Sanctitatis pedibus provolutus, infinitas Deo & Apostolicæ Sedi gratias ago, quod tanta benignitate & humanitate Doctorem Silverium de Pineda Procuratorem meum foveris, ut quàm brevissimo tempore ad te missum ad me remissum utroque mari Oceano & Mediterraneo, Italia, Hispania, Americaque peragratîs conspexerim, & ab eo Litteras Apostolicas super dubia oraculo sapientiæ tuæ proposita, nostros intellectus illuminantes, errores

rores corrigentes, discordias sedantes, non sine lachrymis præ hilaritate gratiarumque actione acceperim.

2. Cui enim non erit lætitiæ stuporique, videnti viginti & sex quæstiones controversiasque Ecclesiastica, auditis etiam prolixè partibus utrisque, & visis actis per sanctam Congregationem à te particulariter assignatam, etiam ab occupatissimis Cardinalibus sapientia & virtutibus Eminentissimis, & Romanæ Curiae Prælati, intra quatuor menses dissipatas, collatas, conclusas, decisas, & tandem expeditas fuisse? Ut jam deinde jurè optimo, non sine magna animi infirmitate, si aliter fecerimus, sacras illas voces debeamus non tantum attendere & audire, sed obedire Prælati, quibus Apostolica Sedes inclamat, invitat, & suadet Patribus animarum dicens: *Venite, filii, audite me, timorem Domini docebo vos*, & iterum: *Omnes sitientes venite ad me & ego reficiam vos, Ego enim sum via, veritas & vita*. Cujus causa, Pater Beatissime, exteris hujus Americæ nunciavi Pastoribus, cum muliere quæ convocavit amicas in Evangelio exclamans: *Congratulamini mihi, quia inveni drachmam quam perideram*. Ut omnibus pateat quanta brevitate, benignitate & humanitate Apostolica Sedes, & tua Pastoralis vigilantia, & summa sollicitudo & sapientia dubitantibus respondeat, errantes dirigat, & mœrentes consoletur.

3. Sed heu! Pater Beatissime, nunquam in hac mortali conditione & miseria hilaritas sine mœstitia, nunquam sine novo discrimine tranquillitas, docente Divino Spiritu, *extrema gaudii luctum occupare*. Ea est humanæ mentis & naturæ fragilitas, ut semper magis ac magis medicina indigeat, & nondum vulneribus primis oleo charitatis sapientiæque tuæ subsanatis, jam secunda succedunt.

4. Sacerdotes, Beatissime Pater, ad te missi, & ad sacra Apostolorum limina visitanda, me ab assertis Conservatoribus, Regularibus, & Religiosis Jesuitis, prætextu suorum privilegiorum assignatis, non aliam ob causam, quàm quod in animarum salutem & propagationem Ecclesiasticæ jurisdictionis, & Decretorum

Sacri Concilii Tridentini incumberem (ut Congregationi sacræ super hoc negotio à Tua Sanctitate assignatæ patuit) de facto excommunicatum & aliis innumeris injuriis impetitum fuisse.... retulerunt, & ad alia scandala devenisse nuntiaverunt.

5. Verùm post eorum discessum Religiosi Jesuitæ majores turbas contra me & dignitatem meam excitarunt, acriores seditiones commoverunt & injuriis atrocioribus dehonestarunt, & Clerum meum ac gregem crudelissimè vexantes, (liceat mihi ita enarrare, cum eis ita fecisse libuerit) in majores angustias redegerunt.

6. Cæco enim quodam quasi furore perciti, Pater Beatissime, Religiosi isti, quos in Domino semper amavi ut amicos, & nunc ardentius ut inimicos diligo, videntes meos subditos Conservatorum suorum invalidis excommunicationibus non assentiri, sed suo amabili Pastori, vocem ejus in suis edictis agnoscentes, inhærere, se existimantes contemptos, in maximam iracundiam exarserunt; & nisi eorum libidini & arbitrio meam dignitatem & baculum Pastoralem submitterem, de incarcerando Episcopo cogitarunt.

7. Cum autem hoc non quod desiderabant facilitate consequi posse viderent, quia horror ipse facinoris ad defensionem sui proprii Pastoris populos excitabat, non tantum alios Regulares, tanquam pro communi eorum causa, contra me convocarunt, sed quod gravius est, prophanum & sæcularem gladium (Comitis scilicet de Salvatierra Viceregis, qui mihi totius Regni Visitatori generali in protectionem miserabilium Indorum incumbenti, quos sui ministri maximè exagitabant, infensissimus erat) etiam ingenti pecuniâ emptum, temeritate maxima exemptum, digladiantes, dignitatem meam, personam, gregem, armis, incarcerationibus Ecclesiasticorum & sæcularium, & aliis quàm plurimis injuriis vexarunt; etiam hominibus flagitiosissimis armatis, dieque destinato (is autem fuit festum corporis Christi, eodem enim die conveniens erat ut traderetur Episcopus, quo captus fuerat Episcoporum

Episcopi

Episcopus) ut meam personam caperent, dignitate expoliarent; gregem diriperent. Interim jurisdictione Inquisitorum ad id per ipsos conducta, prætextu quod excommunicationes ut nullas Conservatorum ræi subditi parvifacerent, incarcerante Clericos & Laicos, & atrociora, nisi Conservatoribus obedirent, minitante.

8. Dum hæc omnia à Religiosis Jesuitis, & Conservatoribus, & Tribunalibus ad id convocatis geruntur, ego quantum adjuvante Domino potui pro grege, pro fide, pro jurisdictione, pro Concilio, pro Apostolicis Constitutionibus & Regulis, quamvis solus, laborare non destiti, non tantum Regulares censuris severissimis terrendo, & sæculares eisdem fulminibus & edictis, & epistolis, & voce, & sermone intra ordinem & obedientiam continendo, sed etiam, cum parum hoc proficeret, contemnebant enim Jesuitæ censuras Ecclesiasticas, & vinculis earum innodati, suspensi & irregulares publicè celebrabant, Sacramenta ministrabant, invito Episcopo, etiam in non suis Ecclesiis prædicabant populo, sæcularium Confessiones audiebant, Vice-regem & auditores Regios exhortatus sum, ut aliqua congruenti moderatione & remedio, missis ad id aliquibus de meo Capitulo Commissariis, differentiae istæ & discordiæ sedarentur, salva tamen Tuæ Sanctitatis irrefragabili decisione; & interim Respublica quieta, fidelium Ecclesia pacifica, & omnium suspensi animi sententiam Apostolicam expectarent.

9. Sed Religiosi Jesuitæ, Pater Sanctissime, gladio sæculari armati, & Archiepiscopo Mexicano Joanne de Muñozca, non tantum fautore, sed auctore duceque freti, & omnibus penè Regni Tribunalibus variis artibus in suam potestatem reductis, nullam compositionem aut concordiam admittere volentes, Commissariis Ecclesiasticis ignominiosè dimissis, imò expulsi, non pacem; non inducias; sed bellum cruentissimum indicentes; nisi me, meamque jurisdictionem, & baculum Pastoralem, arbitrio ipsorum & suorum Con-

servatorum, quos ego tanquam auctores hujus miserabilis schismatis paulò antè anathemate percusseram, submissem, cædes, carceres, exilia, proscriptiones, si aliter facerem, comminantur.

10. Ruptis ab eis honestæ concordie articulis, à me ut tanta scandala vitarentur propositis, acriùs Religiosi Jesuitæ bellum contra meam dignitatem gregemque repetunt & instaurant, plures Clericos scilicet incarcerando, & hos honestiores, electum Episcopum de Honduras, Vicarium meum generalem, virum doctissimum & honestissimum, manu sæculari dirissimè recludendo, & tandem meum gregem crudelissimè omnibus modis vexando, & iterum ardentiori affectu meam incarcerationem, aut extra Provinciam relegationem, diversis machinationibus disponendo.

11. Ad hos sacrilegos conatus, Pater Sanctissime, iterum excitati populi, Episcopum, propè antè Vice-regem, & Governatorem amantissimum, jam tot petitum insidiis injuriisque exagitatum intuendo, ad sui Pastoris & Ministri Regii propugnationem convolant, & mortem subire parati, & sua etiam vita Pastoris vitam defendere contendunt. Et ita diviso Regno & in partes distracto, brachio sæculari, & Jesuitis, & Conservatoribus contra Episcopum & Ecclesiasticam jurisdictionem, populis autem & Clero pro jurisdictione & Episcopo contendentibus, in summum periculum redacta Respublica est.

12. Has inter angustias fluctuabat mens mea, æstuebat animus & consilium hærebat, exposcens à Deo, etiam profusis lachrymis, ut viam mihi dignaretur aperire, quâ salva fieret pax publica, jurisdictio oppugnata & vita petita. Deserere enim Ecclesiam, jurisdictionem & baculum Pastoralem Religiosis Jesuitis ignaviter tradere, vilissimum: armis autem & sanguine filiorum spiritualium causam defendere, durissimum & dirissimum: nihil autem agere, sed Conservatorum iræ me meaque committere, nocentissimum & imprudentissimum esse videbatur.

13. Quis enim, Pater Sanctissime, baculum Pastoralem

lem, id est, gladium Dei sine crimine turpissimè traderet? Aut quis suas oves ardentissimè diligens, & pro quibus se ipsum impenderet, & mortem etiam subiret, præ dolore conspiciere posset sociali bello inter se digladiantes, & se ad invicem occidentes? Pugnam cruentissimam & tristissimam intuens pater utrorumque amantissimus, in qua vinci infelicitas, vincere crudelitas erit? Aut quis tandem vel propugnatione pacem, vel ignavia vitam disperderet?

14. Ideò utrimque angustias, utrimque pericula contuens, tanquam si in auribus perfonarent voces illæ Salvatoris, suos Apostolos & Discipulos in simili casu docentis, fugâ Ecclesiasticâ victoriam, non bello mortem, aut populorum jacturam prætendendam esse: dicebat enim, *Cum persecuti vos fuerint in una civitate, fugite in aliam*: statui honestissimâ fugâ, non autem gladio crudeli, & filiorum sanguine defœdato, vitam & dignitatem meam propugnare.

15. Videbam enim adversariorum mentes in id maximè tendere, ut meam caperent personam, aut in ipsa expugnatione perimerent, quâ captâ aut peremptâ, & de mitra captiva triumphum, & de grege spolia, & de causâ victoriam reportarent; percussio enim Pastore quàm facillimè disperguntur & oves; posteaque falsis probationibus & calumniis & criminationibus adversariorum, veritas Pastoris indefensa, & fama acquisita cum ipso corpore occiso conspultæ jacerent.

16. Considerabam itidem, Regulares Jesuitas, ardenti furore agitados, in hos actus adeò irregulares proflire, & in præceps dari, non ratione sed affectu, & quò major impetus, eò brevior, conatus enim iræ cito cadunt, & si primî illudant, secundi corruunt: nam etsi iracundia ab insania non nisi tempore distet, brevisque sit furor, tamen quamvis mala, quia furor, tolerabilis tamen, quia brevis, idèdque furem istum persecutionis quàm citissimè transiturum existimavi, more quidem fulminis, quæ uno eodemque momento venit, percussit, abcessit.

17. Fuga ergo Rempubicam salvam facere statuens, & meis pœnis adversariorum culpas, imò & iras aut eludere aut delinire constituens, ne populus innocens nostris omnium erroribus plecteretur, commendato priùs grege æterno Pastori, relictis etiam tribus Vicariis Generalibus, ut si fortè absentes, vel legitimè impediti fuissent, unus pro alio Ecclesiasticam jurisdictionem defenderet; scripta etiam epistola Capitulo, in qua causas meæ ad tempus discessionis narraui, & ad defensionem Ecclesiasticæ jurisdictionis excitavi, duobus famulis tantum, & Secretario scilicet, & eo qui mihi erat à Confessionibus, comitantibus, externos familiares per diversas vias mittens, ut confusione ipsa inimici mei distracti, ubi ego delitescerem ignorarent; in montibus quæsi refugium, & inter serpentes, scorpionesque, & animalia pestifera, quorum hæc regio feracissima est, securitatem & societatem, quam in hac Religiosorum implacabili Societate invenire non potui.

18. Ubi postquam per viginti dies non sine magno vitæ periculo, & alimentorum penuria (aliquando enim solo pane tribulationis, & aqua lachrymarum pascebamur) tandem in quodam parvo tuguriolo per quatuor menses delitui, exquisitissimis interim modis à Religiosis Jesuitis quæsitus, & pecuniâ maximâ expensâ, ut inventus, aut baculum Pastoralem traderem, aut me vita exuerent & occiderent.

19. Hoc modo hisque periculis & angustiis salva Respublica fuit, & si non pax spiritualis, saltem temporalis & publica reddita est Regno. Nam spiritualis tranquillitas, Pater Beatissime, ubi cum Jesuitis res agitur, solum à Jesu Christo, & à Tua Sanctitate ejus Vicario reddi stabiliri que potest: adeo enim terribilis est, si non reformetur, eorum in Ecclesia universali potentia, adeo amplissimæ facultates, honores, divitiæ, ut omnibus dignitatibus, legibus, Conciliis, & Apostolicis Constitutionibus potentiores existant; ita ut necesse sit Episcopis, (saltem in his partibus) aut in concertatione mori, & pro causa cadere & succumbe-



re , aut suis nutibus obsecundare , aut ad minus summo discrimine , periculis , expensis , incommoditatibus , falsisque eorum criminationibus illaqueatis dubium exitum de sanctissima & iustissima causa expectare.

20. Cum ergo viri Jesuitæ frustra Episcopum carceri quæsisissent , gregem ipsius vexare & miserabiliter persequi & affligere statuerunt , ad hosque sequentes actus non sine maximo populorum scandalo processere.

21. Primò enim suos assertos Conservatores , Religiosos Dominicanos , à Mexico in civitatem Angelorum , ubi mea Cathedralis Sedes præeminet , maxima Fratrum suorum & Jesuitarum comitante manu , incredibili pompa , plurimis curribus ad eorum adventum congregatis adducunt , ignorantem etiam plebem Religiosis Jesuitis monentibus , & per compita & plateas equitando clamantibus , ut genua flecterent , duobus illis Fratribus Dominicanis , assertis Conservatoribus (à me paulò antè excommunicationis fulmine & anathemate , ut prædixi , percussis) ipsos asserentibus esse Papas , & Pontifices summòs , & ut plus hæc suaderent , postquam ipsos cum cruce processionally extra claustra Fratres sui Ordinis suscipiunt , non tam suadent quàm jubent Jesuitæ , qui eos conduxerant , erigere tribunal , creare Fiscales , & Apparitores ac Notarios nominare.

22. Deinde per plateas galeris sericis & violaceo colore exornatis incredibili fastu circumducunt , & etiam prope Episcopale palatium , ut majori contemptu de dignitate Episcopali triumpharent , maxima comitante Regularium caterva , cum suis apparitoribus & ministris , curribus pluribus vecti circumambulant , & tandem omnia quæ Sanctum Concilium Tridentinum etiam legitimis Conservatoribus prohibet , Conservatores isti intrusi patraverunt.

23. Deinde Tribunali erecto , & his omnibus summa jactantia gestis , omnes Ecclesiasticos , & miseros seculares , variis modis & molestiis vexant , alios ex-

communicationibus, alios bonorum suorum distractionibus, alios sæculari manu, exilio, vinculis, & injuriis, alios aliis artibus dirissimè persequuntur.

24. Doctorem enim D. Manuelem Bravo de Sobremonte, Cathedralis Ecclesiæ Thesaurarium, Doctorem D. Ludovicum de Vongora antiquiorem Canonicum, Doctorem D. Nicolaum de Asperilla Portionarium, Sacerdotes honestos & doctos, per manum prophanam ab Ecclesia & Diocesi relegant, Archidiaconum Ecclesiæ Cathedralis, Doctorem D. Ildephonsum de Cuevas & Avalos, Licentiatum D. Petrum de Angulo, Doctorem D. Andream de Luci, Baccalaureum Franciscum de Requesia, Capitulares & Sacerdotes, itidem viros eruditos & cordatos, salutem fugâ petere cogunt, alios etiam Sacerdotes & sæculares partim incarcerationant, partim relegant, partim in angulis latere compellunt, & populum omnem suis deferre fidem invalidis censuris & edictis, minis, suppliciisque intentant.

25. His actis ad causæ sententiam illi Fratres Conservatores in hac causâ procedunt, declarantes, & publico edicto pronunciantes, Episcopum & suum Provisorem Vicarium Generalem, injuriis affecisse Religiosos Jesuitas, in exposcendo ab eis licentias prædicandi, & audiendi sæcularium Confessiones, & in prohibendo ut usque quo eas exhiberent, à Confessionibus abstinerent. Quamvis mihi certissimè constaret, eos neque meas, neque meorum Antecessorum habere licentias.

26. Sententia ita lata, & in publicis Ecclesiarum suggestis publicata, ad alia atrociora procedunt, minis, præmiis, & aliis artibus suadendo Capitularibus, imò & aliquos compellendo, ut Sedem vacantem publicarent, brachio sæculari ad id implorato, & hoc præsentibus, imò & intra Diocesim existentibus Episcopo proprio, Provisore, Vicario Generali, non tantum uno, sed tribus, & his non obstantibus declarat Capitulum populo Sedem vacantem esse.

27. Jam hoc consecuti Jesuitæ, qui hæc omnia machi-

chinati fuerant, jurisdictionem Ecclesiasticam invadunt, usurpant, dilacerant, adulterium spirituale committunt, nefarium altare contra legitimum altare erigunt, alios Ecclesiasticos Officiales, Proviforem, Vicarium Generalem, etiam Vicarium Monialium nominant, & ab Episcopo nominatos amoveant; & huic Capitulo Sede-vacante-Jesuitico prædicti Jesuitæ licentias quasdam confitendi & prædicandi ab alienis Episcopis obtentas (ex quibus quatuor tantum erant meorum Antecessorum) & certa privilegia quæ ad terras infidelium (quales hæc non sunt) & hæc temporalia & suspensa & finita, dicto Capitulo exhibent. Et tandem documenta hæc talia qualia, quæ noluerunt legitimo Episcopo, & suo Vicario Generali exhibere, Capitulo per eos compacto & coadunato nulliter, imò & sacrilegè, Diocesim vivente Episcopo gubernante, exhibuerunt.

28. Hisce privilegiis, & aliarum Diocesum Episcoporum licentiis visis à Capitulo Pseudo-Sede-vacante, edictum ab eo conficitur, secretò tamen ab ipsis Jesuitis compositum, & per omnia Ecclesiarum suggesta divulgatum, in quo omnibus fidelibus intimatur, Jesuitas Religiosos non egere licentiis Episcoporum propriæ Diocesis, ad Confessiones sæcularium audientias, propter sua privilegia; & si egerent, eas habere, & Capitulo exhibitas esse, & si non haberent & sufficientes non essent, eas Capitulum generaliter, etiam sine examine, concedere libentissime, declarando adeo esse doctos Religiosos Jesuitas, ut nunquam fuisset credendum eos sine legitimo titulo Confessiones sæcularium audivisse. Alia etiam in hoc edicto subinferendo, jurisdictioni Episcopali, & authoritati Ecclesiæ & Tridentini Concilii, & animarum saluti nocentissima.

29. Deinde Censuras Ecclesiasticas, à Vicario Generali Episcopi contra Conservatores & Jesuitas (qui Confessiones sæcularium sine licentia proprii Pastoris audiebant) latis delent, auferunt, publicè dilacerant; eas autem quæ contra Episcopum proprium, ejusque Vicarium Generalem nulliter & indebitè, ut à Tua

Sau-

Sanctitate declaratum est, latæ fuerant ab intrusis Conservatoribus, parietibus fixas relinquunt, videntibus & gementibus non tantum omnibus Ecclesiasticæ disciplinæ amatoribus, sed populis etiam clamantibus & reclamantibus, qui tot injurias Episcopo suo amantissimo inferri conspiciebant.

30. Deinde Capitulum hoc Pseudo-Sede-vacante, contra Episcopum erectum, & à Jesuitis, tanquam si essent ipsi de corpore Capituli, directum, omnia edicta quæ circa mores & Ecclesiasticorum & sæcularium reformationem fuerant stabilita, in Episcopi odium abrogant.

31. In Ecclesiis, à quibus ego prophanos cibos & commestationes prohibueram, iterum ipsi edere & sic eas polluere permittunt; Clericos, Regularesque, quos ego ab audiendis sæcularium Confessionibus arcueram, ipsi approbant; honestos Sacerdotes, modestos, spirituales, quos ego præmio affeceram, ipsi supplicio afficiunt; Seminaristas, Collegiorumque meorum cultores, quos ego tanquam Dei Ecclesiæ maxime necessarios paterno educabam & instruebam affectu, ipsi molestant, & etiam de ipsis extinguendis conferunt.

32. Claustralibus virginibus, quæ meis monitis, edictis & exhortationibus intra suæ professionis septa libentissimè continebantur, non tantum permissione, quod nefarium est, sed publicis exhortationibus, quod nefandissimum, ut ad suspectas colloquutiones sæcularium & Regularium & Clericorum iterum redeant, suadent. Et tandem licentias innumerabiles Religiosis adolescentibus ad audiendas mulierum Confessiones concedunt, & ut de alieno thesauro, de mea Ecclesiastica jurisdictione profusissimè prodigunt & impendunt.

33. Hæc omnia me, P. B. non latebant, imò ex tuguriolo meo, in quo prostratus coram Christo Crucifixo Domino jacebam, & pro populo gregeque miserabiliter afflicto profusis lachrymis efflagitabam, tanquam à specula oves crudelissimè diripi, sponsam  
meam

meam amantissimam Ecclesiam dilacerari, & impiissime vexari conspiciens, fractum Pastoralem baculum, mitram conculcatam, oculis dolentissimis intuens; suspiria, gemitus, lamentationes meorum ovium irreparabiliter non minoribus gemitibus & suspiriis exaudiens, etiam sine armis, etiam sine viribus, etiam prostratus, etiam solus, divino tantum auxilio fretus, meum gregem curare non destiti.

34. Illic enim tanquam ex carcere, si non eodem spiritu, saltem primitivorum Præfulum exemplo, literis, nunciis, manuscriptis Pastoralibus Epistolis juvare, suadere, consulere, consolari studui, ut in fide & charitate permanentes, fortitudine ærumnas, constantia tribulationes, patientia persecutiones, superarent, & à Confessionibus & prædicationibus eorum, qui Dioecesani Prælati licentias non habebant, abstinerent, & fugerent, quod pietate divina, non meræ humilitatis & fragilitatis viribus maxima ex parte obtinui, ita ut paucissimi fuerint in hisce innumerabilis multitudinis populis, qui etiam tot incarcerationibus & relegationibus comminati, Religiosis Jesuitis & assertis Conservatoribus fidem detulerint & adhæserint.

35. Sed Religiosi isti, alias admodum docti & perfecti, potentiam potentiam defendentes, & ex abyssu ad abyssum præcipiti cursu prolapsi, tanto plus ira exardescantes, quanto populos à suo Pastore divellere non posse, imò ipsis Jesuitis infensissimos esse conspiciabant, iudices sæculares expensâ maxima pecuniarum quantitate conducunt, qui sub prætextu seditionis (antiquum enim est, P. B. Ecclesiarum Prælatos, qui in animarum salutem incumbunt & Ecclesiasticam Jurisdictionem propugnant, seditiosos vocare, & commovisse turbas eis imputare, incipientes à Galilæa usque ad Hierusalem, & aliis ejusdem farinae calumniis exemplo Salvatoris impetere) criminalissimum processum contra me scribunt, testes violentissime cogunt, alios pecunia corrumpunt, alios aliis artibus compellunt; alios attrahunt & alliciunt, ut deponant, & etiam ju-

re jurando affirmant, me contra Reip. salutem, quæ mihi carior semper vita extitit, machinatum esse; & uno eodemque tempore à septem iudicibus (tanta est P. B. Jesuitarum potentia) in mea ipsa Diocesi, imò & Episcopali civitate, simul cum grege amantissimo syndicatus fui, à tribus scilicet sæcularibus, à Vice-rege missis, à duobus Regularibus, videlicet Conseruatoribus, & ab aliis duobus Ecclesiasticis Sacerdotibus, & ab ipsa Societate expulsis, Inquisitionis Commissariis, & his septem iudicibus, S. P. talibus moribus defœdatis, quos modestia tacet, & zelus dolet.

36. Sed Deo infinitas gratias ago, qui ut superbis resistit, humiles & propter suam causam persecutionem patientes protegit & defendit; tot enim iudicibus, tot testibus inter se convenientibus, & conspirantibus, imò & ipsas depositiones & acta propalantibus inter se & ad eundem finem dirigentibus, dignitate aliquid mea indignum Episcopali, etiam nulliter & violenter minimè probare potuerunt; sed declarationes vagas vilium hominum coacervarunt, in quibus generaliter asserbatur, me maximam seditionem excitasse, & terribilibus injuriis Jesuitas affecisse, quòd videlicet Confessiones audire sine licentia Episcopi prohibuissem, ad ordinem Concilii Tridentini & Gregorii XV. Constitutionis Decreta ipsos per legitimos tractantes redegissem.

37. Elusa ergo processalis formæ prosecutione, P. B. quia Jesuitæ nihil probabant, neque his facinoribus obtinebant, imò populi magis ac magis ab eis aversi, ipsisque infensi pro Pastore suo certabant, & ejus consiliis & exhortationibus inhærebant, jam ruptis verecundiæ & Religiosæ modestiæ vinculis, ad aliam atrociorē formam, me meamque famam, dignitatem, personam persequendi processere.

38. Convocatis enim Scholasticis suis (quos alia certe doctrinā imbuere debuissent) prætextu solemnitatis S. P. Ignatii, sui Fundatoris (cujus animam sanctissimam maximè hæc omnia abhorrere & abominari  
com-

compertissimum est) choreas scelestissimas (*mascaras* Hispani vocant) constituerunt, in quibus in contemptum meæ personæ, dignitatisque & omnium Sacerdotum, qui inter cæteros vita arctiori & honestiori fulgebant, & inter hos Procuratorem meum Silverium de Pineda, qui tunc Romæ aderat, & Tua sanctissima præsentia fruebatur, horribilibus larvis ac gesticulationibus, & nefariis aliis modis Episcopum, Sacerdotes, sanctas & venerabiles Moniales, dignitatem Episcopalem, imò & Catholicam Religionem, infamarunt, irriserunt, illuserunt.

39. Larvati enim, & has personas sacras infami habitu tanquam in statuis per civitatem totam medio dici tempore circumgestantes, orationem sanctissimam & devotissimam Dominicam simulque Angelicam aliis prophanis verbis immixtis turpissimè decantantes, has infandas choreas per civitatem prædictam Jesuitici Scholares circumducentes, & à suis propriis domibus educentes, in solo Christiano & Catholicissimo, gentilitia & hæretica theatralia facinora contra Dei Ecclesiam, suosque Episcopos & Sacerdotes, audacissimè perpetrarunt.

40. Aliqui enim eorum, P. B. infames cantilenas supradictæ Orationi Dominicæ immiscentes, pro *Libera nos à malo*, quod in fine dicitur, decantabant, sed *Libera nos à Palasox*, nempe quia ego à malo (quod est intra limites suæ professionis non contineri) Jesuitas liberare, & in ordinem redigere conatus sum. Eodem penè modo salutationem Angelicam corrumpentes, maledictis in eundem finem tendentibus deturpabant.

41. Quidam de ipsis, impuris bovis armis signando se ipsum (quod Ethnicos contra Christianos fecisse non traditur) cunctis videntibus clamando pronunciabat: Hæc sunt arma perfecti & veri Christiani, cornua tauri pro cruce sanctissima demonstrando.

42. Alius autem in altera manu dulcissimi pueri Jesu imaginem, in alia impudicissimum instrumentum

por-

portabat; piissimi nominis & infantiae Jesu devotioni illudendo.

43. Alius equi cauda pendentem baculum Pastorem portabat, & in ipsis stapedis depictâ mitrâ Episcopali equitabat, ut conculcatam pedibus exprobraret.

44. Deinde insolentissima carmina, & incredibiliter sacrilega & satyrica contra Clerum & Episcopum in populo spargebant, gloriantes seipsos Jesuitas Episcopum vicisse & de eo triumphasse, ipsi quidem victi, superati, & triumphati à sua ipsamet impotentissima potentia. Plurima etiam epigrammata Hispano sermone spectatoribus tradiderunt famæ Pastoris & Cleri estimationi detrahentia, & inter alia sequens; quod quia maximè explicat quanto errore teneantur Religiosi Jesuitæ, quia repagula suarum Constitutionum rumpentes intra sua septa contineri non valent, hic inseri B.P. non impertinens judicavi.

Oy con gallardo denuedo  
Se opone la Compania  
A la formal heregia.

45. Huc usque, P. B. potuit spiritualis ista obexatio mentis procedere; cum enim ego defenderim S. Concilium Tridentinum, Constitutiones Apostolicas, Decreta Pontificia, salutem animarum, hæc omnia quia eos ligant & arctant, hæretica esse populis Jesuitæ suadent & suggerunt. Expugnare autem Constitutiones Apostolicas, Decreta œcumenici Concilii Tridentini contemnere, Pontificias decisiones evertere, Dioecesim invadere, Episcopum à sua Sede manu seculari detrudere, non solum injuriis sed etiam armis impetere, irridendoque & illudendo non tantum Episcopum, sed etiam Clerum & Religionem Christianam maledictis infamare, hoc Catholicum, sanctum, juridicum esse docent,

46. Conservatores interim non aliis artibus, aut decentiori formâ Pontificiam dignitatem, quâ se jactabant exornatos, deturpabant: cum enim honestis mo-  
ri-



ribus, cordatis verbis, incessu in omnibus religioso eam aliquo modo repræsentare deberent, comœdiis & publicis comestationibus, alearum ludis, mulierum impudicarum choreis, & musicis interessendo, & aliis luxuriæ inhonestis oblectationibus, qui se in edictis Apostolicam personam repræsentare & Apostolica dignitate fulgere jactabant, non sanctissimorum Pontificum virtutes, vitæque candorem imitantes, sed perditorum hominum vitiis personatam & fictam Pontificis summi dignitatem & imaginem defœdarunt, hanc etiam non contemnendam notam & injuriam Sedi Apostolicæ subinferentes, ita ut de ea talia possint existimari; dignitas enim sacra & Apostolica non solum verè, sed etiam fictè aut invalidè aut nulliter repræsentata, cum decore & autoritate, & virtutibus, oculis fidelium, præcipuè Neophytorum, in his partibus remotissimis proponenda est.

47. Transactis jam ferè quatuor mensibus, quibus hæc omnia Jesuitæ Religiosi non admodum religiose supra dorsum meum fabricavere: ecce in portu Classis Regia ab Hispania adventaverat, & in ea mandata, quibus continebatur ut Comes de Salvatierra Prorex (qui Religiosos Jesuitas cæco nutu fovebat, ab eisque Regni gubernator etiam in propria Jesuitarum causa gubernabatur) in Americam Mèridionalem transfret, Episcopo Lucatanensi à Rege Catholico assignato successore, & hoc interim dum mittitur judex, qui de primis ad Tuam Sanctitatem delatis facinoribus contra meam dignitatem cognosceret: hæc enim posteriora nondum Regi & suo Regali Indiarum Consilio propter temporis angustias innotuerant.

48. Hoc Nuncio allato, aliquo modo persecutionis hujus rabies temperata est, & cum jam intra Regnum Episcopus Lucatanensis existeret: quamvis certis de causis à Comite Prorege Regni gubernacula minimè traderentur, mihi tamen jam tempus adesse in meam amantissimam Ecclesiam iterum redeundi, & quos filios absens Epistolis secretis consolabar, præsens exhibandos existimaui.

49. Quod

49. Quod cum statuissem, scribens prius Proregi & Auditoribus Regiis, qui duabus diebus à mea Dicecesi distant, & non ignorans adversariorum meorum delationes & artes, quibus etiam sancta & perfecta sinistrè admodum interpretantur, ne lætitiā istam & hilaritatem populi honestissimam, tanquam seditionem incusarent, & in scandalum publicum verterent, in medio noctis silentio Episcopale meum palatium intravi. Quod sentientes populi, qui suum conspicerē Pastorem, tot lachrymis quæsitum & expectatum, ardentissimè desiderabant, ad me summo mane convolant, fractis etiam portarum repagulis, Episcopum suum amplexantur; lachrymis profundis proclamant, salutant, plaudunt, exosculantur, & per quatuor dies continuos copiam mei faciens, plusquam sex millia hominum, mulierum, infantium, qui ad me palatiumque meum concurrere, consolatus sum.

50. Patres verò Jesuitæ, qui tam præcipiti cursu ad me adventare populum maximo animi dolore conspiciunt, videntes nihil proficere; quia totus mundus vadit post eum, iterum atque iterum aliis & atrocioribus criminationibus in me meamque dignitatem insurgunt.

51. Iterum enim Viceregē Comitem adeunt, suadent, clamant, incendunt, affirmantes hunc concursum populorum seditionem esse, Regnum omne mihi pacis publicæ inimico adhærere, meo adventu exultare, & quid superest nisi solum Regnum? Ideoque Cathedralē meam Sedem, jurisdictionemque Ecclesiasticam, quā me præsumpti Conservatores expoliaverunt, mihi tradere & restituere, Regni Regnoque nocentissimum esse futurum.

52. Hisce artibus & calumniis Epistolæ à Vicerege obtinent, quibus intimatur Capitulo Pseudo-Sede-vacante à Jesuitis machinato, ut proprio Pastori jurisdictionem usurpatam minimè concederent, nec restituerent. Quo non obstante major & sanior Capitularium pars, quæ jam ab exilio redierat, obedientiam mihi debitam præbuit; alia minori, quæ Jesuitis inliærebat, proprio Episcopo resistente.

53. Itē-

53. Iterum ergo, P. B. angustiae, iterum schisma, iterum aquae tribulationum intraverunt usque ad animam meam: populus enim pro Episcopo, Prorex Comes pro Jesuitis stabat. Cum ergo viri isti Religiosi semper instarent, ne me Dioecesim meam gubernare Prorex permetteret, nisi porrecta manu de nihil innovando in causa Jesuitarum; considerans ego & mecum perpendens, imò viros doctos & cordatos consulens, aliquando necessarium esse, membrum putridum pro toto corpore offerre, & aliqua etiam (alias non tolerabilia) permitti, & tolerari debere, ut non scandalizemus, sicut Dominus Petro, cum tributum ab eo posceretur, dixit, disciplinam etiam Ecclesiasticam dissipatam intuens, Monialium conventus, quos ego reformatos reliqueram, relaxatos, Clerum, quem ego tranquillissimum, & virtutibus admodum praeditum, jam censura & jurisdictione Ecclesiastica laxata, non eo quo decebat ordine & honore florere, & tandem tali schismate gubernatam Dioecesim, ut neque legitime Sacramenta ministrarentur, neque sententiae Ecclesiasticae rite ferrentur, neque quidquam per suos tramites directum esse videretur, tandem, pro publica pace (certis factis prius juridice protestationibus super praemissa, & à Conservatoribus perpetrata) quousque à Tua Sanctitate materia haec dirimeretur, de non innovando promisi.

54. Quo facto intra paucos menses iterum alia navis ab Hispania pervenit, in qua Literarum Regiae sunt delatae super hac causa, quibus expresse Comiti Viceregi jubebatur, ut officium deponeret, & provinciam excederet, Episcopus Lucatanensis gubernaret, gravissimam etiam increpatione superadditam Proregi, quod Jesuitis contra ipsas etiam leges Regias adeò impotenter & sine delectu & iudicio, in causa injustissima, pro eorum arbitrio auxiliatus fuisset, mihiq; Ministro Regio, Consilii Indiarum Decano & Episcopo, & paulò antè Proregi, in salutem animarum incumbenti, tot & tanta incommoda tribulationesque intulisset. Eodem modo & majori severitate Rex Catholicissimus & Cle-  
men.

mentissimus meus , Conservatores præsumptos , & Provinciales Dominicanorum & Jesuitarum , qui hæc omnia fuerant machinati , increpavit , & nullitatem omnium , quæ à Comite Prorege in favorem Jesuitarum facta sunt , declaravit , & hoc nondum ei patentibus posterioribus eorum facinoribus.

55. Sed Jesuitæ , qui non pro fide aut veritate , sed pro sua in populis existimatione decertabant , neque his Decretis Regiis schedulisque assenserunt , imò neque eas accepisse fateri voluerunt , sed contrarium divulgantes , toto eo tempore , quo Prorex Comes Regni gubernacula retinebat , hæc omnia occultarunt , populis suadentes , fictis etiam Epistolis evulgatis , se vicisse , superasse , triumphasse , & ita quos ipsi deceperunt , in suis erroribus conservabant.

56. Verùm postquam Episcopus Lucatanensis Regni gubernationem suscepit , jam aliquo modo clarior veritas (etsi aliquantulum à Jesuitis suppressa) fulgentior justitia , efficaciora mandata Regis omnibus extitere , & ego mea jurisdictione Ecclesiastica jam in libertatem vindicata , fragmenta laceratæ tunicæ Petri , jurisdictionem disciplinamque relaxatam , fractum Pastoralem baculum , mitram conculcatam , sponsalem anulum à digito evulsum , non sine lacrymis & ingenti dolore talia videns conspiciensque , recuperavi , recollegi , consolidavi , erexi , & vulneratæ dignitatis plagas , quomodo licuit , curavi.

57. Plurimos enim subditos meos , tam Ecclesiasticos quàm sæculares , qui constanter passi sunt , laudavi , imò & aliquos præmio affeci : qui autem animi potius fragilitate quàm malignitate deliquerant , in ipsis quidem mihi omnibus fragiliori parcendo , eos absolvi , alios verò qui cupiditate vehementi , aut ambitione inordinata , aut Pastoris odio , aut in sæcularem potestatem adulatione & propensione agitati , contra mitram conspiraverant , correctos , sed non sine Ecclesiastica moderatione , emendatos dimisi.

58. Quosdam verò , qui pecuniâ Jesuiticâ corrupti contumacissimè suos errores defendebant , & nocentissima

suma hujus Ecclesiasticæ seditionis & schismatis capita, etiam se de hoc scelere gloriando, extitere, & neque ipsum, vocati, imò rogati à proprio Pastore ut in viam veritatis redirent, recognoscere voluerunt, sed ex domibus Jesuitarum, quò refugerant, plurima maledicta in me & in meam dignitatem jaciebant (facto prius juridicè per absentiam processu & legitime concluso) Canonicis Constitutionibus & Sacris Apostolicis Decretis, & eorum decisione subnixus, per meum Provisorem, Episcopum electum de Honduras, eos pœnis censurisque subjeci.

59. Deinde voce, epistolis, edictis, concionibus, quantum mea fragilitas valuit, pristinos status animabus restitui procuravi, & hoc quantum attinet ad subditos meos, tam Ecclesiasticos quàm seculares.

60. Verùm quoad Regulares exemptos, Conservatores scilicet & Jesuitas, & qui eis adhæserant, nihil profui, imò & post Tuæ Sanctitatis Breve 16. Maii anno isto 1648. expeditum, mihi per Doctorem Silverium de Pineda delatum, ipsis intimatum, post ipsas etiam Regales declarationes, quæ in Classi Regiæ per mensem Septembris in portum appulere, notificatas, semper, ut inferiùs dicam, in suo errore Jesuitæ versantur, & vinculis excommunicationis innodati, irregulares & suspensi publicè celebrant.

61. His enim Pontificiis, Regalibusque Decretis respondent Religiosi Jesuitæ, Breve scilicet Sanctitatis Tuæ hac super causâ expeditum Romæ 16. Maii anno 1648. viribus esse evacuatum. Primò quòd ab Indiarum Consilio minimè approbatum sit, & hæc allegant, quamvis Decretis, schedulisque Regiis contrarium statutum sit. Brevia enim, quæ cum citatione partium, & in contradictorio judicio in Romana Curia obtinentur, patefieri Indiarum Consilio minimè jubentur, sed tantum ea quæ ad Patronatum pertinent, ut si quid subreptivè contra concessâ à Tua Pontificumque Antecessorum Tuorum benignitate, beneficentissimè Catholicæ Hispaniæ Coronæ fuerit impetratum, Catholicissimi & piissimi Regis & Ecclesiæ Romanæ

primogeniti, precibus exauditis , à Tua benevolentia reformetur.

62. Ideoque à Religiosis Jesuitis præsens interroga-  
vi & interpellavi, utrum verba illa , *Pasco oves meas*,  
à Domino in Tiberiadis litore Petro pronunciata , à  
Senatu Regio fuerunt approbata? an oratio Dominica?  
an Angelica salutatio? an fidei articuli ? an Apostolo-  
rum Symbolum ? an ipsa fides Catholica & Romana  
talibus decretis in quocumque articulo indigeat?

63. Ego enim, qui per viginti annos Catholicissimo  
Domino meo in suis Regiis Consiliis inservivi , ejus  
mentem religiosissimam callens , & miram in Sedem  
Apostolicam observantiam, imò usque ad sanguinis ef-  
fusionem contra Infideles, Hæreticos & Schismaticos,  
pro Petri Cathedra defendenda constantiam expertus,  
omnia ea quæ ad fidem pertinent, & quæ Religionem  
Catholicam augent, & quæ animos ad æterna dirigunt,  
& quæ Sacramenta statuunt, & quæ optimum admi-  
nistrandi ordinem introducunt ac tuentur, & denique  
quæ mala vitant, aut bona juvant, à Rege piissimo &  
religiosissimo, & ab Indiarum Senatoribus doctissimis  
ac integerrimis, non tantum approbari, sed etiam vo-  
ce, legibus, pecuniis , viribusque orantibus juvari &  
commendari compertissimum habeo.

64. Secundò contra idem Breve Tuæ Sanctitatis af-  
firmant Jesuitæ sua privilegia concessa esse à Sede Apo-  
stolica propter merita , & in contractus transiisse, &  
ideo pacta vocari potius quàm privilegia, cujus causâ  
à Tua Beatitudine revocari non posse.

65. Tertiò, quod huic proximum est , quia clausu-  
lam habent, ut quamvis de verbo ad verbum derogen-  
tur, non possint revocari, & ideo neque à Tua Sancti-  
tate, ut Paulo V. in suo privilegio statuit , quod in-  
cipit, *Quantum Religio*.

66. Quartò tandem, quia Tuæ Sanctitatis Apostoli-  
cæ Litteræ super hac causâ expeditæ, & Sanctissimorum  
Pontificum Gregorii XV. & Urbani VIII. Constitutio-  
nes, de quibus in eis mentio fit, non sunt ab Ecclesia  
admissæ, neque consuetudini traditæ, & leges quæ non  
ad-

admittuntur, pro legibus non computari, & hæc Jesuitæ contra tuas Litteras, S. P. proferunt, & totis viribus defendere nituntur.

67. Verum iste quidem Constitutionum Apostolicarum & privilegiorum interpretandi Jesuitarum modus, non tantum negotio ipso ingratus & molestus est, sed etiam doctrinæ fidei & Apostolicæ Sedis auctoritati & dignitati molestissimus & nocentissimus. Nam hæc interpretatione auctoritas & potestas Pontificum infringitur, Ecclesiæ gubernatio turbatur, & omne sacræ jurisdictionis robur & dignitas debilitatur, & , quod nefarium est, omnes pene à Sede Apostolica Constitutiones, quæ quotidie magno Reipublicæ Christianæ commodo statuuntur & divulgantur, ad inanem & quandam vanam & umbratilem legum formam rediguntur.

68. Pontificia siquidem potestas non tantum coarctatur, sed minuitur, si Urbano VIII. minor sit auctoritas ad revocandum quod ipsi videbitur universalis Ecclesiæ commodo & Religionis augmento utile revocari, eâ potestate quæ Paulo V. fuit ad statuendum.

69. Nam si Pontificibus posterioribus non licet reformare quæ ab Antecessoribus sanctissimè constituta, tractu temporis, propter varias humanarum rerum vicissitudines & causas, reformatione, vel mutatione indigeant, & quæ ipsi, si viverent, reformarent, posterior quidem Pontifex erit minor dignitate, auctoritate & potestate anteriori, & orbata videbitur Ecclesia, circa ea quæ remediis indigent, capite universali, & iudice controversiarum supremo: & non tam Pontifices summi, fidei directores & iudices, quàm Antecessorum legum Constitutionum quæ vocabuntur executores: quod asserere nefandissimum est.

70. Leges enim condere, revocare, edere, temperare, & ad suam observantiam populos & Ecclesiasticos ordines compellere, cuicunque Vicario Christi Domini Romano Pontifici æqualiter competit sine limitatione aliqua, salvâ solum naturali lege & Divinâ.

quod nemo Catholicus hucusque negavit. Et præcipue hoc esse certissimum inconveniens constat, cum omnium ferè sive Cleri, sive Cathedralium, sive piorum locorum, sive Regularium privilegia clausulis eisdem Jesuitarum privilegiorum fulciantur, & propter propria merita concedantur, & ita in nullo eorum Pontifices quid immutare posse dicendum esset.

71. Quod quidem absurdissimum est, nam semper in omnibus Apostolicis mandatis, Constitutionibus & privilegiis clausula hæc tacita, secreta & nunquam moritura viget, quæ omnibus aliis fortius influere neminem etiam modicè eruditum latet, videlicet, salvâ semper in omnibus supremâ Apostolicæ Sedis auctoritate, & majori Ecclesiæ universalis utilitate, quæ in statuendis, erigendis, derogandis privilegiis & Constitutionibus præminet.

72. In ultimo autem Jesuitarum fundamento, asserere acceptas non esse ab Ecclesia, id est ab eis, (ita ego intelligo) has Apostolicas Constitutiones, nempe quia ipsorum adversantur privilegiis (si enim non adversarentur, absque dubio acceptarentur ab eis) audaciorum esse istam interpretandi methodum, quàm à Tua Apostolica auctoritate tolerari possit, Innocenti sanctissime, existimo.

73. Quamvis enim verum sit, leges universales aliquorum populorum assensu, ut obligent, indigere, præcipue quando superiorum præcepta non urgent, neque eorum secundis jussionibus repugnant, vel delidia corrigitur subditorum, tamen hæc juris Regulâ omnes & singulas, & eas quæ in contradictorio judicio latæ sunt, Apostolicas Constitutiones, vel quæ circa Sacramenta, vel fidem, à Pontificibus Romanis statuuntur, vel quæ circa administrationem Sacramentorum asserunt jurisdictionem vel auferunt, interpretari, & à subditorum voluntate, aut ab eorum arbitrio Ecclesiasticarum legum firmitatem pendere, & si nolint eas acceptare, minimè obligare, asserere, Ecclesiæ universali perniciosissimum esse quis non videt?

74. Si enim à voluntate pendet subditorum, Constitu-



stitutionum robur & validitas, vana est & nulla superiorum quidem potestas. Et si Jesuitæ nobis necessarii sunt, ut sua privilegia, ab Apostolica Sede concessa, vel declarentur, vel moderentur, vel revocentur, & sine eis Apostolica auctoritas non tenet, certè nunquam, B. P. quietem habebimus, sed in his dissensionum fluctibus jactabimur

75. Ideò hæc Jesuitarum opinio, B. P. istaque inspiratio vel illuminatio, & interpretandi Apostolicas Constitutiones methodus, quia Apostolica quidem non est, Apostolicā indiget virgā censoriā; nihil enim Apostolicæ Sedis observantiæ, obedientiæ & reverentiæ sapit, & hoc cū pluries dixerint mihi Jesuitæ, in conferentiis super hac causa mecum habitis, pluries etiam, ut debui, facie ad faciem restiti; ipsi tamen in eadem sententia opinionibusque versantur, & quamvis scriptis & typis edere non audent, tamen eis Jesuitæ opinionibus vivunt, & sua privilegia jam emortua, etiam in ipsis funeribus rediviva esse contendunt, & iis jam finitis & revocatis, cum maxima animarum pernicie, in foro interiori utuntur.

76. Ergo Patres Jesuitæ, jam rejectis Sanctitatis Tuæ decretis, non reverentius Regias declarationes susceperunt: nam cū in eis religiosissimus Rex, suusque amplissimus Senatus, idem quod Tua Sanctitas nobis Episcopis, & Regularibus, Audientiæ Mexicanæ declarasset, scilicet Conservatores in hoc casu creati non debere, neque prætextu injuriarum Episcopum ejusque Provisorem, cleros & populos molestari potuisse, neque Audientiā Regali recusatā à Jesuitis Religiosis Præregi adeò impotenter & cæco nutu eis auxiliari licuisse; intimatis schedulis responderunt Jesuitæ, nihil hoc Regale decretum causæ suæ obesse; Laici enim cū sint, tam Senatus quàm Catholicus Rex, de causis spiritualibus cognoscere non potuisse.

77. Itaque quando Prærex Comes de Salvatierra pro ipsis declaravit in spiritualibus Conservatores Jesuiticos legitime procedere, & valide Ecclesiasticam jurisdictionem invadere, & opprimere, & Jesuitas ad exhibendas

licentias confitendi & prædicandi non teneri, & injuriis à Provifore affectos, quia ab audiendis confessionibus abstinere eis jufferat: tunc licet laïco judici Proregi, tanquam si effet Pontifex, vel tanquam Legatus Apostolicæ Sedis, de spiritualibus judicare, & Episcopos incarcerare, & Sacerdotes relegare, & alia quæ suprà dicta sunt perpetrare. Quando autem Rex, Senatusque ejus, ab ipsis Religiosis invocatus, contrarium declarat, & perperam fecisse Ministros sæculares in auxiliando Conservatoribus pronunciat, laïcus est Senatus, laïcus est Rex, controversia est spiritualis.

78. Cùm certissimum sit, Pater Beatissime, quòd quamvis de spiritualibus non liceat laïcis, etiam supremis Consiliis sæcularibus, judicare, imò si ipsi sibi deferant jus potestatemque declarandi Ecclesiasticas & spirituales controversias, tanquam judices earum legitimi & supremi, nefandissimum sit: tamen declarare & interpretari Apostolicas Constitutiones, id est, jubere & imperare suis Ministris & Audientiis Regalibus, ut Constitutiones Apostolicas protegant & defendant, auxilientur & coadjuvent, & secundum ipsas judicent, & contra Ecclesiastica decreta Regulares agere non permittant, & Episcopos adjuvent, non tantum Ecclesiæ non nocens, imò Ecclesiæ utilissimum & necessarium esse nemo est qui ignoret. Quis enim negabit, brachio sinistro sæculari spirituale dexterum adjuvandum esse; & utroque connexo, & in unum tendente, Dei ordinationem, id est, Ecclesiasticam jurisdictionem, Pontificiam & Episcopalem, protegendam esse?

79. Soluti ergo jam in suo ipso judicio à Pontificia jurisdictione, & Regia potestate Jesuitæ, & omni sive spirituali sive temporali jurisdictione superiores, nescio quo fine libellum mihi porrigunt, in quo protestantur, se neque per Pontificia decreta, neque per Regia mandata, sed pro mea tantum ordinaria jurisdictione licentias confitendi, per duos pene annos à me expostulatas, ab ipsis denegatas exhibere velle, & si istæ non essent sufficientes, à me expostulatueros confitendi facultatem.

sem.

*Semper* tamen insistentes (etiam intimato Brevis Tuæ Sanctitatis, quo contrarium cavetur) licere sibi confessiones sæcularium audire sine licentia proprii Episcopi in vim suorum privilegiorum.

80. Libellum porrectum accepi, non sine magna admiratione, Jesuitas jurisdictioni majori, id est, Pontificiæ, meam jurisdictionem, quæ illius rivulus quidam est, anteferre: & post tot pericula, controversias, difficultates, scandala, ad Tuam Sanctitatem recursus, nunc tandem facere, quod primâ die ab ipsis faciendum fuerat: & adhuc intimato Brevis Sanctitatis Tuæ, non Tuæ supremæ jurisdictioni, sed meæ, submitti velle.

81. Verùm cum mihi pateret, eos sine licentia prædicare & confessiones sæcularium audire, enixè considerans, ut aliquo modo hoc schisma Ecclesiasticum tolleretur, licentias accepi, & quas à meis Antecessoribus concessas inveni, quæ paucissimæ erant, approbavi, & Religiosis sanioribus & doctioribus facultatem audiendi confessiones sæcularium sine examine præbui, juvenes autem & mihi non cognitos; ut à Synodalibus examinarentur, remissi.

82. Hoc facto, P. S. iterum aliam litem Religiosi Jesuitæ instaurant, affirmantes gravissimum & durissimum esse, Religiosos suos, quicumque sint, sive juvenes, sive senes hi fuerint, sive à me cogniti, sive non cogniti, sive docti, sive indocti, examini Synodali ex poni, idèdque nolle ipsorum censuræ subjici, & in hoc hodie hæremus, imò & in isto inquieto discordiarum pelago fluctuamus.

83. Ita ergo jam prolixâ admodum narratione Tuæ Sanctitati patebit, Pater Beatissime, impunita esse maxima Christianæ Reipublicæ scandala, tot facinora contra Tuam Sanctitatem, Apostolicam dignitatem, & Ecclesiasticam jurisdictionem, & contra sacras censuras, leges, decreta; & alia ab his Regularibus perpetrata, confitendo & prædicando per annum integrum, non solum invito, sed contradicente Episcopo, suspensi & irregulares sacrum celebrando, Episcopos duos,

Dioecesanum scilicet, & ejus Vicarium, nulliter & indebitè excommunicando, Sacerdotes & Capitulares & Episcopum electum de Honduras carceri mandando, Angelipolitanum à propria sede prædictis sceleribus destrudendo, & omnem potestatem, etiam Pontificiam, in hoc casu negando, cæteraque quæ suprà scripta sunt, suaviori quidem & leniori stylo quàm ipsimet.

84. Sed quò mea hæc oratio tendit, Innocenti Sanctissime, Jesu Christi Filii Dei Vicari universalis, Pastor supreme, controversiarum Ecclesiæ Judex integerrime, communis omnium dulcissime Pater? Num justitiam contra Jesuitas exposcam? Absit, ut quod Ananix & Saphiræ, qui Pontificali spiritu Petri & verbis tanquam gladio ancipiti percussi cecidere, Jesuitis exposcam. Fratres sunt, Religiosi sunt, viri de Ecclesia benè meriti sunt; si plurimi eorum peccaverunt, non pauci eorum peccata plorabant, aliorumque gesta abhorrebant.

85. Num exposcam mihi, aut de tribulatione laudem, aut de offensis satisfactionem, aut de criminationibus calumniisquæ vindictam? Absit, P. B. ut temporalibus spiritualia compensari desiderem, & de eo quod pro Domino Salvatore nostro Jesu Christo, ejusque amore & pro animabus quas redemit, & pro jurisdictione Ecclesiastica quam proprio sanguine stabilivit, & pro meis etiam sceleribus libentissimè passus sum, aliquid humani commodi, aut honoris, aut laudis aucupari velim.

86. Utinam, P. B. pro tali causa Episcopali, rochetto proprio sanguine purpurato contigisset occumbere, & non sudore, sed cruore causam justissimam ejus defendissem, qui meam totiusque generis humani defendit proprio cruore! Quis enim vulnera illata non libentissimè pro eo suscipiet, qui illius sanctissima vulnera videt, qui pro nobis in cruce pependit? Et si vita necessariò amittenda est, pro qua gloriosiori causa impendenda, quàm pro salute commendatarum sibi animarum? quàm pro Constitutionibus Apostolicis, pro Ec-

Ecclesiæ usibus, Sacramentis defendendis, eorum legitima administratione?

87. Num ergo aliquorum qui mihi infensissimi fuerunt, & tot opprobria, delationes, injurias, publicos libellos sparserunt & divulgaverunt; imò etiam vitam, honorem, famam meam pedibus conculcarunt, peto supplicium? Minimè, S. P. imò illis libentissimè parco, majora meis culpis debentur; si flagellum fuit meis sceleribus illatum, à Divina justitia clementissimè illatum fuisse cognosco; si probatio aut tentatio fidei, aut Episcopalis constantiæ & integritatis, in cruce Domini mei glorior, hanc amplector, hanc in ipsis meis tribulationibus adoro, ipsaque mihi crux, ipsa mihi præmium est.

88. Solum ergo, B. P. dignitati, baculo, mitræque condignam satisfactionem, quæ tibi videbitur æqua, & ipsis Religiosis Jesuitis, eorum sanctissimæ Societati sanctissimam, certè quâ indigent, Reformationem ab integritate sapientiæque tua, Innocenti Beatissime, exposco.

89. Utinam plura essem passus, dummodo eorum occasione & baculo Pastoralis integritas & auctoritas, & sanctissimæ huic Religioni primitivus caritatis ardor restitueretur! Ideo hæc atrocissima in viris professione spiritualibus permisisse Dominum piè credere debemus; neque enim, ut ait Augustinus, omnipotens & misericors Deus, cum summè bonus sit, ullo modo sineret mali esse aliquid in operibus suis, nisi usque adeò esset bonus, ut beneficeret etiam de malo.

90. Oportet ut scandala veniant, P. B. dixit Dominus Jesus, ut scandalis ad optimas leges Ecclesiasticas evulgandas, & optimè jam editas promovendas, fulciendas, defendendas animus tuus zelo divino agitatus, Innocenti Sanctissime, excitetur, & Ecclesia clarioribus Tux doctrinæ radiis illustrata resplendeat: aliquando etiam ex horrido ore leonis favus elicitor dulcissimus reformationis, & excommunicationes & pontificalia flagella à Sede Apostolica jaculata & inflicta, quando alios feriunt, alios illuminant, sicut calor Solis

illuminando urit, & urendo splendet.

91. Quis enim, P. B. cā integritate quā decet, & perfectā honestāque disciplinā proprias oves & Dioecesi moderari audebit, si etiam justissima & sanctissima à Jesuitis in dubium revocentur, & si cum eis lis fuerit exorta, aut vita fundenda, aut baculus Episcopalis dimittendus est?

92. Quis, P. B. dignitate mitrāque conculcatā virtutes erigere promoverique potest? Quis baculo fracto vitia compefcere, lupos arcere, oves defendere, pascere, servare, ad æterna dirigere? Illuditur enim præceptum jubentis, si evacuata sit viribus jurisdictio dominantis, & ab ovibus spernitur Pastor, si baculus Pastoralis coram ipsis ovibus audacter confringitur, neque qualis debeat Pastori pastorum honor & obedientia constabit, si Pastores ipsos irrisos, illusos, spreos grex ipse conspexerit. Imò contemptis membris & caput despicitur, & tota corporis mystici militantis Ecclesiæ disciplina dissolvitur.

93. Ideo necesse est, B. P. ut alter duorum Conservatorum (alter enim sine sacramentis, sine absolutione, sine luce, sine duce, sine cruce, ut accidit schismaticis, sine vita, in lecto ipso excommunicatus & irregularis fuit intra annum misere inventus) & alii aliqui Religiosi, qui dignitatem Ecclesiasticam & Ecclesiæ censuras admodum contempnere, publicè à proprio Episcopo, ubicumque is fuerit, absolvantur, idque omnibus pateat.

94. Et de cætero, S. P. à Tua summa prudentia & sapientia statuatur, ut minimè liceat Regularibus seipsos contra Episcopum Conservatores eligere, & in propria aut communi causa sibi ipsis judicium agere, & sententiam proferre, præsertim cū in istis Indiis Occidentalibus tot sint dignitates Ecclesiasticæ sæculares, quæ, ubi non sunt Synodales judices, hoc munus poterunt exercere.

95. Neque liceat Conservatoribus, quicumque hi fuerint, etiam legitime assignatis, Episcopos excommunicare, neque incarcerare, & plebes populosque  
Chri-

Christianos orphanos acephalosque relinquere. Nunquam enim in tot sæculorum curriculis, qui ab Apostolorum temporibus processere, Episcopi incarcerati sunt, nisi vel à Tua Sanctissima dignitate, quam veneramur superiorem judicem & matrem, vel à manu hæretica, vel gentilitia, vel schismatica, Ecclesiam ipsam in ipsis Ecclesiæ Ducibus & Episcopis tanquam membris suis persequente. Si enim Episcopi à Religiosis Conservatoribus excommunicari & incarcerari possunt, de tota Ecclesiastica disciplina, P. S. actum esse non dubito.

96. Acriora aut duriora, P. S. contra ipsos minimè exposco, imò pro eis pedibus Tuæ Sanctitatis provolutus quàm humillimè & instantissimè deprecor.

97. Quoad secundam autem postulationem, S. P. quam necessitate propriæque stimulo conscientie compulsus Tuæ Beatitudini propono, videlicet ut aliquâ moderatione non levi Societas Jesu, mihi amantissima Religio, intra terminos contineatur.

98. Testor & protestor Sanctissimæ & individux Trinitati, Patri, & Filio, & Spiritui Sancto, tribus in singularitate personis, uni in substantia Deo, & Deiparæ semper Virgini, Mariæ, & Beatissimo Petro Apostolorum Principi, & Coapostolo ejus Paulo, & omnibus Ecclesiæ triumphantis beatissimis Spiritibus, & Angelorum Ordinibus, & Tibi veræ Jesu Christi Domini nostri imagini, supremo Christi Vicario, Petri successori, optime & sanctissime Innocenti, quidquid in hac epistola, vel supplici libello hinc inde usque ad finem ipsius à mea humilitate dictum fuerit & prolatum non alio fine vel intentione proferre velle, nisi propter majus Christianæ Religionis augmentum, puriorem fidei propagationem, infidelium securiorem & efficaciorum conversionem, Religiosorum Jesuitarum majorem profectum & utilitatem, & ut quàm plurima mala, quæ hodie in Ecclesia pullulant, & deinde imminant, à Tua Sanctitate & prudentia vitentur, aut præcaveantur. Et itidem protestor, quod totis meis visce-

ribus Dominum meum Jesum Christum deprecatus sum, & iterum deprecor, ut si hæc epistola in his omnibus quæ suprà dicta sunt, & infrà dicentur, ad gloriam Dei non tendat, neque dirigatur, ad Tuas beatissimas manus non perveniat, & si pervenerit, parvifacias. Verum si hæc omnia quæ in his litteris continentur, Tuæ sapientiæ remedio indigere, & maximum Reipublicæ Christianæ non moderata nocumentum inferre posse fuerit visum, Spiritus Sanctus, cujus organum es, Innocenti Beatissime, illuminet, dirigat & suggerat tibi quod Ecclesiasticæ Unitati, Religionis propagationi, Christianæ Reipublicæ utilitati, & Jesuiticæ Societatis spirituali incremento, sibi cordium scrutatori, mentium illuminatori, fidei propagatori, videbitur efficacius.

99. Istâ, P. B. protestatione Christianâ præmissâ, eâ ingenuitate & sinceritate, quâ decet & licet filio qui patrem, viro Christiano qui Christi Vicarium universalem alloquitur, profiteor Religionem istam, alias sanctissimam, si intra cancellos justæ & honestæ reformationis à Tua integritate & sapientia non arceatur, jam non tam utilem quàm animarum regimini, quod nobis Episcopis competit, nunc certè jam extare & magis tractu temporis noxiam esse futuram.

100. Jesuitas Religiosos, P. B. per triginta annos fatis intimè tractavi, clarissimis & doctissimis eorum amicitia conjunctissimus fui. & modò equidem sum Antonio Velasquez, qui de optimo Principe & ad Philippenfes; Paulo Sherloquio, qui de Canticis Cant. Joanni Eusebio Nierenberg, qui plurima spiritualia scripsit; Francisco Pimentel, Viro clarissimo & honestissimo, & Augustino de Castro, Regis prædicatoribus, & aliis. Qualem ipsi de me existimationem habuerint, dicant eorum mihi dicati libri, & quos ego in lucem edidi, ab eis approbati & laudati: nunquam enim ipsis Jesuitis malus fui, nisi quando Ecclesiæ meæ bonus ab omnibus existimabar.

101. Humanæ conditionis est, P. B. ubi ad maximum



num devenitur , declinare : Religio ista suâ potentia laborat ; suâ magnitudine jactatur ; suâ existimatione maxima , ne minima omnibus aliis sit , à Tua admirabili sapientia & dexteritate , quâ polles in gubernaculis Ecclesiæ moderandis & dirigendis , cavendum erit.

102. Ego quidem fateor libentissimè Societatem Jesu meritis & scriptis , voce & exemplo Dei Ecclesiam illustrasse , & plurimum profuisse , sed aliis etiam incommodis , ne dicam imperfectionibus , gravissimis , Ecclesiæ Dei nunc obesse & postea plus verendum obfuturam , affirmare coactus sum , quæ utrùm illis majora sint vel minora , Tuâ ineffabili trutinâ & Apostolico calculo pensandum & judicandum erit.

103. Nam sicut præbenda , vel beneficium , quod plus pensionis & oneris quàm lucri & commodi possessori fructificat , ingrata cuicunque existimabitur ; ita etiam si Religio aliqua aut Ordo Regularis plus Reipublicæ Christianæ incommodi quàm utilitatis pariat , ingrata potius quàm necessaria videbitur , præcipuè cum plurimi sint Ecclesiastici Ordines & Religiones , quæ sine tanta Reipublicæ Christianæ jactura non minorem Ecclesiæ afferant utilitatem.

104. Quid enim interest , P. S. supponamus quòd pro Ecclesia Societas Jesuitica laboret , & ejus onere , pondere , & præsumptâ auctoritate magnitudineque Ecclesia Dei universalis laborat & gemit ? Quid interest quòd Episcopus in ministerio adjuvet , si Episcopus non suis nutibus obsecundantes deprimat , & exagitat ? Quid interest quòd populos doceat , si populos commovet & perturbat ? Quid interest quòd filios eruditè patribus instruat , si filiis dulcissimis patres orbat ; & receptos iterum & notatos à Societate pro levissimis projicit & expellit ?

105. Quid interest quòd Ministris aliquando Regiis Dynastiisque & Principum aulis cum utilitate se inferat , si plures non necessarij , imò Reipublicæ noxiâ , introductione & præsumptione , quæ spiritualis ministerii existimationi detrahit plurimum , & offensionem secularibus reddit , manu directioneque interiori de spi-

ritualibus ad politica, de politicis ad prophana, de prophanis ad nocentissima subintrando, & magno sæcularium scandalo, & incommodo, interiora domorum sæcularium dirigendo & gubernando?

106. Quid interest quòd inter Religiones floreat, si Religiones ipsas calamo, potentiâ, livore, doctrinâ, apologiis etiam editis opibusque deprimit & obscurat? Quid interest quòd tot scriptis Ecclesiam illustret, si tot opinionibus Ecclesiam vexat, sapientiam divexat & scindit, veritatem tandem reddit ambiguum? Nonne & scientiâ quis laborabit, si plus sapiat quàm oportet sapere? Nam ad sobrietatem sapere docendum & edificandum est.

107. Quæ alia Religio, Innocenti Sanctissime, Ecclesiæ universali tanto fuit impedimento, & discordiis adedò totum Orbem Christianum implevit? Nec mirum certè, B. P. liceat hæc proferre, Religio enim ista singularitate suâ laborat, potiùs quàm lucet: neque enim Clerum in totum sapit, neque regularitatem omni modo amplectitur, sed utrorumque privilegiis gaudens, imò & excellere & excedere prærogativis ab Apostolica Sede irrevocabiliter concessis existimans, utrosque contemnit, seseque supra omnes Ecclesiasticos Ordines extollit.

108. Quæ alia Religio occultas proprias constitutiones habet, privilegia reclusa, institutiones velatas, & omnia quæ ad eorum pertinent directionem, tanquam mysterio aliquo obvoluta abscondit? Fateor quidem quidquid incognitum est pro magnifico haberi, verùm etiam pro suspecto, præcipuè in Ecclesiasticis Ordinibus, certissimum & evidentissimum existimo.

109. Omnibus omnia cæterorum Ordinum instituta patent, etiam Pontificum, Cardinalium, Episcoporum, & totius Ecclesiastici Cleri documenta & consiliares regulæ. Non odit lucem Ecclesia, imò tenebras odit, tanquam ab eo perenni lucis fonte illuminata, qui dixit, *Ego sum lux mundi*. Etiam cæterarum Religionum privilegia, instructiones, directiones, statuta conspiciuntur, & in publicis populorum Bibliothecis com-

muniter dispenduntur ; uno intuitu Novitius Franciscanus videt , quod , Generalis si ipse esset futurus , faciendum esset sibi.

110. In Jesuitica autem Societate , plures sunt , etiam professi , qui ignorant Constitutiones proprias , privilegia , & Institutiones , quibus nomen adscribant , quàm quibus constant , ut Tuæ Beatitudini poterit constare. Neque manifestis Ecclesiæ Christianæ regulis , sed certâ quadam , ipsis superioribus solum patenti , interiori directione , & aliquibus delationibus arcanis , admodum periculosis , & quæ plurimos , imò etiam innumeros , expulsos pariunt aut abortant , & tandem magis moribus quàm legibus gubernant , quod humanæ naturæ incongruum & contrarium esse quis non videt ?

111. Quæ alia Religio tantas aliis Religionibus , Clero , Episcopis & sæcularibus potestatibus , & his Christianis & Catholicis , turbas commovit , æmulationes peperit , querelas concitavit , controversiis litibusque implicavit ? Aliqua aliquas , tantas nulla : de poenitentia & mortificatione cum Discalceatis & Observantibus : de choro cum Monachalibus & Mendicantibus : de clausura cum Cœnobitis : de doctrina cum Dominicis : de jurisdictione cum Episcopis : de decimis cum Cathedralibus & Parochis : de Regnorum statu & tranquillitate cum Principibus & Rebus publicis : de opibus & contractibus , & commerciis , etiam non admodum justis , cum sæcularibus : tandem cum tota universali Ecclesia contendit , etiam Tuam Apostolicam Sedem , supra Petram , quæ Christus est , fundatam , si non verbis , factis tamen negant , ut in præsentī negotio clarissimè comprobatur.

112. Quæ alia Religio doctrinam sanctorum tantâ libertate impugnavit ? & illis veræ fidei antesignanis , Ecclesiæ columnis , Theologiæ micantissimis & dignissimis præceptoribus minus detulit reverentiæ ? Fallitur D. Thomas Bonaventura decipitur , non tantum dicit & scribit , sed etiam typis mandat quicumque Jesuitarum modernus præceptor.

113. In suggestis sacris jam reticet Augustinus, Ambrosius ; obmutescunt Gregorius , Hieronymus , Chrysostomus , Cyrillus , & cæteri Ecclesiæ non quomodo-cumque lumina , sed luminaria fulgentissima : quidam enim tantummodo Neoterici Jesuitæ à suis discipulis laudati exaudiuntur , & eorum auctoritate , dictis , scriptisque doctrinam Christianam fulcire nituntur. Quod non solum dignitati verbi Dei maximè indecens , sed neque animarum saluti securum existimo. Si enim cuicumque Doctori eadem (quæ Sanctis) conceditur auctoritas , maximè vexare potest Ecclesiam opinionum diversitas , & labefactari fidei puritas , & morum integritas , quæ ex auctoritate Patrum & Sanctorum veneratione dependet.

114. Quæ Religio , etiam in suis incunabulis , & primitivo fervore , & non à sua fundatione 50. annis transactis à Pontifice aliquo Romano fuit gravissimè monita , & ut humilior procederet , circa tria superbiæ capita animadversa , sicut Religio sancta Jesuitarum à Clem. VIII. Pont. summo in sua Congreg. anni 1592. proprio oris oraculo , sapientissimâ oratione , & severâ monitione correpta ? Nondum pene natam , jam relaxatam prudentissimis & perspicacissimis Clem. VIII. oculis conspicientibus. Aliamne Religionem hac censurâ in primitivo institutionis fervore ab Apost. Sede notatam , aut tali sigillo vidimus obsignatam ?

115. Quæ alia Religio adeo integros & antiquos mores Ecclesiæ laxavit , postquam à primitivo suo fervore discessit (scriptis intelligo & exemplo aliquorum sui Ordinis Professorum) circa usuras , circa præcepta Ecclesiastica & Decalogi , circa omnem Christianum vivendi tenorem , præcipuè quantum attinet ad doctrinam ? Ita ut arbitraria pene videatur & probabilis omnis in Ecclesia moralis Theologia : Cognovi quosdam Jesuitas præceptores , in hac mea Dicecesi Angelopolitana satis adolescentes , siquidem ætatis 30. annorum metam nondum attigerant , sanos , fortes , robustos , qui etiam in vigiliis Deiparæ & Sanctorum , & in quadagesima sacra (ut mihi nuntiaturum est) neque lacti-

ciniis ,

ciuiis, neque ovis abstinebant, neque jejunabant.

116. Quia nimirum in puerorum instructione, & verbi Dei prædicatione, in quibus non minus Clerus & cæteræ jejunantes laborant Religiones, plurimum Jesuitæ & intolerabiliter insudant. Quibus legibus aut opinionibus, doctrinâ aut exemplo instructi discipuli iuvenes, non solum inermes & effæminati, & spiritum fugientes, & carnis illecebris & voluptatibus procliviores & indulgentiores educantur, sed quæcumque in Ecclesia aspera, & quæ ad pœnitentiam inducunt, & quæ crucis mortificationem promovent, verendam est ne metuant, respuant, perhorrescant: & cum Regnum celorum vim patiatur & violenti rapiant illud, mirum non erit si rapere ipsi non aded facilliter queant.

117. Hoc autem cæteros Ordines Religionesque sanctissimas, jejuniis, flagellis, nocturnis excubationibus, choro & clausuræ arctiori assuetos, neque scriptis, neque voce, neque exemplo docere huc usque vidimus: imò pœnitentiam prædicant quia agunt, paupertatem suadent quia colunt, crucem Domini defendunt quia portant.

118. Et cum leniori & suaviori vitâ Religiosi Jesuitæ, quamvis honesta & sancta (non nego) & professione inter cæteras fulgeat Religiones, præ omnibus aliis perfectiorem esse suam Societatem, Apologiis editis contendunt, arctamque viam (quæ ducit ad vitam, id est æternam, ut ait Dominus) ampliori viæ & corporis illecebris suaviori postponunt. Non recta certè, meo quidem fragili iudicio, imò & periculosa & plurimum nocente Christianæ reip. doctrina: vivant enim ut velint, doceant ut debent.

119. Durum enim est, imò & durissimum, lene rigido, suave aspero, dulce amaro in spirituali & religiosa vitâ præponere, & suam vivendi methodum & tranquillum & communem professionis tenorem cæteris præferre, etiam quibus durior lectus, quibus frequentior Chorus, quibus perpetua oratio, quibus æterna clausura, quibus amica pœnitentia, quibus efficacior & non rarior, saltem in his partibus, verbi Dei præ-

prædicatio, & quibus, cum activa vita, ferventior contemplativa, quibus majora erga Ecclesiam Dei merita, securiores gressus, & antiquiores & feliciores progressus.

120. Quæ alia Religio, P. B. à primis Monachalium, seu Mendicantium, sive quarumcumque Religionum initiis, in Ecclesia Dei telonium exercuit, pecuniis foeneravit, & in suis propriis domibus macella & alias impurissimas officinas in propatulo habuit? Quæ alia Religio foro bonisque cessit? Et prophanis commerciis, & contractibus, maris terræque totum fere orbem, maximo sæcularium scandalo & admiratione, complevit? Certè hæc omnia & ista ad sæcularia commercia propensio non ab eo videtur inspirata qui dixit, *Nemo potest Deo servire & mammonæ.*

121. Luget, S. P. Hispalensis populosissima civitas, complorant viduæ Bæticæ, pupilli, orphani, desertæ virgines, honesti Sacerdotes, & sæculares, à Religiosis Jesuitis deceptos se esse inclamando, qui plusquam quatuor centum millibus ducatorum miserabilium istarum personarum dilapidatis, & expensis in proprios usus, bonis foroque cessere. Et totius Hispaniæ gravissimo scandalo de hac fraude Religiosis Jesuitis conventis & convictis (quod in quocunque non Religioso esset capitale) ipsis exemptione Ecclesiasticos gaudere Ecclesiæ contendentibus, & Conservatores assignantibus, tandem cum ad Regium Castellæ Senatuum causa fuisset delata, decisum fuit, in ea Jesuitas tanquam laicos coram iudicibus laicis esse conveniendos; quia videlicet laicalia exercent commercia & negotiationes. Et hodie grex ille pauperum suas pecunias, alimenta, dotes, peculia, per sæcularia tribunalia contra Jesuitas exposcentes, eosdem de fraude dolentissimè incusant & infamant.

122. Quid dicent Batavi hæretici, P. B. in illa provincia & littoribus Gaditanis (ubi hoc accidit) frequentissimi? Quid Britannii & Germani negotiatores, qui bonam fidem in contractibus servare, & integrâ & candidâ fronte mutuo inter se contrahere præsumunt?

Pro-

Profectò Catholicam & Romanam fidem , Ecclesiasticam disciplinam , Sacerdotalem Ordinem , Regulares , sanctissimas professiones mordebunt , irridebunt , & contumaciores & duriores in suis erroribus permanent.

123. Et nonne pudet , P. B. viros professione perfectos , sanctos , Sacerdotes , prædicatores , communes ( ut ipsi aiunt ) Ecclesiæ magistros de talibus excessibus coram laicis inculari ? Et Ecclesiasticam immunitatem , & Institutum suum etiam contractibus sæcularibus maculare , disperdere , & prophanare ? Et tandem exemptione , jure Divino Sacerdotibus concessâ , sicut bonis etiam foro cedere ? Hæc omnia laicalia & illicita quæ alia Religio egit ? Quis Ordo Ecclesiasticus exercuit ? Quæ in Ecclesia Dei Sacerdotum Societas , ( præter hanc sanctissimam Jesuiticam Societatem ) Deo & temporalium rerum contemptui dicata , patravit ?

124. Et hæc adeo omnibus patent , ut allegationes , accusationes , declamationes hujus causæ per omnium manus , non tantum in Hispania , sed & in aliis orbis Christiani partibus & provinciis , ubi fama , sive potius infamia scandali hujus pervenit , circumferantur , ut per Illustrissimum Hispaniarum Nuntium Apostolicum poterit Sux Sanctitati evidentissimè constare.

125. Quæ alia Religio proprios filios tali facilitate expulsos & notatos à se ipsa projicit , & etiam pro levissimis ? Quos cæteræ Religiones , uti matres , tolerant , fovent , & conniventia Christianâ , & sanctâ patientiâ ad vitæ spiritualis constantiam & perseverantiam suadent , erigunt & incendunt ; hæc sancta Religio materno quodammodo affectu deserta & oblita , statim expellit , & sine titulo , sine Capellaniis , sine beneficio , sine congrua , sine alimentis , jam Sacerdotes , Diaconos , & Subdiaconos innumeris periculis , ærumnis & miseriis exponit , Clerum non necessariis & pauperimis Sacerdotibus gravat , sæculum notariis & ignominiosè expulsis Clericis replet , Regularem professionem ,  
quæ

quæ tot imperfectos creare existimatur, aliquo modo offendit, & tandem tot expulsis filiis, per Dioceses Episcoporum vagantibus, se ipsam Societas Jesuitica notat. Nam si boni existimantur, ingrata; si mali, suspecta videtur. Quomodo enim tot malos genuit doctrina perfecta & educatio sancta?

126. Videmus hodie jam conjugatum, quem heri vidimus, nostro judicio, observantissimum Jesuitam, hodie expulsam & notatum, quem heri Jesuitam omnibus virtutibus condecoratum venerabamur, imò & ab ipsis Jesuitis commendatum. Et cum ipsa subita mutatione crescat existimatio in omnibus majoris facinoris & atrocioris culpæ, à videntibus supplicium, & ignorantibus delictum, non tantum ipsis expulsis, sed etiam expellentibus non minimum detrahitur.

127. Cognovi Provinciam in his partibus, qui infra triennium triginta & octo à sua Religione Sacerdotes & Religiosos expulit, cum tota Provincia, etiam latissima, paulò plusquam trecentis Religiosis constet. Alius etiam fuit Alphonsus de Castro, qui plures expulit in eadem Provincia, scilicet octoginta: quod quidem cum in aliis Religionibus rarissimum sit, in hac adeo faciliter fieri, aut tantis delictis abundare, ut fieri necesse sit, suspectissimum quidem videtur, ita ut aliquo modo possit, P. B. neque de his quos dimittit Societas diffidendum, neque de his quos retinet confidendum ut plurimum esse: nam dimissos & expulsos communiter approbat in suis litteris dimissoriis, & contentos & approbatos quàm frequenter expellit. Quod certè inter cæteros Ecclesiasticos Ordines admodum singulare est.

128. Tot igitur singularia, P. B. in uno & singulari Ecclesiæ Ordine & membro (& singularia quidem quæ non tam à cæteris sacris Ordinibus differunt aut distant, quàm eis adversantur aut contrariantur) nonne suspectissima sunt? Sunt certè. Suspecto ergo tenore vivendi, præcipue inter ipsos Religiosos Ordines, ad quid indiget Ecclesia? Quæ crystallo ipsa & solari radio puriori doctrinâ moribusque fulget.



129. Vidi librum Compluti typis mandatum anno Domini 1605. qui inter Jesuitas iccretissimè circumfertur, qui communiter vocatur *El porqué*, id est, Quare Jesuitæ choro non exerceantur? Quare penitentia tantum voluntaria teneantur? Quare aliquando etiam post triginta annos professionem non emittant? Quare expelli post eorum curricula possint? Vidi & perlegi (inquam) librum istum satis eruditum, R. Petro Ribadeneira Jesuita, viro docto & spirituali, auctore, qui in hoc tractatu suæ Societatis singularitates, & cum aliis Religionibus antinomias totis viribus & eruditione Hispano sermone defendit.

130. Et ex ipsamet causa defensa (hoc profero secundum meam fragilitatem pusillumque ingenii acumen) & ex ipsismet singularitatibus confessis & professis, quicumque modicè eruditus, & Christianæ simplicitatis amator fuerit, contra ipsam causam concludet.

131. Et maximè observandum est, P. B. quòd vir ille doctus S. Ignatii Socius fuit inseparabilis, & suæ Religionis singularitates defendebat, quando primitivi fervoris florebat virtutibus: quòd modò defenderet, disciplinà Jesuiticà collabente, & pullulantibus tot in ea imperfectionibus, de quibus totus pene Orbis conqueritur, multo minus quidem obtineret, & fortasse non defenderet neque propugnaret vir iste perfectus.

132. Ac tandem, B. P. quid interest quòd Jesuitæ Ethnicas nationes radiis fidei illustrare videantur, si Ethnicorum quàm plurimos non rectè sacræ legis indictione catechizant? Neque rectè ab aliis Religionibus catechizari sinunt? Imò à Provinciis Gentilium relegant, & expellunt operarios sanctissimos & doctissimos, manu etiam Gentilicà & Ethnicà arcant, recludunt, incarcerant, flagellant. Quis Ordo Ecclesiasticus cum alio Ordine hoc agit? A seculo non est auditum, tali æmulatione & imperfectissimà zelotypiâ Christianos propagatores, magistros etiam Christianos cum animarum perniciè & jactura à vineâ Domini incultâ operarios relegare, ac ignominiosè projicere & expellere.

133. Tota Ecclesia Chinica congemiscit, P. S. & se non tam edoctam, quàm deceptam ab ipsis Jesuitis in fidei purissimæ documentis & rudimentis inclamat, & toto Ecclesiastico jure orbata, crucem Domini reclusam, Gentilicos ritus permisos, & verè Christianos non tam introductos quàm foedatos dolet, Christianizantes idololatrias, idololatrizantes Christianos, in una eademque mensa, templo, aris, sacrificiis, Deum & Belial, & sub larva Christiana idola venerata, vel potius sub Gentilitia larva fidem sanctissimam defoedatam dolentissimè conspicit.

134. Nobis, B. P. Episcopis, qui ab illis minus distamus provinciis, & ab earum Evangelicis ministris litteras accepimus, & qui etiam Apologeticarum eorum controversiarum certiores sumus, & eas in nostris Bibliothecis habemus, & qui cum simus Episcopi vocati regere Ecclesiam Dei, cavendum est nobis, ne in tremendo Dei judicio canes muti fuisse videamur, & labiis nefario silentio pollutis de omissione gravissimè judicemur. Nobis (inquam). Pastoribus animarum competit latrare, & clamare, & hæc tibi Pastorum maximo propalare & proferre, & quanta scandala ab ista Jesuitarum doctrina in propaganda fide suboriri possint, denunciare.

135. Nam si Episcopi publicam causam Ecclesiæ non defendimus, ceteri tacent, timent, & Jesuitarum potentiam perhorrescunt, & secretis tantummodo suspiriis & lachrymis, quæ ad Tuæ Sanctitatis aures & oculos pervenire nequeunt, poterunt adjuvare.

136. Volumen habeo integrum, P. S. Apologiis Jesuitarum refertum, in quibus pene omnia à Religiosis Dominicanis & Franciscanis Apostolicæ Sedi delata, de erroribus quibus Neophyti Chinarum magistrorum Jesuitarum incuriâ vel injuriâ tenentur; non tantum fatentur ingenuè Jesuitæ, tenoremque illum perniciosum catechizandi Neophytos ab ipsis introductum esse fatentur, sed pene omnia quæ à Tua Beatitudine in Congregatione de propaganda fide postea per decem & septem decreta sanctissimè declarata & condemnata sunt.

sunt anno Domini 1645. die 12. Sept. Didacus de Morales, Societatis Jesu Rector Collegii sub invocatione S. Joseph in civitate Manilæ, quæ Metropolis est Philippinarum, per trecenta folia tenacissimè impugnat & validissimis argumentis, imò cavillationibus, sanctissimam doctrinam nititur expugnare; cujus tractatus copiam dedi ego Reverendo Magistro Joanni Baptistæ de Morales Dominicano, viro docto & sollicito Chinicæ fidei propagationis, & qui etiam pro ea dirissimè vapulavit, & primitivorum Martyrum exemplo plurima est passus, ut circa factum præcipuè veridicè responderet, quod fecit satis succinctè & eruditè, & utrumque apud me habeo.

137. Quæ Religio, (iterum dico) P. B. quis Ordo Ecclesiasticus à veris Catholicæ fidei rudimentis tantum aberravit, ut nationem numerosissimam, & satis calientem & politicam, ideoque plus fidei radiis illuminari & fecundari expositam, non ad fidei regulas magistri Neophytos, sed Neophyti ad idololatriæ partes, & nefarios ritus & cultum magistros alliciant, attrahant & deducant, ita ut non à piscatore piscis, sed à pisce piscator capi videatur? Revolvantur, P. B. Ecclesiastici annales, conspiciantur prima Christianæ fidei monumenta, propagationis tenor, Religionis Catholicæ progressus; & quibus autionibus & incrementis in omnem terram sonus Apostolorum fuerit exauditus, examinetur.

138. Episcopi-ne & Clerus, qui per totum Orbem proprio etiam sanguine in primitiva Ecclesia catechizarunt, formâ istâ Jesuiticâ Neophytos instruxerunt? Benedictini & suæ ipsis subjunctæ Congregationes, Dominicani, Franciscani, Carmelitani, Augustiniani, cæteræque Angelorum Ecclesiæ militantis cohortes, Religiones sanctissimæ, Gentiles-ne istâ catechesi docuerunt?

139. Christum-ne crucifixum ne unâ quidem die, horâ, momentove temporis prudentiâ humanâ subnixi occularunt? Absit. Quinque-ne Ecclesiæ præceptis, mortificatione, jejunio, pœnitentiâ, & per singulos

gulos annos Eucharistiâ sacrâ recipiendâ , & Sacramenti poenitentiae , & auricularis confessionis præcepto Neophytos aut privarunt aut absolverunt? Minimè.

140. Sacrificiis idolorum nefariis , templisque adesse , & in ipsis non solum Neophytos convenire , sed pollui & consacrificare permiserunt ? Nequaquam. Nonne hoc est claudicare in duas partes ? Nonne est Deo inservire & Belial ? Nonne Deo videtur inservire & mammonæ ? Et neque calidum neque frigidum esse , sicut sacra pagina testatur.

141. Nonne hoc est persecutionis metu , humanæ prudentiæ ductu , quæ divinæ adversatur , hæc omnia nefandissima tolerare ? Ecclesiamque illam decipere , & animas innumerabiles in æternum barathrum deducere ?

142. Mali-ne Christiani , an verè idololatræ condemnentur Chinæ quid interest , P. B ? Fidem autem nostram , quæ tota pulchra est & formosa , falsis doctrinis non pollui , neque maculari plurimum Ecclesiæ universalis interest.

143. Ideo ego quidem , Innocenti sanctissime , cùm de Chinicæ Christianitatis statu tanquam aliis Europæ Americæque vicinior Episcopus , pluries mecum perpenderem tranquillitatem illam primitivæ Ecclesiæ , politicumque illum prorogandi tenorem , & illam interiorum pacem inter Gentiles & Christianos , ipsis jucundissimam , mihi tristissima & suspectissima semper apparuit.

144. Et ut post sexaginta annorum curricula Dominicanos & Franciscanos fidei optimos propagatores , ab ipsis Chinis flagellatos , incarceratos , & relegatos , literis etiam ab eis ad me missis audiavi & perlegi , maxime lætatus sum , & magnum illi Ecclesiæ bonum auspicias. Quæ enim pax Religionis veræ cum falsa ? Christi Domini cum Belial ? Spiritus cum carne ? Religionis Christianæ cum idololatria ? Crucis Domini cum voluptate ? Quæ Ecclesia in toto Orbe terrarum sine sanguine foecundata ? Sine tormentis angularium lapidum , id est Martyrum ædificata , aut sine cruce Domini culta fuit ?

145. Romana quidem civitas, caput Urbium & Orbis, pro omnibus exemplo sufficiat, quæ non solum destinatione Divinâ, sed sanguine Principum Apostolorum, & innumerabilium Martyrum necibus & cruciatibus, tanquam sacris monilibus decorata, & triginta pene ac trium primorum summorum Pontificum sacro cruore irrigata, foecundata, laureata, totius Religionis & Catholicæ fidei matrem Ecclesiam, & Spiritus sancti Cathedram, & Apostolicam Sedem & dignitatem Pontificiam præ omnibus meruit possidere.

146. Eodem sanguine, id est, fidei Propagatoribus gaudet Hispania, Martyrum præliis sacrata, victoriisque illustrata, Italia, Gallia, Germania, tota denique Africa, Asia ac Japonia, & tandem ubicumque gladius temporalis propagatores fidei non protexit & ab idololatrarum furore non defendit (ut accidit in America, dexterâ Catholicorum nostrorum Regum nostros defendente fidei seminatores) nunquam sine sanguine Religio Christiana fructificavit.

147. Verum ubi Chinici Martyres? Præcipue in primitivis fidei gressibus & progressibus, in quibus semper gladius persecutionis atrocius acuitur & ferocius sævit? Ubi mortes? Ubi verbera? Ubi persecutiones? Ubi incarcerationes? Ubi exilia? Pauca aut nulla neque vidimus, neque audivimus, neque legimus, sed tantum communes vitæ labores & æumnas, quarum & pax est frequentissima & humana vita foecunda.

148. Hoc, P. S. funestissimum & inauspicatissimum illi Ecclesiæ (quamvis non infallibile) signum existimo. Vereor enim ne quia ignoratur aut non divulgatur satis crux Redemptoris, ideo ignoretur crux persecutionis; & ea de causâ Ecclesia illa Chinica Martyres non peperit, quia de vero verbi Dei semine Redemptorisque nostri sanguine nondum fuerit gravidata: & diabolus tolerat, quia nondum Dominus superat; & Belial reticet, quia suos filios videt potius deceptos quam captos, illusos quam illustratos, & magis perversos quam conversos. Silet diabolus, quia nondum Dominus lo-

quitur; & gladio persecutionis suos non defendit, quia gladius propagationis eos nondum offendit; & adversarium se Satan non manifestat, quia adversarios fidei propagatores non sentit.

149. Imò & ipse Satan lætabitur, nisi fallor, cum in suis templis, aris, sacrificiis, non tantum antiquos discipulos, sed etiam Baptisatos, Neophytos, & aliquando fidei propagatores sacrificia offerre, genuflexiones, protestationes, perfumationes, quæ idololatræ agunt, agere, & cum eis, saltem externis actibus, convenire conspexerit, & Arcam fœderis, id est crucem Domini, cum Dagon in uno eodemque templo cohabitare lætundus respexerit. Quod nunquam ab Apostolicis temporibus toleratum in Ecclesia Catholica fuit, neque actus interiores dirigendo cruci secretæ, publico idolo & cacodæmoni offerre exteriores.

150. Ubi enim fuerit interius, ibi erit exterius; ubi fuerit anima, ibi & corpus; neque anima cœlo fruitur, cujus corpus in inferno cruciabitur; & sicut corpus & animam, & utrasque substantias Christo Filio debemus ut Redemptori, Patri ut Creatori, Spiritui Sancto ut fidei nostræ propagatori; ita etiam non tantum actus interni ab idolorum cultu, templis, aris, sacrificiis, prostrationibus, genuflexionibus, tanquam ab ipso infernali barathro arcendi & cavendi sunt inter veræ fidei Christianos.

151. Et si gladius persecutionis ideo sæviat, fidei propagatio fœcundabitur, si propagatores persequitur idolatria, persecutores vincet Religio Christiana. Et quot Martyres cœlo mittet sævitia, tot & plures Christianos Ecclesiæ concedet divina clementia. Et sicut in cruce Dominus morte sacratissimâ suâ vitam Ecclesiæ præbuit, ita ejusdem meritis in propagatione suæ Ecclesiæ, quam morte redemit & creavit, tot vitas creat & fœcundat occisorum Martyrum sanguis Religioni Catholicæ (etiam gentilium & persecutorum) quot guttis sacrat terram sanguis propagatorum, sicut ex grano emortuo, in terram projecto, procedit spica granorum referta.

152. Nam si vexillum crucis, P. S. non antecedit, quomodo Christiana Religio vincet, & Apostolica doctrina triumphabit? Aut quomodo victoria contra idolatras auspicabitur, si labarum crucis absconditur? Et si vulnera Christi reticent, quomodo Christianorum & Neophytorum vulnera curabunt? Et si passionis Domini thesaurus recluditur, quomodo animarum egestas saturabitur? Et si fontes Redemptoris & vulnera claudimus Salvatoris, quomodo sitientes bibemus peccatores? Et si Neophyti & parvuli non de hoc lacte nutriuntur, quomodo jam facti majores incrementa Religionis suscipient?

153. Imò si modo eos Ecclesia velit iterum docere, & veris fidei regulis instruere, se deceptos esse clamabunt Chinæ, & repugnabunt, & non jejunantem Religionem, aut fidem poenitentem, plorantem, naturæ horridam, carni inimicam, cruci, morti, periculis destinatam, non Salvatorem Crucifixum ipsis exposuisse magistros Jesuitas (quod Gentibus stultitia, Judæis scandalum esse videtur) non hominem Deum flagellatum, consputum, contemptum, vulneribus sacris confossum, & in cruce pendentem, & mortuum eos amplexos esse protestabuntur; sed Salvatorem solummodo pulchrum, gloriosum, formosum (sicut ipsum Jesuitæ Chinico habitu depingunt) & legem vitamque suavem, lætam, lenem, placidam, tranquillam hisque erroribus ignorantibusque, (spretis mysteriis passionis, crucis & tribulationis) lumen & victoria contemnitur Resurrectionis, & in dubium vertitur triumphus Ascensionis, & tandem contemptâ cruce mortificationis, vita recta contemnitur Redemptionis & Salvationis.

154. Hoc modo, P. B. his erroribus Neophytos neque Episcopi, neque Clerus, neque Religiones, neque aliquis Ordo Ecclesiasticus vel secularis vel regularis instruxit: sed proprio cruore Christi Domini cruorem, propria cruce & tribulatione tribulationes & crucem Domini in cordibus infidelium, cum ipsâ Christiana Religione inseruere & infixere fidei nostræ primitivi propagatores.

155. Et à fundamento crucis & passionis omnis Ecclesiasticæ fidei unitas & compago in altitudinem tantam excrevit; & unde Dominus vitam finivit, inde vitam sponsa sua dulcissima accepit. Ut de latere Christi Domini vulnerato Ecclesia tanquam à thalamo sponsi sanguine purpurata procederet, & de ejus spiritu in vulnere biberet & fugeret, quem paulò antè æternus Filius æterno Patri pro illius redemptione tradiderat & emiserat.

156. Ergo, B. P. hæc & alia, quæ Tuæ Sanctitati constabunt, & mea humilitas, muneris & oneris Pastoralis obligatione compulsâ, Tuo Sanctissimo zelo retulit moderanda vel omnino reformanda, omiſſis etiam plurimis de his Sanctis Religiosis Jesuitis, quæ ad Tuas aures minimè fortasse pervenerunt: nam ipsi enixe admodum curant (& ita cum meis istis Procuratoribus, quamvis frustra, actum est) ut ea Tuæ Beatitudini occultentur, & remedium exposcunt, censura indigent, reformationem expetunt, Tuoque prudentissimo judicio relinquendum erit, quibus mediis remediisque hæc omnia si non sanari, saltem moderari valeant, quod facillimum Tuæ supremæ potestati erit, præcipuè omnibus ferè Ecclesiæ Ordinibus in idipsum conspirantibus.

157. Vel arctioribus legibus & institutis, choro, clausurâ, & communi unius anni professione, vel duorum ad terminos certos præfixa. Vel aliquibus institutis quæ ad mortificationem & poenitentiam tendant, sine quibus quàm facillimè disciplina Regularis communiter laxatur & solvitur. Vel ad Clerum sæcularem Religionem Clericalem reducendo, & cum eo incorporando, quod ipsis Jesuitis jucundius (perpaucis sui Ordinis decretoribus exceptis) Clero utilis, & negotio ipsi facilius esse fortasse videbitur.

158. Nam si Clero sæculari accresceret hæc sancta Religio, permanente ea semper in præcipuis suarum institutionum exercitiis, quæ Cleri sæcularis professioni minimè contrariantur, imò maximè juvant, sæcularia ista Collegia ab Episcopis, tanquam ab Apostoli-



cæ Sedis Delegatis, legibus à Tua Sanctitate assignatis, sine tanto Reip. Christianæ incommodo gubernarentur. Quam primam quidem eorum vocationem sui S. Fundatoris fuisse tradunt aliqui.

159. Et hoc medio ipsis Jesuitis medicinam, Clero & Episcopis operarios sine livore, & ministros spirituales sine æmulatione, exterisque Religionibus tranquillitatem, sapientia Tua, Innocenti Sanctissime, Spiritus Sancti radiis illustrata, præberet, & Ecclesia tota universalis tot tantisque quæstionibus, controversiis, discordiis, difficultatibus, & scandalis, & aliis eorum negotiis tanquam procellis implicata & agitata conquiesceret.

160. Omnia hæc, Pontifex Beatissime, Tuæ infallibili-censuræ submitto, & si quid non congruum, vel indecens, vel quod aliquo modo reverentiæ, quæ tibi ab ovicula ista debetur, & quod offendiculum præstare possit, scripserim, parcas clementer quæso, & non meæ propriæ existimationi aut elationi, sed zelo quo ardet animus meus, Pastoralis baculi authoritatis, sacrarum constitutionum observantiæ, fideique puræ & rectæ propagationis & universalis Ecclesiæ felicitatis atque incolumitatis, à Tuâ benignitate imputandum esse confido.

Deus Opt. Max. gratiâ & benedictionibus, quibus tuas oves imples, Sanctissime Pastor, Te repleat, Tuamque Sanctitatem protegat & gubernet: Angelopoli 8. Jan. 1649.

EPISCOPUS ANGLORUM POPULI,

## III.

## EPISTOLA

*Adversus Jesuitas, lectione dignissima, Fratris LUDOVICI SOTELI, S. Ord. S. Francisci, Regis Oxensis ad Sedem Apostolicam legati, & in Regno isto Missionarii Apostolici, gloriosique Christi Martyris, de Ecclesia Japonica statu ad S. D. N. URBANUM VIII.*

BEATISSIME PATER,

**P**OST præmissam sanctorum Pedum (ad quos etiam hinc prostratus jaceo) humilem & devotam osculationem, Fr. Ludovicus Sotelo, Fratrum Minorum Alumnus, in servis quidem abjectissimus, in filiis verò omnium minimus, Sanctitatem Vestram de iis quæ jam dudum novissè præsumo, certiores facere intendo. Nempe fuisse me quondam Idate Masamune qui Regni Oxu (quod est in Orientali Japoniæ parte) gubernacula tenet, necdum quidem per Baptismum regenerato, sed tamen Catechumeno, & qui Christianam fidem in suo regno prædicari cupiebat, simul cum alio suæ curiæ optimate Philippo Francisco Faxecura Retuyemon ad Romanam Curiam, & qui tunc Apostolicæ Sedis culmen tenebat SS. Papam Paulum V. (qui ad cælos evolavit) legatum expeditum. Quò tandem cum anno salutis 1615. juvante Deo pervenissemus à SS. Papa, magno cum Cardinalium Sacri Collegii, Antistitum, ac Nobilium concursu, nec non & Romani populi ingenti lætitiâ, & communi alacritate, non modò benignè excepti. verùm & humanissimè, tam nos quàm etiam tres alii, quos Japonii Christiani, quatenus eorum circa Christianam Religionem statum Apostolicis auribus intimarent, specialiter destinaverant, auditi, recreati, & prout optabamus, quantocys expediti.

Igi-

Igitur cùm ea, quæ tum ex parte Regis Oxensis, tum etiam Christianorum Japoniæ proponebamus, atque humiliter supplicabamus, audisset, ac pro voto nostro annuisset, habito insuper cum sacra Congregatione Cardinalium sacræ Inquisitionis consilio, decretum est, debere in præfato regno Oxensi, plagâ Japoniæ, alium institui Episcopum. Designavit autem ad id muneris SS. Papa me omnium indignissimum, & quatenus assensum præberem, Deus Apostolicis verbis (quos Deus eligit, idoneos ministros facit) reluctanti præcepit. Quibus auditis sacros pedes osculando, consensu. Ordinum præterea fuit, Religiosos S. Francisci Sux Sanctitatis & expensis & nomine, ob prædicationem Evangelii, in eo Regno mittendo fore nobiscum; mandatumque Nuntio Apostolico, ac Collectori Generali, qui tunc in Catholici Regis Hispaniæ curia assistebat, quatenus sumptus ad id necessarios ministraret: nec non & antiquos annuales redditus ad fundationem & sustentationem cujusdam Collegii, sive Seminarii, quod Japoniæ institui designaret, reliqua ad commodiorem occasionem remittendo. Cùm autem redditum nostrum in Japoniam per Hispaniam, & alias Indiarum Catholico Regi subjectas provincias, necessariò fieri oporteret, ordinatum fuit à præfato SS. Paulo V. tam meam consecrationem, quàm etiam prædictorum expeditionem ad præfatum Nuntium Apostolicum, habito primùm Regis consensu, fore remittendam, datis super ea re ad Regem Catholicum, tam per nos, quàm etiam per præfatum Nuncium specialibus litteris, simul cum Rescripto ad prædictum Regem Oxensem, & Japonios Christianos, donis etiam ad eosdem, nec non multis gratiis, indulgentiis, reliquiis, ac spiritualibus muneribus, cum accepta Benedictione, anno 1616. Hispaniam remeavimus. Ibi quoque cum ingenti gratulatione, lætitia singulari, & benignitate erga nos Sanctæ & Apostolicæ Sedis magnificentia, ac communi adificatione, non Prælatorum & Principum tantum, sed etiam Regis Catholici, cujus speciali protectione illuc perveneramus, ex-

cepti, traditis Apostolicis litteris, gratum Regis assensum, & Japonicam conversionem adjuvandi affectum piissimum vidimus. Sed ecce tunc ex nova Hispania in prædictam curiam Nuncius regalis adveniens, favam ab Imperatore Japonico, & generalem adversus suæ ditionis Christianos post nostrum inde discessum excitatam fuisse persecutionem, quâ destrui templa & relegari sacerdotes, & ob fidei confessionem plerosque occidi fideles nuntiabat. Eodem quoque tempore, quo nos in Romana curia detinebamur, nuntiatum fuit Domino Paulo V. de obitu Episcopi Japonensis à Religiosis Societatis Jesu, cujus & ipse erat alumnus. Ipse verò statim de successore ex eadem Religione assumpto providit, cujus considerationem & expeditionem remisit pariter in Hispaniam; ubi præfati Religiosi (quatenus visum fuit) non æquo satis animo ferentes, alios præter suos, Ecclesiasticam in Japonia dominationem habere, quod quidem in sacra curia variis etiam diligentibus, aliena manu & industria adhibitis, impedire non valuerunt, arrepta ex prædicto nuntio Japonicæ persecutionis occasione, impedire: persuadentes enim Præsidi Concilii regalis Indiarum, aliisque ejus ministris (cui Rex Catholicus hæc negotia commiserat) nullatenus expedire ea executioni mandare, quin potius omnino oportere omnia tam sua, quàm nostra simul suspendi, ne fortè Tyrannus Imperator Japonicus eo magis de his ipsis irritatus, crudeliùs ageret in Christianos, re ipsa prout optabant impetraverunt, sicque decretum fuit à Concilio Regio. Quæ cum audivisset præfatus Apostolicus Nuntius, huic se decisioni opposuit, instantiam de novo faciens, & relationem coram Regia Majestate, ad quam etiam Ordinis mei Vicarius generalis (qui in eadem tunc curia morabatur) similiter & ego recurrimus, clamantes coram Rege, & dicentes, nullum proffus de indignatione Tyranni Imperatoris expectari posse majus damnum, ipsa jam subortâ persecutione, & sacerdotum relegatione; neque de fide Christianorum videri posse pejus periculum, quàm eisdem doctrinâ

Strinā atque Ministris destitutos relinquere inter lupos; in quorum etiam medium SS. Apostoli à Christo Domino missi sunt.

Apostolicam quoque Sedem, Christi vestigiis inhaerentem, spiritualibus ovibus de pastoribus ac prædicatoribus in similibus consuevisse providere, qui Christi gregem in lupina rabie protegerent: quorum quidem felicitas pariter ac probitas, non modò in pace tranquilla, sed tunc maximè, cùm advenientibus lupis urgentem persecutionis rigorem æquo animo pertulerint, comprobatur. Econtra verò eos à Domino apertè Mercenarios appellari, qui, desertis ovibus, cùm à lupis dilaniantibus impetuntur, effugiunt. His quidem Catholicus Rex benignum præbuit auditum, imò & ædificatus est. Regale vero Concilium prædictum super jam edita determinatione, ne revocaretur, fecit instantiam, instantibus super eadem re præfatis Religiosis, qui demum prævaluerunt; unde pro tunc tam sua quàm nostra fuere suspensa. De qua re statim SS. Papam Paulum V. feci certiore, à quo etiam fuit denudò præceptum prædicto Nuntio Apostolico, quatenus coram Rege, ejusque Concilio circa prædictorum expeditionem rursus ageret. Jam verò classis Novæ Hispaniæ expeditione instante, & in eadem Socii mei Japoniensis legati Japoniam regressu, ne mea quoque detentio ambitioni potius, quàm animarum saluti fortè imputari videretur, cum eo rursus a. 1617. redire decrevi. Deo igitur opitulante in novam Hispaniam tranquilla navigatione devenimus, ubi navem quandam à præfato Rege Oxensi missam, quatenus nos ad se reduceret, nostrum ex Hispania reditum expectantem invenimus.

Accidit autem ibi novum Insularum Philippinarum Gubernatorem ex Hispania destinatum concurrere, qui navis quæ suos milites transfretaret copiam non habens, petiit à nobis, ut simul ad præfatas quoque Insulas navigaremus, quæ à Japonia non longo navigantibus intervallo distarent. Quod quidem libenter annuimus, comitantibusque ventis secundis prospera navi-

gatione 1618. ad prædictas insulas appulimus. Commodum verò tempus & secundum ventum, quo Japoniam navigaremus expectantibus nobis, piratarum Batavorum ad præfatas Insulas applicantes naves, obsidentes portum, easdem infestarunt, donec elapsa temporis & ventorum opportunitate Japoniam navigandi recessit, anno 1619. sine opportunitate nobis devoluto. Igitur anno sequenti 1620. dum pro navigando secundos ventos expectaremus, ecce ex Macam civitate Chinæ ad præfatum Insularum Philippinarum Gubernatorem, Simulque ad Archiepiscopum Manilensem (est autem Manila in Philippinis præcipua & Metropolitana civitas) à quodam Religioso Societatis Jesu Didaco Valente literæ missæ venerunt, quibus se Episcopum Japonensem jam consecratum dicebat, postulabatque enixè ne Japoniam navigare permetteret; fore enim ut magna perturbatio, si eò venissem, in ejus Regni Christianis suboriretur; ipse enim Religiosus Episcopus cognoscens (ut videtur) meam expeditionem per suæ Religionis alumnos, sumpta occasione ex suborta Japoniæ adversus Christianos persecutione, fuisse quidem impeditam atque suspensam, post meum à prædicta curia discessum, suam rursus per eandem expeditionem obtinuit, quæ per viam Indiæ Orientalis ad prædictam civitatem Macam pervenit. Cùm autem neque Japonicum idioma novisset, nec principem aliquem haberet pro se, cujus favore Japoniam transmeare, ibique assistere posset, sicut me novisse & habere cognoscunt, meum Japonicum ingressum, ea, quam prædixi, diligentia, per suæ Religionis alumnos impedire curavit: qui præfatas sui Episcopi litteras Domino Archiepiscopo, ac simul Gubernatori Manilæ tradentes, instant, quatenus me detinerent, persuaserunt. Et cùm magnum sit earum civitatum, Manilæ, Philippinis & Macam Chinæ invicem commercium, correspondentiaque communis, qui illis præsentant alternatim se observant, & in postulatis sibi deferunt. Ergo ne eo anno simul cum seculari Collega meo Japoniam navigarem, detentus fui: nisi nihilominus mei Ordinis Religio-

ligiosos, apud me retinens Apostolicas litteras, ad supra memoratum Regem Oxensem, eidem scribens & obsecrans, quatenus me ad se remeare curaret. Rex verò Oxensis auditis quæ Collega meus ei retulit, de benignitate & magnificentia Apostolica & Regia, quâ suo nomine & Romæ & in Hispania & ubicumque fueramus recepti, honore quoque & splendore, quo ducti fuimus & reducti, gavisus est gaudio magno, Religiososque alacriter suscipiens, locum eisdem habitationis in sua Curia assignavit, ac de sumptibus necessariis iussit provideri, occultè tamen & cautè, ob commune Imperatoris adversus Christianos Edictum, & maximè Religiosos, quo tamen non obstante, utrique, id est, Religiosi cum Christianis, quietè & pacificè commorantur in eo regno. Insuper & sequenti anno misit, qui me Manilæ inviserent, & in suum Regnum reducere conarentur, duos sui exercitus milites, quod quidem ipsi juxta injunctum sibi præceptum strenuè præstiterunt, navem & victus pro navigatione necessarios diligenter parantes. Sed quando conscendere properabam, detentus, captus, & impeditus fui: milites verò cum sarcinis & sine me ventorum etiam opportunitate compulsi Japoniam mœsti redierunt. Ergo cum mecum ipse cogitarem, Manilæ constituto nullam Japoniam navigandi sese copiam præstituram, inde exire contendere, sumpta occasione ex oblata opportunitate comitandi cum Domino Episcopo novæ Segoviæ in suam diocesim properante, ejus auxilio in quadam ejus diocesis Provincia (Pagasmam incolæ appellant) naviculam sive ratem (quæ nostro communi idiomate fragata vocatur) extruxi, in qua cum quodam Japonio Religioso socio meo, & aliis quatuor sacerdotibus item Japoniis (quos, dum Manilæ commorarer, moribus & divinis litteris sufficienter instructos, & tertiæ Ordinis de poenitentia S. Francisci tribus votis emissis ordinari curavi) in præfatum regnum Oxense directè navigare gestiebam.

Verum & hoc ipsum per eos ad aures prædicti Gubernatoris Manilensis pervenit, qui iter nostrum impe-

dire nitebatur: & quidem jam omnibus pro navigando paratis, strictum Gubernatoris ad ministrum justitiæ illius Provinciæ pervenit mandatum, sub gravibus poenis præcipientis, quatenus supradictam naviculam detineret. Nautis verò sub interminatione vitæ, ne eandem conscenderent, interdiceret, me autem Manilam reverti compelleret. Quo factum est, ut navicula protinus interdicta, Nautæ verò ab illo portu & Provincia ejecti fuerint, pariter ac relegati. Ego autem præfatum Episcopum ad suam usque Sedem sequi coactus, & quæ me legatum esse à Sedē Apostolicā receptum, utque Japoniam redirem expeditum attestabantur, Apostolicis litteris ante eundem præsentatis, petii auxilium ab eo in forma ad comprimendum eos, qui me Japoniam navigare impediabant: quod utique continuo diligenterque præstitit, eosdem comprimens per censuras: territus tamen ne hoc ipsum agrè ferret Manilensis Gubernator, disposui, quatenus ego cum Socio meo Religioso Japonio sub habitu seculari navem quandam Chinenfium Mercatorum, & quidem infidelium, qui tunc de illo portu & civitate novæ Segoviz Japoniam proficisci parabant, sub titulo suorum famulorum conscenderemus, quod ita factum est: sed inter navigandum præfati mercatores nos Religiosos agnoscentes veriti edictum, & pœnas Japoniæ latas adversus eos, qui Religiosos in suis navibus transfre-  
tant, cogitaverunt aliqui ex ipsis nos in mare mittere, aut certè occidere: Deo tamen ordinante adversis ventis & tempestatibus impediti pariter & conterriti tantum nefas committere timuerunt: & quo navigarent, ubi quoque essent ipsis nescientibus, Japoniam appulimus, juxta quandam civitatem Nagasqui propinquam Insulam ad finem Occidentalis plagæ, in qua ante persecutionem assistebat Episcopus, ejusque incolæ fere omnes erant Christiani: est omnibus navigiis mercaturæ causa Japoniam venientibus portus generalis, modò verò existit ibi Judex ab Imperatore specialiter adversus Christianos, & præcipuè Sacerdotes deputatus, ante quem nos præsentaverunt supradicti mercatores  
Chi-



Chinenses, dicentes, se fuisse compullos in Provincia Papagam è civitate Nova Segoviz, unde navigarant, transfretare nos in sua navi. Ipse quoque Judex, & me, & quæ circa me Manilæ facta fuerant, tum per exploratores quos Manilæ habet occultè, tum etiam per Japonios alios mercatores qui nos eodem anno 22. Manila præcesserant, satis apertè cognovit; sciens tamen à Rege Oxensi, cum ipsius Imperatoris consensu, Hispaniam & Romam missum me fuisse Legatum, cum suis ministris & assistentibus, inito concilio decretum fuit, me cum Socio meo Religioso & alio servitore in carcerem mitti debere, in forma aliorum Religiosorum (etsi etiam legatus, Religiosus tamen eram) donec re ad ipsum Imperatorem delata, quid faciendum esset, ipse disponderet.

Statim ergo missi fuimus in carcerem Nagasaki, deinde ad Omurensē satis arctiorem carcerem delati. Contigit autem hic, ut mense Octobri prædicti anni 1622. cum præcedentis anni septem sub eodem Judice in eademque civitate, & aliis locis 17. Religiosi, 8. Patres Dominicani, unus Augustinianus, & quatuor Franciscani, & Jesuitæ itidem quatuor, cum aliis 100. Japoniis, quorum adjutorio usi fuerant & hospitio, illustre pertulerunt Martyrium. Et quidem Religiosi cum quibusdam ex Japoniis igne cremati, sive ut veriùs dicam, igne longè posito assati; reliqui verò fuerunt capite truncati, nullo alio titulo & causa, nisi quòd Dei essent Sacerdotes, ministri Evangelii, & divinæ legis promulgatores. Mihi quoque, cum primum fui comprehensus, pari fuisset fruendum titulo, felicitique supplicio, nisi prædicti Regis legatus cognitus fuissē, in carcere tamen intenso adhibiti sunt custodes, qui magna vigilantia diu noctuque assistentes, nullum hominem vel nos accedere, sed neque invisere quidem ullatenus permittunt. Deinde prædictus Judex iterum est in Imperatoris Curiam profectus, post cujus discessum comprehensi à satellitibus duo Religiosi fuerunt, alter ex Ordine Fratrum Prædicatorum, Frater Petrus de Sta. Catharina Martyre, alter verò è

Societate Jesu Michael Caravallo, & quidem ambo eximie virtutis viri, Deique zelosissimi ministri, nobiscum in hoc carcere Omurensi tenentur inclusi. Est autem carcer grossis ex lignis compactus ad mensuram longitudinis palmorum septem, undequaque patens, in modum caulæ bestiarum, in loco foetido & umbrato collocatus, ob idque vermibus, colubris, aliisque reptilibus immundis & venenosis animalibus scaturiente. Sumentur autem typha cocta, quæ quotidie nobis mittitur in quadam parva mensura. Verumtamen in his & aliis corporalibus incommodis largitur nobis Deus ex sola ipsius misericordia & bonitate incredibilem consolationem, & ultra quàm verbis exprimi possit, uberem lætitiā, neque enim tædio afficimur, aliquando, nullave res molesta videtur & adversa, quin imò dulcedinem nobis omnia & exultationem exuberant. Et quamvis quatuor simus sacerdotes, non ad omnia exercitia tantum, verum ad quotidie celebrandum habemus, subministrantibus fidelibus, cum ingenti vitæ periculo, quæ ad id necessaria sunt, alia quoque variis artibus. Adeoque divina mensa fruenter levamen inde singularissimum, unicum verò ac totale remedium reportantes, carcerem, non custodiam quidem, sed palatium quoddam regium, aut certè hortum potiùs amoenissimum reputamus. Nihil autem aliud, nisi pro Deo & ejus gloria, vitam, sive per ferrum, sive per crucem, aut certè per ignem tradere desideramus. Quod etiam quantocius fore confidimus. Ut enim per litteras accepimus, Japonius Imperator cum (informantibus Batavis Hæreticis) Religiosos habitu sæculari indutos, ac inter alios mercatores occultatos Japoniam advenire cognovisset, vehementer iratus, quò omnes mercatores Christianos extraneos à suis regnis relegari præcepit, generale publicavit edictum, ad cujus executionem præfatum Judicem à Curia jam descendere ferunt, cum speciali quoque ordinatione occidendi, non solum nos, sed omnes etiam alios Christianos, qui à fide recedere recusarint.

Sed & ipsi Batavi duos Religiosos sup habitu sæculari

lari in quadam navi mercatorum Japoniam venientes comprehenderunt. Qui utique cum capitaneo & alijs Officialibus in ea navi venientibus igni traditi sunt. Hac igitur una spe & desiderio sustentamur, illum jucundissimum ac felicissimum planè diem expectantes; quando per proprium sanguinem, cum divino auxilio, effusum, Dei divinitatem ac sanctissimæ suæ legis veritatem testificabimur. Ergo in eo felici statu, quamvis indignissimus, ex sola tamen Dei misericordia constitutus, ego in filiis minimus tuis & humilis creatura, quid desiderare humanum, aut quid nisi ea tantum, quæ me in conscientia obligare senserim, contendam? Maximè cum prædecessoris tui D. Pauli V. tenear obedientiam implere, qui à Romana Curia mihi discedenti præcepit, quatenus ipsum semper de omnibus tam propriis, quàm hujus Japonicæ conversionis eventibus redderem certiolem. Et de meis quidem hucusque relata sufficiant. De hujus autem conversionis, & Christianorum statu, & ad debiti obsequii absolutionem, & ad implorandam coram vero Patre primo ac benignissimo Pastore subventionis remedium, nonnulla jam dicere oportet.

Notum sit igitur Sanctitati Vestræ, Catholicam fidem divinâ gratiâ in hujus Japonici Imperii non solum parte Occidentali, quo à principio venerunt, & ubi semper fuerunt Religiosi Societatis Jesu, verùm etiam in Orientali, ubi primum S. Evangelii prædicatores fuerunt Religiosi Minores S. P. mei Francisci, qui etiam usque modo ibidem semper astiterunt, esse dilatam, adeo ut quanquam in utraque parte Provinciæ, civitates, castella & loca penè sint innumera, in omnibus ferè & ubique aut sint Christiani, aut de Christianis notitia saltem & auditus habeatur.

Licet autem post ortam potentem persecutionem, quæ in Orientali & Occidentali parte habebantur erectæ Ecclesiæ, fuerint funditus everse anno 1614. Religiosi quoque omnes generali Imperatoris edicto relegati, plerique tamen illorum, proprias vitas, contra Imperatoris Edictum, contemnentes, diversis in locis ocul-

cultati remanserunt : quorum labore , doctrinâ & exemplo fides in multis fidelibus integerrima conservatur , quin & ex infidelibus etiam plerique convertuntur : cum tamen sit messis quidem multa & operarii pauci , & persecutionis in dies crescat austeritas , luporum quoque Dei gregem infestantium rabies augeatur , oves quidem multæ devorantur , aliæ verò infirmantur , carentibus etiam quàm plurimis victu , doctrinâ & Sacramentorum Pastore. Quamvis autem ex quatuor prædictis Religionibus Religiosi nonnulli Manilia & Macamo inter mercatores occultati pervenerint , iuste dicere possumus : Et quid hoc inter tantos ? Præsertim cum neque possibile sit istis omnibus doctrinam , Sacramenta & alia adjutoria spiritualia , prout illis est à S. Sede Apostolica concessum , fidelibus administrare.

Cujus obstaculi est in causa , ingens aliquorum ex ministris contradictio & reluctancia , qui habentes Episcopum sui Ordinis Religiosum assistentem ( ut suprâ dictum est ) in Macam civitate Chinæ ; eorum Provincia- lis , qui Japoniæ commoratur , Episcopi Gubernator , Provisor , & Vicarius Generalis existit , cujus industria Japoniæ regna , Provinciæ & civitates inter suos tantum taxatæ sunt , & divisæ , & quidem cum prædicti vix vigesimum numerum compleant. Japonica Regna sex sunt suprâ sexaginta , Provinciæ verò plusquam in illis 200. quibus permultæ correspondent capitales quædam civitates magnæ & populosissimæ , quibus per multum temporis non dico ministrare , sed neque easdem percurrere , aut certè valeant perlustrare. Quod si ad aliquam istarum quivis alius alterius Ordinis sive zelo charitatis permotus , sive à fidelibus ipsis vocatus minister spiritualem eisdem consolationem & Sacramenta subministraturus accedat , postquam plurius qui per viginti & amplius annos non sunt confessi , sed neque Sacerdotem quidem viderunt , Confessiones audierit , lapsui proclives confirmaverit , à fide jam elapsos reduxerit , nec non & infidelium plures converterit ; cum primum hæc ad ejus ministri , cui illa

illa Provincia (juxta sui Provincialis commissionem) competit, aures pervenerint, ecce à diverso confurgens, etsi ea Provincia maximè distet, ad eamque nunquam comperiatur accessisse, quampropter venit, ministrum prædicta facientem oppressurus, opponens eidem, quod eo loco (quippe qui suæ Parochiæ sive diætæ sit) Sacramenta administrare non liceat, neque ullatenus cum suis, quas dicit, ovibus occupari consentit.

Quod si rursus minister instans objiciat: Cur, si tuæ sunt, tot annis & temporibus pro derelictis habuisti? Etenim talia sunt occupantis; respondet, & unde tu de hoc, aut quare vexaris? Sive etiam rationem à me petis? Quid ad te de his, quæ tibi de officio non incumbunt, sicut mihi certum est convenire? Et adducens præterea Concilium Tridentinum, coram multis circumstantibus legit illum locum, ubi præcipitur à S. Synodo sub excommunicationis sententia, ne ullus Sacerdos administret Sacramenta in alterius Parochia, si ne Parochi consensu, sed neque id solum, verum & Japonio Idiomate traducens, idem publicè refert. Si autem dicat ulterius minister, hoc non de terris quidem infidelium, & novis conversionibus, nec de Neophytis Christianis, sed in antiquorum principum terris Christianorum, & circa antiquas Parochias atque fideles intelligi debere: eundem tanquam transgressorem Concilii publicat, atque de eodem loco propellere curat: Christianis verò ullatenus admittere, ac apud se habere interdicat. Quod si devotione ac pietate commoti aliqui admittant, ut siue confraternitatibus, puta Rosarii, Chordæ aut Corrigiæ adscribantur, graviter reprehensos, ac si Christiani non essent, à se propellant. In aliis verò locis, ubi prædicti communiter assistunt fideles, non solum alios Religiosos admittere, sed neque cum iisdem (nisi latenter & quasi furtivè) communicare audent: si verò sit aliquis, ubi sit aliquandiu & occupetur, existente jam ibi multitudine Christianorum, statim eò mittunt Religiosum Jesuitam, qui se sui Episcopi Vicarium autumans, vexat Chri-

Christianos, & ut se cognoscant superiorem, cui obedire teneantur, compellit.

Quæ res eò extremitatis pervenit, ut in partem etiam Orientalem (ubi nullus eorum prædicaverit, neque unquam aliquando extiterit, sed Religiosi S. Francisci primi Evangelium prædicaverunt, & ante persecutionem publicas Ecclesias cum licentia Imperatoris habuerunt, semperque usque modò exorta persecutione extiterunt) adhuc in ipsis civitatibus, & Curiis Imperialibus, Surunga (quæ Imperatoris præteriti) & Gendo (quæ præsentis Curia est) licet plus trecentis leucis à Nagasquio (communi eorum residentia) distent, fuerit de illis missus, qui similiter Vicarium se ibidem Episcopi publicavit, prædicta faciens & ministros antiquos maxime vexans. Pari modo Fratres Prædicatores ingressi sunt Regnum Figea in Occidentali plaga, ubi prædicti ministri non erant, qui ingentem etiam fructum ibi crevisse videntes, illuc similiter se contulerunt. Similiter in supra memorato Oxensi Orientalis plagæ ultimo, ubi hæc minima Creatura & servus indignus, Dei gratia & auxilio primus fui sacerdos, qui illuc accedens Evangelium prædicavi, ubi etiam Religiosi mei Ordinis pacifice habitant (factis jam Christianis in multitudine magna) cum primum me à Sede Apostolica, & præfato prædecessore tuo designatum Episcopum, & nondum consecratum, venire deprehenderunt, ministrum ex suis eò etiam protinus miserunt; qui sui se Episcopi publicans Vicarium, Religiosos nostros perturbavit, Christianosque tantopere molestavit, ut S. Francisci Chordam abstulerit; recusantes autem dare à Sacramentorum communione excludebat.

Ut verò alia omittam, hoc unum compertissimum est, Religiosos Jesuitas velle solos inter hos Christianos pro Dominis haberi, & unicos patronos reputari, & hac de causa renuunt, neque ullatenus permittunt, alios præter ipsos Jubilea publicare, sive contos benedictos, aut imagines seu medalias, sed neque haberi confraternitates, etiam ab Ecclesia approbatas, & ipsis ministris annexas, neque spirituale aliud quidpiam fide-

les provocans ad devotionem, & ad fidei augmentum valdè conducens. Quòd si aliàs ab aliis instituantur & publicentur, ipsi è vestigio fortiter resistentes, pro viribus impediunt. Quando autem aliàs obstare non possunt (censuris & ipsi impediti) eos qui hæc admittunt (ut dictum est) saltem à se & à suis sodalitiis faciunt alienos: ad quæ omnia habet eorum quilibet auctoritatem, & omnes prædicti Japoniæ sunt sui Episcopi vicem gerentes. Quòd si etiam ad prædictum Vicarium generalem sive Gubernatorem recurrentes alii petant in forma, ut informationes juridicas Fratrum suorum Martyrum, qui pro Christiana fide martyrium subierunt, faciat; nullo modo aut via eos recipere aut facere vult, cum tamen si de suis, aut de Christianis à se baptizatis Martyres existant, copiosas faciant informationes, & amplas relationes multiplicent. Si quid ab aliis magnificum, si quid gloriosum fiat, hoc ipsi annihilare, aut certè per varios modòs & circumventiones decolorare contendunt. Si quæ Religiosi intentaverint, obsistunt, vel saltem inutilia esse proclamant: si quæ scribuntur, ea quoque pro falsis haberi conantur, aut certè passioni attribuunt.

Quæ verò adversa ipsorum causâ evenerint quantumvis, quia publica, negare non possunt, non ab ea quidem causâ, sed ab indiscreto Religiosorum zelo, eorumque imprudentia & cautionis defectu prorsus evenisse, ne, quæ verè fuit causâ, patefiat, acclamant. Nolunt quæ ipsi primi non faciunt, ab aliis Religiosis inchoari, & licet tantum onus portare non possunt, aliorum tamen adjutorium recusant. Quæ sua sunt, ac per suos fiunt, ea vehementer magnificant, exaltant & publicant, in sanctitate, in scientia, in auctoritate non solum primi volunt reputari, sed neque æquales habere volunt. Et hæc quidem de Japoniæ commorantibus tantum scribo, experientia enim ea comperi, & publica, notoria atque certissima habentur. Sed tamen ipsi, ut alios à scribendo retrahant, quæ hic fiunt, jactant se in Curiis, tam Romanæ, quàm Regiæ, habere Cardinales, Prælatos, proceres, judices

dices, alumnos, & suæ Religionis singularissimos protectores. Ipsum etiam Episcopum sibi faciunt esse subiectum, nihil enim præter ipsorum placita, & ab ipsis ordinata, agere libere potest (quod certissimum est) cujus autoritas & nomen ipsis deservit ad omnia ea quæ sibi placent, ejus nomine & autoritate exequenda, & ad vexandos & opprimendos alios, in dispendium animarum, & nihil penitus ad ovium utilitatem, suosque actus exercendos, præstat: in civitate siquidem Macam constitutus est, & circa illius Ecclesiæ gubernationem occupatus (cujus proprius Episcopus, suorum industria fuit in Hispaniam vocatus, neque ad suam sedem unquam rediturus speratur) cujus autem utilitatis ovibus Japonensibus Macamensium gubernatio? Aliisque per suos facta præpeditio, ne dispersas congregent, ne congregatas pascu carentes pascant, ne quæ de ovili Christi sunt, ad illud reducant, & omnia alia spiritualia auxilia, quæ præstare possunt, impedire? Quid verò dicam, Sanctissime Pater, de scandalo, inquietudine, & perturbatione fidelium? Certè verbis deprædicare non valeo. Cum enim sint teneræ plantulæ, videntes & audientes hujusmodi esse & fieri inter eos, qui unum Deum, unam Fidem, unum Baptisma, unum ovile & Pastorem unum annunciant; charitatemque, sive amorem Dei & proximi esse finem legis divinæ eisdem prædicant; videntes aliàs hæc fieri, in devotione tabescunt, in fide titubant, in charitate tabescunt; imò, quod deterius est, nonnulli à fide deficiunt. Infideles autem graviter scandalizati illudunt nobis, & nostram legem irrident, dicentes: quod aut veritatem non docemus, aut certè pro vero non habemus, quod cum prædicemus, non observamus, nullumque dicunt intercedere discrimen inter suos Sacerdotes (quos ipsi Bonzos appellant) & nos, quibus sicut assimulamur in multis contradictionibus, ita etiam reverà doctrina nostra nihil differt à sua, quamvis verbis differre videatur. Alii dicunt, duos esse Deos, unum divitem & potentem, alium verò pauperem & humilem, qui à divite opprimitur & de-

ludi-



juditur, propter quæ multi, qui alias Christianorum sanctam & justam legem esse cognoscunt, à recipienda fide nihilominus retrahuntur. Quæ proinde cum omni tempore nociva valde, & perniciosissima sint, hoc præcipuè persecutionis tempore longè venenosiora, & quàm alio quoque tempore plus noxia. Hujusmodi autem contradictio semper fuit à prædictis facta aliis Religiosis ab initio sui ingressus in Japoniam, & per varios modos continuata, de quo per nos & alios supradictus Prædecessor Paulus V. cum certior factus fuisset, quæ suprà retulimus, ordinavit, præcipuè verò, ut alius institueretur Episcopus, cujus industria & calore Religiosi protecti à vexatione liberarentur, sua quoque ministeria & actiones liberè exercere valerent; quod utique si executioni mandaretur, fuisset sane remedium oportunitum.

Sed cum ex suprà relata diligentia fuerit impeditum, redditum est remedium sine remedio, & pax sine pace facta est: quin imò prioribus contradictionibus nova superaddita est contradictio: etenim post nostrum in Hispaniam reditum (videlicet sui Episcopi consecrati, & mei non consecrati) prædicti ministri, qui sunt in Japonia, supradictam inter se fecerunt Provinciarum divisionem, quam antea non habebant, unde & contradictio & oppositio Religiosis fuit multò quàm antea durior & acrior, cum animarum dispendio longè majori, cum Christianorum scandalo, dedecore sanctissimæ fidei nostræ & fidelium.

Ego autem indignus & inutilis filius tuus, etsi non consecratus, callens tamen Japonium idioma, Regemque Oxensem habens protectorem, huic messi Dei utcumque proficere desiderans, & mandata mihi commissæ Sedis Apostolicæ implere, ex quo inde profectus sum Japoniam redire, ac (tametsi fuerim per varios casus impeditus pariter & detentus) tandem Japoniam cum Dei auxilio perveni, sed ipso quoque sic ordinante perveni in carcerem, ubi constitutus his & aliis quæ mihi à Religiosis aliis per litteras deferuntur, obviare non valeo, solummodo custodiam hanc Dei misericordiam

diam magnam, & sine ullis meis meritis præclarissimum donum & ingens beneficium reputabo. Gaudeo planè & in infinitum divinæ gratiæ erga me omnium viventium vilissimum largitori congratulor, qui in tam felicem, & præclaram sortem elegit, ut quam à Creatore vitam accepi, pro ipso reddam; ad quod me præparans semel atque iterum meæ conscientiæ secreta volvens atque revolvens, inveni ibi segnitiei & negligentiae, quæ me acriter quasi infidelem & seditiosum increpat, molestissimum accusatorem, nisi prædicta, quæ publica in hoc Imperio, manifesta & notoria sunt, tibi Domini Jesu Christi Vicario & in terris vice-Deo, nota faciens, scripta relinquerem, quatenus de his certior effectus de remedio provideas convenienti. Hoc igitur exagitatus stimulo, compulsus sum hæc scribere, non aliud quidem, nisi meæ conscientiæ & obligationis satisfactionem, majorem Dei gloriam, sanctissimæ legis ejus promulgationem, & animarum salutem desiderans.

Quæ mihi à prædecessore tuo fuerunt commissæ oves nondum permissus sum easdem videre, sed tamen (quoad potui) per alios mei Ordinis Religiosos visitatæ usque adhuc & administratæ, nimis multiplicatæ sunt, quos tibi legitimo Patri, primo & legitimo earum Pastori offero, iterumque commendo, & quatenus illis quantocius de Pastore provideas humiliter supplico. Collega alter legatus Philippus Fiaxecura, postquam ad prædictum Regem suum pervenit, ab ipso valdè est honoratus, & in proprium statum missus, ut tam longa via fessus reficeretur, ubi uxorem, filios, domesticos cum multis aliis vassallis Christianos effecit, aliisque nobilibus hominibus consanguineis & propinquis suasit ut fidem reciperent, quam utique receperunt. Dum igitur in his & aliis piis operibus exerceretur, ante annum completum post ejus regressum, magna cum ædificatione, & exemplo omnium, multa cum præparatione suis filiis hæreditate præcipua fidei propagatione in suo statu, & Religiosorum in eo regno protectionem commendatam relinquens, piè de-

fun-

functus est. De cuius decessu Rex & omnes Nobiles valde doluerunt, præcipuè tamen Christiani & Religiosi, qui hujus viri virtutem & fidei zelum optimè noverant. Ab ipsis Religiosis, qui eidem Sacramenta ministrarunt, ejusque obitui interfuerunt, & ab aliis sic per litteras accepti.

Imperator autem Japonicus adèò in Christianos, & præcipuè in Dei ministros, excandescit, ut ultra prædictum relegandi è Japonia omnes Christianos Mercatores Edictum, cùm à Batavis insuper cognovisset aliquos Sacerdotes esse occultos adhuc in sua Curia Imperiali Gendo, multosque ibi fieri & esse Christianos, etiam de nobilibus, eosdem fecit diligentissimè conquiri. Comprehensti igitur sunt duo Religiosi, unus Franciscanus, F. Franciscus Galvez Hispanus, alius verò Jesuita, Hieronymus ab Angelis Italus, cum aliis quinquaginta & sex Christianis, quorum unus D. Joannes Faramundo nobilissimus, & ipsius Imperatoris propinquus consanguineus, cui jam olim, eo quod Christianus esset, omnes digiti manuum & pedum fuerant crudeliter præcisi, crux etiam fronti candente ferro impressa, genuum quoque nervis similiter præcisis, ad majorem verò sui pœnam, & illusionem, & aliorum nobilium terrorem sic dimissus. Nunc secundo cum præfatis Religiosis comprehensus tandem in fide perseverans constanter, spretis cum magno statu amplis divitiis, honoribus & pollicitationibus, Religiosi pariter & ipse cum aliis Christianis, impio & crudeli igne assati & consumpti sunt, coram innumera pene turba. Inde quidam adolescens nobilis & Spiritu Sancto motus, se Christianum esse proclamans, se ipsum, mirantibus universis, in medium projecit ignem. Deinde alii Christiani sanctos cineres, carbones, reliquias colligentes deprehensi, eodem & ipsi ignis martyrio cum uxoribus & filiis etiam Christianis obierunt.

Qui omnes ferè 100. hilariter & lætissimè mense Decembri anni præcedentis 1623, illustre fidei testimonium reliquerunt. Multo quidem nobis tardius com-  
pre-

prehensi, primi tamen agonem consummarunt & jam feliciter regnant.

Erunt primi novissimi, & novissimi primi: tamen nos in præparatione degentes, spem habemus. Verumtamen fateor, Sanctissime Pater, multos esse Japonicæ infirmos & imbecilles, qui metu persecutionum temporalium amittunt regna cœlorum, quæ fortibus patent. sunt nihilominus rarissimi, qui ex corde fidem relinquunt, adhuc autem qui & persecutionibus cedunt, ut plurimum sunt, qui doctrinæ pastu & Sacramentorum fructu carent: nam qui iis potiuntur, & sacerdotum exemplo confortantur, temporalia quoque despiciunt, vitam hilariter tradunt, & quælibet etiam crudelissima tormenta pro Christo Domino, & ejus fide sustinent. Terram ergo, quæ sic semen sibi commissum conservat & usque in centuplum multiplicat, coli sanè & cultivari dignum est. Quis enim Japonicam gentem despiciat, quæ decoris margaritis & gemmis pretiosis ornat regna cœlorum? Mittas igitur (suppliciter obsecro, & instantè supplico) operarios fideles, & sic mittas & disponas, quod ab invicem à labore non præpediantur, hoc est binos, prout Dominus misit discipulos suos ante faciem suam, id est pares & æquales in omnibus & pacificos.

Inæqualitas enim inter eos, qui circa idem occupantur, generat rixas, quemadmodum fuerunt exortæ inter Pastores Abrahæ & Loth: primi enim majores reputari conabantur, & ut tales alios vexabant. Oportet facere æquales omnes Religiones in messe Japonica laborantes: aliàs rixæ non cessabunt, aut de nulla sit Episcopus, sed omnes pariter utantur & privilegiis sibi à Sancta Sede Apostolica concessis in favorem conversionis infidelium pacificè & sine contradictione fruantur: aut certè ab unaquaque unus Episcopus assignetur. Messis quidem jam congregata multa est nimis, & per totum Imperium Japonicum dispersa. Et quomodo tanta cùm sit, per unum Pastorem, unius Religionis alumnum, in Japonia non existentem, neque suis actibus & autoritate utentem, poterit

rit sufficienter administrari? Præsertim cum per illum ea, cujus est Religio, alias vexare, impedire & supplantare contendat.

Quod si de unaquaque Religione constitueretur Episcopus, deferrent quidem sibi honorem invicem prævenientes, meliora charismata alternatim & charitative æmulantes, unusquisque illorum alios Religiosos propter suorum honestam correspondentiam pacifice & benigne reciperet, tractaret, hospitaretur. Ad reputationem etiam sanctarum Religionum & ministrorum, imò ad ipsius, quam docent, doctrinæ, tam apud Christianos, quam apud fideles auctoritatem, ad communicationem & conferentiam rerum gravium id ipsum videtur convenientissimum. Sed id præ omnibus necessarium, ut provideatur huic gregi tam de pastoribus, quam de canibus vigilantibus, qui per se ovibus assistentes, ubertim eisdem & fideliter provideant de abundanti pastu spirituali, earum compatiantur laboribus, in luporum conflictu protegant, vitam quoque pro ipsis, si oportuerit, dare non dubitent. Japonios ipsos, prout libuerit, docentes exemplo formantes, & ad actus superiores instituendi & informandi populum, nec non ad Religionem, & ad SS. Ordines recipiendos disponentes. Etsi enim terra fertilis & messis disposita sit, deficientibus operariis, aut paucis existentibus, certè aut inculta manebit, aut fructus reddet exiguos.

Imò tametsi sterilis esset rebus, ut nunc profectò, si Japoniæ semen & sitores multiplicentur, copiosissimæ in horreum Domini segetes congregabuntur, nam diffusus ubique plurimorum Martyrum sanguis; constantia eorum, & fortitudo, tam in temporalibus contemnendis, quam in perferendis cruciatibus, multorum animos mentesque illuminant, maximè Principum, qui fere omnes agrè ferunt Imperatoris legem & rabiem, & injustam esse sentiunt, quantumvis propter illius respectum Christianos persequantur. Et quemadmodum in primordiis Ecclesiæ Spiritus Domini fideles confortans ad subeundum martyrium, & viam

perfectionis amplectendam; sic etiam modò in Japoniæ primitiis hos videmus Christianos ad eisdem actus disponere in tantis tamque illustribus Martyribus & in quibusdam aliis, qui statum jam Religionis, & viam arctam perfectionis aggressi, ad ipsum usque sacerdotium, & sacri verbi prædicationem, Christiani populi instructionem & sacramentorum administrationem pervenerunt. Quos sanè in virtute constantes, in exemplis fideles, in labore & fructu uberes experimur. Quomodo ergo poterit tam immenso populo de ministris religiosi tantùm Europæis provideri? Et qua ratione isti ibi possunt circumquaque discurrere? Hoc maxime persecutionis tempore, & quia statim cogniti à satellitibus comprehenduntur, animarum necessitatibus subvenire? Præcipuè cum & facies eorum valde notæ sunt & distinctæ; & Christiani quoque ipsi eisdem, ne discurrant, abscondere, detinere & occultare procurent. Japonii quoque Sacerdotes liberè quocunque discurrunt, & proximorum necessitatibus subvenientes inter ipsos & persecutores securè administrant, adhuc in carceribus & custodiis incogniti suum exercent ministerium, debiles confortantes, fortes consolantes; infideles; propriis sectis & erroribus facilius & uberius confutatis, efficaciter convenientes, in verbis promptiores, in modo arguendi & convincendi exercitiores, cum suis nationalibus concurrentes, ad invicem in iis quæ docent magisterii transferentes energiam, cum plausu apud suos reperiuntur.

Quæ faciunt ipsi, quantumvis difficilia aliis, etiam suæ nationis, imitari conantur avidius, timore eisdem, amore & honore prosequuntur, & in sua specie, sicut cætera bruta leones majores & excellentiores. Quemadmodum enim Sacerdotes Europæi ad magisterium; doctrinam & fundamentum hujus Christianitatis sunt omninò necessarii; ita quoque Japonios Sacerdotes & Ministros, tam persecutionis tempore, ad Tyrannorum rabiem retundendam, quàm etiam in pace tranquilla, ad communem & generalem administrationem (quæ in tantum cresceret, quantum fuerint multipli-

cati

cati ministri) necessariis quoque censendos existimo. Ubi autem, qui per seiplos hæc videant & experiantur, necessitatem animarum cognoscant, dispositionemque messis attendant, Episcopi non sunt, certè neque intrui Sacerdotes, neque de necessariis vineæ Domini valet provideri. Profectò sancti Dei Apostoli Orbis terrarum à Christo Domino instituti fuerunt Patres, Pontifices & Doctores: fundamentum quoque novæ ipsius Civitatis descendens de cælo, duodecim discipuli agni fuerunt, supra quos erectum est fastigium Ecclesiastici ædificii, cujus caput constitutus est S. Petrus, & ejus successores; ossa verò & nervi corporis mystici Christi Domini sunt Episcopi, Sacerdotes & Magistri. Quomodo igitur in hoc novo Orbe nascentur filii atque nutriuntur sine Patribus? Aut quâ ratione hæc nova Hierusalem extrui, ejusque fastigium erigi poterit sine fundamentis? Vel quâ etiam arte sine ossibus & nervis fiet hujus mystici corporis apta compagatio? Inspice, suppliciter obsecro, Sanctissime Pater, & fac secundum exemplar quod tibi in monte monstratum est. Etenim vinea nostra jam floruit fortissimis Martyribus, & quàm plurimis etiam Confessoribus, qui bonorum rapinam, membrorum amputationem, & alia pro fide ludibria passi, adhuc à Tyranno relictæ sunt viventes, (quamvis alios à fide retrahit) viventes in tanta nunc abjectione, opprobrio & miseria, inter leprosos constituti, qui fuerant antea nobiles & magni. Tempus etiam putationis certè istarum inutilium quæstionum & dissensionum advēnit: Grossi nostri dederunt odorem capacitatis, virtutis, constantiæ & fidelitatis. Profectò cū gens Japonica ingenio polleat, & incessanter salvationem inquirat, lex quoque divina & prædicatio Evangelica rationi naturali (quam Japoni optimè admittunt) sit maximè consentanea: eandem per 70. & amplius annos Japoniæ prædicatam, communiterque à litteratis hominibus (præcipuè nobilibus) pro sancta & justa judicatam, & suis sectis atque doctrinis longè rationabiliorem habitam & superiorem, non plus crevisse & profecisse, mirum est. Cujus rei

quamvis nobis sit occulta causa, non tamen à ratione alienum est, dicere, ex eo fortasse provenire hoc, quodd corpus hoc mysticum ossibus caret & nervis, sine quibus prædicatio & doctrina (quæ crescit & augetur) non ita abundanter ministratur, neque efficaciter operatur. Religiosi enim sine Episcopis, nervi sine ossibus sunt: nam illi ex sola charitate laborant, isti ex charitate simul & obligatione. Religiosi vadunt & redeunt, vel saltem possunt ab operatione manum levare: Episcopi etiam inviti, neque manum ab aratro retrahere, neque retro possunt aspicere, sed gregi tanquam rationem pro eo reddituri omnino debent insistere: illi ut nutrices sunt, isti ut veri parentes, Religiosi primò & principaliter regularibus institutis, & religiosis observantiis insistent; Episcopi verò primitias suæ activitatis, curæ & intentionis in suo grege pascendo, nutriendo, augendo & recteando constituunt. Illi quidem sunt arbores valde fructuosæ, quod aves cœli concurrunt & commorantur, doctrinæ plures, & exempli uberes fructus exedentes; isti verò sunt montes excelsi, quorum pinguedine diversarum arborum multitudo coagulatur, & pulchritudo conservatur, scientiæ & disciplinæ flumina, doctrinæ fontes & aquæ largissimæ honestæ educationis & conversationis exeunt, & ad subditorum valles effluunt, metalla quoque & copiosissimæ virtutum gemmæ ex eminenti loco plus splendoris emicant, & lumen supra candelabrum positum lucet omnibus qui in Domo Dei sunt, in his sanè montibus radii divini splendoris prius & efficacius elucent, ut facienda cognoscant, & influentia cœlestis auxilii ad eadem facienda copiosius communicatur. Et sicut aliis in magnitudine potestatis spiritualis, & in altitudine dignitatis eminentius præcellent, ita eminentiori quodam modo reguntur & confortantur à Deo, qui dedit eis talem potestatem in ædificationem. Montes, inquam, sunt, in quibus beneplacitum est Deo habitare in eis, ut sic corpus suum mysticum obcrescat, & civitas cœlestis abundantius & uberius de necessariis provideatur; cumque ad illos frequentior est



recursus, plus confidentiæ; subjectio quoque & obedientia promptior: sunt enim Apostolorum successores, quibus Deus dixit: *Ecce ego vobiscum sum usque ad consummationem seculi*, per quos fides seminata crescit. augetur. & uberes fructus ubique reddit. Sine illis ergo Apostolica deficiente influentia, non mirum est si Japoniæ segetes tardæ & parvæ sint, & infœcundæ usque modo per tot annos colligantur. Sed quid si aliquis Ministrorum Dei scandalosus existat & Apostata? Aut alii mali perversique sacerdotes de multitudine illorum insurgant? Quid inde? Sic fuit ab initio: quia inimicus homo superseminavit zizaniam, cum qua & triticum simul crescere iussit Dominus. Et Apostolus Paulus prædicens, ex ipsis Dei Ministris perversos viros fore insurrecturos, per eosdem Electorum probationem fieri dixit. Neque Judas Apostolum dedecoravit, neque multi hæretici prælati & magnates regale sacerdotium maculavere; aut impedierunt, neque etiam quamplurimi scandalosi Religiosi præteriti & futuri sanctum Religionis statum præpediunt, neque æquum est malis futuris impediri imminetia bona; quin potius in bono malum vincere docemur. Christus Dominus multos Sacramentis sanctis male usuros fuisse, maximaque illa perpetranda sacrilegia, & horrenda delicta, exactissime præcognovit, ea tamen instituit, &, ut dicit D. Augustinus, prælegit Deus de malis bona facere, quam mala nulla esse permittere. Si opus Dei, & prædicatio Evangelica facienda est per homines, & isti in iniquitatibus concepti sunt, quid mirum, si ipsis in præclarissimo opere occupatis, lutum inveniat aurum? Veritas æterna dixit; Oportet esse scandala, quia oportet verbum Dei etiam per homines seminari; sed tempore messis Dominus, combustâ zizaniam, triticum inter illam multiplicatum mittit in horreum suum. Et quid si inter ipsos etiam Episcopos quæstiones & nova jurgia oriantur? Certè de futuris, ne oriantur, institutionis tempore, Apostolica dispositio Dieceeses taxando, & debitum ordinem præsignando providebit.

Jam verò exortas quæstiones, & quæ modò tantopere impediunt opus Dei, sine illis sedari posse, impossibile videtur; & qui Episcopos institui refugiant, quæstiones semper habere volunt. Sicut autem Jesuitæ ingressum aliarum Religionum in Japoniam impedire, imò præcludere volentes, coram gloriose memoriæ Domino Gregorio XIII. prædecessore tuo id ab ipso ordinari necessario dixerunt; nam si fortè diversi Religiosi Japoniam ingrederentur, futurum esse maximi impedimenti ad promulgationem fidei: cum enim Japoniæ sint multæ & variæ sacerdotum differentiæ, si hoc ipsum esse inter Christianos deprehenderint, despicientes Dei Ministros, doctrinam nostram aut omnino non audituros, aut certè eandem esse nostram & suam existimatos: ipsis quoque Religiosis inter se, tam circa doctrinam, quam circa alia (per quæ suis Bonzis, seu sacerdotibus similes eos judicabunt) infideles & novos Christianos valdè scandalizandos potius fore, quam edificandos. Sed tamen postquam Deo disponente aliæ Japoniam Religiones ingressæ sunt, re ipsa & in veritatè contrarium omnino expertum est. Nam cum Japonenses ingenio polleant, & quæ nova viderint, diligenter scrutentur, videntes aliarum Religionum varios Religiosos, quorum alii ab Occidentali navigaverint, etiamsi diversæ nationis, distinctæ Religionis, differentis habitus, & alterius sint instituti: quidam necessaria habentes, alii mercaturam etiam exercentes; alii omnino pauperes & mendici, ut Minores: quidam honestis, alii hūpidis & refartis vestibus utentes, & nudis pedibus incedentes, quos tamen eandem omnino legem & invariabilem doctrinam prædicare, profiteri, & observare dum cernunt, per hæc veram & certissimam viam salutis, & salutis æternæ hanc esse cognoscunt: & ut talem multò plures eam admittunt, & in communi venerantur omnes, majorque fervor & devotio invenitur nunc in fidelibus per exempla viva & vitam rigidam Religiosorum ad poenitentiam, mortificationem & Christi imitationem maximopere com-

moventur (Augustiniani enim & nos exalcenti sumus, Dominicani verò de reformatis Philippinarum.)

Nam si Christum prædicant humilem & pauperem, & terrena despiciere docentem, ipsum quoque vident imitari, & eadem facere quæ aliis prædicant & suadent. Quod quidem & in ipso effectu cognoscitur: nam ante ingressum Religionum in Japoniam, cum persecutiones fuerint à Tyrannis inflictæ, nullus tamen Religiosorum invenitur occisus, aliorum verò Martyres nulli fere fuerunt: imò integræ provinciæ reductæ, per suorum Principum nudum præceptum, fidem facillimè relinquebant: ex quo verò Religionēs ingressæ, & primus Commissarius noster cum sociis crucis martyrium subiit, multi & alii illustrissimi Martyres pro fide passi sunt: & hi quidem non Religiosi tantum, sed & de Christianis totius ætatis & sexus quamplurimi, magnos tolerantes cruciatus, in quibus præclara facinora, divina responsa, & admirabilem constantiam Principes & persecutores experti sunt, quos utique jam fortiter despiciunt fideles, etiam ob maiorem rabiem & crudelitatem ostendendam, eosdem plagis caesos, delusos & vivos relinquunt. Quod tamen ipsis Principibus & infidelibus omnibus efficacissima prædicatio est, qua utique inspecta & Religiosorum aspera & inculpabili vita, infatigabili sollicitudine, intrepidis & uniformibus animis docendi, & divinam legem suadendi consideratis, eandem legem nostram fatentur veram & bonam, suas verò sectas & Sacerdotes despiciunt & irrident, videntes tot esse sectarum differentias, quot sunt sacerdotum varietates. Religiosi etiam trium prædictorum Ordinum maximam inter se habent unionem & charitatem, adhuc in temporalibus seipso adjuvantes, & in necessariis communicantes: præcipue verò in ministerio suadentes, quatenus omnes Religiosos & Sacerdotes pro eodem reputent, sicut & eandem prædicant doctrinam. In docendis idipsum sentiunt & observant, amplectentes communem, & ubique receptam & approbatam doctrinam, in nihilo

penitus discrepantem: quòd si discrimen aliquod & alteratio est, non inter se invicem, sed cum Jesuitis est: ipsi enim nonnullas Japoniæ sententias sequuntur, quæ nullibi exercentur, & in ipso adhuc rigore scholastico sunt plusquam dubiæ, v. g. Catechumenos de usuris antea factis restituendis, aut componendis, ante Baptismum non admonent, sed postea ad confessionem referunt; & idem de malè habitis, & de servis injustè possessis affirmant.

Antequam rudimenta fidei noverint Catechumeni, eos communiter baptizant, & cum sola aqua sine oleis sanctis. Extra casum necessitatis licentiam communem concedunt non Sacerdotibus, sed ipsis etiam secularibus; omnes quos suadent baptizandi, quos ubique ad Baptismum disponere, & actus supernaturales fidei divinæ & contritionis suadere penitus ignorant. In commodatis triginta aut viginti, pro 100. etiam dato pignore, ob consuetudinem & officium tollere permittunt. Antea non diaconos, & necdum ordinatos publicè in Missa solemni, & in pulpito Evangelium populo prædicare faciebant. Circa concurrentiam Christianorum cum infidelibus in aliquibus actibus & consuetudinibus multum quidem variamus; in aliis verò quæ minora sunt, quia Religiosi his opponuntur, & contraria faciunt, & Christiani vehementi affectu eos plusquam alios venerantur, diligunt & observant, contradictio illis fit & repugnantia, non quidem à se invicem, sed ab aliis, qui in Japonia soli esse cupientes, dixerunt, etiam Pontifici, dissensiones & differentias Japoniæ esse futuras, si aliæ Religionēs huc ingrederentur. Sic similiter propter quæstiones, in posterum inter ipsos Episcopos oriundas, eorum (aliis huic tantæ messi necessariam) institutionem recusare; jam exortas nolle sedari, & remedium potius impedire est quàm futura timere. Si ergo hinc scandali causa oriundæ in posterum inter Religiosos quæstiones (quæ usque modo non fuerunt) assignabantur; & impedimentum fidei, & Evangelicæ prædicationis ita timebatur magnum esse futurum, ut propter hoc Religiosis in

Japoniam aditus impediretur : quomodo nunc non oriundæ quidem & futuræ quæstiones, sed præsentēs & exortæ, de quibus non futurum scandalum timetur, sed præsens (& magnum illud quidem tam inter Christianos, quàm inter infideles ortum inspicimus, & impedimentum prædicationis & fidei non futurum, sed actu jam existens, cum ingenti animarum detrimento, & ipsius fidei ludibrio experimur) non erit causa sufficiens, realis & verior, imò & obligatoria ad Te Sanctissimum Patrem recurrendi, reclamandi, & remedium deposcendi, cum fundamento veritatis & necessitatis tanto majori, quantum plus habent præsentia quàm futura, & humiliter supplicandi, ut per Episcoporum institutionem non damna futura, sed jam præsentia mala ex prædictis quæstionibus suborta diluas, & de competenti remedio provideas, non quidem operariorum aditum ad messis laborem impediendo, sed modum & formam, quatenus de multis & bonis operariis abundantius messi provideatur, potiùs assignando, cui sicut Religiosorum ingressus (de quò antea timebatur) tantum profuit, quantum ipsa nunc experientia comperitur, sic tantò plus etiam ad ministrorum pacem & fidei augmentum, proficiet institutio, quantò eorum auctoritas, eminentia & major est dignitas, efficaciores actiones, actusque præclari. Sunt enim Ecclesiæ ossa, nervis in omnibus subvenientia & notabiliter excedentia, quæ suos proinde est necessarium effectus determinatos habere.

Quid verò de redditibus & congrua sustentatione Episcoporum? Novimus certè Christum Dominum pauperes elegisse primos, & hos etiam à fidelibus oblata & ad ipsorum pedes deposita, aliis ministranda tradidisse; ut ipsi orationi & verbo Dei expeditius instarent, suisque coadjutoribus & successoribus, nihil aliud præter potestatem spiritualem tradidisse: antiqui quoque Patres nihil cum Ecclesiis nisi onus & donum spirituale recipiebant, quin potiùs paupertatis amatores, austeritate vitæ, morum integritate & gravitate, doctrinæ divitias constituentes & honorem, commis-

sum sibi gregem fideliter administrabant , Ecclesiam Dei augebant, quam suis illustrarunt exemplis & scriptis ditaverunt. Sic Irenæus, Polycarpus, Damascenus, Basilus, Gregorius Nazianzenus, Thaumaturgus , uterque Cyrillus, & multi alii, qui specialiter de paupertate gloriabantur. Et quemadmodum sancti Martyres, dexteram columnam Ecclesiastici construunt ædificii, sic & ipsi præclari Pontifices sinistram extruunt. His ergo innixa principiis & fundamentis Domus Dei, ita firmiter est ædificata, quòd portæ inferi non prævalerunt adversus eam: talis namque debet esse hæc nova domus Dei, quam Japoniæ volumus ædificare , tam præclaris ornata Martyribus, quàm Apostolicis condecorata Episcopis , & in cunctis venustissimis nationibus resonet nomen ejus, cujus initia primitivæ assimilantur Ecclesiæ. Nunc enim Japoniæ fremunt gentes & populi meditantur inania adversus Dominum & adversus Christos ejus, qui in montibus & speluncis, & in cavernis terræ, aut certè in abditissimis receptaculis, ex industria in domibus fidelium factis, absconduntur. Non utique indigent apparatu, neque redditibus his quidquam deferunt annales , qui pane lacrymarum, & ferè semper insulsis cibis & modicis alimoniis utuntur & sustentantur. Dum hæc fiunt & hyems est, Religiosi Japoniæ Episcopi à sua Religione, & à Christianis, sicut alii Religiosi, sustentabantur, & hilariter quidem, ut à tantis vexationibus liberentur, & liberè opus Dei valeant exercere. Cùm verò soror nostra (quæ modò parvula est, & ubera non habet) crescentibus quoque uberibus abundabit & lacte, tum veritatem Reges intelligent, hinc erudientur qui judicant terram, non de fide solum, sed de Ecclesiastica etiam dignitate. Ad hoc autem assequendum, eadem Japoniæ, quæ in Ecclesia primitiva, adhibenda sunt media, sine quibus utique ad ipsum perveniri non potest, principiis semper occupatis & impeditis, sine fructu uberissimo magnificante lætitiâ. Media, inquam, ad corpus hoc confortandum & convalidandum, sunt compaginare ossa, hoc est, Episcopos & Pastores tales instituere,

tuere, ut per se corpori assilant, eisdemque maxime in adversis coadjuventur, quos utique dum Metropolitanus hic non fuerit, Macanzæ & Manilensi Ecclesiæ oportet esse suffraganeos, tum quia propinquiores sunt, & per illam occidentalem plagam transcentes, dum Japoniam petunt, per singulos annos communicant, & se invicem agnoscunt, tum & quia alia Metropolis Boensis Ecclesiæ valde Japoniâ distat, & nulla Religiosis est cum illis communicatio & cognitio, præter solos Jesuitas, qui per orientalem illam plagam venientes, eam cognoscunt, & cum ea communicant; & cum Lusitani sint, nova Castellanis impedimenta volebant opponere, quæ si Castellani, de novo instituti, ad suos qui in occidente sunt, & Lusitani ad suos qui in oriente habitant reducantur, omnino cessabunt.

Sed quis est iste, qui involvit sententias sermonibus imperitis? De me posse dici timeo. Nullus sane alius, nisi humillimus servus, qui coram legitimo Domino de Vineæ necessariis ipsum tremens informat, aut minima creatura, quæ coram suo creatore incommòdis remedium quærit, sive parvulus discipulus, qui coram vero Magistro recitat, corrigendus quæ memoriâ didicit, vel certè filiorum minimus, qui coram piissimo Patre prostratus, quatenus de illatis molestiis protegatur, & liberetur, recurrit ad ipsum, & quidem confidenter nimis, tum etiam quia Dominus Creator, Magister & Pater est: tum etiam quia non mihi consulo, sed Vineæ Domini mei; non pro me, sed pro hac Ecclesia pugno, & quidem adversus eos qui potentes sunt; ego autem valdè infirmus, & incarceratus, pro Christo tamen, & nihil de humanis desiderans, sed solam veritatem defendere atque justitiam. Nihil de supradictis conscientiam remordet: nihil enim scripsi, nisi publica & manifesta. Et hæc quidem in ultima quasi vitæ horâ penè constitutus, & (ut dixi) ab interiori compulsus. Tu verò Sanctissime Pater, sapientiam habes sicut Angelus Dei. Hæc audiens, de illis judica: quia in prima Sede es, quo in similibus recurrere tenemur. Et tuis pedibus provolutus, ut citius quæ videbuntur

opportuna disponas, ſuppliciter & humiliter expoſtulo. Quidam ferunt Regem Oxenſem me jam fuiſſe incarceratum cognoviſſe, velleque cum Imperatore de mea agere libertate. Si res ita ſe habet, non libertas utique, ſed nova captivitas, & laborioſa peregrinatio mihi paratur. Hoc tamen certum non eſt, imò certius exiſtimo, pro Chriſto Domino traditurum in mortem cum ſociis. Hoc ſolum inſtanter expectamus: verumtamen ſicut fuerit voluntas in cœlo, ſic fiat, & in terra iſta inutili, invidiâ & iniquoſâ. Quid faciendum ſit, ſtatim cognoscet Sanctitas Veſtra, cujus benediſtione humillimè peto, quam multis annis Eccleſiæ ſuæ Deus conſervet incolumem. De hoc carcere Japonio Omurenſi 20. Januarii anno 1624.

## IV.

## PROTOSTASTASIS

## SEU

Prima Societatis Jeſu Inſtitutio reſtauranda ſummo Pontifici proponitur THEOPHILI EUGENI zelo

*Tabere me fecit zelus tuus. Pl. 118.*

## PATRUM SOCIETATIS VOTO.

*Dominus ſolus ſuſtinentibus ſe in via veritatis & juſtitia. Eccleſiaſt. 34.*

*Qui arguunt laudabuntur, & ſuper ipſos veniet benediſtio. Proverb. 14.*

*Aufer rubiginem de argento, & egredietur vas puriſſimum. Proverb. 25.*

*Reſpice, quoniam non mihi ſoli laboravi, ſed & omnibus exquirentibus diſciplinam. Eccleſiaſt. 33*



*I. Prima Ordinis Societatis Jesu institutio  
sancta & restituenda.*

**D**Um è terræ divite sinu fons exiliens emergit, tunc fluit purissimus & limpidissimus. Quod in aquarum principiis vides, è quibus derivatos deducis rivos, hoc idem in prima religiosorum Ordinum egressione tibi conspiciere licet, si faciles ad primordia vertis oculos, & placet obtutu in primo aciem figere, clarior ex capite honor emicat, & virtus major, & solem suum sua sidera norunt. Quis non accurrat ad decurrentis vixæ fontem? Si resumis nascentis Societatis Jesu institutum, si ortus primævos sectæ, senties lucidissimum gurgitem, plenum aquæ fallentis in vitam æternam. Educam tibi in conspectum primam Societatem Jesu, & nunc latentes, obrutosque terra, sanctiores latices aperiam. Socii decem præeunte Beato Ignatio Parisiis pietate & scientiis exculsi, anno 1534. die Assumptæ Virgini Sacro, Martyrum montem unà conscendunt, in purpurato illo solo, triumphantis Dionysii Arcopagitæ cruenta vestigia relegunt, & sub præsidio Deiparæ Virginis, in ejus sacello, ad pulvinar ejus, sese singuli victimam Deo placentem, flagrantibus cœlestium votorum aris imponunt. Spondent ad salutem animarum, sese Romano Pontifici æternum obsequentes, abjiciunt spes omnes vitæ secularis, fluxas opes permansuris postponunt opibus. Dant fati cursum; advolant in Italiam; Venetiis, & Romæ pauld post; conciones habent frequentes, mille scelerum feriunt & perimunt facies, interdiciunt pesti impietatis; manus illa exigua orbi prodest universo, decernuntur provinciæ; in mense septimo anno Domini 1538. constituitur mutuo fredere, inter Patres, Societas, ut conjunctis adauctisque viribus, in contrarias acies irruant, infensos Christi, & Ecclesiæ desertores vel ad fidem revocent, vel in certamine superatos conficiant. Pau-

cas & sapienter excogitatas Societatis regulas, communi omnium consensu, definiunt, quibus hæc p[ar]ta & adjuncta Christo familia duceretur: statuunt Professionem sui Ordinis unam, quatuor solemnibus votis comprehendi debere, paupertate, castitate, obedientia & fide exhibenda Summo Pontifici in suscipiendis missionibus ad omnes mundi plagas, in quibus aliquid Christo lucrifacere possent. Probationem Scholasticorum, qui promississent se in Societatem ingressuros ac disciplinæ Societatis sese dedissent, Xenodochiis purgandis, profectionibus cum religiosa paupertate peragrandis, diuturna ac solitaria oratione, studiis ad omnem modestiam compositis, perfici debere; quo tempore alumni duntaxat Societatis, & simplices Religiosi, votis tantum ad Societatis beneplacitum astricti essent, ut si non se habiles ac perfectos præstissent, data facultate ad suos remitti possent. Statuunt præterea Generalem electum esse perpetuum oportere. Res omnes ex Patrum Professorum pluribus suffragiis concludendas: paupertati Evangelicæ studendum, solam animarum salutem inquirendam, nullis malis pro Christi nomine cedendum; vitæ exemplo ac sanctitate, perversos ad sanam mentem reducendos. Ecce integrum primæ Societatis institutum, nullus apud illos sermo de Sacerdotum Coadjutorum statu; de summo illo Superiorum imperio, ne suspicio quidem ulla; de tam multis divitiis, de tam exquisita Professorum commoditate magnum silentium: Professionem ordinis & virtutis omnes unam assequuntur, qui major est, sicut qui ministrat: turpe est & indecorum, commodiora & faciliora munera captare, sola pro suis meritis excellit virtus, & colitur.

Electus est Beatus Ignatius in Patrem; committitur illi clavus conscendentis navis. Paulus III. magnæ Religiosorum classi Societatem adjungit, non aliud emicat in discriminante vexillo nomen, quam æterni Regis Jesu Christi, subsidium Ecclesiæ Dei peropportunum. Hinc illi manipuli, funditores, sagittarii, qui de occupatis munitionibus locis, hæresim digredien-

tem

tem affligunt, strage & transversis pilis, in veritatis manum adactam, convincunt imbecillitatis & criminis. Qua sol inauguratus, suos resalutat clientes, qua se nova adverso globo commonstrant sidera, ubi terminus orbis, illic pandit iter Evangelicæ legi Societas. Succedite novis penatibus, non antea visi hospites. Ite viri fortes, omne solum vobis patria, si non sit inhospitum & inaccessum Christo. Conspicite cælum evoluto cardine peregrino sub æthere, magno diductum ambitu ac patens, illic spes dirigite vestras, vestros illic speretis honores. Traductum se putabat in numen & immortalitate donatum Ptolemæus, cum de siderum cursu & constante circonvolutionum inconstantia, aliquid specularetur. Novi, inquiebat Rex sapiens, morti me obnoxium, sed cum me ad se cælestium luminum contemplatio rapit, tum mihi videtur cælum ferire vertice, assidere Jovi, extolli altius è terra, & ambrosiæ delitiis frui. Non aliter primi illi Jesuitæ, degustant cælestis vitæ cognitionem atque usum, sic eos ut sui imitatores Christus allicit, ut Apostolorum more, non nisi in cruce Christi gloriantur. Ausus est infestus sequi per undas, & toto pergentibus sese opponere ponto Maurus ille, tum gentilis, tum hæreticus; Typhæus, sed nonne oprato portu conditi sunt? Securi pelagi, & mortis? Vertit se in omnia hæresis, ut novo navigantes orbe prohiberet. Sed quid illæ cædes potuerunt, aut quas trahere, atque moras tantis addere rebus? Strenuam oportet fuisse primam illam Ignatii palæstram, in qua tam fortes & animosi apparuerunt milites, tam benè præparata ad virtutem pectora. Nonne haustos magna voragine Gentiles, & hæreticos, ad puritatem divini verbi, animatamque illuminante divino spiritu lucem advocarunt? Non alia arte quàm divina, non nisi consiliis præsentis Dei, res tam arduas aggredi & tam incolumi virtute præstare potuissent, effudit nimirum hæc dona de superis Deus, Societati suæ, ut sancta institutione confirmata, singularem in suo gradu virtutis præstantiam obtineret.

II. *Beati Ignatii Loyola conversio admirabilis.*

**P**ROdit trabeatus inter Patritios honoris paludamento Beatus Ignatius Loyola, Societatis Jesu antesignanus, qui de Christi sapientia, de divini spiritus afflatu, simul cum decem Sociis Patribus concepit illud vitæ genus integerrimum, quo primum ipse præparatus & exercitatus, ad similem gloriæ cursum multos provocavit, qui sub eodem virtutis signo, eadem aggressionem, non dissimili pugna ac contentione, Christum ducem consecuti, cælo sibi sedem ac domicilium quæsiiverunt. Aperuit se orbi Ignatius, haustæ divinae virtutis vim egregiam patefecit. Vile latens virtus; quid enim demersa tenebris proderit? Obscuro veluti sine remige puppis, vel lyra quæ reticet, vel qui non tenditur arcus. Feliciter cessit institutum opus.

Quis eum deprimet quem sua manu feret Deus? Non difficili, quem vult, ducit ac promovet via. Progreditur duce Deo, cui se sacræ militiæ juramento obstrinxerat Ignatius, non ullo retinetur labore, nec sibi, nec virtuti parcat suæ, quis obstat sanctè & fortiter volenti? Jam non inservit Cæsari Frederico III. nec Ferdinandi Hispaniarum Regis purpuræ ac lateri adhæret; dat manus armis Gallicis, captus inexpugnata à Francis Navarra Pompeioli, humanitatem Francorum experitur, qui nihil exigunt, sed immunem ad suos ire permittunt. Ad Christum Regem, è Francorum exercitu redux, aspirat. Statim duo illa videt Ecclesiæ fulmina, Petrum & Paulum, terretur ostento, sequitur ostensum lumen, aliis gaudet armis, sacro sub nomine bellum parat. Non per legatos, non prima per artem tentamenta ducis, pepigit sese ipse, suumque objecit caput, & supplex ad limina venit, fortia sunt bello pectora, sunt animi, firmat in monte Serrato propositum, Virgo Deipara, Angelorum atque hominum lucentissimum fidus, exuperanti splendore illucet Ignatio, & qua vincendum esset, rutulum

tilum insonuit. Accurrit Hierosolymam, inde Hispaniam repetit, quo spiritus vocat pergit indefessus, non mora, non requies, urget diem nox & dies noctem, nullum pectus à labore reclinat otium. Qui Francum victorem senierat, eundem præceptorem elegit, maximam orbis petit Parisiorum urbem; non illum marmoreæ moles, nec Regis magnificentia traxerat. Sinit Augustum recumbentem, purpureo bibere ore nectar, sola invitat orbis universi solemnitas; Athenæ Parisiorum, aliqua pars orbis, doctum eloquentes adit magistros, his ductus principibus, ignorantiam fugit, qui feliciter antè vitiorum evitaverat Acheronta. Ætate grandis incumbit inliteras, non falsi honoris splendore objecto, qui boni ingenii sui aciem perfringeret, sed scientiarum studio, quibus ut alios excoleret, se ipsum primùm excultum cupiebat. Invidit daemon Ignatio, aggredientem perdere voluit, sed ipse redegit in veros timores fatale monstrum; præfagiit nimirum virtutis & fidei hostis contaminatus, magnum comportari fortitudinis irrepertæ aggerem, suis exitium viribus. Ut Socios ad Deum convertit? Ut Jesum faventem Romæ habuit? Ut paupertatem adamavit? Ut Summo Pontifici obedientiam reddidit? Ut se suaque omnia contempsit? Ut minimam, quam ipse vocabat, Societatem ad virtutem promovit? Ut Romæ singularem charitatem exercuit? Ut per suos hæresim toto orbe debellavit? Ut sanctè & religiosè obiit? Testata miraculis viri sanctitas: **Beatum Pontifex appellavit.** Quis memoriam ejus? Quis honorem meritò impugnet? Fruere Christo, Beatissime Pater, & tuæ Societati provide, cujus redintegrationem cupimus, primos mores desideramus, ne diutius præter religiosam mentem tuam, tua instituta secus interpretentur, ac servant.

III. *Præsentem Societatem à prima sua institutione in  
aliam declinasse.*

**R** Espublica Romana , à Consulibus ad Decemviros ,  
rursum à Decemviris ad Consules rediit ; ab u-  
no Dynasta , Athenienses excusserunt jugum , ut sibi  
fui rursus præssent. Hunc recursum præsens Societas  
Jesuitarum exquirat , quo usque (inclamant Patres)  
exulem patiemur sacram Themidem ? Quousque à no-  
bis peregrinabitur prima Societas ? Verine sumus an  
afficti Jesuitæ ? Si veri , cur primis dissimiles sumus ?  
Una erat prima Societas , unis votis , una solemnitate ,  
una professione , nunc duplex : illi profitentur se pro-  
fessos , & eminent ; isti diffitentur , & subjacent : illi  
solennes sunt religiosi , isti simplices. Duces sunt illi ,  
& regunt : Coadjutores sunt isti , & serviunt : illi co-  
luntur ut domini , isti despiciuntur ut subditi ; habentur  
illi , in Collegiis , ut Senatores , isti ut Plebei ; illis  
obligatur , ac debet se ipsam Societas , isti se ipsos So-  
cietati obligant , nec tamen illis obligatur Societas , ni-  
hil promittit : suaviter illi monentur ut Socii , si quid  
peccent , severè dimittuntur isti ut ascripti clientes , si  
quid oberrent : splendide illi in congregationibus vi-  
vunt , & lautis excipiuntur mensis , parcè isti , in col-  
legiis , & communibus pascuntur cibis : commoda fe-  
runt illi viatica , dum peregrinè mittuntur , equis & rhe-  
dis feruntur , isti subsidaria pecuniola , & ære leves ,  
ire jubentur , sarcinulis onusti , & pedes itinera car-  
punt : si quid facile ac molle est , hoc illis molitur , ac  
mollitur ; istis , si quid durum ac difficile cudendum  
ac tundendum , imponitur. Ubi prima Societas ! In qua  
eodem omnes Religionis gradu ac voto , Professi , mi-  
rifica ac singulari charitate intenti , tunc se beatos pu-  
tabant , cum suis fratribus pauperiores ac dejectiores  
essent , cum durioribus clavis in cruce confixi , cum si-  
tim , frigus , incediam , nuditatem , ad fratres redimen-  
dos perferrent ? Abiistis in ecclum Ignatii , Xaverii , qui  
vestris corporibus infensi , aspera quæque patiebamini  
ut

ut fratribus vestris commodè esset. Aliis præcipiebatis temperata, ac non difficilia, vobis importuna, ac vix ferenda tenebatis; nusquam hilares, nusquam contenti, nisi in laboribus suprà modum, semper orantes, semper attentì, ne vestri fratres suprà modum urgerentur. Quis nunc in Societate tutus, si Superiorem adversum habuerit? Quis tranquillè degere potest, si tempestates excitet Rector? Quis rectà ire, si cornu ferit? Non habet collegam Superior, abrogata est collateralis potestas, quæ favientem poterat coercere, suffragiis vis omnis adempta, omnis potestas in Dynastia Superiorum includitur, nihil consultores ratum faciunt, verbo ac mente Superioris stant & cadunt omnia. Si vaser sit Superior, quem non deludet? Si præceps, quem non offendet? Si tectus, cui non cavendus? Si levis, quem non avertet? Nullus excandescat, nemini convivium facio, justis ac bonis sua sit laus, virtutem amplector & suspicio, vitiis securim injicio. Quis Superiores aliquos nesciat hac summa potestate abuti posse? Cur tot querelæ emergent? Cur tot supplices libelli? Cur tam crebræ vituperationes? Cur tam multi istorum hominum, frementibus iris, è Societate abacti? Quos tamen omnes Ordines amant, & optimi quique in cælum laudibus vehunt. Cur tot accusationes, si non jam aliqui rei tenerentur, si modestiæ fines nulli transfiliissent? Quid audentes facit? Impunitas, Quid præpotentes? Dictatura. Quid securos? Cæterorum infirmitas. Quid fortes? Imperium. Quid inclementes? Pertinacia. Quid imperterritos? Enervata suffragia. Nihil in prima Societate simile visum est, cum suffragiis cohiberentur Superiores, nihil incompositum, aut iniquum Patres animadverterunt. Si quid immineret periculi, conspirantibus animis è vestigio propellebant. Si quem vexatum conspicerent, non sinebant extremà pati, creptum molestiis, paci restituebant suæ, & religioni servabant, æquâ justitiæ lance ponderabantur omnia, nulli, si non propria stultitia procrearet, malum accèrsebatur. Hæc inter privatos parietes. Quid si externa referam? Si

aufim compellare Xaverium , ut sanctitate sua pudorem injiciat ? Nihil de paupertate , nihil de laboribus , nihil de mansuetudine , nihil de religioso in socios amore , nihil de visceribus charitatis , quæ omnis in illo commendatissima fuerunt. Sed audiant quis erga Episcopos fuerit , nonne ut subditus obsequeretur ? Nonne prehensabat genua ? Nonne singulari cum modestia , facultatem poscebat prædicandi verbum Dei ? Nonne sociis hoc præscribebat , ut Episcoporum dicto audientes essent , ut nihil nisi probantibus ac benedicientibus illis aggrederentur , cum omni hominum genere simplices ac sinceri viverent ? Summos & imos , æquè tenues , divites , nobiles , ac ignobiles , pari charitatis lege , ad viam salutis , ad regnum Dei adhortarentur ? Nunc verò quis Episcopis honor redditur à Jesuitis ? Urgent summum Pontificem , ut ab eorum ditione vindicentur , jura nova extorquent , quibus ajunt , se sine Episcoporum approbatione ac benedictione conscendere pulpita , conciones habere , suscipere poenitentes ad absolutionem peccatorum , ampla cum legatione , ac potestate , solvenda ab Episcopis crimina dissolvunt. Pontificium exercent poenitentiae tribunal. Clemens VIII. providentissimus Pontifex , hoc satis intellexit , cum Societati prohibuit in Italia , ut ne ulli ex Sociis Confessiones exciperent , sine suorum Episcoporum facultate , nulli de calibus ab Episcopo reservatis absolverent , nulli per Episcopum excommunicatos , Ecclesiae communioni redderent : Privilegia vel revocavit , vel diminuit. Quomodo subsunt Episcopis , quos ut Patres ac judices suos recusant ? Quibus occludunt januas , si mores explorare , si domesticæ disciplinae ordinem introspicere , si monere velint , si commendare , si ad suam ædem pro majori cultu divini numinis advocent , si uti illis ad divina ministeria cogitent. Novit illustris admodum ac reverendus Episcopus Carpentoratensis , Caponius Florentinus , quoties appellaverit suos Jesuitas , ut cum novos Sacerdotes consecraret , aut solemnioribus festis sacrum faceret , sibi præsentem habitu clericali assisterent , quoties id



id se non posse objecerint, petenti nuntium remiserint.

Sicut prima Societas unam charitatem, unam professionem, unam vitæ sanctitatem, ita unam Ecclesiæ sanctæ consuetudinem, unam Episcoporum observantiam, unam cum omnibus religiosis unitatem, ac conjunctionem, jus unum Religionis amplectebatur? Quis non clamet Jesuitis? Induimini Christum, sicut induerunt Patres vestri, vivite recti ac boni, eundem resumite spiritum. Concionamini, gratissimum est, quis non vos amet? Consolamini poenitentes, quis non laudet? Adolescentes instituitis? Sanctè & egregiè factum! Hæreticos confunditis? Pergite, vincetis. Deus pugabit prælia vestra. Sed quis domesticæ vestræ ambitionis consilia probet, quam ut fulciretis, Coadjutorum Sacerdotum gradum, præter Ignatii mentem, composuistis, quos vestræ Societatis levis armaturæ milites, & quasi velites, faciliè sacramento exolvendos de industria facitis, ut per illorum tenuitatem, abjectionem, conditionem, denique instabilem professionem erigatis? Cur vestram Societatem comminuitis? Cur tot indoctis, & imperitis obscuram redditis? Cur Ecclesiæ Dei, hujusmodi religiosos paratis, quos vestræ professionis indignos judicatis? Cur non omnes vestros Sacerdotes, ut potestis, ut commodissimum ac facillimum vobis est, ad unam professionem, iisdem armis, eadem virtute, eadem scientiæ via instituitis? adornatis? Cur Pii V. de hac re decretum extinxistis? Cur primorum Patrum vestrorum exemplum contemnitis? Qui ut omnium animos religioni connecterent, eadem studia, eadem amoris ac professionis vincula proponebant, qui nullum ferre poterant, quem non idoneum, ac factum, ad hanc unam votorum solennitatem comprobassent. Hinc ardor omnium communis, unum opus, una contentio, ut Christo frugem aliquam facerent, ut Ecclesiæ non infructuosè operarentur. Nemo se ipsum, nemo professionem illam vestram, dissimulatione, contentionem, & mirificis illis artibus venabatur. Non hoc erat adhuc territamentum, pro integræ virtutis & eruditionis religiosi,

ligiosi, non justè à superioribus dejiciuntur, si qui miserabile persuaferit invidia, vel impos mentis, alicujus exarserit impotentia. Quid tam invisum in prima Societate, quàm supremus iste paucorum dominatus? Qui ad dignitates provecti, cum ex voluntatis suæ ductu omnia meditentur, & faciant, eos tantum promovent, qui ad ipsorum mores sese totos componunt, qui ne transversum quidem unguem à nutu discedere, qui placere, qui capiti pulvinum subjicere, qui cubicula quasi beatas sedes invadere, qui omnia clientium officia noverrint exhibere? Quid minus religiosum, quàm velle coli? Quid tam factum ad factum, quàm encomia, acroamata libenter audire? Sui observantes extollere? Honores honoribus remuneraret? Odia malefactoris explere? Ultione delectari? Quid aliud videre licet in aula principum? Quas alias artes didicerunt ii, de quibus Christus ait, qui in domibus regum sunt? Resumite suffragia, unus regat Senatus religiosus, non unus, sed unitas patrum, non una sed unanimis voluntas: plus vident oculi, quàm oculus, plures manus fortiores: spiritualis ista tam absoluta potestas, in sola Sede Apostolica & Ecclesia à Deo constituta est. Nihil moveret Rector, nihil tentaret ab æquitate dissentaneum, nihil quod grave esset, Sociis imponeret, si Sociorum expectarentur suffragia. Si Superiorum electio ab his votis penderet, frigerent aulicæ illæ affectationes, contemnerentur inania illa obsequia, astus omnis & industria, vilibus tantum animis insisterent. Multi ex fortunatis illis Superioribus, quos potentiorum favor unus erexit, quos artes suæ ad celsos gradus extulerunt, jacerent in pulvere, imis subselliis subsiderent, vix aditum ad infima munia reperirent. Suas illi decoquerent iras, non impellerent tam crebris molestiis obfistentes adversus cupiditates suas religiosos, continerent se, ne Patrum suffragiis fracti, poenas in propria capira contorquerent. Quod bonum orbi! Nonne illucebit pulcherrimus ille dies quo renascentem primam Societatem intueri licebit! Quo Patres antiquiores sibi reddi præteritos annos gratulabuntur! Decernat Pontifex, procurent Episcopi, suis in regnis imperent Reges, Respu-

bliæ

blicæ statuant, inferatur Societati primus Societatis spiritus: firmitas religionis reddatur; solenni professione: modestia; suffragiorum autoritate: iustitia, plurium & optimatum gubernatione: charitas, una votorum, studiorum, ac consiliorum communicatione. Non est antiquanda Societas, sed renovanda, non fulmine percutienda, sed sua luce illustranda. Quis obductam caligine hanc lucem velit? Quis obtectum & oppressum amplissimum ordinem? Nullus condemnet Theophilum; si hoc peroptet, vel divum Bernardum infectetur, qui suæ familiæ religiosos, & externos, Epistolis, & adhortationibus severa reprehensione plenis commonefacit. D. Bernardum dilaceret ille, qui summo Pontifici Eugenio non parcit, qui vitia aperit, ut avellantur, pericula designat, ut evitentur; nec tamen existimavit se ulla infamia, vel suos religiosos, vel curiam Romanam aspergere: divum Gregorium Nazianzenum discerpit ille qui Episcopos ferme religiosos omnes, & ex cœnobiis ad Episcopatus abstractos, justissimis aculeis punit, ut sentiant: armata oratione, huc illuc versat, ut ad se redeant, ut perversis moribus renuntient. Ne dentem infigas, quisquis eris in Palamedem Ulysses. Certè si verus Jesuita, si Loyolæus, vera, sana, atque utilia præponenti, nunquam succensebis, nec alios, quàm dissimiles Beatis Ignatio & Xaverio, vita, ac moribus homines, verberari censebis.

IV. *Præsentis Ordinis Jesuitarum Gradus & Jura, & ejusdem ad primum institutum reformatio ac reductio petitur.*

**N**on omnes eodem jure potiuntur, qui in hac Societate sunt, non eodem titulo Religiosi. Alii Scholastici, alii Sacerdotes Coadjutores spirituales nuncupari, alii Coadjutores Laici. Alii Professi sunt. Hæc est Scholasticorum fors. Post duos novitiatus annos, tribus, paupertatis, castitatis, & obedientiæ votis obstringuntur, quæ simplicia secundum Societatis constitutiones emittuntur: hæc vota devinctos tenent, quamdiu

diu Societati placet. Scholasticos suos Societas, si velit, dimittet, & non ob grandes causas. Quartum insuper addit votum Scholasticus, nempe se ingressurum in Societatem; esto enim, per biennium, in novitiatu fuerit, nondum tamen de Societate est, in quam se pollicetur ingressurum. Quamvis parentibus valedixerit, Clericali Jesuitarum habitu vestitus, inter ipsos degat, studeat, doceat, concionetur, nondum tamen ingressus est Societatem, cui se mancipavit, & in quam admissum se iri sperat. Nihil enim illi aliud præter spem: fiducia ac securitas nulla, si recuset Societas. Ad nutum, Scholastici obedire debent, non utuntur quidem bonis suis, suaque re paterna, domini tamen sunt patrimonii sui, & jus in illud integrum retinent, (adhuc enim periculosum cursum, studiorum tenent) in quo si quid adversum incidat, repelli possunt à Societate, & ad suos dimitti. Probantur in hoc gradu diutissimè: & ad arbitrium Superioris, vel erigantur, vel jacent: non est Sacerdotium, hujus exercitationis meta, sed probationis indicium: quidquid laboret, valeatve Scholasticus, nullum suffragii jus habet, nisi Rector sit constitutus, sive literas humaniores, sive Philosophiam, siye Theologiam docuerit, egens, & nulla impensi laboris habira ratione amandari potest. De illo gradu tenetur ad alium progredi, si cum Generalis admittere velit. Toto quo sunt Scholastici tempore, non debent se Societatis Patres, sed Societati devotos, atque obligatos profiteri, vicesimum tricesimumve numerent licet à prima admissione vertentem annum, adhuc quasi in prætexta sunt, & facta per Superiores dimissione, sæculares esse possunt. Ne miremur deinceps tam multorum è Societate exitum: hac enim lege admittuntur, ut à Societate dimitti possint, & ad sæcularem vitam reduci, sive inviti, sive volentes: nec curæ est Societati, quid inde conquestionis succlaudent familiæ, nec interest, quod inde in multos gravis offensio incurrat. Sic enim præest Societas suis, sicut clientibus domini, quos, cum videtur, à se repellunt: ita suos tum Scholasticos, tum Coadjutores, So-

cic-

cietas rejcit. Ubi satis emeriti sunt ; & laboribus fracti Scholastici, vel fiunt Coadjutores spirituales, vel Professi.

Ecce tibi, Coadjutoris spiritualis jura : Coadjutor spiritualis declaratur non aptus, & inhabilis ad Generalis & Provincialis dignitatem, nulli congregationi, nisi alio titulo interesse potest. Tria vovet, paupertatis, castitatis, & obedientiæ vota simplicia, quibus Societati se totum tradit, non tamen paciscitur cum illo Societas quidquam, sed jus integrum sibi reservat, sicut in Scholasticorum votis, ut si ipsa velit, absolvere possit à votis, & ad sæcularem statum remittere: ne obolum quidem pro remuneratione operæ impensæ, aut pro alimentis, dimissis sacerdotibus tenetur subministrare: statutum est enim Sacerdotes hujusmodi institutos esse, ad titulum paupertatis, non professæ quidem, neque stabilis, sed quam scilicet servare cogentur, & servant, si dimissis, nihil patrimonii, vel subsidii, vel aliunde suppetat: si divites fundos habeant, & æs aliquod, à paupertate exempti sunt. Novæ & insolitæ, in sacerdotum ordinatione, non ab Episcopis, non à Conciliis, aut Pontificibus, receptus paupertatis titulus. Sic igitur Coadjutor spiritualis: cui dulce sit oportet, aliorum servire voluntati, & omnia perferre: ne si jus suum prosequatur, vel extra Societatem abire compellatur, vel se in difficile, ac fastidiosum implicatissimum vitæ genus demergat. Hic Sacerdos Societatis Coadjutor, non est religionis Socius, nisi ascititius, (si à Julio summo Pontifice exscripta discrimina retinenda sunt.)

Ultimò, Professi creantur, qui solemnia non simplicia (debet hoc animadversum esse maximum discrimen legenti) paupertatis, castitatis, & obedientiæ vota emittunt: tum quartum addunt obedientiæ præstandæ summo Pontifici, ad missiones. Hi Professi, Societati sese obligant, & quia solemnibus votis, & non simplicibus sese obligant, hæc vicissim vota recipit Societas, & contractu mutuo, sese Professis suis obstringit. Non possunt illi ad sæcularem vitam re-

mitti: firmo & constanti sunt in statu: nec nisi ex privilegio Gregorii XIII. in alium Ordinem religiosum à Generali, summa cum difficultate, aut certè volentes expelli possunt. Societatem illi administrant: soli Generalis ac Provincialis munus obeunt. Jus habent suffragii ferendi, tum in Generali, tum in Provinciali congregatione. Sunt & alii Professi, quos trium votorum appellant, securi quidem sui status, & à dimissione exempti, sed suffragiorum inanes, & à primis dignitatibus exclusi.

Hæc convictus ratio. Scholasticis, & Sacerdotibus Coadjutoribus protrita, ac vilia quæque servantur, Professis præstantiora ac selectiora: Professis redduntur obsequia, aliis mandantur imperia: Professis, qui ex instituto pauperiores, & dejectiores esse deberent, lucidiora & sublimiora conceduntur, aliis, quibus obligatio minor, nec tam multa vota, graviora onera, molestiores curæ, & obscuræ, imperantur.

Non sic factum in prima Societate: quam restituendam assero, in qua ut Ribadeneira refert in vita Ignatii lib. 2. c. 13. & professio una sancita est, & suffragiorum vigeat autoritas, & duobus tantum gradibus, Scholasticorum ac Professorum, tota Societas comprehendebatur. Scholastici ut tyrones, toto studiorum tempore probari debebant: Societatis tantum alumni & candidati habebantur: Professi ut probati, pari lege, & eadem conditione, cum cæteris Ordinibus religiosis, Ordini suo vacabant, ac divino cultui in perpetuum infervibant. Nulla de Coadjutorum sacerdotum instabili forte præscriptio, & nullus de illorum ascriptitia, & rejectitia conditione sermo: quæ Episcopis gravis, familiis dura ac non ferenda: ipsi Societati, quæ tam multis imperitis, & rudibus sua professione indignis impletur, nec utilis, nec necessaria est. Inseram hic authenticum Primæ Societatis Jesu institutum, ipso decem Primorum Patrum stylo expressum, & Paulo III. Summo Pontifici anno 1540. propositum.

P A U L I III.  
PRIMA PRIMI INSTITUTI  
SOCIETATIS JESU  
A P P R O B A T I O

Cum restrictione numeri ad personas sexaginta dumtaxat.

A N N O M. D. XL.

**P**AULUS EPISCOPUS servus servorum Dei, ad perpetuam rei memoriam. Regimini Militantis Ecclesiae, meritis licet imparibus, disponente Domino praesidentes, & animarum salutem, prout ex debito pastoralis & officii tenemur, sollicitis studiis exquirentes, fideles quoslibet, qui vota sua in id exponunt, Apostolici favoris gratia confovemus, aliasque desuper disponimus, prout temporum & locorum qualitate pensata, id in Domino conspiciamus salubriter expedire. Nuper siquidem accepimus, quoddam dilecti filii, Ignatius de Loyola, & Petrus Faber, ac Jacobus Laynez, necnon Claudius Jajus, & Pascasius Broet, ac Franciscus Xavier, necnon Alfonsus Salmeron, & Simon Rodericus, ac Joannes Coduri, & Nicolaus de Bobadilla, presbyteri Pampilonen. Gebennen. Seguntin. Toletan. Visen. Ebredunen. & Palentin. civitatum, & dioec. respectivè, in artibus Magistri, in Universitate Parisiensi graduati, & in theologicis studiis per plures annos exercitati, Spiritu sancto, ut pie creditur, afflati, jamdudum è diversis mundi regionibus discedentes, in unum convenerunt & Socii effecti, abdicatis hujus seculi illecebris, eorum vitam perpetuo Domini nostri Jesu Christi, atque nostro & aliorum successorum nostrorum Romanorum Pontificum servitio dedicarunt, & jam quam

pluribus annis laudabiliter in Vinca Domini se exercuerunt, verbum Dei prævia sufficienti licentia publicè prædicando, fideles privatim ad benè beatèque vivendum exhortando, & ad pias meditationes excitando, hospitalibus inserviando, pueros, & personas rudes ea, quæ ad Christianam hominis institutionem sunt necessaria docendo, & demum omnia caritatis officia, & quæ ad animarum consolationem faciunt ubique terrarum, ubi peregrinati sunt, multa cum laude obeundo. Cùmque ad hanc almam urbem se contulerint, & in caritatis vinculo persistentes ad perficiendam, & conservandam eorum Societatis in Christo unionem, quandam vivendi formulam; juxta ea, quæ ad propositum sibi finem conducere usu didicerunt; evangelicis consiliis, & canonicis Patrum sanctionibus conformem ediderint, factum est, ut ipsorum Sociorum vitæ institutum, sub dicta formula comprehensum, non solum à multis probis viris, & Deum zelantibus laudetur, verum etiam à quibusdam ita approbetur, ut illud etiam sequi velint. Formulæ autem prædictæ tenor sequitur, & est talis. Quicumque in Societate nostra, quam Jesu nomine insigniri cupimus, vult sub crucis vexillo Deo militare, & soli Domino, atque Romano Pontifici ejus in terris Vicario servire, post solemne perpetuæ castitatis votum, proponat sibi in animo, se partem esse Societatis, ad hoc potissimum institutæ, ut ad profectum animarum in vita, & doctrina Christiana, ad fidei propagationem per publicas predicationes, & verbi Dei ministerium, spiritualia exercitia, & caritatis opera, & nominatim per puerorum, ac rudium in Christianismo institutionem; ac Christi fidelium, in confessionibus audiendis, spiritualem consolationem præcipuè intendat, curetque primò Deum, deinde hujus sui instituti rationem, quæ via quædam est ad illum, semper ante oculos habere, & finem hunc sibi à Deo propositum totis viribus assequi, unusquisque tamen secundum gratiam sibi à Spiritu sancto subministratam, & vocationis suæ proprium gradum, ne quis fortè zelo uratur, sed non secundum scientiam. Cujus proprii cujusque gradus judicium



dicium, & officiorum discretio, ac distributio tota sit in manu Præpositi seu Prælati, per nos eligendi, ut congruus ordo servetur, in omni benè instituta communitate necessarius. Qui quidem Præpositus de consilio consociorum, Constitutiones ad constructionem hujus propositi nobis finis conducentem in consilio condendi auctoritatem habeat, majori suffragiorum parte semper statuendi jus habente. Concilium verò intelligatur esse, in rebus quidem gravioribus, ac perpetuis, major pars totius Societatis, quæ à Præposito commodè convocari poterit: in levioribus autem, & temporaneis, omnes illi quos in loco, ubi Præpositus noster residebit, præsentem esse contigerit. Jubendi autem jus totum penes Præpositum erit. Sciant omnes Socii, & non solum in primis professionis suæ foribus, sed quoad vixerint, quotidie animo volvant, Societatem hanc universam, & singulos sub sanctissimi Domini nostri Papæ, & aliorum Romanorum Pontificum successorum ejus fideli obedientia Deo militare. Et quamvis Evangelio doceamur, & fide orthodoxa cognoscamus, ac firmiter profiteamur, omnes Christi fideles Romano Pontifici, tanquam capiti ac Jesu Christi Vicario subesse; ad majorem tamen nostræ Societatis humilitatem, ac perfectam uniuscujusque mortificationem summo opere conducere judicavimus, singulos nos, ultra illud commune vinculum, speciali voto astringi, ita ut quidquid modernus, & alii Romani Pontifices, pro tempore existentes jusserint, ad profectum animarum, & fidei propagationem pertinens, & ad quasunque Provincias nos mittere voluerit, sine ulla tergiversatione, aut excusatione, illico, quantum in nobis fuerit, exequi teneamur, sive miserit nos ad Turcas, sive ad quoscunque alios infideles, etiam in partibus, quas Indias vocant, existentes: sive ad quoscunque hæreticos, seu schismaticos, seu etiam ad quosvis fideles. Quamobrem qui ad nos accessuri sunt, & antequam huic oneri humeros supponant, diu, multumque meditentur, an tantum pecuniæ spiritualis in bonis habeant, ut turrim hanc juxta consilium Dominicum possint consummare: hoc est, an Spiritus

sanctus, qui illos impellit, tantum illis gratiæ polliceatur, ut hujus vocationis pondus, illo adjuvante, se laturos sperent: & postquam Domino inspirante, huic Jesu Christi militiæ nomen dederint, die noctuque succincti lumbos, & ad tam grandis debiti solutionem prompti esse debebunt. Ne qua autem possint esse inter nos missionum, ac provinciarum hujuscemodi, aut ambitio vel detractatio, profiteantur singuli, se nunquam directè, aut indirectè, de hujusmodi missionibus quidquam cum Romano Pontifice curaturos: sed omnem hanc curam Deo, & ipsi Pontifici tanquam ejus vicario, & Societatis Præposito dimissuros. Qui quidem Præpositus, sicut cæteri, etiam profiteatur, se nihil de suimet ipsius missione in alterutram partem, nisi de Societatis consilio, cum dicto Pontifice esse curaturum. Voveant singuli se in omnibus, quæ ad Regulæ hujus nostræ observationem faciunt, obediens fore Societatis Præposito. Ille autem jubeat ea, quæ ad constructionem propositi sibi à Deo, & à Societate finis cognoverit esse opportuna. In prælatione autem sua benignitatis ac mansuetudinis, caritatisque Christi, Petri Paulique formulæ semper sit memor: & tam ipse, quam Consilium ad normam hanc assidue spectent, & nominatim commendatam habeant institutionem puerorum, ac rudium in Christiana doctrina decem præceptorum, atque aliorum similium rudimentorum, quæcunque secundum circumstantias personarum, locorum, ac temporum, illis congrua videbuntur. Est enim maximè necessarium, circa providentiam hujus rei diligenter Præpositum, & Consilium invigilare, cum & in proximis ædificium fidei sine fundamento non possit consurgere, & in nostris periculum sit, ne, ut quisque erit doctior, ita provinciam hanc, tanquam primo aspectu minus speciosam, forsitan detractare conetur: cum tamen revera nulla sit fructuosior, vel proximis ad ædificationem, vel nostris ad caritatis & humilitatis simul officia exercenda. Subditi verò tum propter ingentes ordinis utilitates tum propter nunquam satis laudatam humilitatis assiduum exercitium, Præposito in omnibus ad institutum Societatis

tatis pertinentibus parere semper teneantur, & in illo Christum, veluti præsentem, agnoscant, & quantum decet, venerentur. Cum autem experti fuerimus jucundiores, puriores, & ad proximi ædificationem aptiores esse vitam ab omni avaritiæ contagione quam remotissimam, & evangelicæ paupertati quam simillimam, eumque sciamus Dominum nostrum Jesum Christum servis suis regnum Dei solum inquirentibus necessaria ad victum & vestitum esse subministraturum, voveant singuli & universi perpetuam paupertatem, declarantes, quod non solum privatim, sed neque etiam communiter possint pro Societatis sustentatione, aut usu, ad bona aliqua stabilia, aut ad proventus, seu introitus aliquos, jus aliquod civile acquirere: sed sint contenti usum tantum rerum sibi donatum ad necessaria sibi comparanda recipere. Possint tamen habere in universitatibus Collegium, seu Collegia habentia redditus, census seu possessiones, usibus, & necessariis studentium applicandas; retenta penes Præpositum, & Societatem omnimoda gubernatione, seu superintendencia super dicta Collegia, & prædictos studentes, quoad gubernatoris, seu gubernatorum, ac studentium electionem, ac eorundem admissionem, emissionem, receptionem, exclusionem, statutorum ordinationem, circa studentium instructionem, eruditionem, ædificationem, ac correctionem: victus, vestitusque eis ministrandi modum atque aliam omnimodam gubernationem, regimen, ac curam; sic tamen, ut neque studentes dictis bonis abuti, neque Societas in proprios usus convertere possit, sed studentium necessitati subvenire. Qui quidem post cognitum in spiritu, & litteris eorum profectum, & post sufficientem probationem, in Societatem nostram admitti possint, Socii omnes quicunque in sacris fuerint, quamvis beneficia Ecclesiastica, aut eorum redditus non habeant, teneantur tamen singuli privatim, ac particulariter, & non communiter, ad dicendum officium secundum Ecclesiæ ritum. Hæc sunt, quæ sub præfati Domini nostri Pauli, & Sedis Apostolicæ beneplacito, de nostra professione, typo quodam explicare

potuimus. Quod nunc fecimus, ut summatim descriptione hac informaremus, tum illos, qui nos de nostro vitæ instituto interrogant, tum etiam posteros nostros, si quos, Deo volente, imitatores unquam habebimus hujus vitæ, quam cum multis magnasque habere annexas difficultates fuerimus experti, opportunum judicavimus etiam statuere: ne quis in hac Societate recipiatur: nisi diu ac diligentissimè fuerit probatus: cumque prudens in Christo, & vera doctrina, seu vitæ Christianæ puritate apparuerit conspicuus, tunc demum admitatur ad Jesu Christi militiam, qui tenuibus cœptis nostris favere dignetur ad gloriam Dei Patris, cui soli sit semper decus, & honor in secula, Amen. Cùm autem nil in præmissis reperiatur, quod pium non sit, aut sanctum, Nos, ut iidem Socii, qui nobis super hoc humillimè supplicari fecerunt, in eorum piè vivendi proposito, eo promptiores existant, quo se majori sedis Apostolicæ gratia complecti cognorint, & præmissa per nos approbari viderint, præmissa omnia, & singula tanquam ad spirituales profectum eorundem Sociorum, & reliqui Christiani gregis opportuna, Apostolica auctoritate, tenore præsentium ex certa scientia approbamus, confirmamus & benedicimus: ac perpetuæ firmitatis munimine roboramus, ipsosque socios sub nostra, & hujus sanctæ sedis Apostolicæ protectione suscipimus: Eis nihilominus concedentes, quod particulares inter eos Constitutiones, quas ad Societatis hujusmodi finem, & Jesu Christi Domini nostri gloriam ac proximi utilitatem conformes esse judicaverint, concedere liberè, & licitè valeant. Non obstantibus generalis Concilii, & felicitis recordationis Grégorii Papæ X. prædecessoris nostri, ac quibuscumque aliis constitutionibus, & ordinationibus Apostolicis, cæterisque contrariis quibuscunque. Volumus autem quòd in Societate hujusmodi, usque ad numerum sexaginta personarum, Normulam vivendi hujusmodi profiteri cupientium, & non ultra admitti, & Societati præfata aggregari duntaxat valeant. NULLI ergo omnino hominum liceat hanc paginam nostræ approbationis, confirmationis, benedictionis,

nis, roborationis, susceptionis, concessionis & voluntatis infringere, vel ei ausu temerario contraire. Si quis autem hoc attentare præsumpserit, indignationem omnipotentis Dei, ac beatorum Petri & Pauli Apostolorum ejus senoverit incursum. Datum Romæ apud sanctum Marcum, Anno Incarnationis Dominicæ M. D. XL. Quinto Kal. Octob. Pontificatus nostri Anno sexto. BIo.

**A** Nimadvertere licet in his principiis, quam sincere fuerint decem primi illi Patres, qui suis professis Christum unum, & paupertatem ejus, ut certum vitæ religiosæ signum tradiderunt. Hinc gubernationem antiquam & optimam commendari vides, qua de majoris partis sententia definiri, ac fulciri omni debebant. Jus religionis unum, solenni Professione sacrum, probationem Scholasticorum egregiam: quid diu in collegiis, pietate & literis exercebantur, donec eum doctrinæ, ac præsertim austæræ & pauperis vitæ spiritum concepissent, ut solo Christo contenti, sine pecuniis, sine viatico, quæcumque itinera, etiam ad infensas Christo, infestasque provincias capefferent, nullos redditus, nullum æs annuum possiderent, ut sic expediti, atque omni mundi sarcina spoliati, quò mundo abjectiores, ita Christo chariores viverent. Nihil in hoc instituto, de amplissimis fundis, quibus nunc commodissimè & lautissimè Professi in Collegiis utuntur, & summo jure potiuntur. Nihil de illo excelso principatu Monarchiæ, tum Generalis, tum aliorum Superiorum Societatis: multum, de rudibus doctrinæ Christiana imbuendis mandatum, quod in speciem tantum ac raptim professi faciunt, quibus præsentì corruptela, hoc præsertim infixum, ut de sublimi loco dicere, & in nobiliori circulo versari possint. Absens Primorum Patrum Societatis Jesu paupertas reponenda est, & despicientia rerum hujus sæculi non ultra despicienda, sed recipienda: simplex, & novis artibus minime versatilis vita repetenda.

*Prima Societatis laus in muneribus obeundis.*

**N**ihil antiquius erat Beato Xaverio, nihil sociis, quam veras sibi divitias comparare, quæ non ex hominum supellectile, sed ex apothecis divinis depromuntur. Sciebant Deo consecratæ animæ, affluere & non effluere dona Dei iis qui diligunt eum. Perenne nimirum est donum ac fixum, quod divina largitur manus. Satagebant magno cum fervore, Deo repenti, data omnia repræsentare. Si quis Philosophus, sapientiæ studio adolescentes instruebat: si quis Theologus, effata doctrinæ divinæ non celabat: si quis meditatione & oratione excelleret, condoceratos ad Deum discipulos rapiebat: studium erat, nil conscire sibi, nulla pallescere culpa. Socii alliciebant exemplo & simplici sermone, ad sacramentorum communicationem fideles: non eripiam illis hanc laudem: studuerunt sapientes illi primi religiosi, uni probatæ, ac receptæ veritati: non pugnæ verborum, non contentiones faciles, non exagitatæ opiniones audiebantur. Nondum erant apud illos nati illi homines, qui Philosophi, qui Theologi, qui eruditi videri & haberi malunt, quam esse. Nullum emittebant modesti verbum castigandum, Ecclesiæ sanctæ fidebant. Estote Episcopi, vos Patres Ecclesiæ, ne permittite, ut postera illa Societas in errorem incurrat. Sancitum quidem est Societatis tabulis, ne quis prælegere, vel docere audeat quidquam à melioribus doctoribus rejectum. Nolim ut incutiant Societati privata peccata pudorem: utinam ut ranæ Seriphix in fimo, aut Acanthiæ cicadæ in arbusculis, illi reticuisent, qui comminisci celeres, domesticæ virtutis officia pertimescunt, sententias adversus regum potestatem & vitam edisseruerunt, quas sanctissimus Paulus V. sua inussit nota. Utinam non haberet Gallia quod quereretur, utroque laudarent pollice Societatem omnes apprimè docti, qui cùm ipsum Generalem Societatis, si perverſe sit doctrinæ, præcipites tantùm & propriæ gloriæ

cupidos condemnarent. Cur non adhuc intra vestæ penetralia hic ignis? Quis hunc Erichthonium Vulcanus invita Minerva? Sed ne tu refundas in primum aut universum Ordinem hanc noxam. Non sic primi Patres, non sic quamplurimi in Societate præsentis; qui si prima institutio vigeret, & paucorum dominatio non impediret, libenter verè ac liberè loquerentur. Sed ad pietatem primorum Patrum redeo, ancipites interim, & noxias illas suas opiniones emendent. Non exhibant è collegiis, non è cubiculis, nisi charitas vocaret, non deerat illis domi Sparta, non in ædibus Eurotas, non labor obvius, plus vice simplici recusans: hic fracti mundi currus, hic victæ falsis axibus pendent rotæ: hic appensæ manubiæ, elisa vitiorum phalanx, clara de triumpho barbarico chlamys. Quid de sanctissimo otio dicam? in quo vel ascendebant ad Deum, vel ad seipsos descendebant, & in se sua despiciebant vitia, si quæ se in mentem trajecissent, erroris poenas dabant, inepta & religiosis disconvenientia rescindebant, sua & populi delicta jejuniis & severa corporis castigatione obliterabant, non fucum facere, non similitates fovere, non in astutas industrias incumbere noverant. Si quid Reges, si quid Respublicæ optarent, sensa animi & vota omnia aperiebant, non maledicentiæ, non iracundiæ, non invidiæ, ac periculosa æmulationi obnoxii, non aliis erant intertrimenti impediti, quibus præsens Societas expediri posset, si postliminiò redeuntem primum suum spiritum exciperet.

---

## THEOPHILUS SUMMO

Pontifici primæ Societatis Jesu statuta restauranda asserit.

**P**IMUM. Ut Annus sit omnibus Religiosa Perfectionis scopus; Professionem unam quatuor Votorum in Societate esse debere, ad quam omnes Scholastici Societatis admittendi sunt.

*Secundum.* Gradum Sacerdotum qui Coadjutores spiri-  
rituales nuncupantur, & remitti possint à Societate ad  
secularem Vitam, prima Societati incognitum fuisse, ac  
Vita religiosa inconstantiam inducere.

*Tertium.* Ne de Monarchia sua potestate, confisi supe-  
riores quidvis audeant, per Capitula, & Consilium, ex  
majori suffragiorum numero res omnes definiendas esse.

*Quartum.* Addendum esse Societati, ad maiorem  
Dei cultum, solennem Chorum, ex iussione Pii V. P.  
Francisco Borgia Generali, demandatum.

Sub hac institutione, probabunt omnes, quod Paulus  
III. fatetur, Hanc vivendi formulam EVANGELI-  
CIS CONSILIIS ET CANONICIS PATRUM  
SANCTIONIBUS ESSE CONFORMEM. In  
Bulla primæ approbationis Anno M. D. XL.

SANCTISSIMO D. N. D.  
PAULO V. Summo Ecclesiæ Dei  
Pontifici.

THEOPHILUS EUGENIUS.  
pro redintegratione Ordinis Jesuitarum.

**B**ENE, unus ex Christianissimis Galliæ Regibus, de  
sancti Ludovici femine & genere, factorum te-  
sumum Antistitem, & universæ Ecclesiæ patrem ap-  
pellavit. Non minus piè ac verè, serenissima illa An-  
giæ Regina, te Petri collegam, legatum Dei, judicem  
orbis Christiani salutavit. Excelsa tamen ista, & super  
omnes elata dignitas, omnibus te servis Christi, jure  
paternæ sollicitudinis & apostolicæ administrationis  
obligatum facit. Non adimit curas, sed adjicit Petri  
principatus. Quidam ex vatibus ait, Sapiens sapien-  
tiam profitetur ac proloquitur: verum ego in præ-  
stantius elogium, Summus Pontifex de summæ pote-  
statis solio veritatis oracula reddit: nulli justam opem

fla-



flagitanti denegat. Multorum ego nomine, tenuitatis licet meæ conicius, ad hanc sedem Themidis & justitiæ, ad hanc aram fiduciæ, ad hoc commune solatium bonorum omnium confugio. Non est nostræ causæ leve argumentum. Aggrediar illud, & proponam tibi. Maxime Pontifex, cum Religiosi ac viri graves quamplurimi pervelint expositum, & declaratum esse.

Societatem Jesu, Ordinem ab antecessoribus tuis approbatum, & auctum, periclitari dicimus, si non adliis: non hoc ab externo conflictu, sed ab intestinis malis creatur periculum. Periculosa sunt illa vulnera, quæ sub ossibus luridam cogunt saniem, nec ulla se aperiente cicatrice sub oculum veniunt: perniciosius & intimius ulcerant quod interior plaga.

Antiquum est Pontificibus Romanis favere Societati, Pius IV. majori præ cæteris amore prosequendos aiebat Societatis Jesu Religiosos, ob præstantiores ab ipsis Ecclesiæ Dei fructus allatos, Paulus III. pium & sanctum institutum vocavit, non patietur Sanctitas vestra deficere, & collabi fultam ac sublatam à Pontificibus Societatem.

Non est deliberatius ullum consilium, quam primæ Societatis constitutio: hoc est quod redintegrari cupiunt omnes Societatis Patres, qui primis primorum Patrum suorum vestigiis insistant. Convenerant Romanam Patres socii Beati Patris Ignatii anno 1538. Deum appellant, per tres menses effusa in preces mente, tum hæc decernunt: Societatem sub uno Generali perpetuo constituendam, emittendum votum expressum obedientiæ summo Pontifici, ut sacræ fidei causa parati sint Socii, ad nutum summi Pontificis, quasvis obire regiones, nullum abnuere pro animarum salute laborem. His qui profiterentur, imbuendos esse catechesi Christiana pueros, unam quatuor votorum Professionem, potestatem omnem in majori suffragiorum numero stabiliendam. Qui probarentur ad Societatem, Xenodochiis, piis itineribus, & secretis meditationibus exercendos. Tum exscripta est hæc formula, & summo Pontifici Paulo III. oblata. Probat institutum, non

plures tamen ad illud admittendos edicit, quàm sexaginta. Nondum Sacerdotum Coadjutorum est ulla mentio: tum permittente Paulo crescit Societas, admittuntur permulti ad professionem unam, nihil sanctius, nihil religiosius, mens omnibus una. Paulò post occurrit, Sacerdotes aliquos Coadjutores Professis jungendos esse, qui absolvi possent à votis, & à Societate repelli: difficile est hoc impetrare: non audit libenter Paulus III. tamen quinque annis circiter, ab institutione Societatis, anno videlicet 1546. concedit ut 20. duntaxat Sacerdotes Coadjutores ascribantur. Animadvertebat optimus Pontifex, religiosorum Ordinum aestimator & iudex æquissimus, disiectum iri Societatis spiritum, si votorum illa varietas passim liceret; latere sub illa novitate aliquid, quod postmodum experientia detexit. Stetit primum Societas, sine ulla Coadjutorum accessione, & suis incrementis latè provecta est, vigeat sine illo decreto, quod ut ipsorum lingua utar, essenziale postea visum est. Integra erat, nec tamen illa Coadjutorum ascititia supplementa noverat. Appendix iste Coadjutorum ad Societatem alligatus, Julio III. annuente persistit anno 1550. tum sub Pio V. anno 1570. & Gregorio XIII. 1584. constitutiones augentur, & illud præsertim de Coadjutoribus nova editione, & novo jure concessum est. Ut nova placent, & quæ ad dignitatem tuendam sunt accommodata, gratissimum est Professis super Coadjutores emanere, & ne molestum sit illis subesse, dulci diliniunt hanc conditionis abjectionem convictu ac familiaritate.

Professi Professi succedunt, Coadjutores Coadjutoribus, sed ubique datur progenies vitiosior; isti de iniqua sua sorte queruntur, illi de sua retinenda plus æquò sunt solliciti. Professi Coadjutores suos Sacerdotes ut clientes habere volunt. Coadjutores verò Professos ut fratres. Sed cum apud Professos sit omnis potestas, iidem evincunt facile, & sub jugum Coadjutores mittunt, relegant ad vilissima quæque, à gubernatione amoveant, in modum Plebejorum ac rejectorum hominum tractant, dimissionem comminantur, omni  
suf-

suffragiorum jure interdicunt. Coadjutores vociferantur non debere fratres dominari in clero, vim istam esse quæ diuturna esse non potest, primæ Societatis consuetudinem repetendam, una professione, æquali omnes firmitate, in uno ordine fulciendos, adolescentibus avellendum ambitionis aculeum, non decere ex Apostoli verbis dominationem in clero, proscribi oportere aliquorum decemviratus, qui strenuos, quos suis vitiis obflare viderunt, ad expulsionem dejiciunt. Ut paria sunt religionis onera, etsi dispares, pro diversis meritis, sint honores, vitæ tamen religiosæ statum, eadem Professione ac solennitate votorum, firmandum esse. Quid vetat, Beatissime Pontifex, jure Societatis antiquo, Societatis Sacerdotes ad unam professionem admitti? Quæ Societas in qua dissociantur vota? discrepant status? diversa est religio? Quomodo unus ordo, una religio, in qua alii perpetuo ac solemniter voto constant, alii non nisi ad voluntatem præfixo, & ad arbitrium aliorum persistunt? Quomodo non duplex religionis ordo, ubi duplex votorum conditio? Religiosi sunt Coadjutores, sed dimittendi ad seculum, si Societati videbitur. Religiosi sunt professi, sed à religione nunquam absolvendi. Secura in Professis vita, in Coadjutoribus anceps, & plena periculi: hinc ingemuit & indoluit aliquando Clemens VIII. Pontifex maximus, cum audivit eos qui ad Professionem Societatis provecti essent, non aliter efferri, quam si è Coadjutorum servitute erepti essent. Si una religio; cur non una religionis in omnes charitas? Cur alios ut filios adoptat, alios ut mancipēs & assecclas frænat?

Consules Ordini, Beatissime Pontifex, si jubeas, restaurato primo Societatis jure, Sacerdotes omnes Societatis ad professionem quatuor votorum admitti, nullum in Coadjutorem spiritalem cooptari, ut, ad unam pietatem & consentiens virtutis studium, animos omnium una professio accendat. Superstes florebit simplicitas, frigeſcet ambitio, tranquille tractabunt litterarum studia Scholastici Societatis, cum tranquillam sibi sperabunt ætatis cursum; non minùs virtuti quam do-

doctrinæ se dedent, valedicent versutiis; & superiorum benevolentiam, sinceritate, non prosecutione, sibi conciliabunt: non assuescent prehensionibus & blanditiis, quæ omnem prorsus religionis spiritum extinguunt: non adulationi servient: non illi observantiæ dabunt operam, qua Professionem potius quam pietatem colunt. Satis acres sunt ad litterarum studia stimuli, subeunda doctorum hominum judicia, excellentibus tantum ingeniis patens palestra honoris litterarii, laureæ, exedræ, & alia eruditionis ornamenta, Minervæ tholo suspensa, suum ad gloriam ignem satis suscitabunt. Virtutem vero advocabit, & religionem aspirabit Professio. Liberè & verè dicam, non ut Societati labem aspergam, aut ullius nomen proscissum velim, sed ut consulas Ordini, Maxime Pontifex, quem si non consentanei mores exceperint, in suum sponte exhibet exitium.

Duo sunt quæ vi aperta in hunc Ordinem sese ingerunt: Ambitionis ardor, fastus & astus, religiosæ simplicitatis fatum: quæ non sine acerbò luctu sentiunt inviti antiquiores & sinceriores Patres. Professorum potestas, immunitas, dignitas, ambitioni fomitem suggerit: Coadjutorum Patrum tenuitas, repulsâ, abjectio, Professorum fastui obstetricantur, astum in nefastam simplicitatis lumini lucem educunt. Professi Patres regunt ad arbitrium; hinc oboriuntur officinæ: ceteros attollunt, vel deprimunt, ut collibitum fuerit: audax penes illos fandi succlamandique libertas, suppetit illis accurata rerum omnium provisio, erunt & redeunt itinera, equo, pecunia & multo apparatu communiti. Si quid peccant, per medias telas soluti erumpunt, opipara illis in congregationibus, magno sumptu, mensa paratur: egeant omnes, vexentur imperiis, versentur in omne latus, conviciis exagitentur, pœnis comminuantur: suum si regnum teneat Professor, non est qui iudicium ferat, felici loco stant omnia. Hæc videre possunt optimi religiosi, nec tamen pro religiosæ vitæ incolumitate vindicare possunt.

Tunc, Beatissime Ignati, sperasti hujus notæ Professos? Exstincti sunt excellentes illi omni virtutis genere Professi, nunc ad ambitionem pietas conversa: debent in domibus Profellis arctissimam degere paupertatem, ac victum emendicare, contra, delibant optima quæque in collegiis; usu possident exquisita, vestiuntur commodius, habitant laxius, utuntur fratribus ut pedisequis, silent rarius, liberiùs loquuntur. Quàm conferti, ad vestram Sanctitatem accurrunt, ut sine viatico, sola Christi ope fulti, vel ad infideles, vel ad hæreticos mittantur? Scholasticos plures solent ad Indias dimittere, suo non obligatos voto, ipsi sponsionis rei, & quarto constricti voto, sospites se servant in paratioribus locis, & cum duriora & asperiora inferioribus prædicent, meliora & molliora sibi deligunt: Hæc cum prima Beati Ignatii professione longè disconvenit vira, jam tamen Profellis usitata, & Scholasticis in spem proposita.

Ecce Ambitionis artes. Professi sunt in apice splendidioris & facillioris vitæ. Hic Scholasticorum scopus, ne hoc excidant honore. magistris assentantur suis, Superioribus blandiuntur, dant auribus quod placet: dicunt referuntque quod arrideat, modestiores ex suis sociis, ab similes sibi, ab astuta illa consuetudine adversos, ad Coadjutores amandant. Ubi religiosus convictus? Quæ Christianæ vitæ perfectio? Artifices sæcularis prudentiæ, nec dissimulationis expertes evadunt religiosi alumni. Professionem spirant & sperant, ut suos superent fratres: vident patritios ad dignitates Professione sibi viam fecisse: hæc attingenda est meta. Cum involarunt in arcem, præsumunt Coadjutoribus Sacerdotibus, eosque despiciunt, hujusmodi professi Rectores plectunt inclementer, pertinaci probro fodiunt, nullas constantiæ dant inducias, quibus gradibus ascendit ambitio, iisdem religiosa simplicitas demittitur, nihil prodest ad firmum & clarum Societatis statum obtinendum, pudentis ac sinceri animi moderatio: advocanda est industria, occultis nitendum est machinis, versuta solum emergunt ingenia, qui vasserrimus est hic di-

digito signatur, conjiciuntur in illum ora & oculi, committuntur illi collegia: si quæ sint res cum illustribus viris, ipsius consilio componuntur; laudatur quidem, sed absens & exul à Societate, candida simplicitas, ne manum quidem ad illum verterint, qui nesciat simulare cupressum: per hanc morum corruptelam, quis illuceat virtutis dies? Ubi vinculum? Quod conjunctos religiosa necessitudine animos devinciat? Cum nullus adlit expressus dictis & factis candor? Nihil in hominum cœtu mutua illa quæ inter societates intercedit confidentia dulcius, nihil beatius, nullum gratius solatium ore fideli, & consentienti pectore: si cura, & sollicitudo ambitionis se interferit, acescunt hæc omnia: sapit fucus: est qui pigmentis bona decoloret sua, & malit imagine sinceritatis illudere quàm vera virtute ambire. Defertur religiosus habitus, serpit secularis animus, immittit se blandus, & cum externa disciplina consuescit, in aula, in cameris, in scholis, in porticu, in impluvio, in æde, in suggestu, nusquam non adest prudentiæ perversæ genius, ineptæ gloriæ præstigiis, piæ simplicitatis egentes, & ad astutiam verti faciles irretit. Hinc illæ totius orbis querelæ, astutos esse Jesuitas, non esse rudes versutis secularis. Hinc exigua dictis fides, suspensiones artificiorum satis firmæ, alienatio optimatum à Societate. Subdifiunt de fidelitate respUBLICÆ, Senatus regii de factione nimia conqueruntur, multa graviter incusant, scripta cautius interpretantur, & notant. Socios calliditatis potius tentandæ, quàm eruditionis aut salutis accipiendæ studio, explorant.

Perperam illa præclara munia, si evellitur ex animis. hominum sanctitatis opinio, si minus simplex, & à sæculo parum remota Societas habeatur.

Nollem propterea selectis viris qui in Societate sunt injuriam fieri, admiratus sum sapientiam ac prudentiam Claudii Aquavivæ Generalis, Mutii Vitelleschi assistentis comitatem, Fabii de Fabiis pietatem, Justiniani Genovesi doctrinam & integritatem, ut ne quàm plurimos alios citem, quorum nomina in diversis

versis provinciis illustra sunt, & ob clarissimas virtutes celebrata: sed ea vestra Sanctitati redhibeo reconcinnanda, quæ multorum vel vitio, vel incuria pessundata sunt & afflicta. Religiosæ modestiæ placida demissio dimissa est? Revocetur. Squallet ignara fraudis simplicitas? Suo nitori restituatur. Insidiantur angues gemini, ambitio & versutia? Suffocentur.

Postulant præterea sinceri Patres Societatis, ut innovetur statutum decem Patrum, quo res omnes ex majori suffragiorum pondere ac numero, & non ex unius definitione, concludi debebant. Quæ ad institutionem animæ spectant, ad morum examen, ad fidei stabilitatem, solus Pontifex Romanus etiam de Sede motu proprio constituit, & dicta Romani Pontificis Spiritus Sancti afflatu inspirata, securè pronunciantur. Illi non caligo potest, non nubes eripere lucem, immotum est divinæ pollicitationis decretum, hæresis ineluctabile fatum, Petri fidem deficere nunquam. Non habes collegam, Beatissime Pater, & in Ecclesia Dei, præsentem semper & custodientem divino Spiritu, à recta sapientia dimoveri non potes. Hanc possides potestatem figendi refigendique motu proprio quod suggererit in Ecclesia Deus. Non est in religiosorum superioribus similis authoritas: præcipere debent statuta, fas non sit illis suorum rejectis suffragiis, pro arbitrio quæ visa fuerint imperare. Stent pluribus & melioribus sententiis, ne Rectores ac superiores Societatis in suo ordine parem cum vestra Sanctitate sibi potestatem vindicent: non est illis major promissa cœlitus gratia quam Ecclesiæ Episcopis, nihil tamen Episcopi, ac diœcesæ, in Synodis sine suorum suffragiis decernunt; cur se subdacent à communi jure: qui ad errorem proclives, ut cæteri, in eandem jacti sunt humanæ infirmitatis aleam? Cur in suis collegiis eam affectent authoritatem, quam Roma & in universa Ecclesia summus Pontifex obtinet? Vidi deceptos hoc errore Rectores aliquos, qui etsi Clemens VIII. sanxerit ne quis Societatis, sedem Apostolicam petens, per superiores à cœpto deturbaretur, tamen suos Romanos

petentes, ut summo Pontifici multa detegerent, injusto anathemate affligerunt, (non enim ligare poterant) & impatientes appellationis ad sanctam Sedem, diris devoverunt.

Hoc mihi semper suspectum fuit, atque esse debuit, religiosos qui se gloriantur summo Pontifici servire ac vivere, Pontificis tamen iudicio nolle se sistere, ne de suis negotiis ac rebus certior fiat summus Pontifex pertimescere. Technas moliri omnes, ne conscius sit gubernationis; ducere crimini, si quis summo Pontifici castiganda proponat; proscindere verbis, aspergere dedecore, quem viderint apud Pontificem esse, & sanctæ Sedis Apostolicæ & Ecclesiæ, ut par est, magis, quam suæ dominationis, amantem. Ne nimii sint Societatis Superiores, ne plus æquò potentes, ex primæ Societatis decreto, servandis suffragiis alligentur, nihil innovent aut mandent, refragante Sacerdotum collegio: nullus, excepto Generali Præposito, ultra triennium superior persistat. Non præsit ullus, quem vel congregatio, vel collegiorum Professi non elegerint, nullus ad congregationem generalem vel provincialem proficiscatur, quem non statuerint Collegiorum Sacerdotes.

Nec vestræ Sanctitati satis unquam cautum sit: inquirat de illis, audiat, probet, quid rerum agant, num ut superiorum jus augeant, de vestra potestate aliquid detrahant: num putent vestræ Sanctitatis esse, religiosorum querelas rescire, leges ac disciplinam omnem ponderare: Subodoratus enim sum nescio quid, secularem nimirum appellabant Pontificem aliqui: Ignaros vitæ religiøsæ Cardinales: eosdem esse seculares, ac de obedientia religiøsa, de mente, de consuetudine, de administratione, sententiam ferre non posse. Obstupui, nec nisi offensis auribus recessi, multa volutans animo, & hoc præsertim, præsentibus vestræ Sanctitatis oculos quasi de specula prospicere debere, quo tam multæ immunitates, tam magnæ facultates, hujusmodi religiosos efferre possint.

Supereſt, ut inane otium, quod in aucta multis hominibus



inimicus Societate perniciosum est, utili ac religioso otio hauriatur. Superfluis excursionibus erecti, ac læti vagantur ex illis plurimi: volitant per urbes, & ne fellic suis immorentur, occupationes externas quærunt, alienis diltinentur negotiis, solemni tandem choro poterunt contineri. Si decantent officium, Beatissime Pater, si concentum ament cœlestem, si rebus divinis adsint, si hoc genere Religiosæ servitutis non eximantur, si die ac nocte bonas horas psalmodiæ impendant, otium futile feriis impedimentis trudent, non salutationibus crebris, non protractis sermonibus sese effundent, non de Principibus, non de Prælatibus curiosius inquirent. Rixæ, diçteria, admurmurationes, risus, de cætu Societatis disjiciuntur, contentiones, quæ Religiosos animos dedecent, cavillationes, (quod decurtatæ simplicitatis ludibrium) & aliæ noxæ amovebuntur. Si divino huic officio assuescent adolescentes Societatis, secularia fastidient colloquia, non tenebuntur illa urbanitate seculari, ad quam se instituere solent: sinceriores & puriores gemitus Christo suo dabunt, non se vertent in illam verborum dissimulationem ac varietatem, senes fœlicem obitum meditabuntur, habebunt in quo desertam senectutem consolentur, tædium cubiculi, jucundissima divini cantus vicissitudine traducent in tranquillissimum otium: pax vigeat summa in Collegiis, non observabunt seculares, Societatis Religiosos, tam familiares & vāgos: & idèò diligent magis. Sed istis omnibus reclamabunt aliqui. Qui? Maxime Pontifex? Quinam obfistent? Qui professionem illam unam condemnabunt? Qui debilitare suffragiorum vim? Qui psalmodiæ obstrepere poterunt? Illi quos professio, at non Religiosa perfectio delectat, qui soli decernere, qui student vivere liberi ab omni religiosa observantia. Quinam insurgent? Illi, qui decem primorum Patrum institutionem sepultam esse cupiunt, qui nolunt in primam pietatem recurrere, quos pudet & tædet, multos habere parces, multos professionis suæ Socios, qui se examina-

mina-

minari, facta sua in iudicium vocari, qui se ad obedientiae ordinem redigi, pertimescunt. Romae numerantur ferme quingenti: si liberè loqui possent, nec impedirent pauci Philautiae & honoris sui tenaces, primos decem primorum Patrum mores reposcerent, Professionem unicam, jus commune suffragiorum repeterent, & solennem celebrarent chorum in locum illius, quam retinent molestissimae optimis quibusque, pomeridianae & vespertinae recreationis: quam parum abest, quin jam congregationis statuto fustulerint.

Hanc repetunt primae Societatis redintegrationem selectissimi è Societate Religiosi. Vestrae Sanctitati gratias agent immortales, si ambitionem, ac versutias excedere jubeat, auream sibi gratulabuntur vestro Pontificatu rediisse pietatem, suo aequitatem sefuram in loco, reperta primae Societatis fundamenta, statum erectum. Potuit à Professis indifferentium ordo, à Beato Ignatio institutus, abrogari, expunctus est collateralis à Collegiis, quem Beatus Ignatius, ad temperandam Rectorum potestatem, Rectoribus opposuerat, Collateralis Patris istius consortium Rectores, ut potestati suae adversum, exstinxerunt: cur non ab iis pari ratione Coadjutorum inutilis gradus auferetur? Cur non à vestra Sanctitate (cùm soli coenodoxiae & propriae amantes dignitatis hoc facere recusent) Sacerdotum Coadjutorum gradus oblitterabitur? Plures & meliores erunt in Societate viri, si omnes professione digni esse debebunt: Confessarios & Concionatores Societas habebit praestantiores. Quid mirum si examinari volunt Episcopi Jesuitas, ne indigni Confessiones audiant? Nimirum Coadjutores Sacerdotes ad id muneris dantur, quibus interdictum est studere, qui repulsi sunt à scientiis, vel quod genere viles essent (quod heu inter Religiosos discrimen?) Vel quod ad mensae ministerium magis apti.

Quis non justè dicat, conqueri Episcopos, dum Sacerdotes eos sibi consecrandos vident, quos nec patrimonii,

monii, nec beneficii, nec Professionis titulus, de certis alimentis securos facit? Quos hodie Religiosos, cras seculares esse posse norunt, si Superiores velint? Quos mediocriter literis tinctos, Philosophiæ ac Theologiæ rudes, ad gubernandas tamen conscientias destinari sciunt? Quod si sint Coadjuvatores aliqui Sacerdotes, qui virtute, scientia, eloquentia non solum adæquent professos, sed superent, (non incredibile certe facinus, sed exemplis clarum) quis non videt, diversam illam distributionem, ex aliquorum sensu, ac voluntate, ut ambitioni suæ velificentur, obfirmatis animis retineri? Quis non hanc manifestæ dissensionis ac divisionis sementem, ac segetem putet? Qui Sacerdotio dignus esse potest, Professione sui Ordinis (quæ est Religionis & Sanctitatis solenne pignus) indignus esse non debet. Urgent Episcopi, ne Sacerdotes vitæ ac firmitatis suæ incertos, ne parum ad Societatis munera dignos instituant. Patres Societatis eximii, quorum hæc dictata scripsi, pro Christi amore, pro Societatis nomine, & redintegratione vehementer expostulant. Reges ac Principes peroptant ne dimissos & afflictos tam sæpè Religiosos in suis Provinciis habeant: indigenæ, ac cives percipiunt, ne de Societatis Religiosis subdistant, ne cogantur percontari, sitne Coadjutor, an Professor ille Sacerdos: videlicet doctus, an indoctus, servus an liber, aliqui aut nihil, stabilis Religiosus, an ad superioris duntaxat nutum. Religiosæ annuunt omnes familiæ, quæ sanctorum Patrum institutis, & Religiosæ antiquitati Societatem adaptatam gratulabuntur.

IMPERATORI AUGUSTO,  
 Franciæ Regi Christianissimo,  
 Hispaniæ Regi Catholico,  
 omnibusque Principi-  
 bus Christianis.

*Pro reformatione Ordinis  
 Jesuitarum.*

CÆSAR, Reges Augusti, manu, consilio, armis invicti, favete & estote boni. Non ullus coram Agamemnone Achivorum Principe, nisi sit prorsus amens, nemo vana & inepta dixerit, sed apud vos delectus, & rerum, & verborum excogitatus sit oportet. Quis accessum speret, qui non sit mente digna? Quem non absoluta prudentia efformarit: nec levia, nec nimia referam, sed quæ ab ornatissimis, & sapientissimis de Societatis Jesu Ordine amplissimo didici, & quæ de conscia rerum experientia accepi. Xaverius Navarræus Societatis Jesu vir religiosissimus, ultra Calpen, & non jam amplius ultimam Thulem, præter Herculis columnas, fidem apud ignotas & exteras regiones propagavit. Unus ex illorum decem primorum Patrum Societatis Jesu collegio, functiones cum Beato Patre Ignatio Loyola & aliis decem, ad religiosum convictum exactas & breves dederat, quas approbaverat summus Pontifex, laudabant Episcopi, convenientes & accommodatas sanctorum Patrum institutis asserebant. Postea adjunxit Beatus Ignatius aliqua, quæ posterius in detrimentum Ordinis trahunt. Privilegia & nova jura à Sancta Sede obtinuerunt, quibus non sine totius orbis querimoniis, præter summi Pontificis mentem, utuntur ut volunt.

Ne

Ne averſi mores à Beato Ignatio , ne aliena ab illuſtri Xaverio vita , ne in Societatem nova ſe Societas injiciat , ad initia redeundum : hauriendi ſunt fontes. Veſtri quotquot ſunt in orbe ſubditi Chriſtiani , ac præſertim Patres Societatis , cùm ii qui adhuc in Societate vivunt , tum ii , quos atrox Superiorum quorundam animus è Societate migrare compulit , veſtris omnes advolvuntur genibus , ut verè Chriſtiano , & juſto edicto , tot ſelectos Religioſos ab importuna vexatione liberos faciatis , arreptam illam Superiorum atque inuſitatam poteſtatem , temperatis ac lenibus veſtris imperiis moderemini. Quid tam inſolens ? Quid tam durum ac dirum , quàm tot inſignes Religioſos , quibus hic ardor erat ut in votis perſiſterent , è Societate evulſos ? Eoſque etſi non alienum à Chriſto , alium tamen ab instituto propoſito ducere ſpiritum ? Quid tam ferreum ? Quid tam inhumanum , quàm è Sacerdotum Religioſorum cœtu abactos optimos viros , inhospitis & immitibus linguis proſcindì ? Filios de matris uberibus , violenta dejectione , ad ſolum allidi ? Quid ita à Societate abhorret , cujus omnes Socii dicuntur , quàm iſta , non ex Beati Patris Ignatii ſtudio , inducta conditionis diſſimilitudo , Vitæ diſparitas , Religioſæ vocationis incertitudo , morum diſcrepantia , diſciplinæ diſcrimen , onerum & laborum fors diſjunctiſſima ? Si qui recurrere audeant ad ſummum Pontificem , & quæ animadvertunt proponere decreverint , inſtantia & levitatis nota inuruntur , in deſertionis & apoſtaſiæ crimen , ac ſuſpicionem pertrahuntur , tam aſſiduis & acerbis moleſtiis premuntur , ut etiam opprimantur. Undè hæc malorum ilias ? Qua parte certè fatalis illa monarchia transcendit muros , qua certè dejecta ſtrues , qua plena Profeſſis poteſtas , ac libertas patet. Rogitabunt quis ſim , ut ille Homericus patria mihi omne ſolum , in quo Juſtitia & Pietas ſedent : ego Theophilus Veſter , qui quod olim Athenienſes , magno Pompeio , ita hac ſchedula , quid petant , quid obteſtentur à vobis optimi Religioſi , manifeſtum facio. Non ſum is qui quæram , quid Tyrida-

tem terreat, paci studeo, & multis meis, nec tamen quasi quid ad Lucrinum conchas, ita tempus eludo, Catholicis Regibus, Patriæ & amicis meis servio, & fidem servo, patriæ obsequor, cujus querelas expono, amicis adsum, quibus hanc operam meam præsto, Rem justam exposcimus. Ordinem Jesuitarum restitui in primigenium vigorem, quid æquius? Jus abrogari quo abutuntur in suam perniciem Religiosi, quid justius? Religiosos cum Religiosis convenire, quid congruentius? Communi lege obstringi, quid cautius? Charitatis necessitudinem servare, quid mansuetius? Deo & Religionis cultui vacare, quid salubrius? Quinque primis annis, cum sub decem primorum Patrum legibus vixit Societas, unica Patrum tenebatur Professio, omnes eodem Religionis jure potiebantur, iisdem quoque votis solennibus sese Deo consecrabant, non erat novus Coadjutorum Sacerdotum gradus, qui cum solennibus votis astricti non sint, è Societate, cum videbitur, dimitti possunt, quidquid in ea temporis, etiam si 30. annis perstiterint. Non erat hæc Religiosorum Sacerdotum forma, quorum status ex mero Superiorum arbitrio pendet, non illa Malea, non Syrtis periculosus scopulus, non hoc votorum discrimen, ex quo magna est in Societate perturbatio, quæ in prima ejusdem institutione inaudita erat, cum secundum jura solita religionum, una duntaxat Professio colebatur. Præfigatur iterum justitiæ & pacis regula, uno unius Professionis vinculo: nemo queretur de perpetua vitæ suæ inconstantia, nemo vicissitudinem rerum pertimescet, sperabunt Scholastici, post aliquos annos, Professione statuta, certum à religione amoris fideique pignus, non alienas vestigabunt artes, unicam virtutem colent, ut Religiosa professione ac solennitate non sint indigni. Qui dimittentur maturè exhibunt, nulla solenni obligatione constricti, & eo probationis tempore, quo quidem, secundum Beati Patris Ignatii institutum, etsi devincti simplicibus votis, non debent tamen aliud testari, quam se candidatos esse Societatis, & in eam ingredi velle. Desinent tum à nobili-

bilibus, tum à plebeis familiis, frequentes querelæ, quæ hoc obtrudunt Societati, liberis & adolescentibus suis uti, quamdiu placet, & tum, ubi avertit sententiam Superior aliquis infestus, torqueri suos miris modis, consultò duris imperiis onerari, & nulla habita ratione contemptæ pridem pristinæ fortunæ, rejectæ rei familiaris & desertæ domus, de Societate, hostili animo, deturbari. Qui erunt adhuc Scholastici, vel perficient se, & proficient, vel si deficere malint, & à professione abhorreant, non inviti, & sine parentum offensione ad sua revertentur, antequam ad Sacerdotium pervenerint. Stabilienda est altera, quæ erat in prima gubernatione, ex primorum Patrum statuto moderatio, videlicet ut suffragiis jus suum reddatur. Rector, Provincialis, Generalis in suos subditos omnem potestatem exercent, suis sententiis, quæ occurrunt, omnia definiunt, aliquorum audiunt sensa & monita, sed tamen ipsi soli quasi Dynastæ & Monarchæ, autoritate summa, & arbitrio suo constituunt. Cur Antiquiores in Collegiis de sententia rogabuntur? Cur ad suffragia ferenda vocabuntur, si unico Rectoris suffragio, velint nolint, stare oporteat? Si quod velit Rector, id aperiet ac significabit; quod reticere voluerit, occultum silentio teget, nec mandabit effectui, nisi quod ipse apud se defixerit. Si quem ex suis ille pollens Rector odio ac malevolentia infectetur, quis temperet hominem? Si fallere velit & prævaricari, quis deteget dolos? Si res Collegii dissipet, quis convincet criminis? Si plura in suos usus sibi arroget, quis commonefaciet liberè? Si à lege aberret, quis exolutum omni lege reprehendet? Si quid in Ecclesiam, si quid in Principem ausit, quis velit hunc hominem judicare, quem intelligit, si infestum habeat, gravia & acerba quæque sibi perferenda? Quàm multum ex Societate Davidicum illud non sine lachrymis repetunt, Imposuisti homines super capita nostra. Quis sunt isti homines? Infirmi ut homines, propriis dediti commodis, non ut illi Stoici ad laborum perpersionem fortes ac duri, sed inclinantes quò præponderant sensus.

sus, & ad facillioris vitæ usum ac fruitionem non indociles. Qui homines? Deteriores an meliores Paulo Apostolo? Credo non meliores, qui colluctantem adversus carnem spiritum experiuntur, qui timere debent ne fiant reprobi. Cur iis omnis in Religiosos potestas? Cur res Collegii omnes, sacras ac profanas, ex propria sententia statuent? Patrum sequentur vel respicient, prout viderint, definitiones? Quis dicet incolumem diu Societatem, si tantum Rectores exspatiari, si nullis finibus imperia sua coercere, si nullis metis obedientiæ jura velint terminare? Propterea summum Pontificem urgere solent, ut hujusmodi principatum autoritate Apostolica communiat, ne si consensus Principum ac Populorum expectetur, tanta, tamque absoluta dominatio excindatur. Sed neque hoc tantum extorquent, verum si quos excelsi animi id ægrè ferre senserint, austerè habent, consiliis suis abigunt, immoderate severitatis tormento exagitant, quasi noxia capita huc illucque disjiciunt, Romana professione interdiciunt; non expedire, aiunt, nec tutum esse summo Pontifici ad hæc detegenda se sistere. Rescire potuisti, Augustissimi Principes, quis fuerit animus illorum Rectorum, qui Religiosum optimum de palatio Regis Hispaniæ, ipso Rege nesciente, abripere moliebantur. Hinc illæ ad Clementem VIII. querelæ, qui P. Claudium Aquavivam Generalem, in Hispaniam ire jussit, ne Regibus suis auferretur Client, ne ulla integerrimo Patri fieret injuria. Si notæ, si calculi Patrum vim haberent, si vigerent suffragia, non efferrentur ad hos animos, non hæc tentarent, non hos fluctus immiti suo tridente commoverent, non tot Religiosos ad scopulos impellerent, è quibus non nisi factò naufragio confractas tabulas, ac vix hærentes, educere possunt.

Queruntur denique viri Nobilissimi, Religiosos, quibus nulla secularis cura incumbere deberet: sollicitos tamen esse de gubernatione principum, de statu; falcem immittere in aliam segetem, humana tractare, cum divina deberent, certiùs ea cognoscere, quæ in  
adi-



ædibus Regiis, dicta vel facta sunt, quàm quæ in suis Collegiis, sub umbra literaria: paratiores videri ut audiant Romanus ut superbas invidiæ Carthagini evertit arces, quàm quid ad promovendam fidem Episcopi, quid ad hæreticos exedram exsecandam, sui vel alii Religiosi excogitent, aut aggrediantur: non convenire Patres Societatis ad publica pietatis munia, ad indictas supplicationes non adesse, quamvis nec Cœnobitæ sint, nec Monachi, nec solitudinis cultores, imò ne Religiosi quidem professi, nisi admodum pauci: percurrere tamen vicos, obire civitates, obambulare in compitis, spectatores esse Religiosæ pompæ, cujus actores esse respuunt in communi sanctitatis theatro: cujus cultum, ut suis moribus ab similem, exercere incommodum sibi esse existimant. Quod tam præsens consilium ad inanes illas curas exinaniendas? Quæ tam utilis & religiosa cura? Illa nimirum quam Basilus, Ambrosius, Gregorius Magnus, & multis retro seculis Patres, viris Religiosis antiquam & solennem esse voluerunt: decantandæ destinatis horis sanctæ Psalmodiæ consuetudo, continua in divina Hierurgia, & ministeriis sacris occupatio. Si choro detinerentur Jesuitæ, puderet otiari, cum id muneris præstandum esset; nec tam multi patres, à literarum studiis & ab omni collegiorum cura rejeçti, familiares congressus quærerent, quibus extrudant tempus, & cubiculi mora se redimant: haberent unde divini spiritus solatium persentirent, publicum illud Dei cum hominibus colloquium, ut fatigationis & laboris omnis levamen, felices experirentur, & tam securo ac puro cum Deo conversatione recreati, nihil de secularium Societate, convictu, de aucupandis sermonibus cogitarent. Hæc tria sunt, Principes, quæ pro Societatis restauratione necessaria suaserunt mihi ipsi Religiosi Patres Societatis, ut proponerem, ne quis quasi ex pseudo-hyro egressam orationem meam contumeliose objiciat: Nullus est, si sanæ sit mentis, qui pulcherrimum istum & utilissimum ordinem deturbari velit, sed imprudens & indignus sit ille arbiter, qui neget ad primam frugem revocari

246 *Imperatori Aug., &c. de reformatione Jesuitarum.*  
debere, pacis ac virtutis leges iis repetendas abnuat;  
qui primæ suæ regule usu ac fructu spoliati, non sine  
ingenti molestia, testantur pene se alios à primis suis  
Patribus ac degeneres exiisse. Una & æquali omnium  
professione, Augustissimi, ut jura communia fanciunt,  
& primi Societatis Patres voluerunt, pacem, æquitatem,  
sinceritatem, Ordini restituite; suffragiorum vi ac po-  
testate, dignitatem, libertatem, ac res Societatis serva-  
te; decantatione psalmodiæ, religionem, pietatem,  
ac sanctitatem Societatis tucamini.

*Admitte ad te Alienigenam, & subvertet te insturbi-  
ne, & abalienabit te à viis propriis. Ecclesiast. 11,*

## V.

DANIELIS HOSPITALII  
*AD REGES PRINCIPESQUE*  
*CATHOLICOS*

## CONSULTATIO

De Causis & Modis conservandæ  
 & amplificandæ Socie-  
 tatis Jesu,

Ut perpetuò durare, deque Ecclesia Dei  
 & Regnis ac Rebuspublicis Chri-  
 stianis præclare semper mereri possit.

**S**I quisquam est, qui Societatem Jesu à *Divo Ignatio*  
*sive Ignatio Loyola* conditam & constitutam, & A-  
 postolicæ Sedis auctoritate confirmatam, ingentes Ec-  
 clesiæ Dei omnique generi humano utilitates attulisse,  
 eaque re optimi ac maximi cujusque benevolentia,  
 favore & auxilio dignissimam esse censet, in his ego  
 nomen profiteor meum, ac nato nemini de studio  
 erga illam ejusque conservandæ & amplificandæ cupi-  
 ditate nec tantillum concessero. Verum tamen non  
 minimæ cautionis esse intelligo, ne quibus factum  
 benè volumus, ultro etiam noceamus, & quos com-  
 plecti-

plectimur, imprudentes strangulemus. Est enim, si verum quærimus, alia recta & laudabilis erga alios benevolentia, alia vitiosa ac turpis. Qui Jesuitis ea cupit adesse, quæ cum ipsis, tum cæteris ad salutem esse possunt, abesse rursus, ex quibus meritò sive ipsis, sive aliis corruptelam exitiumque metuas, ejus enimverò benevolentia & viro & sapiente gratoque digna est. Sin autem quicquid ipsis libet, contingere eis optat; parum omninò pensi ducens, quod id nec ipsorum, nec aliorum salutem expediat, minimè dubium est, quin id à muliebri quadam aut puerili benevolentia proficiscatur: quæ scilicet non nisi voluptatis alicujus lenocinio conflata sit, quod quis Jesuitis indè à primis pueritiæ annis adsueverit, eorumque blanditiis & obsequiis delinitus nihil ipsis præter animi sententiam evenire, eos albæ gallinæ filios esse; ac quicquid contigerint, rosam continuò fieri impensè concupiscat. Sic porrò animis affecti exemplo suo verum faciunt, quod ait Seneca: *Familiariter domestica adspicimus, & semper judicio favor officit.* Quisquis enim sive se ipsum, sive alios amat, non aliter cæcutit & allucinatur, quàm in cujus oculos suffusus humor luminis aciem obtundit, velut ex Platonis sententia Plutarchus disputat. Ad hoc ergo exemplum, qui Jesuitas amat, longè ille abest, ut eos *humana matre natos* meminerit, *humano patre*, quibus idem ipsum, quod multis aliis Religiosarum familiarum hominibus usu venire queat, ut nimirum partim eos ævi longinqua vetustas immutet, partim res ex sententia fluentes, opes, honores, Principumque ac Magnatum gratia depravet; in iisque veteres artes agrotent ac prorsus tandem perimantur. Neque tamen istius notæ homines, nisi palàm insaniant, se Jesuitarum res penitiùs perspectas habere, aut Societatem eorum plus amare sibi persuadebunt, quàm qui unus omnium diutissimè in ea vixerit, eamque per annos ampliùs quinquaginta docendo ac scribendo illustrarit. Is est *Pater Joannes Mariana*, celeberrimus ætatis nostræ Theologus & Catholici Regis Historiographus, cujus summa

ma virtus, integritas, in scribendo ac loquendo libertas, prudentia & literæ orbi jam universo, præcipueque Regibus ac Principibus multò sunt notiores, quàm ut cujusquam prædicatione commendari debeant. Is in libro suo *de Regimine Societatis Jesu* (quem non ut in vulgus exiret scripserat, sed ut privatim Jesuitas de Societatis conservandæ & à maturo interitu vindicandæ rationibus admoneret) *Claudii Aquavivæ* ambitione totam imperii formam immutatam esse, & in tyrannidem teterrimam degenerasse, eaque ex re Societatem delatoribus & adulatoribus plenam esse, neminemque Sociorum non in summo metu ac molestia vivere dolentissimè conqueritur; eumque nimis vera scribere *Pater Floravantius*, & ipse Societatis Theologus ac summo Pontifici à sacris Confessionibus summo cum animi sensu agnoscit. Nec non idem alii Jesuitarum, qui veterioris notæ sunt, ingenuè apud amicos confitentur. *Matthæus* quidem *Greuterus Argentinenfis*, qui nunc Romæ imaginibus in ære incidendis vitam tolerat, de *Patre Conrado Vetter* (quo nemo omnium in Germania magis Hæreticos agitavit, quorum ille summa cum gratulatione nonagenario major non ita pridem decessit) id eum minimè obscurè adversum se tulisse testis est. Sæpè enim amicis narrat, cum adhuc adolescens ad eum venisset, eique suum consilium de nomine Societati dando aperuisset; sibi totidem ferè verbis ab eo responsum fuisse: *Magnam equidem tibi gratiam habeo, qui tam benè de Societate nostra existimes, ut in eam te quoque cooptari expetas. Verùm ego mihi minimè hominis ingenui aut boni viri officio fungi videar, si eum errare patiar, qui tanta de re mecum deliberare, meoque uti consilio voluerit. Quod ergo te, si Jesuita fias, inter meros Angelos atatem acturum spe & opinione præcipis, na te plurimum fugit ratio. Si enim experimentum capias, pol tu extrema nequitia Cacodæmonas magno numero inveneris. Ego quidem me Jesuitam esse gaudeo, neque hoc vitæ genus cum quocumque alio mutatum velim, bona etiam spe sum fore, ut Deo propitio meam in eo salutem operari*

beatoque vita sine quiescere possim: nemini tamen alii, ut Societati nostra se suamque aetatem committat, auctor esse audeam, quippe quam sui tam dissimilem factam esse, & ab ea, qua tum erat, quando in eam me intuli, usque eò degenerasse videam. Sed neque summum Pontificem nostrum optimè erga Societatem animo affectum ac rerum ejus apprimè gnarum esse meritò quisquam dubitaverit. Hic tamen apertè fert, *Generalis Jesuitarum imperium esse despoticum*, sive herile, hoc est tyrannicum, & bono cuivis meritò invisum. Nemo enim nisi improbus tyrannidem in homines ingenuos ac bonis natos non cane pejus odisse atque execrari potest. Dum autem tyrannidem in eo imperio Pontifex agnoscit: eàdem operà fatetur, ei adesse illa, sine quibus ea imperii forma subsistere & coherere non potest, assentatores puta & exploratores seu delatores: quos in Societate pro necessariis haberi Mariana disertim confitetur. Itaque hodiernum Imperatorem nihil hac quidem in re à Pontificis judicio discrepare intelligimus, quando se etfi Societatis amantissimum, Jesuitis nihilominus, iis puta qui adulatores & delatores sunt, irasci posse profitetur: qua de re veteranus Jesuita & Poloniae provincialis *Joannes Argentus* in suo pro Jesuitis Apologetico ad Poloniae Regem cap. 7. ita scribit: *Non est rationi consonum pro uno nocente innocentes multos condemnare: at prudentis est, optimam illum mentem induere, quam Serenissimus Archidux Ferdinandus se induisse declaravit, cum Societatis hominibus se irasci posse, Societati irasci non posse pronuntiavit.* Itaque hujus primarii Jesuitæ, atque ipsius etiam Imperatoris judicio prudentissimus quisque & optimæ mentis si minùs Societati, saltem Jesuitis irasci potest: cui consequens est Jesuitas inveniri, qui bonorum iram factis suis mereantur. Quis igitur jam usque eò cæcus & amens, ac non tam Societatis, quam sui ipsius amans sit, ut se solum rectè Jesuitas novisse, & propter virtutes ac merita erga Remp. amare, reliquos omnes, ac nominatim Pontificem & Cæsarem, istosque veteranos Jesuitas Marianam, Flo-

ravantium, Vetterium & Argentum, aut cæcutire in Jesuitarum rebus, aut minimè candidè pretium operæ illorum statuere persuasum habeat? Ego quidem pro vero ac germano amore, quem erga Societatem Deo teste profiteor, optimè de illa meriturum me puto, si operâ meâ annitar, ut sublatis illis quæ Pontificem, Imperatorem, aut quemcunque bonum in Societatis hominibus possunt offendere, non modò ab omnibus bonis vereque Catholicis amentur Jesuitæ, sed & merito ipsorum amentur, cumque erga se amorem illorum stabilem ac perpetuum fore ipsis exploratum sit, ita ut Christianissimus Imperator posthac non modò Societati, sed nec sociorum cuiquam succensere possit. Hoc autem non aliis modis confectum dare postulo, quàm quos D. Ignatii institutis, moribus & verbis consentaneos videmus: de quo in vita ejus Maffei scribit, dicere solitam: *Quibus artibus, quoque spiritu excitata & conflata est Societas, eodem profectò alenda & conservanda est.* Censuit nimirum, si, ut sunt humana, temporis longinquitas nonnihil corruptelæ in Societatem invexisset, atque ab artibus illis illoque spiritu, quo primùm conflata fuerat, eam abduxisset, aliter diu salvam ac vitalem esse non possè, nisi ad pristinas artes ac nativum & primigenium, ut ita dicam, spiritum retraheretur. Quæ porrò artes, quive spiritus fuerit, quo Societatem Ignatius primùm conflagavit, id Maffei passim explicat, & duobus hisce capitibus complectitur, Fugâ Ambitionis & Avaritiæ. Omnis, inquit, honoris gradus à spiritu humilitatis ac paupertatis, quem profitetur Societas Jesu, vehementer abhorret, lib. 2. cap. 18. Providit B. Ignatius quantum ingenio & cogitatione assequi valuit, cum ut ceteris vitiis, tum verò ut Avaritiæ & Ambitioni, quæ duæ sunt perniciosissimæ mortalium pestes, omnino obstrueretur aditus, veraque Humilitati & Paupertati quam maximus & maximè diuturnus honos ab omnibus haberetur, lib. 2. cap. 20. Si qui ex Sociis B. Ignatii factâ potestate se ad publica spectacula licita conferrent, eos ipse etiam atque etiam jubebat sine ullo arrogantia

aut levitatis indicio modestiam ac submissionem tenere, cedere omnibus, & infimum semper locum eligere, lib. 3. cap. 6. Præterea quàm exactè suum ipse institutum observare, & exemplo Jesuitas eadem docere consueverit, non uno loco Maffei commémorat. Verbi gratiâ lib. 3. cap. 5. *Ab omni fastu & moribus imperiosis vehementer Ignatius abhorruit. Alloquendi ejus causâ nihil erat necesse tempus opportunum aut molles captare aditus: qualibet adiisses horâ, sive corpore melius haberet, sive deterius, & accipiebat benignè, & patienter ad finem usque, sine interpellatione audiebat.* Et lib. 3. cap. 1. *Peregrinis hominibus conditionem ipso interprete (quod multum apud Principes autoritate valeret) in Aula quarentibus, negabat sibi nisi cum summi Regis Aulæ rem esse: ad eam si aditum optarent, daturum se operam, quantum labore ac precibus assequi posset, ut essent in intimis Regis amicis ac familiaribus.* Et lib. 3. cap. 8. *Voluntariam paupertatem, quam ille Religionis Murum appellabat, ad extremum usque constantissimè coluit.* Et lib. 3. cap. 9. *Cum lege cavisset, ne quis à nostris vel exsequiarum, vel sacrificii, vel cujuscumque omnino ministerii nomine pecuniam aut elemosynam ullam acciperet, nequid cogeret: eam ipse legem diligent. & sanctèque in omni vita servavit, neque commisit unquam, ut (quod vitandum est maximè) specie pietatis quæsum facere videretur.* Ac tametsi operarium suâ mercede dignum, neque nullum ad navandam utilem Reip. operam in rerum victui, cultui, studiisque necessariarum copia momentum esse intelligebat, sedulo tamen cavuit, ne plus quàm sat sit, in ejusmodi rerum præsidio confidere videretur, aded ut Hierosolymam profecturus nec viaticum, nec comitem admittere voluerit. Quod à divina providentia (ait Maffei) pendere usquequaque cuperet. Perspiciebat enim, si peregrinanti sibi quicquam adversi evenisset, fieri non posse, quin aliqua saltem ex parte comitis præsidio fideique consideret: proinde quicquid in eo spei locasset, id utique ex ea detractum iri fiducia, quam totam in uno Deo Clementissimo parente ac rectore vellet esse repositam. Eundem in S. Xavero



rio spiritum, easdemque artes fuisse, idem Maffei-  
us sic testatur: *Omne commeatus & viatici genus in Indias  
ad prædicandum Christum profecturus rejecit, cum ita  
diceret: Suscepto paupertatis voto, & unius Dei causam  
agenti sibi nequaquam esse de crastino laborandum.*

Sic ergo habemus, quibus artibus D. Ignatius So-  
cietatem suam duraturam & incrementa sumturam  
existimavit, si nempe Socii sui ab omni superbia,  
ambitione, fastu & moribus imperiosis vehementer  
abhorreant; si omnibus cedant, & infimum semper  
locum in confensibus eligant; si nihil sibi cum Prin-  
cipum Aulis negotii esse velint, neque conditionem  
aut locum apud Principes quærentibus interpretes se  
aut precatores præbent; si Avaritiæ etiam suspiciones  
fugiant, & voluntariam paupertatem constantissimè  
colant; si de crastino non nimis laborent, neque fi-  
duciam in commeatus aut viatici abundantia collo-  
cent, multò minùs autem specie pietatis quæstum fa-  
ciant ac ditescant.

Neminem proinde intelligentem dubitaturum arbi-  
tror, si nunc S. Ignatius in terris existeret, quin ma-  
gnoperè ei probaturus sim meam de conservanda & am-  
plificanda ipsius Societate sententiam, nihil aliud,  
quàm omnem à Societate Avaritiæ & Ambitionis quæ  
culpam, quæ suspicionem excludendam proculque ha-  
bendam esse censentis. *Omnium quippe, qui ad Rem-  
pub. accedunt rationes non veritate solum, sed etiam fa-  
mâ niti censebat Ignatius, velut idem Maffei-  
us auctor est. Apostoli enim Pauli monitum est, ut Provideamus  
bona non solum coram Deo, sed etiam coram homi-  
nibus, utque ab omni mala specie nos abstinemus: hoc  
est, ut non esse tantum, sed etiam videri boni velimus,  
& ne cui de nobis suspicioni locus sit, accuratè cavea-  
mus. Nempe unaqueque arbor de fructu suo cognosci-  
tur, & tanti quique, quod dicitur, facere homines  
solent, quanti cum, qui dicit, æstimant. Itaque ne-  
mini magis, quanti ab aliis fiat, curandum est, quàm  
qui aliorum utilitati consulere cupit. Talis enim effu-  
gere non potest, quin quantum de existimatione sua,*

tantum de aliorum salute deperdat. In quam sententiam D. Augustinus scribit: *Non sunt audiendi viri sancti, quando reprehensa in aliquo negligentia sua (per quam fit, ut in malam veniant suspensionem, unde suam vitam longè abesse sciunt) dicunt, sibi coram Deo sufficere conscientiam: existimationem hominum non solum imprudenter, verum etiam crudeliter contemnentes, cum occidant animas aliorum, sive blasphemantium viam Dei, sive etiam cum excusatione imitantium non quod vident, sed quod putant.* Proinde quisquis à criminibus flagitiorum atque facinorum vitam suam custodit, sibi benefacit: quisquis autem etiam famam, & in alios misericors est. Nobis enim necessaria est vita nostra, aliis fama nostra.

Et Avaritiæ quidem excludendæ modus tribus mihi videtur partibus contineri. Primum, si Domus probationis omnes tollantur, tanquam contra D. Ignatii mentem præterque Societatis leges institutæ, ac Novitii eodem prorsus modo educuntur, quo apud Religiosas familias cæteras solent, quemque ipsi Jesuitæ à D. Ignatio traditum benè diu servaverant. Ut enim libri sui capite quinto Mariana demonstrat, contra mentem D. Ignatii & contra statuta Ordinis introducta sunt Domus probationis, ubi Novitii exquisitis epulis ac fructibus pascuntur, variisque deliciis & plurimis commoditatibus adsuescunt: eoque fit ut animi magna partis Jesuitarum sint amantes deliciarum & intolerantes laborum ac molestiarum, adeoque pedibus iter facere & frigus æstumque tolerare nolint. Hunc porro gravissimorum damnorum cum temporalium, tum spiritualium, Societati fontem & causam esse idem Mariana disputat. Quod enim ad temporalia attinet, primum nimio numero Laici seu Coadjutores temporales admittuntur: qua de re cap. 7. & 8. Marianæ verba sunt. Societatem perdit nimia Laicorum multitudo, cum quasi dimidia Societatis pars sint Laici, quoniam nostri volunt Novitios & studentes in nimio orio educare, neque ulli labori admoveere, & quoniam dedignantur ab aliis Monachorum Ordinibus quicquam discere. Ordinariè autem  
seu

ſeu plerumque Laici noſtri ſunt parum rationis capaces, ingeniis aſperis, velut ex officina aut ab aratro profeſſi, laboris etiam fugitantes, ita ut unus novitiuſ tantum operis faciat, quantum duo aut tres Laici, cum tamen duo Laici tantum conſumant, quantum tres Sacerdotes, quippe qui multum comedant, multum bibant, multum rumpant aut frangant, in faciendis denique impenſis animoſi ſint non aliter quàm ſi Comitum eſſent filii. Deinde res hæc grandi ære alieno Societatem obruit, quod cap. 5. Mariana queritur, qui etiam cap. 8. ita damnum hoc exſequitur: *Societas ingenti ære alieno eſt obruta, ita ut in ſola provincia Toletana pluſquam 250. milia ducatorum debeamus: nec enim facimus, quod aliis ſuademus & præcipimus, ut metiamur redditus noſtros, nec pluſ expendamus quàm poſſidemus. Quando adhuc valde exigua erant facultates noſtra, nihil alieni aris habebamus: nunc autem ditiores facti debiſis penitus obruimur.* Præterea iſta Novitiorum educandi ratio eos reddit adminiſtrandæ rei familiaris imperitiſſimos, velut ex his Marianæ verbis cap. 5. intelligi poteſt: *Noſtri nunquam didicerunt eſſe homines, ac propterea non aliter, quàm beſtia, ab aliis curari neceſſe habent. Quippe qui in Novitiatu ſuo ad nullam rei familiaris partem adhibeantur, itaque habeantur concluſi, ut neque eos videant, qui ſunt ejusdem Religionis, neque ab illis videantur.* Tandem ex eadem cauſa multi Socio- rum valetudinis jacturam faciunt, aut etiam præmatu- rē vitā carent, quoniam ductā in Novitiatu conſue- tudine, du multumque comedunt, neque tamen quic- quam operis faciunt, contra mentem & praxim D. Igna- ti, ut cap. 5. Mariana queritur, cujus ibidem hæc quoque verba ſunt: *Noſtri non egrotant, neque moriuntur quia nimium laboraverint, ſed quia intemperantiuſ cibis ſe repleverint ac delicatè nimis vixerint.* De ſpiri- tualibus verò damnis indidem oriri ſolit, ex his Ma- rianæ verbis, quæ eodem capite quinto leguntur, ju- diciuſ fieri poteſt. *Noſtri Novitiis educandis minimè ſatiſ faciunt ſtatutis Societatis, quæ jubent Novitios pro- bari peregrinationibꝯ, hoſpitalium viſitationibꝯ & mi- niſte-*

nistleriis servilibus. Nam talia aut omnino pratermittuntur, aut desuntoriè tantùm ac dicis causâ, seu pro forma ab eis præstantur. Itaque humilitatem, caritatem, patientiam aliasque virtutes potiùs speculari seu meditari, quàm opere ipso exercere discunt.

Atherum excludendæ Avaritiæ caput est, ut qui Jesuitarum professi sunt, in domibus Professis, non in Gymnasiis aut Scholarum Collegiis vivant, neque eorum redditus consumant, sed paupertatem, quam voverunt, bonâ fide colant, & ex stipe ostiatim corrogata victitent. Quod contra nunc fieri in Epilogo Mariana significat: *Major pars Jesuitarum, qui quatuor vota professi sunt, non servant paupertatis votum, cum vivant in Collegiis eorumque redditus consumant. Isti enim verò sic se à Seneca compellari rectè statuerint: Est intolerabilis res pōcere nummos & contemnere. Indixisti pecunia odium. Hoc professus es. Hanc personam induisti: Agenda est. Iniquissimum est te pecuniam sub gloria egestatis acquirere.*

Postrema Avaritiæ pellendæ ratio est, ut Collegia certis & statis vectigalibus contenta sint, & eleemosynas nec petere à quoquam, nec accipere audeant, ita ut si verbi gratiâ civitas quæpiam quinquaginta Jesuitarum operam habeat necessariam, in singula capita octoginta floreni vel aurei statim ac perpetui redditus statuatur, in Bibliothecam trecenti, totidem in sacram suppellectilem, certa item summa in Valetudinarium, in sarta tecta ædium, quæque alia res poscet, ut omninò sibi ac necessitatibus suis abundè provisum, nec de ulla re ad victum, cultum & tectum, tum etiam ad operam docendæ juventuti & salutem animarum navandam necessariâ sibi laborandum fore intelligant. Si quorum Collegiorum majora sint vectigalia, ea sive ad alendos pueros literarum studiosos, quibus necessaria non suppetunt, sive ad Scholas in aliis civitatibus instituendas Episcoporum (non autem P. Generalis Præpositi) autoritate converti possunt.

Hoc modo si à Societate exsulet Avaritia, ut scilicet necessariis ad vitam & ad operam Dei gloriæ anima-

rum.

rumque salutem navandam contenti sint, primum omnium malo illo vacabunt, quod opibus & divitiis, hoc est, rerum supervacuarum copiam perpetuo ferè annexum invenitur, *In satietate puta, sive plura possidendi desiderio, nunquam improba spei* (ait Seneca) *quod datur, satis est.* Eo majora cupimus quo majora venerunt, multoque concitior est avaritia in magnarum opum congestu collocata, ut flamma infinito acrior vis est, quo ex majore incendio emicuit. *Æquè ambitio non patitur quemquam in ea mensura honorum consistere, quæ quondam ejus fuit impudens votum.* Cui affectu satis fuit, quod optanti nimum videbatur? Tu ista credis exalta, quia longè ab illis jaces: ei verò, qui ad illa pervenit, humilia sunt. Mentior nisi adhuc querit ascendere. *Istud quod tu summum putas, gradus est.* Propter hoc periculum, supervacuarum opum desiderium recidere sic à Spiritu Sancto monemur, Proverb. 23. *Noli laborare ut diteris; sed prudentiæ tue* (id est, in acquirendo industriæ) *pone modum. Ne erigas oculos tuos ad opes, quia facient sibi pernas quasi aquila, & volabunt in cælum.* Id est, quia oculi tui sive cupiditates tuæ ad altissima quæque ferentur, nec unquam quantiscumque opibus satiari poterunt. *Infernus enim & perditio nunquam implentur, similiter & oculi hominum insatiabiles.* Proverb. 27.

Deinde plus multo temporis Jesuitæ habebunt, quod literarum studio, & sacris meditationibus impendant, cum causa nulla sit futura ut ad captandam Magnatum, divitum, orborum, præcipueque opulentiarum viduarum gratiam, & ad inescandos inque gregem suum pelliciendos peculiosos aut formosos adolescentes omnem cogitationem, studium & laborem suum conferant, in eoque dies & noctes occupentur.

III. Multò plus in literis quàm sacris, quàm profanis proficient, cum tempus omne studendo ac meditando consument, eoque pacto longè pluribus in omni disciplinarum genere eximiis viris Societas eorum illustrabitur, & multò majores Ecclesia utilitates ex ea percipiet.

IV.

IV. Non magnoperè satagent , ut Principum fiant Confessarii , cùm ea in re nec ipsis , nec Societati quicquam feri aut meti intelligent ; quippe qui jam habituri sint omnia quæ vitæ usus poscit , & quicquam præterea cùm petere , tum accipere vetentur.

V. Neminem Principum aut Magnatum nec privatum nec publicè adulabuntur ad gratiam eorum colligendam , cùm inde boni nihil scilicet expectent. Ita nec aliis exemplo erunt ad gratiam Principum fœdis assentionibus colligendam.

VI. De fama & existimatione aliarum Religiosarum Familiarum minimè detrahent , sed omnes potius commendabunt , & honore ac reverentiâ prosequendas curabunt , idemque eis officii genus ab illis vicissim præstabitur. Neutris enim causa erit , cur alios velut quæstui suo obstantes impeditum eant.

VII. Alios insignes in literis viros nequaquam existimatione suâ exuere volent , nec à docendi provincia submovebunt , quippe quos benè audire numeroque discipulorum sine ullo Societatis damno florere posse intelligent.

VIII. Nullis utentur inimicis , nec alios homines aut doctos aut Religiosos experientur infestos , sublatâ videlicet æmulationis & invidiæ materiâ , mutuæque detractionis vel obtreccionis occasione.

IX. Multò meliores inque Philosophicis ac Theologicis studiis præstantiores facient discipulos , quippe qui sive apud ipsos , sive apud alios Magistros solidiora in humanioribus literis fundamenta jecerint. Nunc enim , ut Mariana scribit cap. sexto, *li literas in Societate docent , qui eas neque didicerunt unquam , neque discere volunt* , cùm eas contemni ac literatos jacere , nulloque ferè numero haberi in Societate videant : unde porro idem fieri queritur , *ut perpaucos Societas bonos Philosophos ac Theologos habeat , nullos excellentes Concionatores , nullos Ecclesiasticarum rerum , nullos humaniorum literarum peritos* , ut ejusdem cap. 14. videre est. Itaque apud Transalpinos cum , qui benè sit in Græcis ac Latinis scriptoribus versatus , pro Hæretico

tico habere contingit, quod satis exploratum sit, Jesuitarum auditores in Hellade ac Latio hospites esse, nec ferè nisi *Pontanos, Raderos, Bidermannos, Farnianos, Gallutios, Maffeios*, aliosque semidoctos & semi-barbaros nugarum scriptores cognitos habere.

X. Nihil villarum, fundorum aut rusticorum prædiorum habere volent, aut poterunt, ademta eis omni de rebus ad vitæ usus necessariis cogitandi necessitate.

XI. Aberunt à fastus ac superbiz periculo, ut rectius se colligere & humilitatem religiosamque modestiam, quam profitentur, opere ipso præstare possint. Nunc enim, ut Mariana cap. nono experientia compertum scribit, *prædia rustica causa sunt, cur Jesuitis animus accedat parum humilis, & parum spiritualis.*

XII. Nimio Laïcorum numero non gravabuntur, quoniam opera eorum ad prædia rustica non requiruntur, in Collegiis autem domestici ministerii partes Novitiis, iisque qui literis operantur, mandari poterunt: quod ex multiplici Societatis usu futurum Mariana cap. 5. & 7. demonstrat.

XIII. Vix ullam jure cum aliis experiundi seu litigandi occasionem habebunt, neque causis eorum tribunalia perstrepent, quoniam scilicet neque hæreditates ullas captabunt aut persequentur, neque prædiis abdicatis ulla de re cum vicinis ambigent, quemadmodum nunc quotidie, Romæ præsertim, eis usuvenit: ubi hoc etiam ab Illustrissimo Cardinali *Marcello Crescenzio*, cum Cameræ Auditorem ageret, aliisque juri reddendo præfectis observatum est, etsi per sæpe causa cadant Jesuitæ, nunquam tamen eos animum inducere, ut verè victos se agnoscant, suamque causam minùs justam fateantur, quin invidiosissimè de Judiciis querantur, velut in alteram partem æquo inclinationibus, sibi que sub eis parem dimicationem fuisse negent.

XIV. In suo posthac ære esse poterunt, nec alienos poscere nummos necesse habebunt, quoniam nec prædia

dia rustica, nec tantum otiosorum hominum, præcipueque Laicorum alent. Ut enim cap. 5. 7. & 8. Mariana monet, Societas ingenti ære alieno nunc est obruta, ita ut in sola provincia Toletana plusquam ducenta quinquaginta ducatorum millia debeat: cujus rei præcipuas esse causas ait, quòd Novitii & Studentes in nimio otio ac deliciis educentur, neque ulli labori admoveantur. Hinc enim fieri, ut animi magna pars Jesuitarum sint amantes deliciarum, & laborum ac molestiarum intolerantes, adeoque pedibus iter facere & frigus æstumque tolerare nolint: ut etiam dimidia quasi Jesuitarum pars sint Laici, homines plerumque rationis parum capaces, velut ab officina aut aratro profecti, qui honorem parvi faciant & labores refugiant, multum tamen interea comedant, multum bibant, multum corrumpant, in faciendis verò impensis animosi sint non aliter ac si Comitum essent filii: Eo accedere, quòd litium quoque impensæ vehementer Societatis facultates imminuant; quot annis quippe in lites & vecturas librorum ac literarum plusquam quinquaginta ducatorum millia in Societate sumtus fieri.

XV. Curâ Collegiorum, in quibus convictores pueri aluntur, posthac se abdicabunt, & oneri isti omnium ingratisimo, nec minimum lubrico & suspicioso, hominibus quidem certè tranquillitatem & quietem animi consecrantibus vehementer adverso, seculares, potius Sacerdotes, aut quemvis alium succedere patientur. Siquidem causâ erit adempta, cur aliquantulum lucelli ex convictoribus facere, eorumque impensis nonnullas Societatis suæ tolerare cupiant.

XVI. Magno vereque improbo levabuntur labore alienos libros compilandi, ut ingentia ac Gigantæa molis volumina subinde extrudant, eoque pacto plausum popularem & singularis cujusdam præ cæterarum Religiosarum sodalitatum hominibus ingenii, sapientiæ & eruditionis opinionem sibi conficiant. Cum enim nihil eis ad vitam necessarium sit defuturum, nihil etiam præterea emolumenti accessurum, quis eos gratis nulloque tanti laboris pretio tam satageos vereque arumnosos futuros credat?

XVII.



XVII. Non habebunt, cur cæterorum Religiosorum similes videri, Deoque preces, laudes & hymnos in Choro decantare tantoperè aspernentur. Plurimum enim temporis Avaritia iis, quos dixi, modis coercita lucrifacient, quippe ubi nec de colligenda Principum gratia erunt solliciti, nec in occasiones captandarum hæreditatum intenti, nec litium molestiis districti, nec convictorum rationibus subducendis & consolidandis occupati, nec villaticarum rerum administratione impediti. An ergo erit, ut quod temporis superfluet, alibi quàm in Choro consumtum Deique laudibus tributum malint?

XVIII. Hoc consequentur, ut & Homines & Viri existimentur, qui ipsi corpus suum procurare, & labores ferre, pedibus iter facere, & frigus æstumque tolerare, deliciis verò vitæque commoditatibus æquo animo carere possint: quod contra nunc fieri Mariana cap. 5. conqueritur, ob pravam & menti S. Ignatii ac Societatis legibus adversam Novitiorum educandi rationem; cui acceptum refert, quòd *Jesuita nunquam discant esse homines, ac propterea non aliter, quàm bestia, ab aliis curari necesse habeant.*

XIX. Morbis ex otio, deliciis ac vitâ deside oriri solitis minùs infestabuntur, ac diutiùs vitales erunt. Ut enim eodem capite quinto Mariana affirmat, *multi Jesuitarum diu multumque comedunt, nec tamen quicquam operis faciunt, nec ulli eorum agrotant aut moriuntur, quia nimium laboraverint, sed quia se cibis intemperantiùs repleverint, ac delicatè nimis & in otio vixerint.*

XX. Dabunt voci suæ vocem virtutis multoque erunt *ἡμικότεροι* ac fide digniores, cùm à vitiis, præcipueque ab avaritia & ab hæresi revocare homines, eisque liberalitatem, justitiam, paupertatis studium & fidei catholicæ veritatem persuadere conabuntur. Paulus quidem Apostolus quâ potissimum arte gentiles ad amplectendam Christi doctrinam impellere soleret, hoc modo explicat. 1. Thef. 2. & 2. Thef. 3. & 1. Corint. 9. *Scitis introitum nostrum ad vos, quia non inanis fuit, sed*

antè passi & contumeliis affecti fiduciam habuimus in Deo nostro loqui ad vos Evangelium Dei. Non quasi hominibus placentes loquimur, sed Deo, qui probat corda nostra. Neque enim aliquando fuimus in sermone adulationis, sicut scitis: neque in occasione avaritia, Deus testis est: nec quærentes ab hominibus gloriam, neque à vobis, neque ab aliis. Cùm possemus vobis oneri esse, ut Christi Apostoli, (Id est, cùm possem stipendium à vobis exigere, ad me ipsum eosque qui mihi ministrant alendos, quod Petrus, Jacobus, & cæteri Apostoli faciunt) tamen non usi sumus hac potestate, neque gratis panem manducavimus ab aliquo, sed in labore, & in fatigatione nocte & die operantes, ne quem vestrâ gravaremus, prædicavimus in vobis Evangelium Dei. Non quasi non habuerimus potestatem alimenta à vobis exigendi; sed ne quod offendiculum demus Evangelio Christi, & ut nosmetipsos formam demus vobis ad imitandum nos. Hæc eadem si de se Jesuitæ verè profiteri poterunt, pro exploratissimo haberi debet, nullo genere minorem ab eis, quàm ab ipso Paulo, Dei gloriæ salutique animarum operam navatum iri. Sermo quippe & prædicatio Pauli non fuit in persuasibilibus humana sapientia verbis, sed in ostensione spiritus & virtutis, 1. Cor. 2. Reliqui etiam Apostoli virtute magnâ testimonium reddebant Christo, & gratia magna erat in illis, quia ex tanto auro & argento ad pedes eorum à fidelibus deposito eorumque ditioni ac nutui permissio, nemo eorum aliquid suum esse dicebat, sed inde dividebant singulis prout cuique opus erat. Act. 4. Quis tandem Principum est, quantumcumque Jesuitas amet, cui non risum erumpere necesse sit, si hodie Jesuitas Apostoli verbis de se profitentes audiat? Non quasi hominibus placentes loquimur, nec fuimus aliquando in sermone adulationis, sicut scitis: neque in occasione avaritia, Deus est testis. Ut enim de avaritia dicere prætermittam, cujus occasionem nullam nec minimam eis effluere Deus testis est, & mundus novit universus: adulationum nemo magis, quàm ipsi Principes eis est conscius. Nec enim in privatis modò sermonibus curæ habent exquisitissi-

mo assentationis genere Principes demereri, sed in ipsis quoque sacris concionibus & scenicis actionibus in laudes præsentium effundi non dubitant, & quoniam voci suæ diffidunt, nec linguas suas adulatoris partes satis peragere credunt, in partem vocantur parietes, columnæ & peristylia, & elogiorum laudationumque nulla fronte in Principes congestarum implentur. Atque hoc in Societate est epidemium, solenne ac pervulgatum, nec ullus terrarum locus est, ubi domicilium habent Jesuitæ, quin fœdissimarum id genus adulationum anniversaria specimina videat. Itaque cum Jesuitarum, tum Principum nostræ ætatis exemplo fides sit, minimè vana esse, quæ à Seneca scripta legimus. *Illud præcipuè impedit, quod citò nobis placemus. Si invenimus qui nos bonos viros dicat, qui prudentes, qui sanctos, agnoscimus. Nec sumus modica laudatione contenti. Quicquid in nos adulatio sine pudore congescit, tanquam debitum pendimus. Optimos non esse, sapientissimos affirmantibus assentimur, cum sciamus illos sæpè mentiri. Apertis & propitiis auribus adulatio recipitur, & in præcordia ima descendit, eo ipso gratiosa, quo lædit. Non est, quod nos magis alienâ iudices adulatione perire, quàm nostrâ. Quis sibi verum dicere ausus est? Quis non inter laudantium blandientiumque positus greges, plurimum tamen sibi ipse assentatus est? Adulatoribus ergo latus ne præbeas. Artifices sunt ad captandos superiores. Par illis, etiam si benè caveris, non eris. Habent hoc in se naturale blanditiæ: etiam cum rejiciuntur placent: sæpè exclusa, novissimè recipiuntur. Hoc enim ipsum imputant, quod repelluntur, & subigi ne contumelia quidem possunt. Alius adulatione clam utetur parè: alius ex aperto palam, rusticitate simulatâ, quasi simplicitas illa, non ars sit. Plancus artifex maximus aiebat, non esse occultè, non ex dissimulato blandiendum. Plurimum adulator cum deprehensus est, proficit: plus etiamnum si objurgatus est, si erubuit. Adulationi opponimus, non claudimus osium, & quidem sic, quemadmodum opponi amica solet: quæ si impulsit, grata est: gratior, si effregit. Quo apertior est adulatio, quo improbius, quo magis frontem*

tem perficit, hoc citius expugnat. Eò enim jam demerita venimus, ut qui parè adulatur, pro maligno sit. Jam si quis certò scire velit, gloriamne ab hominibus Jesuitæ quarant, experimento capto id ei discere licebit. Accedat ad eos, narretque auditum sibi virum quendam doctum, qui præ se ferre non dubitet, non omnes omnium Jesuitarum actiones sibi placere, neque rectè atque ordine ab illis fieri, quod bonorum auctorum libris suis auditoribus interdicant, & linguam Latinam discere aventibus suos Gallios, Stradas, Masseios, Pontanos, ejusdemque farinæ alios, nihilo quovis nummo novo meliores obtrudant. Statim, sat scio, velut gravi acceptâ injuriâ totis irarum habenis in illum, quisquis erit, debacchabuntur, & asinum, stipitem, illiteratum, Societatis hostem, meritoque de heresi suspectum dicent. Aded illis gloria sua & popularis de se existimatio cordi est, ut præ illa nihil jam modestiæ, nihil humilitatis, nihil patientiæ, nihil denique præclari illius præcepti ac promissi sui meminisse possint, quo sese cùm in Societatem Jesu admitti peterent, obligarunt. Christi scilicet verbum est. Psal. 68. *Improprium expectavit cor meum & miseriam*; de quo & Propheta Tren. 3. *Saturabitur opprobriis*. Hic Socios & discipulos suos in prima admissione hoc præcepto imbuunt: *Discite à me, quia mitis sum & humilis corde*, hoc est imitamini quod in me videtis, esurite opprobria, expectate impropéria, utque ab omnibus contemnamini, irideamini, proque fatuis, insipientibus & indoctis habeamini, in votis habere. *Hoc jugum est meum*, quod à vobis cervicibus vestris tolli, *hoc onus*, quod humeris impositum portari, hæc denique varia seu versicoloria vestis & *Livrea mea*, ex qua familiæ meæ domesticos cognosci, & ab iis, qui de Mundi cohorte sunt, internosci volo. Itaque S. Ignatius in Examine generali eorum, qui Jesuitæ fieri cupiunt, cap. 4. eos, qui examinantur docet, *Diligenter animadvertere oportere, magnificando summiq; momenti id esse ducendo in conspectu creatoris nostri, quantopere juvet ad vitæ spiritualis profectum, non ex parte tantum, sed*

omnino abhorriere ab omnibus, qua mundus amat, & amplectitur, & admittere ac totis viribus concupiscere, quicquid Christus amavit & amplexus est. Ut enim mundani homines diligunt & quarunt honores, famam, magni nominis existimationem in terra, sicut mundus eos edocet: sic qui serio Christum amant, ardent exoptant iis contraria, indui nimirum eadem veste & insignibus Domini sui pro ipsius amore; aded ut si sine offensione ulla Dei & absque proximi peccato foret, vellent contumelias, falsa testimonia & injurias pati, ac stulti haberi (nulla tamen ad id per eos data occasione) eo quod exoptant assimilari & imitari aliquo modo Christum, ejusque vestibus & insignibus indui, quandoquidem ille ipse propter majorem profectum nostrum spirituales induit; nobisque exemplum dedit, ut in omnibus eum imitari & sequi velimus. Examinandus proinde interrogetur, an decreverit paratusque sit injurias, illusiones, & opprobria in Christi Livrea sive insignibus inclusa, qua ei inferentur per quemvis viventium, admittere & patienter ferre, nulloque malum pro malo, sed bonum pro malo reddere. Hoc ipsum in libro, qui Regulas Societatis Jesu complectitur, capite undecimo Summarii Constitutionum, ab omnibus Jesuitis observandum præcipitur: & *Alfonso Rodriguez* parte secundâ de perfectionis & virtutis Christianæ exercitio, eos qui hanc regulam non exanimam observant, negat esse verè Religiosos, neque Jesuitarum præter nomen quicquam habere. Quotusquisque verò Jesuita hanc insignem familiæ Jesu vestem non projicit, omneque contemptus genus non toto petore averfatur? Scilicet omni vi persuasum omnibus volunt, Jesuitas omnes esse sanctos, esse inculpabiles, esse literarum, omnisque doctrinæ ac sapientiæ principes: quæ verò aut Jesuitæ non sint, aut in scholis eorum docti non fuerint, esse villæ ac plebeia capita, trivolos minimæque rei homunciones. His vocibus aures Jesuiticorum discipulorum quotidie personant, eoque fit, ut illi vel maximi nominis in literis viros prorsus ignorent, ac neque de nomine noverint, quamvis eos ipse Pontifex, Imperator, Reges ac Principes doctrinæ

virtutisque laudibus ad cœlum usque extollere soleant. Quia scilicet mundum amant Jesuitæ, eaque quæ in mundo sunt, præcipueque quia opes ab hominibus in Collegia sua certatim congeri exoptant, sua plurimum interesse arbitrantur, ita persuasum esse hominibus, nemini pietatem, virtutes aut literas posse contingere, nisi Jesuitis utatur Magistris. Itaque si quos per vias Jesuitas incedentes videas, *modestiam vultus ac maturitatem incesus* nequaquam requiras, atque adeo ex subducto illo supercilio, ex vultu multa ac præclara minante, ex summa denique eorum accuratione, ut ne vestigia quidem pedum extra mensuram aberrant, Socratem tibi, vel dicam Divorum aliquem, Hieronymum puta; Augustinum vel Ambrosium videre videaris. At eosdem si vel discipuli, vel quivis alius paulò familiarior domi conveniat, ac vel solœcismi aliquid magnum ac spectatum virum in aliquo Jesuitarum notasse renunciet, ibi eos nihil quovis fossore aut caprimulgo interesse, omnique maledictorum genere in cum invehi admireris; prorsus ut quicquam erroris in ullo Jesuita reprehendere, id sit grande nefas admittere, ac paulò minùs quàm divinam Majestatem minuere. Hic enim verò aures obsurdescunt ad inonitum vel præceptum illud, quod in summario Constitutionum 29. loco ejus instillatur, *ut veram humilitatem in maturitate motuum omnium sine ullo impatientia aut superbia signo exhibeant.* Verè igitur qui tantâ laborant impatientiâ, nihilo tamen minùs de familia Jesu videri postulant, *similes sunt sepulchris dealbatis, quæ à foris parent hominibus speciosa, intus verò plena sunt ossibus mortuorum & omni spurcitiâ.* Sic & illi à foris quidem parent hominibus, animo maximè compositi, mites & humiles corde, intus autem sunt pleni hypocrisis, impatientiâ & regio prorsus spiritu, ut se iis quoque quos gravissimè priores læserunt, inviolatos esse debere judicent, sibi que licentiam dari velint in alterum, in se nolint alteri. Adeo *radix omnium malorum etiam re- vodoxiçs gloriolæque inanis, est cupiditas.* Nam qui volunt divites fieri, & supervacua, sive suo proprio, sive com-

communi nomine possidere, *incidunt in tentationem & laqueum Diaboli & desideria multa inutilia & nociva, quæ mergunt homines in interitum*, ut Apostolus docet, 1. Tim. 6. Qui ergo Principum ex animo Jesuitis factum volunt, suâ pietate dignum fecerint, si summâ nitantur ope, ut istam tantorum malorum radicem præciant, & supervacuorum cupiditate Jesuitas liberent, auctoritate suâ interpositâ facientes, ut habeant illi quæcumque eis ad vitam & ad operam Ecclesiæ navandam sunt necessaria, neque quicquam præterea eleemosynarum suis Collegiis neque petere, neque accipere eis fas sit. Ita non erit eis periculum: ne incendant in tentationem & laqueum diaboli, neu desideria eos sua multa & nociva mergant in interitum.

Reliquum est, ut de Ambitione similiter videamus, quo ea modo à Societate excludi proculque haberi possit. Ambitio verò vel Præpositi generalis est, vel Sociorum, exemplo Præpositi sui peccantium. Illa est latissimè imperandi cupiditas, ut scilicet omnes Societatis homines de se pendentes nutumque suum observantes videat, extra Societatem verò optimum & maximum quemque sibi obnoxium ac propè devotum habeat. *In multitudine scilicet populi subiecti est dignitas Regis, & in paucitate plebis ignominia Principis*, ut Proverb. 14. affirmat Salomo. Alios etiam libentissimè imperia sua excipientes, ac simul vel innuerit ipse, vel increpuerit digitis, agillimè ad jubendum occurrere, & jussâ capeffere paratos intueri, hoc enim verò est divisum cum Jove imperium obtinere, ac paulò minùs esse, quàm præsentem Deum. Hujus porro immensæ & infinitæ suæ Ambitionis dominandique libidinis illustrissimum nuper documentum dedit, cum per Societatis suæ Patres ab Imperatore contendit; ut omni jure Carolinæ Academiæ Regni Bohemi in Pragensi Jesuitarum Collegium auctoritate regiâ translatò, suum Archiepiscopo Cardinali ab Harrach jus eriperet, & alicui Jesuitæ, quemcumque Patriarcha suus ei Collégio Rectorem præfecisset, omnes Regni Scholasticos, tam discipulos, quàm Magistros, tum Bibliopolas & Libra-

rios ac Typographos , hoc est quasi dimidiam regni partem subjiceret : etsi Cæsarem eo facto piacularem futurum, inque sanctionem, quæ *Bulla Cane Domini* dicitur, gravissimè peccatum minimè ignoraret, quæ de re ipsius Cardinalis Archiepiscopi libellus videri potest qui ad immanem illius audaciam demonstrandam sufficit. Socii verò, quos idem cacoëthes tenet, se Magnatum amicitia ac familiaritate florere, multumque in Aulis præcipuè Principum, gratia & auctoritate posse, magni negotia momenti suæ prudentiæ ac fidei à Principibus committi, nec minimum clientibus suis procuraciones sive officia, aut dignitates & honores ambientibus præsidium in ipsis esse gaudent. De quo Ambitionis genere audire est operæ pretium, quid ipse P. Claudius Aquaviva in suo *Indusiarum* libro de curandis *Jesuitarum morbis* anno 1615. Romæ edito cap. 15. judicavit.

*Secularitas* (inquit) & *Aulicismus* insinuans in familiaritates & gratiam externorum, morbus est in Societate & intra & extra periculosus, & istis qui eum patiuntur, & nobis ferè nescientibus paulatim subintrat, specie quidem lucrificandi Principes, Prælatos, Magnates, conciliandi ad divinum obsequium hujusmodi homines Societati, juvandi proximos &c. Sed revera quarimus interdum Nos ipsos, & paulatim ad secularia deflectimus.

Similiter *Instructionis pro Superioribus*, libri eodem tempore locoque editi cap. 1. sic eundem morbum describit:

Est & alia malorum radix longè periculossima, eoque periculosior, quò minus vulgo noxia censi solet, rerum scilicet externarum occupatio, in quam Superiores ferè ut plurimum, ac variis nominibus supra modum effundi solent. Sunt enim qui natura quadam propensione ad distractiones proni, non solum oblatas occasiones cupide arripiunt, ut operam suam impendant, sed eas ipsimet ultro quarunt, & nasci quodammodo ac succrescere faciunt. Alii per speciem proximos lucrificandi, multus sese visitationibus (scu Principum, Magnatum & divitum congressibus)



gressibus) implicant, iisque non modo non necessariis, sed parum etiam utilibus, atque in his ita versantur, ut à sacularium moribus parum abscedant.

Quanti porro quævis Ambitio sit periculi, quàmque præsens Societati exitium portendat, in *Constitutionum Societatis* libro parte decimâ hoc modo significatur.

Erit summi momenti, ut perpetuò felix Societatis status conservetur, diligentissimè ambitionem, malorum omnium in quavis Repub. vel Congregatione matrem, submovere.

Et in libro *Instructionum ad Superiores Societatis*. Instruct. 14. cap. 7.

Prædantur initio ista familiaritates cum Principibus, antequam adolescent & radices agant, quæ Societati nostræ, nisi fortiter obistamus, graviter minitantur, præsertim cum Superiores convivent.

Et in eo, qui *Regulas Societatis* complectitur, regularum communium regulâ 41.

Secularia negotia, ut quæ sunt à nostro instituto aliena & vehementer à spiritualibus avergant, averfari convenit.

De ipsa verò Patris Generalis Ambitione Pater Mariana libri sui de Regimine Societatis cap. 10. ex professo disputat, & à gravi querela hoc modo incipit.

Pervenimus nunc ad fontem & originem nostrarum turbarum ac molestiarum, quas in Societate experimur. Singularis ferus depastus est eam. Monarchia ista, mea sententiâ, non humi affligit ac prosternit, non quia sit Monarchia, sed quia non sit benè temperata. Hac enim verò bellua est, quæ quicquid attingit, populatur ac vastat. Quam nisi vinculis compescamus, non est, quòd ullam nobis quietem polliceamur, &c. Et si leges habemus, easque plures numero, quàm necesse sit, Generalis tamen nihil in gubernatione leges moratur, neque in dandis officiis, neque in admittendo Socios ad professionem, neque in constituendis Collegiis, neque innumeris in rebus aliis. Nam si leges sint, ille in omnibus, aut propè in omnibus dispensandi ac legibus quem libeat solvendi auctoritate utitur. Cumque Monarcha, nisi Tyrannidem exer-

*quere velit, de rebus singularibus ac temporariis, nihil nisi de consilii sententia facere debeat, commiseratione dignum est, de quo passim querela audientur, quod res omnes in unaquaque provincia pro eo administrantur ac Provincialis, itemque alter ac tertius scribunt, quos sibi Generalis novit fidos & obnoxios, reliquorum verò nulla ducitur ratio, etsi omni ex parte multum illis præsint.*

Et capite proximo distinctè mala omnia exsequitur, quæ ex Pambasilia, sive absoluta nullisque legum vinculis adstricta Generalis eique similium Provincialium Præpositorum imperii formâ nascuntur: quorum præcipua sunt, quod minus justitiæ sit in præmiis ac pœnis pro cujusque merito tribuendis, quàm in quavis latronum ac sicariorum societate: quod excellens virtus aut doctrina ad honores ac munera impedimento sit, ac vel odium, vel contemptum inveniat: quod atrocitas eorum, qui præsunt, seu Superiorum delicta impunita maneant, non parum sæpe etiam iis ad majores dignitates suffragentur: quod vectigalia Societatis ex piorum hominum eleemosynis confecta Superiorum sive temeritate & imperitiâ, sive infidelitate ac fraude dilapidentur, corrumpantur, aut alienentur: quod præclarissima ingenia, quæ alioqui utilissimam Reipub. operam navare potuissent, in Societatem recepta sine ullo ferè operæ pretio in ea desideant, nec solum in quovis disciplinarum genere parùm proficiant, sed etiam in virtutis amore relanguescant: quod quicumque saluti & incolumitati suæ consultum volunt, aut ad procuraciones & officia adspirant, Superiorum gratiam vel assentationibus, vel deferendis Sociorum nominibus colligere necesse habeant: quod denique multi innocentes Dei famuli injustè affligantur, prorsusque etiam in Societate interficiantur: cujus rei cum ingens sit atrocitas, quæ non temerè fidem inventura videatur, cumque Hetruscus interpretes vitiosum nactus codicem minus rectè (item ut in multis aliis) Marianæ verba converterit; totum illum locum capituli XIV. ex Hispanico exemplari recitari placet.

*Es cosa miserable, que por nuestros peccados muchas ve-*

ees se hace el contrario de toto esto: que los buenos ò sin causa, ò por cosas ligeras son affligidos, y aun MUERTOS por pensar, que no hablaran, ni resistiran: de que se podrian poner la stimosos exemplos: y los ruines son sobre livados, porque les tienen miedo, que es estat el gobierno mal trazado y sin niervos. Punto que solo basta, para que Dios hunda la compaña. Yo siempre he traydo delante de los ojos, que Dios nos afflige por disgustos, y asrentas, y agravios, que à sus siervos en la compaña (aun que con buena intencion) se han hecho indevidamente: pues à su bondad pertenece boluer por los suos, y vengarlos de quien con qualquier color los affligiere contra razon.

Id est:

*Miserrimum est, quòd propter peccata nostra plerumque contra fit, ac fieri oportebat. Boni enim aut sine ulla causa, aut saltem levi de causa affliguntur, atque etiam interficiuntur, quòd non videantur oblocuturi, nec restituri, cujus rei luctuosa afferri possunt exempla. Improbi vicissim tolerantur, eo quòd metui sint. (Hoc est, se defendendi multa aliorum delicta propalaturi videantur.) Hoc enim verò est vitiosam esse ac sine nervis regiminis nostri formam: quo quidem uno in capite satis causa est, cur Deus Societatem funditus submergat. Mihi semper ob oculos obversatur, nos à Deò plecti propter molestias, injurias & vexationes, quæ servis ejus (bono quavis animo) in Societate immeritò obvenerunt, eosque ulciscatur, qui nulla cum ratione quocumque colore eos affligerint.*

Cùm ergo tam ingentium in Societate malorum causam Ambitio sustineat, omnibus salutem & conservationem Societatis cordi habentibus meritò gratissimum debet accidere, si quis nihil ad diligentiam faciat reliqui, ut. pestem istam longissimè à Societate submoveas omnemque ei reditum in posteritatem præcludat. Ejus autem rei facillimam idem P. Mariana rationem monstrat, si nimirum ista Patris Generalis Monarchia-Aristocratici imperii mixtione temperetur. Quod quidem futurum judicat, si quatuor leges perpetuum duraturæ in Societate figantur. Tanquam

I. Generalis Societatis Præpositus legibus sit devinctus, ut & ipse eas observet, nec quemquam sine Provincialium Conventuum consilio iis solvere, seu cum quoquam dispensare possit.

II. Conventus seu Congregationes Generales statis temporibus habeantur, & loco omnibus nationibus commodiore.

III. In Conventibus generalibus administrationis suæ rationes Præpositus Generalis reddere, eorumque decretis parere necesse habeat.

IV. Conventus Provinciales, vel certe Præpositi provinciales unâ cum optionibus sive Assistentibus (quos provinciarum singularum cœtus suis suffragiis elegerit, & Pater Generalis confirmaverit) jus habeant Rectores, Procuratores, Ministros, aliosque officiales constituendi, & abigendi, Sociorum, quos velint ad professionem admittendi, peccantes puniendi, in scholis & Ecclesiis docendi munus dandi & adimendi, quos & quò velint ablegandi, omnia denique illa faciendi, quæ certam & distinctam rerum singularium, & personarum noticiam requirunt, neque tantùm moræ ferunt, ut de iis Romam referatur, indeque responsum expectetur.

In istis legibus nihil prorsus iniqui esse cùm distinctè ac sigillatim Mariana demonstrat, tum omnes æqui ac prudentes existimatores suâ sponte intelligunt. Quàm multiplex porro ex ista nomothesia expectanda sit utilitas, vel ex iis quæ subijciam, perspicuum evadet.

I. Omnes, qui in Societate vivunt, æquis erunt animis. Superiores enim seu Prælatos ipsi posthac eligent: quoties velint convenient, in proximo conventu aut mutabunt, aut rescient, iis penitus noti erunt, & si quid sit quod eos urat, spe propinquæ mutationis se sustentabunt.

II. Multò plures Societas habebit in omni disciplinarum genere eminentes. Videbunt enim litteris esse pretium, nec (ut adhuc fieri solitum Mariana queritur) quo quisque est doctior, eo ad procuraciones & officia minus idoneum existimari.

III. Multorum virtus magis erit conspicua, & cum Societatem, tum totam Ecclesiam exornabit. Electio quippe Superiorum penes eos erit, qui suâ interesse censent, se optimo cuique subjectos esse: nec eis aliena virtus formidolosa est: quod contra nunc usuvenire Mariana quiritatur, ut quorum est officia distribuere, iis boni, quàm mali, suspectiores sint.

IV. Non erunt in Societate Adulatores, sublatâ causâ cur quisquam eorum qui præfunt, gratiam assentatione colligere conetur. Officiorum enim consequendi spes iis tantum relinquetur, quos provinciales Socii multorum annorum usu ad ea maximè idoneos compererint.

V. Exploratores, delatores, sycophantæ, deterri- mum genus hominum, à Societate posthac exsultabunt, quippe in qua nemo erit, qui suâ interesse putet, sibi singulorum ingenium; proclivitates ad vitia, & occul- tiora peccata notescere. Præpositi enim provinciales cum suis Assistentibus multorum annorum contubernio provincie suæ sodales ita pernoctare poterunt, ut de illis potius aliorum delationi, quàm suæ ipsorum experien- tiæ credere nequaquam debeant. Generalis verò Præ- positus satis habebit, si de majoris tantum momenti rebus provincialium conventuum relatione, aut saltem ab iis Sociorum, quorum fides & integritas satis spe- ctata sit, subinde doceatur.

VI. Nullum erit periculum, ne officia Societatis fiant vernalia: quo quidem periculo Societatem hoc tempore minimè vacare in libri sui Epilogo Mariana significat. Multa enim ex Collegiis munera Romam sub- inde mitti, quorum numerus usque eò multiplicari possit, ut ad officia pretio paranda satis sint.

VII. Societatis vectigalia majori cum fide, intègri- tate ac prudentia administrabuntur, quàm adhuc fieri solere ex Mariana cognoscimus. Ait enim cap. 8. Su- periores imperium habere nimis absolutum & indepen- dens, ac quidquid cuique libeat facere. Quod alter adi- ficavit, ab altero dirui; quod alter plantaverat, alterum evellere,

evellere, eâque re maximarum impensarum minimè necessariarum causam præberi: nec etiam bonâ fide impensarum rationes exigi, & quamvis exigi solerent, si quis tamen Rector aut Procurator minùs fidelis sit, magnas eum summas pecuniarum dilapidare posse. Et cap. 14. queritur Provinciales ac Rectores, si vel gravissimè peccent, violando regulam ac statuta, edificando & diruendo sine ulla necessitate ac nemine consulto, dilapidando facultates Societatis, aut largiendo consanguineis, non nisi post multos demum annos puniri, sed non aliâ pœnâ, quàm ut eis abrogetur officium quod gesserunt, dato plerumque alio meliori. Posthac nihil horum usuveniet, si Superiorum potestas sit legibus adstrictior, neque eis sine conventuum provincialium consensu quicquid libuerit facere liceat.

VIII. Societas posthac are alieno non sic obruetur, ut nunc fieri Mariana cap. 8. queritur. In sola enim Provincia Toletana plusquam ducenta quinquaginta ducentorum millia alieni aris esse, eoque id fieri quod facere Jesuita negligant id quod alii suadent, & præcipiunt, ut nimirum redditus suos metiantur, nec plus expendant, quàm possident. Et cap. 15. universè omnes Jesuitas sumtuosos esse totidem verbis fatetur: *La gente de la Compañia es tan amiga de gastar, los grandes y los chicos, que non se como en este non se repara.* Id est, Societatis homines à minimo usque ad maximum tam sunt propensi ad expendendas pecunias, ut nesciam qui fiat, quod malo non ahibetur remedium. A Superioribus scilicet sumtuum factorum rationes non exiguntur, eaque res eos in faciendis impensis reddit animosos. Alii porro eorum exemplo depravantur, ut se pauperes esse ac peccata populi comedere, sive elemosynis victitare, parum meminerint.

IX. Nulli posthac impunè erit deliquisse, neque quæquam vel Superiorum gratia ac favor, vel mutua peccatorum conscientia ac dissimulatio committæ pœnæ eximet, velut quotidie usuvenire, nulliusque Superioris ob gravissimas culpas multati exemplum existare sæpius Mariana dolentissimeque expostulat.

X. Nulli bono & innocenti vel levissimæ injuriæ, nedum capitis discrimen à Superiorum impotentia imminet. Conventus enim provincialis erit τῶν ἐνθυμῶν κέρως, hoc est, gesti officii rationes à Superioribus repositæ, factasque innoxias injurias vindicabit.

XI. Non sic mutuo alter alterius honorem depeculabuntur, ut nunc faciunt, Mariana teste, cujus cap. 13. verba sunt: *Yo osaria asegurar, que si los Archivos de Roma se desembuelven, que no se hallarà uno solo, que sea hombre de bien.* Id est, Liquidò asseverare auiam, si Romæ Patris Generalis scrinia evolvantur, ne unum quidem solum Jesuitam inventum iri, qui sit vir bonus. Quid nunc externos de ipsis existimare volunt, si ipsi inter se mutuo se tabulis consignatis & Romam missis testantur esse improbos & intestabiles?

XII. Errores si qui sunt tam in docendo, quam in vivendo, Provincialium conventuum intelligentiâ animadvertentur & auctoritate corrigentur: quod contra qui nunc rerum potiuntur, Mariana testante, sunt & rerum & literarum imperiti, ex eoque confidentes, qui monere se asperrimè patiuntur, suamque ac Societatis universæ existimationem in eo verti putant, si quid credatur in Societate minùs rectè fieri, seque alieno vel exemplo, vel monito indigentes videri. Hac de re Mariana videri potest cap. 1. & 2. & 6.

XIII. Generalis Præpositus Societatis minùs posthac negotiis obruetur, abdicatâ curâ rerum singularium, quarum notitia explorata, rectæque administrationi necessaria, ex longinquo haberi non potest; cum aliter atque aliter iisdem de rebus scribi ad eum soleat, pro eo ac quisque gratiâ aut odio impellitur, aut etiam in describendis actionum alterius attributis seu circumstantiis aut fallitur aut fallere conatur.

XIV. Liberabitur idem Generalis molestissimâ multa absorbendi ac dissimulandi necessitate, dum veretur eos offendere sibi infestos reddere, qui auctoritate pollent, & affectis adscitis Societatem in studia factionesque diducere, aut Principum favore subnixi Ro-

nam provocare, ibique occulta dedecoris manifestare, & invidiam Generali constare multiplexque negotium exhibere possunt. Quod quendam Vallisoleti Jesuitam fecisse Mariana cap. 4. narrat, ubi etiam monet, *Valde debilem esse Generalis potentiam, simul ac respectum & auctoritatem apud Socios amiserit, cū multa sint rationes, quibus ei resisti & cuniculi adversus eum agi possint.*

XV. Nemini Sociorum invisum erit Generalis imperium, si non illius, sed Provincialium conventuum auctoritate, ea quæ aliquid habent odii, administrari viderint, de quibus agit Mariana cap. 16.

XVI. Non præbebitur mala species, nec offensæ ac scandali occasio, quæ vitari non potest, si Superioribus nulla legum cura sit, cū eas non secus ac telas araneorum pertrumpunt ac libidine suâ pro ratione utuntur. Marianæ verba sunt cap. 19. *In omnibus ferè legibus dispensat non modo Generalis, sed alii quoque Superiores.* Et cap. 15. *Quàm multa constitutiones fuerint mutata, & quidem (quod pejus est) nulla cum auctoritate? Quid tandem refert bonas ferri leges, si Superiores illas non teneant, earumque vim jus fasque sit Superioribus minuere? Reges gentium dominantur earum, hoc est ex libidine sua, non ex legum præscripto eis imperant; Vos autem non sic.*

XVII. Externi longè pluris Societatem facient, in eamque admitti experent, cū leges in ea probè stabilitas esse, nihilque in eas Superioribus licere intellexerint.

XVIII. Longè stabilior ac diuturnior erit Societas sublatis offensus, dissidiorum ac factionum occasionibus. Nec enim quisquam erit, qui formam imperii mutari suâ interesse putet, quemadmodum adhuc factitatum Mariana passim testatur. Verba ejus in proœmio sunt: *In Societate tam multa turba ac seditiones fuerint excitata, ut miraculi sit, inveniri aliquem qui non fuerit illis implicatus.*



XIX. Nullum posthac à secularitate & Aulicismo Societati erit periculum, cum qui aulas & Magnatum domos sectantur, plusque negotiis secularibus implicentur, eo plerumque id faciant (ut cap. 20. Mariana disputat) quod se in Societate jacere nulloque numero haberi intelligant, sibi etiam adversus Superiorum injurias præsidium ac tutelam comparare student. In posterum virtuti erit pretium, neque quisquam à Superiore sibi minus æquo metuere necesse habebit.

XX. Principibus posthac Jesuitam à Confessionibus & domus suæ familiarem habere postulantibus minore negotio præcidetur, & ingens, quod istæ Principum familiaritates Societati comminantur, periculum evitabitur, si Superiores sibi quemquam legibus Societatis solvere integrum non esse, remque eam à Conventus generalis auctoritate pendere excusaverint. Quam ad rem etsi satis videri debet, quod secundæ Congregationis Generalis Canone perspicue sancitum est, *ne quisquam Jesuita Principibus aut Magnatibus, sive Ecclesiasticis, sive secularibus, assignetur, qui Aulas eorum sequatur, & Confessarii, aut Theologi aut quovis alio munere fungatur*, quia tamen Principes interdum improbius contendunt, ac ne bimestri quidem Jesuitæ alicujus contubernio contenti sunt, parum omnino pensi habentes, quod Christum à Petro ter negatum sciunt, qui tamen sine controversia & Religiosus, & de Societate Jesu, & primus ejusdem Societatis Præpositus generalis fuit, & non *duobus mensibus* (quod Jesuitis idem Canon permittit) sed vix duabus horis in Ecclesiastici Principis Aula defederat: propterea præclaram Societati operam navasse censendus est Gaspar Scioppius, cum veram omnique injustitiâ & periculo vacuum capiendi & conservandi idonei Confessarii rationem Principibus subjecit. Sic enim illi Societati molesti esse desinent, nec ut suâ causâ leges ejus migrentur, & agendis ad statum ejus convellendum cuniculis occasio præbeatur, postulare volent. Monitos autem Jesuitas volo longè Consultationem illam Scioppii fore *πιστοριον* magisque hexanimam, si & ipsi seriò connitantur, sibi que

Aulas omnes, Principum amicitias, clientium officia, omnem denique *beata Fumum & opes strepitumque* Roma in offensu esse fidem omnibus faciant. Ita poterunt illi, quod homini Religioso in primis votis esse debet, *sub paupere tecto Reges & Regum vita praecurrere amicos*. Aliter parum moniti illius memores videbuntur, quod est Ecclesiastici cap. 32. *Ne credas te via laboriosa, ne ponas animae tuae scandalum*.

ANNO C. N. M. D. C. XXXIV.

MENSE MAIO.

VI.

FORTUNII GALINDI.

CANTABRI

DE CAUSIS

PUBLICI ERGA

JESUITAS ODII

DISPUTATIO.

**Q**UOD passim usque eo invisi sunt Jesuitæ, nec ab Hæreticis modò, sed etiam à plerisque Catholicorum in sermonibus minùs bellè audiunt, id ego partim gratis, partim nonnulla quorundam culpa fieri existimo. Gratis quidem, quia ut plerisque persuasum est, nisi Jesuitæ singulari Dei dono hac ultima mundi ætate excitati summis viribus obstitissent, ætatum jam esset in Germania de religione Catholica: nam hi juventutem ad Religionem aduefecerunt, Sa-  
cer-

sacerdotes non minùs bonis moribus, quàm literis instruxerunt, Principes excitarunt, Hæreticos voce ac stilo represserunt: quibus nominibus immortales Societati gratias deberi, neminem qui bona fide sit Catholicus negare, nec veræ Jesuitarum apud Deum hominesque gloriæ intercedere velle arbitrantur: qui nimirum delectos populi Israël sub duce Jesu in campetribus adversus Amalechitas signis collatis depugnantes vident, eorumque virtuti secundum belli exitum assignant, qui tamen uni Moyysi in collis vertice oranti ejusque adminiculatoribus debetur. *Cum enim Moyses levaret manus, vincebat Israël: sin autem paululum remisisset, superabat Amalec*, Exod. 17. Hanc porro figuram fuisse modi illius, quo Ecclesiæ hostes vincit oportet Judit. 4. sic monemur: *Moyse Amalec confidentem in potentia sua, non ferro pugnando, sed precibus sanctis orando dejecit. Sic erunt universi hostes Israël*, ut nimirum non humanæ potentix, eruditionis aut eloquentix armis, sed hominum sanctorum Deo vacantium orationibus devincantur.

Culpa verò Jesuitarum, quæ ipsos passim invisos reddit, hæc est, quòd nonnulli plus aulis & contillis ac negotiis Principum immiscentur, & Monopolium quoddam gratiæ apud Deum & Principes instituire conantur, ut omnes ad se convolare, & non modò apud Principes, sed etiam apud Deum ipsis interpretibus uti postulent: eos verò, qui apud Franciscanos, Dominicanos, Augustinianos aliosque peccata confitentur, pro viris minùs bonis habeant. Itaque videre est in aulis, ubi Jesuitæ dominantur, pietatem esse quæstuosam. Si quis enim crebrò Jesuitis confiteatur (postquam scilicet atrociora peccata priùs Monacho alicui confessus est) & in audienda missa utroque genu continuo nirutur, pectus quoque fortiusculè oppugnaverit seu pugno percusserit, Sodalitati B. Virginis nomen dederit, pueriles eorum comedias ac fabulas, quamvis pædagogicarum ineptiarum & præstigiarum plenissimas, pluvius prosequatur, in omnibus denique rebus suum eis studium probaverit, hunc continuo  
pium

pium ac Deo devotum hominem esse, & Principibus accuratè commendari, officiisque lucrosissimis affici oportet: in quibus si postea vel facinorosissimè se gerat, Principes depeculetur, provinciales spoliet, dum tamen Collegio mittat munera, eisque, si qua pecunia commissà, si qua multa pecuniaria imposita sit, maturè indicium faciat (ne quis eos scilicet in ambienda ea pecunia apud Principes antevertat) eum tueri nequaquam sibi Religioni ducunt, quippè qui Societatem opibus, potentia, Principumque gratia florere minimè gloriæ Dei disconducere intelligant. *Sive manducatis* (ait Apostolus 1. Cor. 10.) *sive bibitis, sive aliud quid facitis*, & homines facinorosos in Societatem munificos patrocínio vestro complectimini, *omnia in gloriam Dei facite. Univerſa enim propter semetipsum operatus est Dominus, etiam impium*, maxime qui opibus suis piorum conatibus adiutorem se præbet, *Prover. 16.* Laudem ergo summam meretur sapientia quorundam magnorum Principum, qui quamvis Jesuitas ament plurimum, eos tamen in Collegio suo continent, neque pedem in Aulam ponere permittunt, nisi cum vel Confessore eis opus est, vel aliquin necessitas aliqua Jesuitis ad Principem accedendi imponitur. Nimirum potest pietas etiam generosa ac virilis, minimeque aut puerilis aut effeminata esse, neque continuò odit Jesuitas, si quis non in omnibus arridet aut applaudit, neque mimo eorum histrionem se præbet. Et sanè nemini plus quam ipsis contulit, qui operam addit, ut suarum rerum satagant, neque præfecturam aulicorum negotiorum sibi vindicent. Cum enim sint homines de schola, pædagogicæ loci ac judicii, fieri facillè potest, ut aberrant & allucinentur in dandis consiliis politicis & æconomicis; quod cum fit, omnis rei malè gestæ culpa in ipsos, & quidem in totam Societatem imponi solet, adeoque publico omnium odio obnoxii minùs deinceps aliis prodesse possunt, recteque illud Homeri in eos confertur, quod de Margite protulit: *Multa quidem norat, sed pravè eadem omnia norat.* Quin etiam cum pernicio-

forum

forum & malè vertentium consiliorum participes aut consilii minimè fuere, quia tamen multum in aulis apparent, & familiaritè Principibus utuntur, suspicionem πολυπραγμοσύνης, quodque talia ipsi dederint consilia, effugere nequeunt. Sed etiamsi nihil ejusmodi usaveniret, adhuc tamen S. Petri exemplum eis relinquendarum Aularum consilium subicere debebat: nam is semel modò Aulam ingressus, ter Christum negavit, quid mirum, qui in Aulis habitant, si vel semel Christum negent? Cùm se scilicet plus S. Petro Christum amare vix videri velint.

Odium etiam ipsis commovet, quòd palam est, eos nimium seipsos amare, nimisque pretiosos operarios esse, qui quidem putent, se minùs Ecclesiæ navare operam posse, si non omnibus rerum copiis & commoditatibus affluant: quid autem fiat Monachis, aliisque qui & ipsi prodesse publico possent, edantne an esuriant, parum peniti ducant: modò ipsis de copiosis fructibus annuis satis provisum sit, quibus magnificas palatiorum moles excitare possint. Itaque sæpè nihil videntur, Principibus ac proceribus oneri esse; magnasque in ærariis eorum vel cum integrarum provinciarum damno maximo, lacunas facere, cùm tamen velut Religiosi & publicæ utilitatis studium professi, id unicè dare operam deberent, ut sua opera quàm minimè hominibus constaret. *Si populo consulis* (ait Cicero) *remove te à suspitione privati alicujus commodi.* Et verò, si vel maximè sua sponte Principes aded in ædificandis ipsorum palatiis damnosos esse viderent, rectius facundia sua ad dissuadendam ejusmodi insaniam uterentur, iisque ad suscipiendam eorum curam, quibus egestatis metus, ne Catholici fiant, quod sibi scilicet, uxoribus ac liberis nulla victus spes apud Catholicos ostendatur, auctores essent, hocque Clementis Alexandrini aureum dictum auribus eorum instillarent: *Scio Deum potestatem nobis usus dedisse, sed eum tamen usque ad id, quod est necessarium, & usum communem esse statuit. Absurdum verò ac turpe est unum lausè vivere, cùm multi esuriant, quanto enim est gloriosius mul-*

*multis benè facere , quàm magnificè habitare ? Quanta autem prudentius in homines , quàm in lapides & in aurum impensas facere ?* Atque hoc tanto studiosius facere deberent , quòd multis jam suorum experimentis cognoverunt , quanti ad permovendos hominum animos momenti habeat verus , non adumbratus paupertatis amor. Sic enim Possëvinus scribit lib. 4. Biblioth. cap. 9. *Sinenses & Indos cum in Jesuitis pecunia rerumque mundanarum contemptum vident , mirificè in eorum admirationem rapi , & ad amplectendam Christi fidem velut preparari. Oportet ergo ut minimè verum sit , quod vulgo dicunt , Cælum non animum mutant , qui trans mare currunt. Quamdiu enim apud nos Europæos sunt Jesuitæ , longè aliud , quàm apud Indos & Sinenses ingenium præ se ferunt , neque unquam fatiari possunt , quin postquam jam de victu abundè eis cautum est , semper sive in sacram suppellectilem , sive in commodiorem & laxiorem habitationem , sive in hortorum amœnitatem , sive in apparatus Comœdiarum , quem nisi sumptuosissimum habeant , cadere fabulas putant , seu quam denique aliam ad rem minimè necessariam stipes odiosè corrogant. Et sanè si verum quærimus , si vel optimum finem habeant propositum , animarum nempe salutem & Dei gloriam , plus tamen in humanis adjumentis , quàm in Dei auxilio , fiduciæ ac præsidii collocant. Itaque Deus minùs etiam conatibus eorum benedicit , neque Miraculorum gratiam item ut aliis Religiosis Ordinibus largitur. Sunt enim modicæ fidei , manusque oculatas habent , nec ferè credunt , nisi quod vident. Sic enim affectos dicit Christus eos , qui parum in fide firmi sunt : Nolite solliciti esse dicentes , quid manducabimus , aut quid bibemus , aut quo operiemur ? Hac enim omnia gentes inquirunt : Ii scilicet , qui fidem non habent : sed fidei Miraculorum effectricis est , contra spem in spem credere , nec hesitare diffidentia , sed gloriam dare Deo , qui vocat ea quæ non sunt , tamquam ea quæ sunt. Magnopere quidem ipsi animis anguntur , quòd Miraculorum dono multo cæteris Religiosis inferiores inveniantur , & quoties-*

tiſſimumque caſualiquid rari ab ipſis patratum, continuo miraculum clamant. Sed nondum adhuc Deus ulli ex Societate tantum largitus eſt, ut ejus conſecrandi & Divis adſcribendi ſeu canonizandi ſatis juſtas ſe cauſas Eccleſia habere crederet, non quidem quòd Societatis inſtitutum non æquè ſanctum aut Eccleſiæ fructuoſum ſit, quàm Franciſcanorum, Dominicanorum, ac ſimilium; ſed quia Jeſuitis occaſionem ſuperbiæ naſci non vult. Cum enim partim propter magnos viros, quos Societas habuit, partim propter Principum gratiam multi tantoperè inſentur, velut mox attingam, quanta ſui ignoratio eis acceſſura eſſet, ſi etiam miraculorum gloria Societatem illuſtraret? Hac de cauſa Deus Prophetas non ſtatim ſolet exaudire, ne ſibi ipſis blandiantur, ut Elias, Eliſæus, Jeremias exemplo ſunt. Altera cauſa eſt, quia Deus docere vult, in omnibus rebus, maxime in negotiis ipſius Dei gloriam præcipuè ſpectantibus, non quidem negligenda eſſe ordinaria rei conſiciendæ adjumenta ſivè media, non tamen nimium humanæ prudentiæ aut operæ fidendum; nam hoc perinde eſt, ac ſi quis ipſe ſolus omnia peragere, Deo autem nullas partes relinquere velit.

Sed etiam apud homines minus gratiæ propterea invenire ſolent, adeoque ipſi ſibi ſæpè occaſiones maximorum operum præcidunt. Multi enim quo minus eos admittant, iſque Collegia ædificent, hoc potiſſimum metu præpediuntur, ne nunquam ſatis habituri, ſed ſemper plus petitori ſint, donec nihil quod impetrare queant, reliqui fecerint. Nam tametſi gratis doceant, nec quiſquam ipſorum ullius rei dominus eſt, quid hinc tamen Principes ac Provinciæ compendii lucrifque faciunt, cum aliter eorum opera uti non poſſint, niſi maximis impenſis Collegia eis exſtruant, & veſtigialibus peramplis augeant?

Præterea Monachos, alioſque viros doctos, qui egent, plerumque ſibi inſenſos reddunt, cum omnes hæreditates & legata ipſi capient, omneſque bolos cæteris præcipiant.

Hæretici denique, cum pecuniarum in Collegia Jeſui-

suitica ingredientium multa passim, egredientium vero nulla usquam vestigia videant, eosque frugaliter vivere credant. neque in victum & amictum, multum impendere sciant, Thesuros ab ipsis cumulari, & rerum novarum sive turbarum fundamenta jaci & adjumenta comparari suspicantur, injustè quidem eos agere, qui præter opes jam paratas adhuc tam in petendo assidui sint, cæterisque egentibus obstitent, camque ob rem odio dignos esse existimant. *Est intolerabilis res poscere nummos & contemnere. Indixisti pecunia odium: hoc professus es, hanc personam induxisti, agenda est: Iniquissimum est te pecuniam sub gloria egestatis acquirere,* ait Seneca 2. de vit. beat.

Odium quoque Societati parit, intolerabilis quorundam Jesuitarum typhus sive fastus; cum quia Societas multos excellenti doctrina præditos viros habuit, continuò se quoque pro talibus haberi postulant, quasi magnificè se circumspiciant & conelament: *Nos poma natamus.* Itaque neminem jam pro Oratore, Poëta, Philosopho ac Theologo haberi volunt, nisi vel Jesuita sit, vel certè Societatis discipulus fuerit. Omnijugæ denique sapientiæ officinam, imò Monopolium instituunt, neminique vel minimæ doctrinæ opinionem, nisi eam Jesuitis acceptam referat, relinquunt: cæque scientiæ persuasionem inflati doctissimo cuique superciliosè imperare, eorum scripta non aliter, quàm classicorum suorum compositiones censuræ suæ vindicare, tyrannidem denique in literis exercere audent. Quid quòd Principum favore ad patrocinandum sceleratissimo cuique, sæpè non aliam ob causam abutuntur, nisi ut suam potentiam ostentent? Ut nimirum alios in clientelam suam alliciant, quam manifestò noxiis utilem fuisse constiterit. Quin usque eo amabilis illa insania & dominandi libido eos agit, ut subditis adversus magistratum stimulandis exemplo esse audeant, & Principes summos non in omnibus obsequio suo paratos contumeliosè tractent, cujus rei exempla in medium afferre possem, nisi ipsorum Principum existimationi consulendum putarem.

Postre-



Postremò, Curiositas non postrema multorum adversus eos odii causa est. Romæ quidem omnibus omnium rebus ac negotiis se admiscunt; & nihil seu sacrum, seu publicum, seu privatum, nisi se interpretibus aut internunciis transligi volunt. Itaque qui Canonicatum, Abbatiam, Præposituram ambit, relictis rebus ad Jesuitas advolat. In contrahendis rebus majoris paulò momenti, inque Nuptiarum conciliaturis, nihil felicius, nisi Jesuitis proxenetis, transigitur. Pontifex denique Paulus V. in cura rei familiaris sive constabiliendæ, sive locupletandæ, Jesuitarum Procuratore utitur: quem etiam opinio est, tametsi faciem vix hominis habet, & nihil admodum litterarum didicit, mox Cardinalem creatum iri, quia videlicet cùm fecundum fallaciarum pectus concusserit, inveniendi argenti technas instituere, & difficultatès nummarias expedire novit. Itaque non modò quotiescumque velit velo sublato intrare, exclusis qui priores accersiti venerunt, Principum Legatis, sed etiam quos visum ei fuerit alios secum introducere potest. Adedò præstat acquirendarum pecuniarum, quàm animarum studiosum & peritum esse, apud illos certè, qui cùm animarum Christi sanguine redemptarum curam in se receperint, vel quid anima sit nesciunt, vel non pluris animam hominis, quàm piscis faciunt, quod, credo, suum officium piscatunt quendam esse aliquando per strepitum inaudierint: quibus propterea gravior fuerit, qui animam Auri cum Paracelso, quàm animam Saxonix Electoris invenisse se nuntiet. Cùm ergo Jesuitæ quoque in eorum censum veniant, qui aurum & argentum unde, quo jure, quaque injuria eruere & cumulare sciunt. (*Unde habeas, querit nemo: sed oportet habere*, ait Poëta) quomodo non πολλά πρᾶττοις, sive Ardeliones & Curiosos habeantur, qui quidem curam suam in negotia tam longè diversa simul intendunt? Nam tametsi Pontifex potestatem habet dispensandi de incompatilibus, hoc est, eos legibus solvendi, qui simul Sacerdotia possident, quæ alioquin per leges simul possideri nequeunt: rursus tamen disertim Christus

stus negat, posse unum eundem hominem simul Deo & Mammonæ servire, sive simul regnum Dei, & pecunias quærere. *Non potestis* (ait Christus) *Deo servire & Mammonæ. Ideo dico vobis, ne solliciti sitis anima vestra, quid manducetis, neque corpori vestro, quid induamini. hac enim omnia gentes inquirunt. Quærite autem regnum Dei, & iustitiam ejus.* Sic Apostoli ipsi, & qui Apostolis succedit Pontifex ipse, non simul possunt regnum Dei & pecunias quærere (nam *qui unum horum diligit & sustinet, alterum odio habebit & contemnet*, ait Christus) multò minùs hanc tantam plura simul curandi potestatem Jesuitis Pontifex impartiri poterit. Viderint ergo Jesuitæ, qui utriusque studium & curam profitentur, aut certè non dissimulant, quomodo justum non Hæreticorum modò, sed etiam Catholicorum odium effugiant. Mihi quidem jam multis abhinc annis minimè curiositas eorum probari potuit, cum adolescentes quosdam, amicorum meorum filios, quos Romæ ad Jesuitarum scholas deduxeram & in disciplinam dederam, tam subtiliter & sigillatim de omnibus, quæ ad parentes, eorumque bona fortunasque pertinerent, examinatos comperi. Cum enim putarem eos à studiorum Præfecto seduci, ut eorum in literis profectus exploraretur, conclusi fuerunt in cubiculo quodam, ubi Jesuita quidam magnum volumen, cujusmodi sunt Mensariorum tabulæ, sive acceptorum expensarumque codices, protulit, in eumque omnia quæ rogati respondissent, magna cum fide perscripsit. Quæstiones porrò hujusmodi ferè erant: Quod ipsis nomen esset? Quæ ætas? Quas priùs Scholas adiissent? Qui essent parentes? Quæ illorum ætas? Qui census? Haberentne prædia & fundos, & ubi? Quas cognationes, consanguinitates, affinitates; & utrùm ex iis adhuc hæreditatum aliquarum accessionem sperarent? Tum utrùm ipsis essent sorores, eæque innuptæ, & nobiles, an jam nuptæ & quibus? Hæc ubi mihi domum reversi nuntiarunt adolescentes, non usque eò obtusus aut stupidus fui, quin illud, quod sibi cum ejusmodi examinibus ac vo-

lumi-

luminibus volunt Jesuitæ , planè perspicierem. Cùm enim postea supplemento opus est, juvenesque hortandi ut *eandem ire viam pergant* , & *eidem incumbere secta* , tum nequaquam diu in delectu laborare attinet. Statim enim ad libros ejusmodi consultum itur , qui optima fide referunt, quos benè nummatus & amplorum patrimoniorum hæredes cooptare in Societatem possint , in promptuque est eis , ut dicant Terentii verbis: *In illis fructus est , in his opera luditur*. Itaque non multò post cùm adòlescentulos illos prorsus nihil in scholis proficere intelligerem , nisi quòd sæpius fabellas aliquas ab oscitante magistro in lectionis loco recitatas domi referebant , simul etiam quod mihi alii quidam nobilissimi juvenes , qui in contubernio , & convictu Jesuitarum vivebant, affirmassent , Pæderastiam quotidianum inter Scholasticos convictores peccatum esse, quod quidem, si quis nesciret , vel ex ipsius Rectoris verbis, quibus ab eodem auditores dehortari minùs prudenter soleret, id addiscere posset: quemadmodum etiam alicubi in Germania Jesuitis in Confessione imprudentius sciscitantibus , adolescentes ad ejus peccati notitiam inductos, eaque occasione integra penè collegia contaminata fuisse ex hominum spectatæ fidei testificatione mihi constat : propter has igitur aliasque causas nolui adolescentes illos deinceps in scholas Jesuitarum mittere, sed præceptori eorum domestico , ut domi eos doceret , mandavi. Sed etiam illud Curiositatis suspensionem Romæ, atque haud scio an & alibi, constare eis solet , quòd complures primariæ matronæ tantùm non quotidie ad eorum Ecclesiam accedere , ibique non minùs duabus , tribus horis desidere , & cum Confessariis suis serere sermones solent. Et tamen verisimile non videtur , eas quotidie tam multa peccare , quibus enumerandis tantum tempus sit necessarium. Itaque cùm mulieres sint futes ac rimarum plenæ , neque res arcanas facîle continere sciant , non videntur alio consilio quotidie tam diu à Jesuitis derineri , quàm ut ab iis multa expiscentur & audiant : cùm præsertim se novarum rerum audienda-

rum

rum cupiditate teneri non obsecrè ferant. Itaque certatim à maximo & minimo visitantur, totosque sæpè occupant dies in admittendis salutatoribus, quorum alii aliis succedunt, ita ut sæpè singulis vacare nequeant, sed ferè comperendinent aut quamvis aliam diem eis constituent. Itaque opinio est plerorumque omnium, non esse ullum totius orbis sive Regem, sive Principem, qui perinde ac P. Generalis omnium, quæ in universo orbe, etiam apud antipodos aguntur, notitiam habeat: non modò quia Rectores ac Provinciales per orbem totum dispersi vi sacramenti, quo ei auctorati sunt, octavo quoque die ad eum scribunt, sed etiam quia quotidie partim qui operâ ipsorum indiget, partim qui novi aliud audire desiderat, partim qui novarum rerum nuncium aliorum sive literis, sive sermone accepit, siye ad ipsum Generalem, siye ad alios Jesuitas advolat, qui quoniam non unius omnes nationis sunt, adeoque partium studium omnino deponere nequeunt, nequaquam falli se putant, qui singulos omnia ad nationis suæ commodum referre, & Generalem eodem flectere conari suspicantur, parumque aded abest, quin conferant in Jesuitas, quod ante aliquot sæcula Johannes Sarisberienſis lib. 7. cap. 21. in quosdam sui temporis Religiosos scripsit: *Rumusculos inquirunt, tumultibus gaudent, dissidentium secreta explorant, ut eadem nunc ad amicos perferant, nunc ad hostes, utriusque grati, utriusque perfidi; magis tamen ad ista videntur idonei (nimirum ad secreta horum illis enuncianda) qui ab imagine Religionis minus habentur suspecti.* (Quis enim Princeps credat, suum secretum per Confessarium P. Generali apertum esse, eaque via ad alios postea emanasse?) *Quid in Palatio, quid in foro, quid in agris expediat, soli creduntur nosse, quia universa hæc præ cæteris videntur curare, qui istis jugiter immiscentur. Si conveniant patres in Curia, cives in foro, milites in expeditione, si denique Concilium aut Synodus convocetur, præcipuam sedium partem occupabit umbratilis ista Religio. Arguunt Clerum de moribus corrigendis, sollicitant Principatus & potestates: testimo-*  
nium

nium sibi acquirentes justitie sue, si vita detrahant alienae. Laudabilium virorum Collegia expetunt, arduas subeunt professiones, ostentant difficilia, & familiarius, sibi propitii, possibilia & qua humaniora sunt, exsequuntur. Nec tamen à fraude istorum, religionis vera diminuitur gloria. Nam indubitanter omnibus constat, quia nomina qua profitentur, & quorum pollicentur officia, honestissima & fidelissima sunt. Facie pallorem ostentant, profunda ab usu trahunt suspiria, obstipo capite, coma brevi, capite ferè raso, voce demissa, incessu tranquillo, & quasi gressu quadam proportionem composito, panno, sordes vestium & affectatam venditant vilitatem, ut eo facilius ascendat, quod se studiosius videntur in locum novissimum deiecisse, & qui sponte suâ decrescunt, crescere compellantur inviti. Hi sunt, qui Potestatibus persuadent, ut propter vitia personarum jure suo priventur Ecclesia Decimationes & primitias Ecclesiis subtrahant, & Ecclesias ipsas accipiant de manu Laicorum. Hi sunt qui pradia avita subtrahentes indigenis, vicos & pagos redigunt in solitudinem, & in suos usus vicina quaque convertunt, Ecclesias diruunt aut in usus revocant seculares. Qua domus orationis fuerat, aut efficitur stabulum pecoris, aut opilionis aut lanificii officina. Et quidem majora impunè faciunt, & quasi cornibus gemina potestatis Ecclesiam, in cujus sinu quiescunt & protegentur umbra, ventilare non cessant. Ad Ecclesiam namque Romanam confugiant: implorant opem ejus, protectionis impetrant clypeum, ne cujusquam possint malignitate vexari, & ut se possint plenius exhibere, ne decimas dent, Apostolico privilegio muniantur. Procedunt ulterius, & quo sibi plura impunè liceant, à jurisdictione omnium Ecclesiarum seipsos eximunt, & efficiuntur Romana Ecclesia filii spirituales. Deinde secularium potestatum implorant auxilium, & eis divina gratiam pollicentur. Eos qui veniam indigent, suis aggregant SOCIETATIBUS, Confessiones excipiunt, ligare praesumunt & solvere. Potentiores tamen & ditiores, favore vel mercede receptâ, facilius exonerant, & peccatis alienis humeros supponentes, jubent abire in tunicas & vestes pul-

las, quidquid illi se commississe deplorant. Consentient ergo moribus iniquis, & popularem provocantes affectionem assentationibus obturant aures hominum, ne increpationes audiant Prælatorum. Si eis obloqueris, Religionis inimicus, & veritatis diceris impugnator. Feras itaque patienter, si injurias & damna intulerint, qui licentiam omnium Apostolicâ & Regiâ auctoritate obtinuisse videntur, nam & hoc meritis eorum deberi creditur. Circumeunt ergo Ecclesias, COLLEGIORUM suorum merita præconantur, abolitiones criminum portant, & interdum prædicant Evangelium novum, adulterantes verbum Dei. Primò quidem dum eorum Religio paupertate gaudebat, & in aliorum necessitates aut usus effundebat viscera sua inopia, indulta sunt privilegia professionibus, qua necessitate jam cessante & frigefcente charitate potius avaritia, quam religionis instrumenta creduntur. Ecce enim quia omnes hi privilegiati quæ sua sunt querunt, & JESUS qui prædicatur in publico aut omnino abest, aut in abditis latet. Hæc & alia Sarisburiensis.

Hæc igitur ferè sunt, quæ Jesuitas Hæreticis offensos reddere solent, quæ quoniam plus in oculos incurrun, quàm virtutes, celerius etiam excipi & divulgari solent. Nam & virtutes ab iis, qui eas habent, ferè dissimulari solent propter vitandum superbiæ periculum, & actiones virtutum calumniâ sæpè effugere nequeunt; ut res præclarè gestæ non bono consilio susceptæ videantur. Hominum porro plerorumque ingenium est, ut errata aliorum etiam minima perscrutentur, benè facta verò, quamvis in propatulo posita, prætercant; quemadmodum vultures corpora viva ac sana non sentiunt, morticina verò sive cadavera, tametsi longè remota, odore persequuntur. Multos quidem Societas Jesu habet viros sine omni malitia, non paucos etiam cùm doctrina, tum virtute minimè vulgari præditos, sed ii nisi vel libris editis ingenii specimen dederint, vel familiari usu perspecti fuerint, in obscuro latent. Ferè autem solent officiis majoribus non tam ii præfici, qui vel eruditione vel sanctita-

te pollent, quàm qui audentes sunt & firma fronte præditi, minimeque incallidi. Nam cùm sibi propositum habeant magnas opes colligere, quibus nempe velut maximè idoneo gerendarum magnarum rerum instrumento (ut dixi) utantur, homines autem literis dediti & simplices plerumque, nec animi nec ingenii satis habeant ad captandas hæreditates & petendas majores summas, rectè provinciam hanc iis demandant, quibus quantumvis magna postulare nulla sit *δυσωρία*, neque semel sæpiusque repulsi iterum redire dubitent, & momenta atque articulos omnes commoditatis teneant.

Ab iis porro cùm quid peccatur (quod quidem maximè humanum est, nec omnino caveri potest) duo ferè sunt, quæ ex eo usu venire solent. Unum, ut continuò observetur & in ora vulgi perveniat. *Id enim profectò omnes novimus*, (ait Xenophon in Agesilao) *quicquid viri celebres egerint, occultum esse non posse*: id quod etiam Poëtæ versiculi confirmant:

*Omne animi vitium tanto conspectius in se  
Crimen habet, quanto major, qui peccat, habetur.*

Alterum, ut id quamvis exiguum malevolentia hominum amplificet, & ex musca, quod aiunt, elephantum faciat. Itaque hujusmodi hominibus in excelsio sive dignitatis sive existimationis collocatis salutare præceptum hoc instillat Seneca 1. de Clem. cap. 8. *Alia conditio eorum est, qui in tuba, quam non excedunt latent: quorum virtutes ut appareant ac videri possint, diu luctantur, & vitia tenebras habent. Vestra facta diòtaque rumor excipit: & idè nullis magis cavendum est, qualem famam habeant, quàm vobis, qui qualemcumque merneritis, magnam habituri estis.*

Bouoniæ Kal. Decemb. anno 1610,

## LIBELLI SUPPLICES

*Summo Pontifici CLEMENTI VIII.  
oblato à pluribus Societatis Jesu  
Provinciis, pro reformatione obti-  
nenda in eadem Societate.*

A Tergo

*Patri Beatissimo Clementi VIII. Ecclesiae Ca-  
tholicae Oecumenico Pastori.*

Intus.

*Pro Societate Jesu ad Clementem VIII.  
Pontificem Maximum.*

## SALUTARIS ADMONITIO.

**T**UA autoritate, Pater Beatissime, vel potius divi-  
no consilio, perfectum est, ut vivo Patre nostro  
Generali, justis suffragiis delecti Patres è cunctis no-  
stris Provinciis Romam de rebus non levibus discepta-  
turi convenirent.

Tuae nunc sapientiae, & in cunctum nostrum hunc  
Ordinem paternae charitatis est providere, Beatissime  
Pater, ut quae in hac nostra sodalitate sanari possunt,  
quacumque ratione sanentur; quae ressecanda sunt, non  
pati ut ad perniciem totius corporis latius manent.  
Nam nova quaedam misceri & concitari mala in nostra  
sodalitate qui negat, amens est, aut caecus. Et qui in  
illis partibus nihil pravi esse credit, aut dicit, mavult  
eam aegram esse, & miserabiliter interire, quam con-  
sanescere, & valere.

Quae



Quæ autem Sociorum, & veterum Patrum animos adhuc exulcerarunt, atque etiam nunc exedunt, hæc sunt, Pater Beatissime.

Rudes & tyrones, in nostrisque Institutis peregrinos antiquis; prudentioribus & doctioribus ignaros & imperitos; melioribus deteriores præfuisse.

Seniorum sapientiam à juvenibus Rectoribus esse despectam, neglecta consilia.

Iis, qui imperant, omnia collibuisse, atque impunè licere: Imperia diuturna ac penè perpetua esse, nec certa parendi & imperandi spatia constituta esse.

Patrem Generalem summa potestate pollere, omnia suo arbitrio administrare, nihil formidare, cunctos nutu terrere, magnos viros & de Societate optimè meritos deprimere, propeque exanimare, bonum publicum sæpè privata gratia vinci.

Quatuor votorum professionem non iis, qui & fama virtutum, & magnitudine meritorum, & egregiorum facinorum gloria, sunt cæteris commendatiores, sed qui Generali chariores & jucundiores, deferre: id quod fuit, est, eritque semper nostro Ordini maximarum discordiarum seminarium, nisi tanto malo medicina reperiatur.

Ita nobis etiam omnes bonæ artes jam consenescent.

Ne igitur major vis aliqua morbi, & tabes, nostræ Societatis corpus invadat, hæc comparanda videntur esse remedia.

Primum, ut qui tot annos imperarunt, incipiant aliis religiosè parere, certaque sint posthac tempora imperandi, atque parendi.

Secundum, ut gesta potestate, qui præfuerunt aliis, censorias notas subire cogantur, quod ipsum in tam multis aliis Religiosis familiis factitatur.

Tertium, ut Generalis, non suo, sed nutu domesticarum legum Societatem regat; non ad libidinem suam hunc vexet, illum foveat in sinu. Ut ad majora negotia suorum quatuor Assessorum ita consilio utatur, ut repugnantibus illis ea conficere non possit. Ut in

deligendis Provincialibus, præcipuorum Patrum, qui in Provincia versantur; in Collegiorum Rectoribus præficiendis, in Præpositis Domorum constituendis, eorum, qui vel in Collegiis vivunt, primariorum Patrum, vel, qui in Professâ domo commorantur, Professorum Patrum, & Consiliariorum sententias exquirat, & illas ferè sequatur. Ut in creandis quatuor votorum professis à præscripto nostrarum legum ne discedat, quæ in ejusmodi professis probitatem & doctrinam minimè vulgarem requirunt.

Quartum, ut à Sede Apostolica detur nostro etiam Ordini Protector aliquis, sic enim erimus reliquis Religiosis minus invidiosi, & nimia licentia, regique Generalis potestas, quæ valde periculosa est, cohibebitur. Quem quidem Protectorem cur recusemus, nulla probabilis ratio suadet: quandoquidem cunctæ Religiones, quæ nostrâ antiquiores, & nobiliores sunt, habent, & nostra etiam, dum Pater Ignatius ageret in terris, habuit Cardinalem Carpenssem.

Quintum & maximum remedium esset, tertio quoque anno Protectoris jussus Visitatores in Provincias mittere ad errata tum superiorum, tum subditorum corrigenda. Hi autem Visitatores ex antiquorum Patrum numero, qui charitate & prudentia maximè commendentur, essent seligendi, quos Generalis nullis muneribus, nullis præmiis, nullis honoribus, nullis promissis, ad suum studium perduxisset.

Hæc omnia salutaria esse, & peropportuna nostris malis remedia cuncti fatebuntur, qui malunt soli quàm cum tota Sodalitate perire. Ita mihi hac mea salva Societate cum bonis omnibus perfrui liceat, ut nihil mea causa, sed communis boni duntaxat cupiditate incensus, hæc excogitavi, vestræque Beatitudinis Pontificiæ menti subjeci.

*Sanctissimo Patri, & Pontifici Maximo, Clementi VIII. Soli & in manu propria, Memoriale.*

**B**EATISSIME PATER, Per viscera Domini nostri Jesu Christi oramus Sanctitatem tuam, ut dignetur respicere Societatem nostram Jesu, & providere sua autoritate tantorum inquietudini, ne oriantur tot scandala, & tot murmurationes.

Primò, Provideat Sanctitas tua, ut omnino certum tempus præscribatur Superioribus, & Ministris, & Procuratoribus, nempe duorum vel trium annorum, quo transacto, teneantur reddere rationem administrationis; & vivere per totidem annos sicut subditi. Nam cum quis est creatus Superior, nullum timet, facit quod vult, tractat subditos ut libet, obliviscitur obedientiæ, humilitatis, paupertatis; & denique dicit, *Hæc requies mea in sæculum sæculi*, exercens tyrannidem in quos ei placuerit: quia scit à nullo posse privari Prælatura, præterquam à Generali, qui ad conservationem suæ Monarchiæ putat expedire, ut Superiores diutissimè gubernent. Et licet sint insufficientes, scandalosi & perturbatores pacis, tamen Generalis vel non credit subditis, vel si credit, ne videatur fecisse malam electionem, pertinaciter sinit illos gubernare. Hinc est quòd tam multi coguntur egredi extra Societatem nostram, quia Generalis magis credit Superioribus mendacium, quàm aliis veritatem: imò non habent subditi quòd recurrant, si velint, vel tueri seipsos contra calumnias Superiorum, vel justè accusare Superiores, qui, cum sint ipsi homines, possunt errare.

Secundò, Provideat Sanctitas vestra, ne sit in potestate sola Generalis promovere ad prælaturam quem velit: nam videmus cum magno detrimento Religionis nostræ, & scandalo mundi, quòd Generalis, nulla habita ratione, nec antiquitatis, nec laborum, nec meritorum, facit quos vult Superiores, & , ut pluri-

rum, juvenes & novitios, qui sine ullis meritis, & sine ulla experientia, cum maxima arrogantia, præfunt senioribus, & illis, qui diu laboraverunt, & laborant in Ecclesia Dei. Et denique Generalis, quia homo est, habet etiam suos affectus particulares, & cum afficitur erga aliquem, promovet illum, etiam si verè indignus: & quia est Neapolitanus, melioris sunt conditionis Neapolitani. Ex adverso, si aliquis non placet gustui Generalis, etiamsi sit de Religione benè meritus, & optimis moribus, pro nihilo habetur. Quare S. V. amore Dei statuatur, ne aliquis possit fieri Superior cujusvis Ordinis, nisi vixerit in Societate per aliquot annos, & ut potestas eligendi, seu creandi Superiores non sit penes Generalem tantum, sicut modò est: nam licet Generalis habeat suos Consiliarios, tamen non tenetur stare ipsorum consilio, sed est Dominus Dominantium, & facit quod vult, nullis legibus adstrictus, unde mortificat & vivificat, deprimit & exaltat quem vult, ac si esset Deus, qui liber esset ab omni animi perturbatione, & non posset errare: & ô utinam in multis non erraret, forsitan non videremus tot apostatare à nostra Religione.

Tertiò, ad tollendam inquietudinem, & murmuraciones multorum, omnino Sanctitas vestra definiat, ne sit penes Generalem facere Professos, quos vult, & quando vult. Nam multi, qui per septem, vel decem, vel etiam quinque annos fuerunt in Societate, promoventur à Generali ad professionem, nulla habita ratione, nec antiquitatis, nec meritorum, solum quia ita vult. Multi autem, qui per multos annos vixerunt, & laborarunt, adhuc non sunt professi. Et profectò in hac re est magna acceptio personarum, cum magno scandalo totius mundi. Idèd necesse est, ut S. V. statuatur certum quoddam tempus, ante quod non possit Generalis pro libito promoverè quemquam ad professionem, & quo transactò teneatur facere omnes professos. Et quia illi fiunt professi, quos voluerit Generalis, necesse est ultra tempus determinatum

tum præscribere aliquas regulas, quibus observatis debeat quisque promoveri ad professionem. Injustum enim omnino videtur, ut debeat quis satisfacere voluntati unius hominis, si velit esse professus. Sciat autem S. V. paucissimos esse professos, imò Constitutiones ordinant, ne multiplicentur professi, quod an sit benè constitutum, videat S. V. Nam hoc est certum, quòd pauci sunt contenti in Societate, præter paucos Superiores & Professos. Et si saltem in creandis professis observaretur justitia, & haberetur ratio, & temporis, & laborum, & meritorum, esset aliquo modo tolerandum: sed res dependet à beneplacito Generalis, qui homo est; quod quàm sit indignum, nemo est qui non intelligat.

Quartò, mirum est, Pater Beatissime, quòd Gregorius XIV. in quadam Bulla concesserit, ad instantiam Generalis, quòd nulla servatà formà judicii, sed simpliciter inspecta veritate, possit Generalis procedere ad punitionem alicujus subditi: hoc enim est adeò iniquum & odiosum, ut plerique putent totam illam Bullam esse subreptitiam. Nam quomodo potest Generalis, vel alius Superior, eruere veritatem, nisi servando quod sacri Canones statuunt? Certè hoc est facere Generale in majorem Papam: nam Sanctitas sua neminem condemnat, nisi prius auditis partibus, & prolata sententia juridicè. Videat ergo vestra Sanctitas, si hæc Bulla potest stare, nam nullum est refugium subditis, quo se tucantur. Non enim habemus Protectorem, Generalis meritò est suspectus, quod semper favet Superioribus acculantibus: quia ipse solus facit Superiores. Solùm relinquitur nobis facultas appellandi ad tuam Beatitudinem, quod quàm sit difficile, S. V. judicet: præsertim cum Generalis semper resideat Romæ; & præoccupet Sanctitatem tuam.

Quintò, in eadem Bulla prohibetur sub poena excommunicationis lætæ sententiæ, ne quisquam contradicat etiam verbis Instituto nostro. Sanctitas tua tollat hanc censuram, quia sunt multa in hoc nostro

Instituto, quæ, si viveret Pater Ignatius, omnino mutaret, doctus experienciâ, & etiam mutaret ipse Generalis, si non esset perpetuus, & sunt aliqua etiam, quæ humana ratione non possunt intelligi.

Sextò, statuât vestra Sanctitas, ut in Congregationibus Provincialibus determinentur omnia per vota secreta; nam omnes, propter timorem Generalis, non loquuntur liberè ut sentiunt: quia sciunt quòd omnia scribuntur postea ad Generalem.

Pater Sancte, hæc quæ dixi, & alia plura benè novit Illustrissimus Cardinalis Toletus, qui multum poterit juvare causam nostræ Societatis, si tamen loquetur in favorem veritatis, ut speramus, & non in gratiam Generalis. Sed præcipua, imò tota spes nostra sita est in te, Pater Beatissime. A generali Congregatione nihil est sperandum; tum quia ferè omnes Patres congregati, sunt Superiores dependentes à Generali, & desiderantes perseverare in prælaturis; tum quia si quis esset cupidus boni publici, & alicujus reformationis, ne offendat Generalem, tacebit potius: præsertim quia apud istos Superiores, est sacrilegium & crimen læsæ Majestatis tractare de immutatione alicujus rei: cum tamen tempore istius Generalis factæ sint maximè alterationes in nostro Instituto, sed semper procuratæ ab ipso Generali in favorem propriæ authoritatis. Sed an expediat habere perpetuum Generalem, & juvenem, cum tanta potestate, tuum sit judicium, Beatissime Pater.

LAUS DEO.

## VIII.

ILLUSTRISSIMI ET RE-  
VERENDISSIMI PRIN-  
CIPIS, DOMINI CARDI-  
NALIS ET ARCHIEPIS-  
COPI PRAGENSIS, LE-  
GATI NATI, &c.

*Judicium & Censura Bullæ à Patri-  
bus Societatis Cæsari oblatae, Cæ-  
sareâ ac Regali auctoritate firman-  
dæ, pro erectione Carolo-Ferdinan-  
dæ Academiae.*

**P**ROPONITUR Cæsareæ ac Regiæ Majestati à Pa-  
tribus Societatis Translatio Privilegorum Carolinæ  
Universitatis in Academiam Ferdinandæam, cujus  
summa potestas sit penes Societatem, abolitis privile-  
giis in contrarium facientibus, aliis auctoritate Cæsa-  
reâ ac Regiâ additis in eum finem, ut hætenus col-  
lapsa fides Catholica, nec non & administratio politi-  
ca sublevetur ac restituatur. Rationes adducuntur ni-  
mirum:

Hætenus propter Religionis dissidium toleratam in  
unica Civitate dualitatem Academicarum: nunc devolutâ  
ab Hæreticis in Catholicos omnimodâ Jurisdictione,  
nullam subesse causam cur maneat. Ergo vel oportet  
ut ambæ coalescant in unam, vel altera è duabus abo-  
lenda. Utra autem duarum tollatur, dedecet. Si Ca-  
rolina extinguitur, id prohibet ejus antiquitas, Caro-  
lique Cæsaris meritum, ac memoria. Sin vèrò Ferdi-  
nandæa, cur stabit Carolina, hætenus rebellionis ac  
hæresium mater, sublatâ Ferdinandæâ, fidei in Deum  
ac Principem magistrâ? Ergo necessum est ambæ coa-

lescant in unam, ita tamen ut Carolina, Deo & Principi rebellis, cedat in jus Ferdinandæ, quæ cum hactenus non alium habuerit Rectorem, præter eum qui è Societate est de more Rector Collegii Pragensis, deinceps is id juris retineat, vel ex eo, quod incomparabilis sit Societatis virtus in propaganda doctrina, fide, ac pietate. adeò ut vel Protectorem aut Patronum tanquam impedimenta repudiet.

Placet Domino Archiepiscopo finis, qui est restitutio religionis Catholicæ in hoc regno, provinciisque incorporatis, id enim spectare est Archiepiscopale onus & munus, licet hæc consilia inscio Archiepiscopo inita sint cum Principe Politico, qui tamen pro sua prudentia & religione eo inconsulto nihil decretum esse voluit.

Displicet medium: quia attentata erectio Carolo-Ferdinandæ Academix habet annexam excommunicationem latæ sententiæ Papæ reservatam. Nam omne quod derogat jurisdictioni Ecclesiasticæ inhibet Christianis quibuscumque sub pœna prædictæ excommunicationis, quod cum ex multis Canonibus, tum maxime probatur ex Bulla in Coena Domini, quam nuperimè elapsâ feriâ quintâ majoris hebdomadæ non dubitatur fulminatam juxta consuetam formam quoad immunitatem Ecclesiasticam: Cujus inter multa hæc sunt formalia verba.

*Excommunicamus omnes &c. Nec non qui statuta, ordinationes, Constitutiones pragmaticas, seu quavis alia decreta in genere vel in specie ex quavis causa, & quovis quæsito colore, ac etiam prætextu literarum Apostolicarum usu non receptarum seu revocatarum, & cujuscvis consuetudinis aut privilegii, vel aliàs quomodolibet fecerint, ordinarint, & publicarint, vel facili & ordinatis nisi fuerint, unde Libertas Ecclesiastica tollitur, seu in aliquo leditur vel deprimitur, vel aliàs quovis modo restringitur, seu nostris & dictæ Sedis aut quarumcumque Ecclesiarum juribus quomodolibet directè vel indirectè, tacitè vel expresse præjudicatur &c.*

*Ceterum à prædictis sententijs nullus per alium quàm per*



per Romanum Pontificem nisi in mortis articulo constitutus, neque etiam tunc, nisi stando Ecclesiæ mandatis & satisfaciendo cautione præstitâ absolvi possit &c.

Declarantes ac protestantes quamcumque absolutionem &c. Qui etiam per huiusmodi absolutionem, aut quoscunque alios actus contrarios, tacitos vel expressos, ac etiam per patientiam & tolerantiam nostram, vel Successorum nostrorum quantocunque tempore continuatam in præmissis omnibus & singulis ac quibuscunque juribus Sedis Apostolica ac Sacra Romana Ecclesiæ undecunque; & quomodocunque quasitis vel quarendis nullatenus præjudicari posse seu debere, non obstantibus privilegiis, Indulgentiis, & Literis Apostolicis generalibus vel specialibus suprâ dictis, vel eorum alicui seu aliquibus & aliis cuiuscunque ordinis, status, vel conditionis, dignitatis & præminentie fuerint, etiam si, ut præmittitur, Pontificali, Imperiali, Regali, seu quâvis aliâ etiam mundanâ præfulgeant dignitate, vel eorum Regnis, Provinciis, Civitatibus, seu locis à prædicta Sede ex quavis causa etiam per viam contractus, aut remunerationis & sub quavis alia forma & tenore, ac cum quibuscunque clausulis etiam derogatoriis derogatoriis, concessis etiam continentibus quod excommunicari, anathematizari vel interdicti non possint per literas non facientes plenam & expressam ac de verbo ad verbum de Indulto huiusmodi, ac de ordinibus, locis, nominibus propriis, cognominibus, & dignitatibus eorum mentionem, nec non consuetudinibus etiam immemorabilibus, ac præscriptionibus quantumcumque longissimis & aliis quibuscunque observantiis scriptis & non scriptis, per quæ contra hos nostros processus ac sententias, quo minus includantur in eis, se iuvare valeant, vel tueri. Quæ omnia quoad hoc eorum omnium tenores, ac si de verbo ad verbum nihil penitus omisso inferentur præsentibus pro expressis habentes penitus tollimus, & omnino revocamus, cæterisque contrariis quibuscunque &c. Hæc ex Bulla Coenæ Domini.

Hæc ipsa privilegia, quæ cuiquam suffragari possent, quo minus incurratur præfata excommunicatio, alio

titulo sunt revocata à Pio IV. in Bulla edita Anno 1565. tertio decimo Calend. Martii : Nimirum *ut Decreta Concilii Tridentini* (quibus adversatur imminutio Ecclesiasticæ libertatis) *in effectum deducantur, non obstantibus juribus ac privilegiis Patriarcharum, Archiepiscoporum &c. ac etiam Laicis cujuscunque dignitatis & status ac gradus, & Excellentia, ac etiam Ducali, Regia, Imperialique dignitate fulgentibus &c.* Vide Bullam præfatam.

Verùm ut hæc Bulla Conciliique Decreta legis vim obtineant, tanquam à jure sancita, ac proinde non obligare censeantur, nisi ubi Concilium sit usu acceptatum, tamen Bulla in Coena Domini non legis tenorem, sed præcepti vim habet, utpote ab homine lata, quapropter ejus vim non nisi non baptizatus declinare potest: ubi verò Concilium Synodali Decreto acceptatum est, cætera omnia obligare non est dubium.

Quapropter Viro Catholico non est dubitandum, quin omne quod minuit Ecclesiasticam Jurisdictionem habeat annexam excommunicationem latæ sententiæ Papæ reservatam. At Institutio Carolo-Ferdinandæ Academicæ minuit Ecclesiasticam Jurisdictionem: nam eximit Cæsaris autoritate politica totam Academiam, hætenus quoad Carolinam Archiepiscopo Pragensi, tanquam Capiti, subjectam, ab omni prorsus hujus Regni Judice Ecclesiastico, transferturque eadem politica Cæsaris autoritate in Jesuitas Academicæ moderatores omnimodum jus ordinarium in totam Academiam, in omnes Pædagogos Pragenses, totiusque regni scholas triviales & Gymnasia, nec non & jus omnimodæ censuræ omnium librorum totius regni, cum jure Inquisitionis ac Correctionis hæreticæ pravitatis in omnes Academicæ Professores, pædagogos Pragenses, totiusque regni ludimagistros, ut alia respectivè minora, sed absolutè satis gravia omittantur, quæ omnia ex Bulla quam Patres Societatis Cæsari signandam ac firmandam obtulerunt, ad oculum clarissimè demonstrantur: Nimirum quòd tale jus trans-

fera-

feratur ab Archiepiscopo in Patres Societatis, quodve hæc translatio fiat autoritate Cæsareâ ac Regiâ. Illud quidem disertissimè explicatur in præfata Bullæ Cæsareæ formula, ad quam hæc in parte provocamus: Hoc verò ex eadem adductis formalibus verbis ac clausulis ostenditur, sic enim habet textus.

*Quapropter amulatione pietatis Majorum &c. autoritate nostrâ Imperiali & Regiâ Universitatem Carolinam Universitati Ferdinandæ Societatis Jesu in nostra Civitate Pragensi pleno in perpetuum jure unimus &c.*

Paulò infra:

*Neque huic nostro consilio obtendi potest qualecunque Carolina privilegium: (nota, licet Papæ Privilegio Archiepiscopus sit Universitatis supremum caput) quando nos illam ob ejus demerita abolere penitus potuimus, & quoad ea prorsus abolemus, qua præfenti à Nobis erectæ unioni repugnare contigerint. Itaque supremum hujus totius Universitatis Rectorem perpetuis futuris temporibus eum esse volumus, qui Collegii nostri Cæsarei Societatis Jesu Rector pro tempore extiterit, à Superioribus ejusdem Societatis de more institutus.*

Deinde infra iterum cassant jura Carolinæ obstantia huic novellæ erectioni his verbis:

*Præfenti diplomate auferimus, abrogamus, & abrogatum, cassumque esse auctoritate nostra pronuntiamus.*

Ubi verò confirmantur privilegia Carolinæ in usum Carolo-Ferdinandæ, & specialiter exemptionis à Judice politico ex Wenceslai Cæsaris, & ab omni Judice Ecclesiastico ex Bonifacii IX. decretis. Sic habet textus: *Itaque nos eandem &c. potestatem Rectoribus hujus Carolo-Ferdinandæ Academia confirmamus, & quantum in nobis est innovamus, &c.*

Non est autem in Cæsaris potestate jura Archiepiscopalia Archiepiscopo adimere, ac in jus Jesuitarum transferre. Deinde paulò infra sic habet.

*Insuper subjicimus eidem Rectori omnes & singulos trivialium scholarum in Urbe Praga magistros & quosunque Padagogos &c. Qui in omnibus sese dicti Re-*  
toris

toris aut Delegatorum ejus potestati, dispositioni, inspectioni, visitationi accommodent &c.

Et paulò post.

Nemini verò prorsus liceat ullam novam padagogiam aut cujusunque facultatis &c. nisi obtenta in scripto à Rectore Academia licentia, emissa in manibus ejus fidei sancta professione, instituere, quin etiam Reclori, exceptis qua ad aliquod aliud Societatis Jesu Collegium antea spectabant, omnia totius regni Gymnasia & triviales scholas sive jam erectas sive erigendas subjectas esse volumus &c.

Ubi vides excepta esse Gymnasia Jesuitarum, nulla verò quæ Juris Archiepiscopalis sunt. Demum ad evitandam prolixitatem, sola autoritate Cæsarea ac Regia conferuntur Reclori Jesuitæ jura Inquisitionis ac Correctionis hæreticæ pravitatis, Censuræ librorum & similium, ita ut in tota hac Bulla ne minima quidem notetur clausula, quæ jus Pontificium vel Archiepiscopi Pragensis reservet, sed despótica, Cæsarea ac Regia potestas sola supponitur & adducitur. Neque dubium esse debet, quod si Cæsar hoc facere posset, aut præsumeret, ex vi privilegii cujuspiam sive collati à Summo Pontifice, ejus privilegii vel unicam Patres Societatis fecissent mentionem aut insinuationem, prout fieri debet, quando extraordinaria jurisdictio exercetur, sed nihil horum redolet illa Bullæ formula fabricata studio & consilio Patrum Societatis. Quis ergo dubitet per hanc Carolo-Ferdinandæ Universitatis erectionem exauctorato ex parte Archiepiscopo intrudi autoritate politica ad ea jura unum hominem Jesuitam? At hoc manifestissimè derogat jurisdictioni Ecclesiasticæ: nam jus instituendæ Universitatis, maxime in qua jus Canonicum, Theologia ac Biblia doceantur, est penes Summum Pontificem. Sic sentiunt Theologi ac Canonistæ. Id patet cum ex multis Canonibus, tum maxime ex Decretis Innocentii tertii in Concilio generali & Honorii III. item in Concilio generali. Vide extra: de Magistr. per tot. Hoc intellexit Carolus IV. qui à Clemente VI. Summo Pontifice

fice supplicet petiit erectionem Carolinæ Universitatis, quam à præfato Pontifice erectam & Archiepiscopali jurisdictioni innixam, amplissimis prædiis & censibus Ecclesiasticis, Ecclesiasticorumque liberali contributione donavit, ut refert Hugo in sua Bohemica Chronica pag. 2. sub. Anno Domini 1348. quam Carolinam nunc Patres Societatis eversum eunt, novamque (licet titulo tenus antiquam) à Principe politico erectam volunt, ipsi Societati emancipandam ab Archiepiscopo. Deinde jus in Academies & Universitates de Jure Canonico præcipuè demandatur Ordinario illarum partium, ubi vigent studia generalia. Vide præfatum decretum de Magistr. per totum. Unde nulla extitit Universitas Catholica exempta à jurisdictione Ordinarii, quin imò ut plurimum supremum jus habet Episcopus titulo Cancellarii Universitatis. Hoc ipsum novissimè decrevit Concilium Tridentinum sess. 5. cap. 1. & sess. 25. cap. 18. ubi triviales scholas, Seminaria & Collegia studiorum universalium providentiæ & jurisdictioni Episcoporum mandat; hanc verò Carolinam Clemens VI. jurisdictioni Archiepiscopi Pragensis subjecit quoad doctoratus ac magisterii dignitatem conferendam, ut patet ex illius Bullæ copia. At Patres Societatis autoritate Principis politici amotum volunt ab Universitate Archiepiscopum, sibi omnimodam jurisdictionem arrogantes.

Censura verò librorum sive venalium, sive imprimendorum, maximè in concernentibus fidem, est juris Episcopalis & Inquisitorum. Sic habet perpetua consuetudo in Ecclesia Dei. Novissimè verò Sacra cœcumenica Synodus Tridentina hanc censuram Summis Pontificibus delatam voluit, qui Cardinalium Congregationi, Magistroque Sacri Palatii ad id muneris constitutis, amplissimas facultates & privilegia concessere: præcipuè Pius IV. Sixtus V. Clemens VIII. quorum autoritatem voluerunt præfati Pontifices esse præcipuam, cui omnes reliqui sive Ecclesiastici, sive Seculares, & nominatim Universitates omnes subjiuntur, ut expressè habet Bulla Clementis VIII. data 17. Octobris

bris Anno 1595. His verò suam operam navare te-  
neantur Episcopi, & Inquisitores, ut habetur in præ-  
fatione ad Indicem librorum prohibitorum facta à de-  
putatione Tridentinæ Synodi. Quod jus ademptum  
Archiepiscopo Cæsareo ac Regio Decreto sibi usurpant  
Patres Societatis.

At Inquisitio & correctio hæreticæ pravitatis, ubi  
viget officium Inquisitionis, spectat ad Inquisitores,  
secus est juris Episcopalis. Inauditum verò est Regu-  
lares à Seculari Principe postulare ordinarium jus præ-  
fate Inquisitionis, in plerosque subditos proprii Epil-  
copi. Res est evidentiùs absurda, quàm quæ indigeat  
confutatione, & tamen Patres Societatis id juris sibi  
committi volunt à Principe politico.

Sed jus in scholas triviales Ecclesiæ Cathedralis Pra-  
gensis est penes scholasticum hujus Metropolitanæ Ec-  
clesiæ. In reliqua verò totius Regni Gymnasia, est  
etiam penes Decanos & Parochos Archiepiscopo  
subditos, sic enim habet statutum Ecclesiæ Pra-  
gensis.

*Scholasticus Pragensis, uti Prælati Metropolitana Pra-  
gensis Ecclesia de causis omnium Rectorum, scholarum  
Civitatis & Diocesis Pragensis & suburbiorum ejus, tan-  
quam eorum Ordinarius, judicialiter habet cognoscere,  
& ipsa ratione præviâ terminare, rebelles per suspensio-  
nem à rectoria scholarum compescendo, ad quem e-  
tiam examen seu approbatio Rectorum scholarum perti-  
net, &c.*

Quo igitur jure fit tam præceps irruptio in omnium  
Ecclesiastica jura, & quidem à Regularibus, invocata  
ad id autoritate politicâ; quâ illorum arbitrio stet to-  
tius Regni Scholarum Rectores ad Rectorem Univer-  
sitatis revocare, correctos remittere, loco ac Regno  
movere ac proscribere?

Demum exemptio ab omni judice Ecclesiastico,  
nominatim verò ab Archiepiscopo Legato Nato, &  
jus Ecclesiasticum simul & politicum & civile in innu-  
merabiles personas, quæ in causis spiritualibus & mix-  
tis subduntur Archiepiscopo, eo Ecclesiasticæ immu-  
nitati

nitati magis adversantur, quod hæc à Principe politico postulantur. Sanè prudentissimè Sacra Cæsarea atque Regia Majestas id negotii inconsulto Archiepiscopo terminare detrectat, imitatus Carolum Quartum, qui in Bulla aurea, quâ suam Carolinam Universitatem Privilegiis donavit septimo Idus Aprilis, Anno 1348. autoritate Regiâ, non Pontificiâ, Regalia non Ecclesiastica jura ac munera largitus est, in qua præter regiam protectionem, & magnifica dona, quæ promittit, nihil concedit: (præter privilegia, immunitates & libertates omnes, quibus tam in Parisiensi, quàm Bononiensi studiis Doctores & Scholares autoritate Regiâ uti & gaudere sunt soliti:) sunt Caroli verba formalia: Vide copiam.

Id verò efficacius adstruitur ex eo, quòd Synodali Decreto in toto hoc Bohemix Regno sit Concilium Tridentinum receptum, præceptumque in virtute sanctæ obedientix, ut observetur, quemadmodum testantur acta Synodalia Archidiececesiana habita Anno 1605. Porro si hæc non derogare Ecclesiasticæ jurisdictioni volumus, ridiculam faciemus Summi Pontificis totiusque Ecclesiæ autoritatem, & perniciosissimo exemplo prostituemus Ecclesiastica jura cuilibet temeranda, quod absit.

Itaque cum hæc erectio Carolo-Ferdinandæ Academicæ transferat autoritate politica jura Archiepiscopalia in eum, qui nec est Ordinis Episcopalis, nec est ullo jure emancipatus ab Archiepiscopi subjectione, cum, inquam, exinde gravissimè minuatur hujus Metropolitanæ Ecclesiæ libertas, nec non & summi Pontificis Sedisque Apostolicæ autoritas, haud dubium quin ea annexam habeat excommunicationem latæ sententiæ, Papæ reservatam. Hoc igitur titulo ea Carolo-Ferdinandæ Academicæ erectio per sacros Canones Bullamque in Cœna Domini detestabilis est. Sed nec quaecumque sit hoc Societatis (alioquin prudentissimæ ac sanctissimæ) abortivum consilium, satis sincere Cæsari suadetur. Nam ad speciem defæviunt in Carolinam, quasi rebellem & hæreticam, cum nunc

tem-

temporis nihil superfit illius, præter Archiepiscopum Pragensem aliasque personas optimè meritas de Deo & Cæsare, & præter illius jura bonaque mobilia & immobilia, ex quibus Patres Societatis autoritate politica sibi vendicant omne jus, & bona omnia mobilia & immobilia, hæresis verò rebellionisque sub umbra defæviunt in Archiepiscopum Pragensem, Carolinæ Universitatis Caput, aliaque membra Catholica, inque eorum jura ac privilegia, quæ omnia citra ullam culpam ac judicii formam abolita ac cassata esse volunt, & quidem ab eo qui id juris non habet. Nam ex præscriptione ortum ducente ab impia hæreticorum invasione in jura Archiepiscopi, nec minimum juris decedit ipsi Archiepiscopo, quod utique scire debuissent, qui soli in Universitate docere præsumunt.

Præterea committitur fallacia, dum ex eo quòd Rector Collegii Pragensis hætenus fuerit Caput Academiæ Ferdinandæ, arguunt debere eundem esse Caput Carolo-Ferdinandæ, cum longè sit dispar ratio. Nam illa nullum Episcopale jus contra jura sibi vendicabat, hæc verò id juris præsumit, quòd Archiepiscopo injustè ademptum inaudito exemplo transfertur in unum hominem regularem specie propagandæ Religionis.

Denique negotium videtur invidiæ, rixarum, ne dicamus seditionum prægnans, iis qui tantam præ se ferunt sitim dominandi in Cieros ac Populos, concedere tam arbitrariam, & eatenus, ut dictum est, à Principe politico expositulatam summam omnium prærogativarum, exemptionum, antelationum, favorum & privilegiorum omnium totius Christiani orbis Universalitatem à jurisdictione ordinariorum nusquam locorum exemptarum, nec non vagam & in omnem partem ductilem jurisdictionem decernendi, & statuta condendi quæcunque spectabunt ad lectiones, exercitationes, promotiones, ritus, insignia, morum disciplinam & correctionem, & universè quicquid ad promovendum illarum Facultatum bonum expedire judicatum fuerit, in quos fines nunc à Cæsare postulatur  
jus



jus ac privilegia juri Ecclesiastico ac politico adversantia, ut patet.

Sed de his quæ Politicam & Civilem tangunt jurisdictionem, aliorum est censura.

Utilius ergo esset inhærere ac insistere Decretis Sacro-Sanctæ œcumenicæ Tridentinæ Synodi, quæ ut fidem Catholicam alicubi collapsam restitueret, restitutamque conservaret, de more Universalis Ecclesiæ per Ordinem Episcopalem, cui Regulares tanquam adminicula deserviunt, id præstari decrevit, ac propterea imminutam Episcoporum auctoritatem restitutam esse voluit, quod cum plurimi Pontifices, tum maximè præstet Pius IV. per Bullam præfatam. Quapropter idem Pontifex motu proprio sui Pontificatus anno quinto deputavit Cardinalium Congregationem, qui Concilii Decreta observare faciant, sed Patrum Societatis consilium de instituenda dicta Universitate ex adverso occurrit consilio Patrum præfati Concilii.

Nam sic devolvitur in unum regularem, & clavis scientiæ in toto Regno Bohemiæ: (si demas jus concionandi necdum invasum:) & magna pars potestatis jurisdictionis Archiepiscopi, cui tantum integra relinquatur potestas Ordinis. Unde non est mirum, si nuperrimum consilium de fundandis quatuor Episcopatibus in hoc Regno exspiraverit, Patribus Societatis interea de facto totam Academiam usurpantibus, bonaque illius stabilia administrantibus, & actus publicos ac solemnes in eadem exercentibus, inconsulto penitus Archiepiscopo.

## EPISTOLA

R. P. NICOLAI CAUSSINI

*Societatis Jesu Presbyteri, Regis Christianissimi LUDOVICI XIII. Confessarii, ad Reverendissimum Patrem MUTIUM VITELESCIUM ejusdem Societatis Præpositum Generalem.*

REVERENDISSIME PATER.

I. **N**ISI per artem tibi & rerum ambiguarum scientiam, nihil ferme mirari contigisset, novum fortasse videretur, quod ea, quam ad me in Aulam destinabat epistola ad extremas Galliarum auras deprehenderit de Confessore Regis, factum martyrem veritatis. Gravem equidem patior arumnam sub ictu vastæ positus magis quam beneficæ potentie, cui me fratres mei non ex Societatis mente, sed sua, non odio quidem, sed metu, dediderunt, rati nullam sibi salutem esse, nisi super defossi ruinas starent. At verò qui me acrius persequuntur, in hac tota poenarum mearum serie, nihil de re præter causam proscriptionem prædicant, rationem occultant, ut eorum lateat pudor in caliginis ut sitatus. Præter mentem & vota nihil jam habeo liberum: numerantur verba, notatur vultus, inquiritur in litteras, nullus sine luce & inspectoribus oculis secessus; impetunt me undique accusationes, ad quas non tantum respondere sed ne hiscere quidem permittor, præpedi-

ditus gravi obedientiæ Sacramento. Aperiantur vulnera, clauduntur ora, & quæ omnium acerrima poena est, jubeor pati omnia; queri nihil. Mihi tamen rem attentius cogitanti succurrebat nullas unquam ab obedientia textas tam piis manibus catenas, quibus Religiosum arceret, ne in Superioris sinu arcanos sensus deponeret. Quæ me ratio impulit ut eas ad te litteras mitterem, quibus obvoluto negotio lux affusa veritatis & conscientiam exoneraret meam, & rebus afflictis solatium à vestra Paternitate quasi communis pietatis ara fidentius imploraret. O utinam felicibus auspiciis eat epistola, penetret ferrum & saxa, fugiat emissarios, transcendat Alpes, in tuas sospes deveniat manus. Ego ille, quem etsi ignotum multis, repentinus hic turbo notum fecit, hospes tibi esse non possum, tam sæpe abditus in illo curarum tuarum & magnæ mentis sacrario.

II. Novit Paternitas vestra qualem hætenus vitam egerim à negotiis & ambitu alienissimam, in religiosa tractatam disciplina, innocentibus districtam studiis, qua docendo, qua concionando, qua scribendo, contritam laboribus, domi probatam & foris. Is sum qui fui hætenus, & licet picta carbone nuper innocentia nihil amisit illius lucis quam vestræ Paternitatis exempla & præcepta totam in Societatem transfuderunt. Noli erubescere crucem Christi, nec me exulem ejus: sacra res est forti animo miser. Etsi in me multa falsa adversa, multa globo velut assilant, nunquam veritas causam, nunquam constantia pectus destituet.

III. Perstringam igitur verbis quantum potero rem sua natura diffusam, & dicam quo pacto post transactam in sereno maximam vitæ partem, devexam ætatem ingens circumfremuit procella, quæ stantem super caduci corporis imbecillitatem animum illisit potius quam defecit. Nondum plane perspectum habeo mirificum divinæ providentiæ consilium, quod me hominem ab aulica vita & ingenio & voto alienum in aulam detulit, quam in libris tantum \* meis videram ejus calamo tetigisse contentus umbram, cujus sciebam infestum esse corpus

re-

\* In libro cui titulus, *Le Cœur Sainte.*

religiosis virtutibus, deveni in illud inconstantiae regnum, ubi tot versipelles animi, tot artes, tot fortunæ ludibria, tot rerum anfractus, ubi potius perdere me constitui quàm innocentiam. Nescio quis præterea afflatus hominum in hanc me impulerit regionem, nisi quod quærebatur vir commodus, non qui *Aulam* faceret *Sanctam*, sed qui ferret prophanam. Hoc polliceri sibi videbatur omnia sibi ad optatum fingentibus ingenii mei suavitas & acta per simplices curas vita; destinabar turpiculæ servituti, homo mente, si quisquam alius, liber. Ad hæc quædam studiorum & ingenii quæ me circumfluxerat fama commendatura putabatur Cardinalis delectum, nec exarmata bonitas ejus obfutura consiliis. Versare mihi permittebatur animo totam illam cælestem Aulam, modo me terrenæ tractabili facilitate commodarem.

IV. Sed hæc fuit hominum opinio nimis demisse de religiosa virtute judicantium, nam qui acerrimis ducibus ad militares laureas est animus, hunc in rebus divinis præferendum esse constitui, & in hac benignitate morum, pectus mihi finxi quod nec vis infringeret nec mulceret adulatio: permisi me totum Deo, cujus opem in ipso Aulæ aditu destinatis precibus & sacrificiis exoravi, ut de calo vis amica in Regis caput & regnum totumque ministerium meum deflueret: nec fuerunt irritæ preces faustis auspiciis ingresso.

V. Rex me tenera quadam benevolentia complexus, intimos animi sensus mihi credebatur: Cardinalis, ea quæ est artificiosa nimirum affabilitate, non cessabat blanditiis obruere, non tantum hortabatur ut peterem ab eo quid vellem, sed urgebat; accipereque se credebatur, cum daret beneficium. Ego vero qui sciebam nonnullos ad terrores ferreos, cereos ad delicias, obfirmabam sedulo pectus contra hæc luxuriantis fortunæ delinimenta; cavebam ne expirarem in floribus; quot blandimenta, tot admotas virtuti machinas, tot vincula libertati prævidebam. Hærebam mihi ipsi, & quoties eundem in ejus Aulam erat, toties in aciem me componebam; toties mihi duas arces tutandas arbitrabar, honorem

rem & conscientiam : nihil unquam nec mihi nec meis ab eo postulavi, numquam illum nisi de publica felicitate interpellavi, per impollutum callem ad castra virtutis enixus. Interim me Rex & Cardinalis ambo hac animi sinceritate capti diligebant, uterque me suum & à se ex aſſe volebat eſſe. Hic quia dederat, ille quia poſſidebat: nec Regi adeo obtuſus ſuæ magnitudinis & gloriæ ſenſus, quanquam fatali quadam neceſſitate toleranti multa, diſſimulanti omnia. Cardinalis partes homini ex aulico palato cuncta deguſtanti, longe erant commodiores, mihi qui ad Deum referebam omnia Regis ſacratiores videbantur. Non ita eram in rebus humanis hebes, ut non viderem apertam eſſe illi latam ad favorem & honores januam qui Cardinali totius gloriæ diſtributori hæreret, ſed memineram Chriſtum omnia regna mundi per contemptum calciſſe: & ad ejus exempla totus anhelabam: non ignorabam me qui Regi eſſem deditus, caduco haud dubie & fluxo eniti fundamento, ſed retinebat officii ſanctitas, & qua ducebat fides conſtantius incumbere: emeticabar jam caſus meos, & ex hoc Aulæ turbine non præcipitatus, ſed declivis in ſinum Juſtitie molliter & ſenſim deſluebam. Miniſtrabam quidem Regi, incredibili quodam ejus ſalutis & gloriæ zelo ſemper incenſus, obſervabam etiam Cardinalem, non fortunæ adorator, ſed honorem impendens dignitati. Inceperam illi generoſa libertate ſuggerere quæ Chriſtiani nominis decus, regni pacem ac tranquillitatem ſpectarent; demonſtrabam iter ſublimis & inconcuſſæ gloriæ, quæ illi eſſet communis cum Deo: ſed eum ſua conſilia in deſtinatum jam ſcopum abripiebant: diligebam Regem ſingulari charitate, quam miſeratio conditionis accendebat, videbam eum pati multa, ſentire etiam pauca, conabar eum afferre ſibi & faſtigio ſuo reddere; non minuta quidem & umbratili detinebam ejus animum pietate, ſed quantum licebat, ad magna regiarum virtutum decora, quæ publicas ſpectarent utilitates, ſtimulabam. Delectabatur hac ingenuitate, & plaudebat ſibi in ſinu ſe eum naſtum eſſe Confeſſarium quem ſuum poſſet appellare, quem non contagia fa-

voris polluerent, nec adoratae magnitudinis fulgor haberet. Mirabatur inusitatam animam, quæ sensus illi suos tam ingenue aperiret, ipse vicissim regium nudabat pectus admittebatque fidem meam quasi in interiora velaminis & augusta sacraria. Timebat tamen interdum mihi ne premerer potentia mundi & mole; & in conservationem meam impigre sollicitus tam exquisitis artibus incumberebat, ut qui ejus amorem venerarer, non possem non laudare potentiam. Hæc prima quidem Aulæ rudimenta videbantur his qui me diligebant satis fortunata, sed tamen inter eorum plausus nullam capiebam partem quietis, imo intimus infixus medullis æstuabat dolor, cum luctuosi belli venena in omnes Christiani orbis venas permanare viderem.

VI. Angebar vehementer cum Christi ecclesiam deturpatam fuligine, ferro & flamma opertam undique cernerem, exanimabant me commissarum querelæ provinciarum, & sine consolatione gemitus: suspirabam ad aras, & dolorum incendiis in publica intentus solatia: memini me cum ad tumulum Henrici Magni anniversario ejus die prostratus orarem, cum bella, cum victorias gloriosissimi Principis animo volverem, cum ejus erga hostes clementiam, erga subditos amorem, cum vigorem præcellentis animi, & exaggeratæ robur auctoritatis haberem præ oculis, solum in lacrymas, cogitantem quo in statu Francia, cum in rerum articulo uxorem suam tantorum regum matrem & socrum reliquisset: tum quasi ex cineribus ejus micante charitatis flamma sentiebam pectori meo admoveri faces, & urgeri ut consternato & laboranti mundo salutare porrigerem manum: multa me ut de statu rerum cum Rege tractarem admonebant. Primum enim videbam ejus conscientiam & meam non mediocriter laborare ac vehementer implicari; sciebam quidem me vocatum ad hoc munus, non ut essem Confessarius hominis & prævaricator Regis, neque tantum in principibus privatorum habendam peccatorum rationem, sed eorum maxime quæ piam justamque populorum gubernationem spectarent; quippe hominum errata pluma aliquando

do leviora, Regum & Imperatorum sæpe plumbea; illa ad paucos ferme pertinent, horum in omnes serpit contagio. Animadvertēbam hanc Dei vocem, *Diligite justitiam qui judicatis terram*, non viles de plebe homunciones, sed coronata circumtonare capita: noveram Reges pastores esse populorum, quibus districta ratio de tot mortalium regimine ad formidandum Numinis tribunal esset aliquando reddenda: pervidebam omnino perditō Ludovico XIII. non posse servari Ludovicum. Ille vero me adjuratum initio urgebat, ut de iis quæ ad salutem æternam facerent nullo modo conticescerem, sed monerem animose, habiturum me principem quasi unum de plebe gnaviter obsequentem. Percellebat interim aures meas gementis ecclesiæ perpetuus clamor; audiebam continuo voces acerbæ suspirantes, non ex aliquo factiosorum globo afflati rumusculi deferebantur, sed unus erat totius orbis convulsi & dilacerati gemitus, certissime tenebam Regem ipso inaugurationis Sacramento adstrictum, ut ecclesiam matrem contra facinorosos hæreticorum & infidelium omnium impetus armis animisque tueretur. At è contrario cernebam contra mentem Principis sponfam Christi, confederatis ejus cum impiis hominibus signis acerbè divexari, & ea sub ejus auspiciis fieri, quæ lamentarentur boni, ipsi averfarentur improbi, omnis horreret seculorum memoria. Querebat tum Deus virum qui se, ut ait Propheta, quasi murum opponeret pro domo Dei, qui tepentes cruore gladios ablueret, qui flammæ omnia devoranti miseras subtraheret reliquias. Ubi ille regis conscientie moderator, ubi pater, quem in hunc finem providentia Dei sanctioribus Principis consiliis & ori admovit & peccatori? Canis mutus non valens latrare cavet sibi, sibi studet, locum servat, negligit omnia. O dedecus generoso pectori non ferendum! Memineram nostris signatum historiis ardente inter Franciscum primum & Carolum quintum bello, Caroli Confessarium Domini canum causâ ecclesiæ suscepta & pace composita fœlis rebus opem tulisse; nihil alienum à me existimavi, si pari zelo accensus, quamvis pervicacioribus ingeniis oc-

currentem, tum si nihil aliud possem, conscientiam saltem meam à labe, nomen ab ignominia vindicarem.

VII. At contra versabantur ante oculos humanarum terculamenta opinionum, turbæ, conflictus & pugnæ, Cardinalis iratus, & illæ sævitæ trementis officinæ, exilia, carcer, vincula, tristis scena, lugubris per Christianum orbem fabula: veniebat in mentem prudentes viros movere omnia molliori brachio tractando, nec bona ipsa aut impetu quærenda aut tumultu fancienda. Retinebat me ad extrema paratum Societatis nomen: hærebam magno corpori affixus, cujus me amor & cura nihil periculosum moliri patiebantur; cupiebam extra aleam tam venerandum pignus; & cum scirem domum in qua versabar non carere providis in curam sui & meticulosis hominibus, quibus placere magis rerum potenti cordi esset quam pro veritate certare, angebar intimis sensibus; nec adeo projectus eram ut res novas cum eorum discrimine & sine eorum consilio susceperem; sed occurrebat non esse de semine Sanctorum, qui tam sæpe salutem fecissent in Israel, & ea progenitos matre quæ se olim exiliis & vulneribus quasi pretiosis monilibus ornatam circumspexisset. Ad istos Patres Ignatium & Xaverium respicerent, nihil illis insolitum si domum deducerentur suam. Non poteram adduci ut de concordia Principum Christianorum, de bono pacis, de generis humani solatio tacendum mihi arbitrarer, ne aliquid inde paterentur iucommodi qui se tranquillitatis & otio nimis fortasse indulgenter mancipassent. Non is sum, Mi Pater, qui zeli falsis imaginibus illudar, nihil facere soleo præcox & turbidum; lente admodum festino, & consilia ad purum excoquo: sed nihil titubandum videbam in re tam communi Confessariis, tam decora fortibus, tam expetita multis, tam cunctis necessaria. Neque vero abruptè sum Regem allocutus, sed in intimos ejus sensus summa diu suavitate insinuatus, per varia colloquia ad duodecim capita retuli quæ regii muneris vim totamque salutem amplecterentur.

VIII.



VIII. Ostendi regiam dignitatem cæleste quoddam inventum & divinæ imitationem vitæ atque Monarchiæ, cui ex officio incumbere regere populos, eosque per justitiæ & religionis purissimos calles ad apicem felicitatis deducere. Reges esse pastores, non laniones, & valde periculosum esse si homines sibi, non se hominibus traderent, aut iis aliter uterentur quam jus præscriberet.

IX. Mansuetudine & clementia contineri regna, & quasi amoris manibus fulciri thronos; rigorem animi habere semper aliquid levum, infelix & turbulentum; eam demum esse arcem inexpugnabilem quam benevolentia subditorum suis præsiidiis cingeret. Hoc cælesti passu progenitores pios in sinum gloriæ contendisse, qui diffusa per omnes regni venas bonitate omnium sibi animos devinxissent.

X. A Dei omnipotentis cultu & honore ducenda omnium actionum primordia, sentire de Deo oportere illibata fide, Ecclesiæ Catholicæ & ejus summo Pontifici, cujus infringere nitebantur auctoritatem, inconcussa firmitate adhærere, purissimis manibus adorare Numen, & omnibus piorum regum officiis defungi. Sed primam hanc esse & germanissimam pietatem, si proximum diligeret, & à lare regio faceret initium, omnes consanguineos & affines summa charitate complexus: occurrebat inprimis Regina Mater, quam etsi de facie tantum noveram, nullis unquam ab ea auctus beneficiis, communi tamen miseratione permotus urebar animo, cum versaretur ob oculos tantum gloriæ fastigium tam indigne concussum; tam miserabiliter depresso.

XI. Dolebam Matrem tot luminum tantis immerfam tenebris, ita desertam ut nemo opitularetur, ita sepultam atque defossam, ut ne nomen quidem extaret quod apud Filium commemoraretur. Hinc conscientiæ Principis labem aspergi, hinc nomini notam inuri providebam, si toties afflicti & per tot discrimina jactati spiritus reliquias longæva Mater, & profuga, & omni ope Filii destituta, in alieno exhalaret

ret solo. Non fui tam excors, ut non intelligerem facinus, nec tam timidus ut dissimularem. De statu quidem loqui non libebat, de lege Dei conticescere non licebat. Præterea non destiti, quantum in Aula commorari iussus sum, omni studio atque industria eniti, ut Regis ac Reginae concordēs animi in conjugalis amoris purissimos senius coalescerent: ostendebam sæpe quantum hoc esset Dei munus tot dotibus cumulta uxor, quæ se in ejus pectus toto transfudisset affectu, esse in ejus ingenio & consuetudine castas & fortes delicias, quas si maritali lege vellet excolere, non esse desperandum quin blandum & amabile nomen patris obtineret, vitamque & regnum summa fœcunditatis suavitate permulceret. Non cessabam quoque pius monitor amorem illi erga Fratrem cæteros Principes consanguineos paulatim instillare, ut omnes concordia nexu copulati suæ tranquillitatis imaginem in Regem traducerent.

XII. Cupiebam equidem & omni opera contendebam, ut esset erga summum Pontificem Sedemque Romanam, tum Prælatos, tum Ordines religiosos, & integerrimæ vitæ Ecclesiasticos bene affectus. Commendabam illi eximie inclytos & sincera fide Aulicos quos sciebam in Regem quàm in fortunam Cardinalis propensiores: hortabar ut Consilii sui confessum supremasque regni Curias tanquam præcipua status robora magnæ æstiuaret, esse in eo cœtu viros ap præprime generosos, Regis nomini vehementer addictos, quorum fama, etsi temporis fuligine nonnihil esset aspersa, elisæque per vim auctoritas, incorruptus tamen ejus Majestati spiritus in tanta corruptionis labe servaretur.

XIII. Singulis verò momentis acerbus me dolor excruciat, cogitantem concussæ atque desolatæ Franciæ calamitates, Provinciarum gemitus, oppressionesque populorum: agebam miserorum causas, vehemens potius orator quàm felix exorator: instabam ramen & querebar hinc inuri posse conscientia Principis gravem peccati noxam, hinc subditorum amorem funditus extinguere, hinc statum omnem convelli atque labefactari. Fallicos omnino ac decipi qui existimarent res acci-

cifas

cisas infelicium ruinis esse fulciendas. Timendam esse Dei justitiam, quæ tepentem tor miserorum fletu gladium accenderet, timendas ipsas viduarum lacrymas, quæ, ut ajunt divina oracula, de ipsarum genis & oculis ad tribunal Numinis ascenderent.

XIV. Suadebam ut fisci rationes sagacissime pervideret, & tandem sciret qua vis illa ingens pecuniarum, populorum sudore ac sanguine extorta potius quàm collecta, deveniret; cum præsertim quereretur militia se suis militare stipendiis, deportationesque exercitus quasi procella in devastatos agros incumberent, ac per tributa toties tentatos penitus exhaurirent.

XV. Quamobrem toto impetu conabar feralis illius belli, è quo omnis calamitas, radicem amputare atque convellere, neque ullo modo ferre poteram eos qui subiectis facibus ardentes patriæ rogos alerent potius quàm extinguerent: demonstrabam vim pacis beneficam atque salutarem, quæ nostris mederetur vulneribus, & quidquid bellorum furor concusserat, in locum statumque suum reponeret. Et quidem jam non plane infausto labore sudaveram: Regem enim tædere belli cœperat, nec prosperi eventus tam alte in pectus descende-bant; at si qui erant infausti, gravabant animum sævis anxium curis & dolori suo incumbentem.

XVI. Sæpe dictitabam hanc esse regiam & magnificentissimam omnium pietatem, si Ecclesiæ Catholicæ pacem atque otium procuraret, si vexillum fidei supra infidelium capita erigeret; hoc exigere Sacramentum Regis Christianissimi, quo se obstrinxerat, hoc Magistrum Ordinis Equestris à Sancto Spiritu quem gereret jurejurando profiteri. Sed tamen contra jus fasque Ecclesiam acerbe tractari ab iis, qui nomen ejus, pecuniam & arma sibi usurparent.

XVII. Suadebam ut optimos quosque Prælatos ad Ecclesiam gubernandam deligeret, integerrimos quosque Præsides juri reddendo præficeret, eosque omni odio insectaretur qui authoritatem ejus per sordes polluerent, & populorum medullis ac visceribus avaritiam saginarent.

XVIII. Urgebam ut negotiorum suorum curam susciperet; hoc sibi à Deo mandatum munus, hoc onus capiti cum diademate impositum, quod sine peccato excutere, sine socordia dissimulare non poterat: jamque optimus Princeps constituerat duas aut tres horas quotidie rebus cognoscendis impendere, si Ministro Principali commode uri, cum vellet, potuisset.

XIX. Dicebam in operosissimis negotiis, quæ belli ac pacis, quæ regni statum amplecterentur, primariorum capitum audiendas esse sententias, hoc divinis legibus, hoc humanis esse sancitum: siquidem & Moyses tantis luminibus circumfusus, Deo ita jubente, seniorum consilia exquirebat. Neque hoc Ludovicus XI. ignoravit; qui præcepit Carolo VIII. filio suo inter cætera, ut nullum unquam belli discrimen nisi ex Procerum consensu subiret; sic enim Francos & pugnare alacrius, & vincere felicius.

XX. Tandem cum certo scirem Turcarum arma sollicitari in Christianos, & imminere Ecclesiæ lugendam sæculis omnibus vastitatem, non potui dissimulare facinus Christianissimo Rege sancti Ludovici Successore prorsus indignum. *Zelus domus Dei comedit me*, egit per abruptum iter divina vis, & omnes metus excussit sanctus Dei timor, ut politici Monachi, à quo ferebantur hæc pestifera consilia, telam deordiner, tum Regi, qui à me quærebat num istud liceret, constantissime responderem quæ lex Dei rationesque sanctissimæ præscriberent.

XXI. Dies erat Decembris octavus, illibatæ conceptioni beatæ Virginis sacer, quo cum in sacello domus regis sacrum facerem, aris me sacerdos idem & victima toto pectore devovi, Deum ferme sic allocutus:

XXII. Deus æterne, in cujus manu posita sunt Regum pectora, & cujus nutu decurrunt imperiorum vices, inspira bonam Ludovico mentem, quæ Christiani orbis decus, populorumque salutem amplectatur. Tu lux abditorum, & universorum cognitor; nec te latet si assentatorem potius Cardinalis, quam Ecclesiæ defensorem agere vellem, cuncta mihi proclivia, quæ  
ana-

amatores sæculi ambire, fortunati obtinere solent, sed ablegavi omnia mundi delinimenta, improprium tuum laudi, crucem prætuli deliciis. Video equidem capiti meo impendentem procellam & totam ærurnarum futurarum scenam; perferendum erit quicquid iratus volet, quicquid dominator potest, afflicta causa, mente semper invicta; sed te duce nihil vereor, te præeunte in ipsam mortis umbram descendo, nihil hæsitans comite vita & vitæ fonti semper affixus. Quos aperui oculos officio, clausi terroribus. Perferam monita ad aures Regis, quæ nec probus omittere, nec tacere animosus potest. Testor te, sancta Veritas, quæ tot amatores, tot procos, super rotas & ardentis rogos olim habuisti, non te erubescio; accedo inter ipsa supplicia novus adorator: mentem hanc tibi & linguam addico, pro te & tecum dicturus quæ spiritu meo cuperem animata, meo cruore sancita.

XXIII. Post hæc digressus sum ad Regem, qui sese solemni luce comparabat ad synaxim. Erat in ejus fronte aliquid nebulosum & turbidum, animo quippe disidentibus curis sæpe fluctuanti: ego placide illacrymans sic eum compello.

XXIV. Hodiernus dies festivus est magnæ Matris conceptioni! Concipe, ô Rex, spiritum Dei, spiritum amoris, concordiæ & pacis. O quando orietur illa pax, amicum laboranti mundo sydus! En subditi tui, etsi omnia quotidie amittunt, nunquam tamen sensum Majestatis tuæ & infixum visceribus amorem amittent. Intercluduntur eorum querelæ terroribus: sed ratio mei apud te muneris exigit ut tibi eorum voces & sanguinem repræsentem. Certe ô Rex patiuntur illi sub religioso Rege, quod infima pene mancipia sub infidelibus dominis. Imo tot hæretici, tot populi à fide alieni, quietè admodum vivunt, dum orbis Christianus discerpitur. Aspice ô Rex infelices tuos ex hoc fastigio gloriæ: memento te tua causa hominem, sed eorum causa Regem; non tam tu illos tibi vindicas quàm illi te. Tuum est quod Moïses magnus populi rector dicebat, multitudinem illam quasi materno sinu continere, & ad Christi

Regis exemplum arguere pro mansuetis terræ. Scio equidem & pectoris tui sinceritatem & manuum tuarum innocentiam, sed tamen horreo tot Catholicorum vastatas provincias, tot disiecta profanis manibus templa, tot sacras virgines barbaræ libidini objectas, & Ecclesiam Christi ipsam in cruore ac fordibus conculcatam. Post hoc paratur, ut ajunt, cum Turcis armorum immane negotium, & Christianissimo Regi vel solo nomine execrandum. Nemo enim Theologorum dixit unquam fidelem Principem infidelium armis cum detrimento Ecclesiæ & scandalo protegendum. De parente tua nihil amplius dico, scis me ab omni factione purum & erga Eminentissimum Cardinalem non male affectum: non peto ut eam gubernaculis admoveas, sed ut destitutam ac inter gladios effertæ multitudinis quotidie pavidam in tranquillo portu constituas. Hæc loquor ut conscientiam tuam & meam liberem; habes immortalem animam, aliquando ad Dei tribunal offerendam, vide quid ad hæc Judici tuo & meo sis responsurus, & contremisce ad vocem Regis sapientissimi, qui dixit *potentes potenter tormenta passuros.*

XXV, Commotus est Rex vehementer hac oratione, ut quem sancti timoris stimuli pungerent, nec desistit tamen ea quæ ejus nutu gererentur per boni speciem & obductos colores quos a Ministris acceperat excusare: sed cum premeretur rationibus, indoluit acrius, præmicante caligantibus oculis veritatis luce. Tandem se ad sacra mysteria pæcato & obsequenti animo composuit. Hæsit illi per biduum ingens cura, quæ se non nihil affecta valitudine pingeret in vultu. Postridie mihi dixit deprehensas in sua fronte ægri ac solliciti spiritus notas quas vix dissimulare potuisset. Respondi nulla esse tam salutaria medicamenta quàm quæ initio dolorem facerent, sic oblucente sensibus animo parturiri spiritum Dei. Tum cupere se ait ut quæ illi ante exornologesim suasissem non gravarer coram Cardinali dicere. Mihi quidem fatis esse animi, intuli, qui radio Dei scriptam veritatem omnium oculis proponerem, non tamen ignorare multa mihi sæva impetu-

pendere, si homini imperioso, & omnia ad suos sensus exigenti, contrairem. Æquum certe videri ut qui omnia propter salutem Regis neglexissem, in tanto & tam ancipiti certamine regali protegeret autoritate & manu; quocumque tamen res vergeret, me nunquam Deo, conscientię nunquam defuturum. Atque ubi annislet, pręmittit me ad Cardinalem, paulo post secuturus. Conveni illum Ricellii, quem licet ancipiti semper & obvoluta mente, deprehendi mihi subiratum, nec dubium quin obloquuto jam Rege. Dissimulavit tamen omnia sermonę cęco & nunquam nisi ę latebris feriente, donec superveniente Principe dimisit me monitum ut occultiore digressu discederem. Noli me venditare ę Rege missum, qui hoc non haberem in mandatis, & periculum erat ne si dixissem, delicatam ejus qui miserat & nimis circumspectam mentem offenderem, quasi de compacto & non ex casu res ageretur. Substiti in proximo cubiculo, velut in campo certaminis aleam fixo vestigio & obfirmato animo operiens. Sed abrupt Cardinalis congressum, nec tot exercitiis accinctus nudam potuit sustinere veritatem; respondere statuit non rationibus sed proscriptione: postea cingentibus emissariis in palatio Regem, arcanum difficile erat cum eo colloquium: subintravi tamen in penetrale secretius, & dixi adfuisse me paratum ambiguo certamini, & diutissime expectasse, si forte evocarer, intrepide omnia dicturus; perstare me in sententia & nihil afferre aliud quęm quod lex Evangelii & omnis Theologorum Schola pronunciaret. Consuleret Rex quos vellet, sed caveret ne aut oppressę metu aut pręmiis illectę mentes veritatem per injustitiam detinerent. Nihil impurabam Sorbonę, quęm impense colo; nihil Societati, quęm ut parentem carissimam semper honorifice habui; sed notabam ex alio cętu venales animas quę ipse mihi Rex indicarat: nec dubium illi quin projectę ad favorem viverent per dedecora. Tandem ut generosum aliquid subinferrem, triginta anni sunt, inquam, 6 Rex, ex quo per fastidia rerum humanarum nitor ad cęlestes: nunquam ridentis Aulę fulgor perstrinxit oculos,

nunquam perculit me timor hominis; nunquam deliciae permulserunt; unum te spectavi, omnium quos exantla-  
veram laborum praeium ratus aternitatem tuam;  
non me tibi Cardinalis addixit, non tu elegisti, sed  
Dei munus est praecipuum, quod tot abjectis ad servitu-  
tem mentibus habueris hominem qui pro te spiraret  
& pro veritate decertaret. Liberavi hodie conscientiam  
meam, & si vis, tuam, nihil eorum celavi quae intelli-  
gens fidus eloqui possit. Si tam bene cogitata, tam ani-  
mose dicta, maligna vis eliserit: carebo quidem Aula  
non gravate, sed a te Principe optimo, si tuus esses,  
non divellar nisi ictus desiderio & cura salutis tuae;  
haec cogitatio vivum exercebit, nec mortuum deferet.  
Stimulari coeperat his verbis, sed praesto aderant, qui  
semina bonae mentis nascentia opprimerent, nec pa-  
terentur regias aures tam profuturis sermonibus im-  
bui.

XXVI. Discedo è Sangermani castro Lutetiam, quid  
actum postea fuerit nescio, nisi quod toto authoritatis  
pondere Cardinalis incubuerit, ut a Rege divellerer, &  
ille qua vi, qua blanditiis evictus permiserit, me monuisse  
contentus ne quid acerbum & violentum in me molire-  
tur. Eadem nocte praecoci festinatione mittitur Noye-  
rius, amicum mihi nomen, sed Cardinali devotum  
caput, qui de exilio meo mandatum deferat ad Supe-  
riores. Reverendus admodum Pater Provincialis mane  
accito, nullius rei convicto, nec per eum quidem in-  
simulato, sententiam de scripto recitat, qua jubeor ire  
Rhedonas, professionem meam celare omnes, cum  
nullo domi forisque colloqui, nulli litteras dare, libros  
& scripta tradere, nullum monasterium, nec Parisiis  
nec Rhedonis invisere; non colloquiis, non epistolis affa-  
ri: non quod istis assuevissem, longe aliis semper distri-  
ctus curis, sed pupugerat Cardinalem Fayeta Religiosa  
virgo ab Aula recens digressa, superis & Regi dilecta,  
quae servituti nunquam succubuerat, supra sexum fortis,  
supra aetatem prudens. Audiavi recitantem Patrem pe-  
ctore inconcusso, vultu etiam tranquillo, divinum erga  
me beneficium veneratus quod dignus haberer pro ve-



ritate & iustitia contumeliam pati; nec dubitans quin momentaneum & leve tribulationis nostra aeternum gloria pondus operaretur in nobis. Inde digressus ad aram, sacrum facio, & totum me applico Numini, totum trado providentiæ. Mox per domum diffusa de discessu meo suspicio: inde metus & horror, & miseratio fratrum pro dilecto capite timentium, quæ conjicere potius erat quàm scrutari: nec mihi mœstos affari licebat, nec illis sciscitari; mutus conspectus & oculi novo spectaculo vulnerati augebant dolorem, subtrahebant solatia. Interim scripta, quæ religiosa est supplex, avide conquiruntur, premuntur arcte, quanquam omnia innocenti calamo exarata. Non licet exiguam chartam in levamen itineris asportare, experiri erat nescio quid simile Aularum lubrico homini ab Aulæ luxuria semper alieno, direptionem cubiculi pauperis, amicos infirmos, fortes adversarios, tetricos quosdam vultus, & ipso silentio minaces, desertionem & repentinam circa me solitudinem.

Vix licebat raptim petere quæ vitæ & viæ erant necessaria: ipsa celeritas mea tarda cupientibus videbatur. Præsto est homo ignotus Cardinalis minister, qui me redam deportaret impositum & à conspectu meorum divulsum in locum exilii. Tradiderunt me hæc Ismaelitæ fratres mei, necessitate compulsi, ut essem, aliter ruituræ, domus piam mentum. Devehor longum iter, humano satis usus custode, nisi quod perspicaciter videbatur insidiari libertati, rerum omnium pretiosissimæ. Diu tandem jactatum & attritum incommodis recipere Patres Rhedonenses summa humanitate, quinquana repentini casus terrore confusi. Graves subinde & truces à Parisiensi domo litteræ afferebantur, perdidisse me omnia, paucos intra dies perdendum nisi caverem, multa quotidie deprehendi in negotio meo periculosa, multa mihi acerba, nisi prospicerem, subeunda, quæ vix animo fingere possem. Discerpebar abiens, & feriebant tela omnia non repugnantem. Atque ut strenua est in sinistram partem suspicio, nova indies jactabantur, ut aliquis in exilio meo quæreretur color. Non tam facile

prostrernitur fama, quæ coaluit firma radice veritatis. Timendum fuit illi qui se timeri volebat ab omnibus, ne malis artibus putaretur virum bonum & sincera erga Regem fide ab eo divulgasse. Occurrendum erat huic æstimationi: itur ad patrem mendacii, ad mundi tintinnabulum, quæritur infæcatus omnium figmentorum colluvie calamus, qui gazettam illam, quam vocant, in me, jubente & dictante Cardinale, distringeret. Hæc igitur me proclamat ablegatum ab Aula ob licentiam morumque incompósitos & perversam agendi rationem, mirarique omnes & ipsam quidem Societatem, non quod ejectus essem, sed quod tandiu in eo gradu stetissem. Angi Patres magno ob culpam meam dolore, pro sua in Statum & Regem fide.

XXVII. Non insultandum quidem, sed ignoscendum potius imbecillitati humanæ, quod tantus vir ad tam humilem tamque sordidam descenderit vindicandi libidinem. Longe melius res illi cesserat, si tacuisset; forte error quispiam humanus occurrisset opinantibus, qui dimissioni meæ causam dedisset: at ubi tanto apparatu & tam triviali telo est investus, exclamarunt omnes boni & prudentes, Habet Cardinalis, ictus est, in virum incidit qui se conatibus ejus interponeret, qui Regem admoneret officii, qui pati servitutem, qui adulationem profiteri non posset. Ubi illa licentia, nisi sibi licere putavit quod prodesset omnibus? Ubi illi incompósitos mores, nisi quod ad Cardinalis mentem componi non potuerunt? Ubi perversa agendi ratio, nisi quæ a malis consiliis averfa? Triduum est ex quo Confessarius Regis tota Gallia laudabatur, vir integer, modestis moribus & ad disciplinæ religiosæ normam accuratiss. Nemo Regi acceptior, necino tota Aula gratior; quot ora, tot illi vitæ testimonia. Certe nullus, ut ajunt, repente malus: unde tam subito mutati mores? an aliquid projecte cum audacibus, ambitiose cum cupidis, cum profusis intemperanter, indecore cum lascivis ab eo gestum est? Nullum flagitium, nullum designatur crimen; vago incursatur impetu, verbis maligne ambiguis, *sagitta parvulorum facta sunt plaga eorum.*

*rum.* Vix erat quod fingebatur lixis & vili de plebe homunculis credibile, ad alias artes flexuosum convertitur ingenium, quibus meam impeteret innocentiam.

XXVIII. Armatur, (quis crederet?) in filium patris manus, acuitur in Religiosum innocentem Superioris stylus, & luditur autoritate Societatis in unius miseri caput. Heu me! Quid dicam? Durum quod ille indixit, & nimis fortasse molle quod hic fecit. Jubebatur scribere, vetabatur cognoscere, contra mentem sensit, contra fidem scripsit. Dedit circulares litteras, quæ me gravissimi criminis reum totiusque status perturbatorem divulgarent. Jactabatur per stupentes manus atrox epistola, orbem decurrebat suum, & novis quotidie vulneribus jugulabat infontem. Arcano ferebatur, ut nitente invetitur curiositate omnibus esset promiscua, mihi uni incognita, qui per umbram petebar, ne respondendo illuminarem innocentiam. O pervicax regnum necessitatis, si hoc jussit, ô iniquum si probavit. Avebam tamen scire quibus peterer, quibus perirem, nec fas erat ulli prodere. Cæco tantum involvebar exitio, pronuntiatur reis omnibus sententia, plerisque titulus affigitur, solus ego prohibebar scire, quod solus refellere poteram.

XXIX. Scribo interim ad Noyerium, qui Regi erat à secretis & principalis Cardinalis administer, quod cupiebam ejus Eminentia esse non ignotum. Affirmo sancta fide per quicquid est hominibus religiosum, me ab omni factione purum tanquam virum Dei in Aula vixisse. Nullo suggerente, provocante nullo, post fusas sæpe ad Deum cum lacrymis preces, ea me considerate Regi locutum de pace solatiisque miserorum, quæ sine letifera peccati labe & animæ interitu dissimulare non poteram, hoc esse crimen meum, cui expiando relegarer ad ultimas Galliaë oras, deportatione nova & hactenus in Regis Confessariis inaudita; nec istud adeo honorificum Cardinali qui jussisset, nec illi qui perservide fecisset, quod tempore maturari, mitigari lenitate poterat.

Nulla

Nulla me facinore obstringi, quo reus constituerer apud Regem: stare me admodum reverendi Patris Generalis iudicio, quem appellarem; parum honeste facturos qui me per cicatrices peterent, nec darent quieti locum; hoc unum petere me quod largiri esset prolixum, negare non humanum.

XXX. Effugerat blanditiis assuetas aures tam æqua & tam constans epistola, & vehementer Cardinalem perculit, qui flebile quidpiam & demissum expectabat ab exule: Illico in ejus palatium vocantur Patres, audiunt recitari litteras, damnant singulos apices, quibus possunt artibus leniunt iratum, applaudunt ex-candescenti: sæva inde in caput meum vibrantur fulmina. Fit nostrorum confessus, non ut judicent, sed ut serviant dominatori terræ. Quo quisque timidior, eo in meam damnationem proclivior; fit injustus qui non vult haberi prævaricator. Hircus eram emissarius in quem omnes exonerarentur diræ. Nihil tamen imputandum velim fratribus meis, quos semper enixè colui; si se capitis unius ruina servari posse crediderunt, est illis condonandum quod perdiderint, mihi gratulandum qui tam gloriose perditus fuerim.

XXXI. Secundus erat mensis quo discesseram ab Aula, & nimis delicata videbatur Rhedonensis commoratio tantis nominibus exuli; relegor in infimam Britanniam, Corisopitum ad extrema cingentis Oceani, haud multis passibus ab eo loco distans, quem fines terræ appellant. Premitur mari, saxi & montibus, populisque barbarum quid, nisi excolantur, stridentibus potius quam loquentibus. Oppresserunt me litteræ graves decumbentem agro corpore, vix spiritum inter tot acerba jactatum sustinente: laborabam præterea ulcere, quod non permittebat equum pati. Scripsi ad Patrem Sirmundum successorem meum, me ad iter parari æquo & exercito animo, tantum postularet à Ministris moram, dum vis morbi frangeret & leniretur dolor. Certe miseratus fuisset Rex unum de canibus sic affectum, cum tamen omnis illi miseratio erga Confessarium senem & infirmum prohiberetur.

XXXII.

XXXII. Instant Superiores jussionem Regis urgere, maturandum mihi profectum longe aliter subituro. Accingor itineri afflicto corpore, hyeme sæva, redario publico affixus, cum quo ambulandum nigris diebus, intempestivis noctibus, per horrentes sylvas, asperos montes, stagnantes solutis nivibus valles, & quicquid horroris habet loci illius natura, Superos testor quod si Cardinalis me victimam esse voluisset, jam pene litatum erat ad extrema venienti. Exceperunt me Patres Corisopitenses eximia charitate novum & inusitatum his regionibus hospitem, quamquam rectore usus sum parum æquo, qui per inamœnitatem ingenii me negligeret, mea curiosissime observaret, ne scilicet Lotharingus in suspicionem veniret prævaricationis. Hic me crudis adhuc vulneribus excepit ingens epistola scripta à Reverendo Patre Provinciali de Patrum consensu, quæ & errata contineret mea, & poenas, ut ajebat, debitas imponeret. Placuit illis multa extendere numeris, cum non possent rationibus. Dicam sincere præcipua damnationis capita, & singulis respondebo tanta vi ac luce veritatis, ut audeam polliceri me Paternitati vestræ abunde satisfacturum.

XXXIII. Primo non ambigere se dixerunt quin omnia fide optima virtutisque zelo ductus ac conscientiae fecissem: sed tamen multa inesse præpostera, multa poenitenda. Difficile hoc in limine videbatur intellectu, quo pacto omnia ex vera charitate facienti tam prava excidissent multa, cum teste Apostolo *charitas non agat perperam*: sed hoc mitto, disputationis incuriosus, amator veri.

XXXIV. Quatuor ferme sunt gravia, ut putant, quæ mihi objecere, nulla responsione eluenda. Primum est, quod non consuluerim Superiores de iis quæ tractaturus eram cum Rege: alterum, quod antecessorum meorum non steterim decretis & exemplis in quæstionibus de armorum fœdere cum infidelibus: tertium, quod dixerim non debere esse penes unum totius imperii regimen, tum etiam visus sim aliquo modo affectasse mutationem Ministrorum, quæ res totius Galliae statum e-

ver-

vertisset : quantum , quod de pace & foederibus locutus judicer à doctissimis Patribus Societatis incurrisse censuras quas tulit quarta Congregatio contra eos qui rebus status se immiscent. Complector paucis omnia , ne videar volumen potius quam epistolam scribere.

XXXV. Quod igitur de consiliis capiendis dictitant, sciebam ego ex divo Thoma arcana confessionis esse naturali, divino atque humano jure sancita. Non ignorabam Theologorum decreta, qui dicunt si Confessarius loquatur de auditis in confessione, cum periculo ut audientes veniant in suspicionem personæ, videtur infringere sigillum : compertum præterea habebam Principem esse in istis delicati & plerumque morosuli ingenii, qui de rebus suis nollet quidpiam alienis auribus credi. Fateor igitur me & conscientia religiosum & prudentia tenacem in sacramento Regis, quod Archangelus monet apud Tobiam, abscondendo. Cumque illi soli operam navarem in confessionibus audiendis, periculum erat ne si quid improvide evulgarem, suspicionibus ferirem aliquos curiositate prurientes animos, & in adyta lubenter, si possent, penetraturos. Quod crimen admisi, mi Pater, si Deo præcipienti in sacris Litteris parui? Si Sanctis credidi? Si Doctoribus acquievi? An vero lex est ulla, an constitutio in Societate, quæ jubeat Confessarios de rebus poenitentium referre ad Superiores? Nostra quidem Præposito lubenter aperimus, de alienis longum nobis & sobrium silentium. Quæ si aliter gererentur, nemo nostrum in exomologesi non averfaretur ministerium. Quod si cuique privato tam sancta servatur fides, quis putet Regum conscientiam multorum consiliis eventilandam esse atque jactandam, ut tot habeant Confessarios quot singulæ domus consultores? Ad quem tandem referre me oportebat? Quem in tot rerum ambagibus consulere? An Patrem Binetum? At vero aberat, nec sine periculo res magni momenti litteris credebatur. an Patrem Sequiranum? Quem sciebam administram Cardinalis, qui elisis in ipso semine generosis conatibus ignavum me & inglorium per-

per

per factionem suam exturbasset. Libere tamen fatebor, mi Pater, non præcipiti, sed tardo potius atque viscoso sum ingenio, aveo in rebus dubiis quantum licet audire superiorum & majorum consilia, nec tam temerarius fuisset, ut si quid de meo fuisset proponendum Regi novum & ambiguum, quin rem totam, quantum per conscientiam & fidem fas tunc fuisset, seriis Patrum consultationibus subjecissem: sed cum ea tantum mihi dicenda sumpsissem quæ essent in clarissima Evangelii luce, ut Ecclesiam protegeret, ut summum Pontificem coleret, ut Reginam Matrem communibus saltem charitatis officiis in hoc secessu prosequeretur, ut Reginam Uxorem affectu conjugali devinciret sibi, ut Fratrem cæterosque Principes consanguineos amaret, eo quo lex Dei præscribit amore, ut Orbis Christiani tranquillitati studeret, & armatus etiam de pace cogitaret, ut gementes sub fasce populos sublevaret, ut in foederibus infidelium staret consultis Theologorum, & nihil cum detrimento Ecclesiæ faceret. Obsecro, num mihi quotidie cogendi Theologorum & Patrum confessus, ut sciscitarer an præceptis tam vulgaris, tam salutaribus animum Regis informarem? Quid si à me quævisset, an corpus Christi reipsa foret in sacramento, respondissem, creditum id multis seculis, & Ecclesiam ita sentire, sed tamen consulturum me reverendos Patres & ex eorum responsis quæstioni satisfacturum? O iniquam conditionem! ô duram omnino necessitatem! His artibus persuadere se non inviti nonnulli concionatores tulere, ne de parentum honore verba facerent, aut blandum usquam appellarent pacis nomen. Ubi mens? Ubi virtus? Ubi tu sancta libertas? Silere æternum oportebat quibus hæc loqui pudor fuit.

XXXVI. Sed audire mihi videor prudentes seculi, ad cavendum cautos, meticulosos ad audendum, qui dicunt voluisse me recta, non recte: appetivisse bona, sed desiderio præcipiti; serviendum temporis fuisse, quæ omnium honestissima est servitus, nec ulceri desperato manus irritas adhibendas. Peto ab his qui hæc  
dicti-

dictitant, ut considerent Confessarium Regis longe aliam in Aula quàm cæteros homines sustinere personam. Tacere aliis sæpe virtus est, huic sacrilegium. Videbam equidem multos, quibus ex officio incumbere loqui, opprimi silentio omni dedecore maculoso, complures generosissima mente præditos terroribus & exiliis à Regis auribus averti: spectabam memet interdum quasi cælesti machina devectum, ut causam susciperem veritatis. Non ignorabam summos censere Theologos, non audiendos tantum, sed interrogandos in exomolegesi qui nimis crassa laborarent ignorantia. At è contrario cernebam Regem in suis rebus satis oculatum, sæpe dubitantem & extra sacramentum interrogantem. Nam istud erat agere proditorem Christiani nominis & generis, si de concussi orbis clamoribus reticuissem. At vero fuit expectandum tempus rei gerendæ commodum: expectavi novem mensibus miti & laboriosa patientia. Præparavi mentem Principis officiosa sedulitate ad satus divinos. Ubi deprehendi jam satis animo compositum, dixi quæ nec prudens dissimulare, nec probus tacere poterat. Quale mihi tempus amabo fuit expectandum? An illud quo indicta veritatis causa vilis cunctator exturbarer? At vero abstinendum fuit verbis eo tempore non profuturis: timendum ne qui hæc dicunt demissè potius patrocinentur errori quàm serviant prudentiæ: etenim si putant imprudentis esse hominis de iis verba facere, quæ se assequi posse diffidit, videant ne Præcursores Domini, ne Dominum ipsum arguant imprudentiæ. Non sibi pollicebatur Joannes Herodem castum, non destitit tamen monere incestuosum. Certissime sciebat Christus Scribas & Phariseos ab arrogantia, fastu & avaritia non recessuros, nec ideo cessavit crebris adhortationibus increpare. *Quis novit spiritum Domini?* Quis obfuturam putat veritatem, nisi qui prodit? Multum profeci cùm quid facere oportuit ostendi, cùm tot oppressis servitute mentibus professus sum libertatem, cùm mori non timui, cùm me pro salute patriæ devovi; multum profeci, cùm bonis



ais exemplum, terrorem malis reliqui, cum iniquam causam exilio meo damnare, quam fovere præsentia malui. Denique non parum promovi, cum intrepido pectore Cardinali scripsi nolle me cum eo de æterna salute periclitari; cum semina bonæ mentis abiens sparsi, quæ in Regis arcanis cogitationibus adolescerent. Quis tandem omnia Dei consilia perscrutatus est, ut inutile putet quidquid impenditur virtuti? Sæpe cadendo surgimus, vivimus moriendo. Numquam gloriosior fuit Samson quam cum ruinis quasi suo inclusus est triumpho. Numquam igitur tacui, numquam dissimulavi, quod officii mei ratio præscribebat, fides sincera, doctrina incorrupta

XXXVII. Dixi quod secundo urgent capite de fœderibus infidelium: habent in eo consistentem reum. Fateor enim, mi Pater, cum certissime scirem hoc agi, hoc tentari, si fieri posset, ut fœderata cum Liliis Turcarum arma eluvie fœda, tremenda omnibus vastitate in Christiana regna erumperent. Commotus sum totis visceribus, ferre non potui facinus tam immane. Sciebam equidem ab his consiliis purissimam Principis mentem abhorrere; sed Pseudo-monachus à sui Ordinis sanctitate alienissimus, & cruentarum artium architectus, ferro & sanguine displuebat in Europam. Hoc authore & præcipuo, ut ajunt, administro parabatur illa Saracenorum irruptio, & dolendum illi maxime erat quod fœderatos suos avocarent aliò Persarum exercitus.

XXXVIII. Jam fucum fecerant Regi, cui ex novæ Theologiæ decretis persuaserant licite fieri mala omnia, quæ bona mente fierent; cum à me sciscitaretur, num res ita se haberet, quid potui facere aliud quam dogma pestiferum à mente Principis arcere, ne fontem luminis suo contagio pollueret? Quid potui aliud loqui, quam quod clamat Apostolus, *non esse facienda mala ut veniant bona*? Nec quærendam adulterio sanitatem, nec furto beneficentiam, nec scelere pacem, *nec colligi de spinis uvas, nec de tribulis ficus, nec de peccato nasci virtutes*. Neque verò temere quidpiam

piam de foedere cum Saracenis intuli, secutus divinæ legis oracula & Ecclesiæ decreta, *omnis spiritus qui solvit Jesum*, ait Apostolus, *hic est Antichristus*. Hoc est quod facit Turca, non occasione sed professione; non impetu, sed animi destinatione, per tot secula Christiano sanguine cruentatus. Deinde formosum erat spectaculum, Christianissimum Regem cum Antichristo conjungi, contra sacramentum inaugurationis & unctionis sanctitatem, non commercio aliquo jure gentium communi ad aperienda maria mercesque connectendas, sed voluntatum, armorum, bonorum malorumque societate, ipsum videlicet evocando & strenue adjuvando ad vastitatem Christianorum & Ecclesiarum incendia. Quis hæc sine horrore cogitare? Quis probare sine scelere possit? Nihil hic minutum dicam, nihil fucatum accersam. Totius Ecclesiæ lumina decretales epistolas Joannis Papæ VIII. publicis consignarunt monumentis fuisse penes Athanasium quemdam summam Regni Neapolitani, quod cum tueri propriis non posset viribus, constituit cum Turcis amicitiam, ut eorum armis & opibus tegeretur. Disseminatus tam præposteri facti rumor perculit Christianas aures, & Pontificem graviter commovit, qui cum Regem non potuisset qua litteris, qua verbis, à tam periculosa societate divellere, cogit Romæ Concilium, ubi quæstione illa de foederibus armorum cum Saracenis acute & copiose disputata, illi sunt anathemate percussi qui eam propugnarent, & infelix Athanasius ab ecclesia ejectus & diris devotus est. Quid habet quod tanto rationum ponderi opponat iniquitas? Non evocabat Turcas ut infestaret vicinos, ut demoliretur urbes, ut Christiana regna diriperet, vitam tantum tueri, servare fortunas, regnum retinere cupiebat. Res tamen illa tam mali exempli judicata est, ut à Patribus fuerit illi sacris interdictum. Et quidem Navarrus noxa putat implicari mortifera, non tantum qui Turcas ad Christiani soli vastitatem evocant, sed qui suis armis accisam gentem in eum statum redigeret, ut infidelium prædæ pateat & injuriis. Si Romana non sufficiunt exempla, non egemus vernaculis, quibus

bus nec debile robur est, nec vilis autoritas. Premebatur injustis donis, armis atque direptionibus Carolus Simplex; quibus ut occurreret, constituit Normannorum, qui nondum sacris essent imbuti Christianis, auxiliares sibi copias adjungere; tum Juliiorensis Archiepiscopus, doctrina & sanctitate celeberrimus, & quo totius Galliae clerus quasi oraculo uteretur, Regis se conatibus vigore sacerdotali interposuit, minatus nisi desisteret, subditos obsequii sacramento & fide, solvendo, ipsumque telo feriendum excommunicationis: paruit Carolus: & dimicante cælo mortuus est eodem anno quem reformidabat infestus hostis.

XXXIX. Nunc Paternitati vestræ judicandum relinquo, num grave peccatum admiserim, qui tantam secutus auctoritatem, Regem ab eodem facinore revocarem, sanioribus consiliis informatum? At vero non sum sequutus vestigia Theologorum quos Rex constituerat, neque exempla antecessorum meorum. Qui poteram ergo sequi præcedentes, aut quo pacto probare quæ ne per somnium quidem cogitaverant? Nondum de Turca habita fuerat quæstio, horrore etiam erat mentibus ad audendum projectis. Ferrerius ille Cardinalis antesignanus in catholico statu, qui multas cum hæreticis initas armorum Confociationes vaste potius quàm acute defendit, à Turcarum societate mirum in modum abhorret, nec Galliae maculam hanc inuri patitur. Sed ut paucis rem absolvam, nihil in hac quæstione de fœderibus cum Suis & Hollandis aliud dixi, quàm quod Sorbona, quod Patres nostri, quod universa Theologorum agnoscit Schola; licere quidem uti illis in bello iusto: ut equis & elephantis, servata conditione gemina, quam omnes, puta Suares, Vasques, Banes, Molina, Becanus, Layman & Bonacina constanter exquirunt, ut res sine scandalo fiat & Ecclesiæ detrimento. His fundamentis nitebatur optimi conscientia Principis, qui tam impensè commendabat ne diriperentur Ecclesiæ, ne destruerentur aræ, ne quidpiam catholica damni pateretur respublica: nunc autem cum tot constet experimentis duas illas, quas expetunt Theologi, conditio-

nes

nes, quas & sollicitè Rex requisivit, non tantum fuisse neglectas, sed barbaris facinoribus concussas atque violatas, cum sit compertum omnibus solutos disciplina milites, permissione flagitiorum invitatos ad Christiani Orbis direptionem, viginti ferme templorum millia solo æquata, dejectis aris corpus & sanguinem Christi conculcatum, vagos sacrarum virginum greges effrenatæ libidini petulanter objectos, & ea perpetrata esse scelera, quæ nec lacrymis æquari possent nec percenseri voluminibus.

XL. Quæro ubi nunc moderator ille regie conscientie, qui cum tot immanes tragoedias mente conceperit, audeat poenitenti dicere, hæc ab eo tutæ fieri posse conscientia, uti jure suo, sic iri ad bellicas laureas & majorum decora? Num hoc est Christi prodere sanguinem? consternati orbis illudere lacrymis & implacabiles in se concitare cælestium iras?

XLI. Sed quia placuit antecessorum meorum renovare memoriam, dicam quod unius quidem pios manes, alterius commendet æstimationem. R. P. Mallianus cum tot horrenda ex moderatis nata sciret esse consiliis, tanto animi cruciatu afficiebatur, ut sibi vitam acerbam esse diceret; jamque inceperat interpellare Regem & liberare conscientiam; cum eum pene dejectum Cardinalis artibus & nutantem mors antevertit. Non latuere socios suspiria, nec graves gemitus, quos moriens effudit, ictus terrore supremi fori in tanta vitæ innocentia.

R. P. Gordonus, qui vigorem mentis profunda senectute obtuderat, sensit tamen acres conscientie morsus, monitus arcanæ manus religioso scripto, ut Regem de statu constanter admoneret; quod nisi faceret, impendere cælestem iram in caput. Itaque cum paucis post mensibus paralyti subita corruptus esset, schedam mihi tradidit, rogavitque ut ejus vice fungerer, quod intrepidus admisi, nec me exilii aut mortis terror ab eo instituto revocavit.

XLII. Nunc ad id venio quod gravissimum est, & ipsum fontem aperio è quo dolores mei redundarunt omnes. Dixi penes unum rerum omnium summam esse  
non

non debere, inde videor affectasse Ministrorum mutationem, quæ res Gallix statum pervertisset. Heu duram nimis Confessariorum Principis conditionem, si omnes suspiciosissimi hominis conjecturæ carcere sunt & exiliis eluendæ. Testor te, sancta Veritas, ea me semper in Aula mente vixisse, ut quod mihi ex officio incumberet, animosè & constanter agerem, ceteris implicari curis nullo modo patere.

XLIII. Si me Deus in Aula ad res status movendas venire voluisset, fecissem equidem, aut in ipso conatu me vis aut vita defecisset: sed longe mihi semper alia mens fuit. Sic enim judicavi propiorem illum esse Deo, qui minus curaret quibus in manibus volveretur mundus; versatilem honorum aleam & reciprocantes fortunæ cados immotus vidi, ratus satis magnum esse in eorum contemptu spectaculum. Ministros non attingi; at si quid fuit quod conscientiam Regis spectaret, non tacui, nec eorum terroribus cessi, nec blanditiis. Angebar cum Principe de hoc luctuosissimo bello, pacem ad quam propendere cœperat urgebam: loquebar ore Theologorum, dicebam equidem bellum posse geri auctoritate Principis, mente bona, causâ iusta, sed de ipsius iustitia præcipere Doctores longam & accuratam haberi quæstionem, nec id ex hominis unius arbitrio pendere: non dubitare me quin Cardinalis mens acerrimo vigore præstaret, sed ejus prudentiam opinor lubenter primaria regni Capita in rebus ambiguë audituram. Quid hoc æquius? quid moderatius? num hoc lex divina præscribit? *Disputantur, inquit, cogitationes, ubi non est consilium, ubi vero plures consilarii, confirmantur.* Num id ipsum cavent regnorum statuta? num consuetudines sanciant? quid aliud ad firmandam in re tam seria Regis conscientiam suadere poterat ipsius moderator & custos? Inde tamen orta suspicio, moliri me res novas, & movere eum cardinem, quo totus hic orbis vertitur: Quid ajunt accusatores mei? hoc egisse me non audent dicere: affectasse? ne istud quidem: videri? hoc est quod arguunt. O me infelicem, si per tot acerba Ministri suspicatisimi cogitationibus immoler! omnia illi in hoc fastigio suspecta sunt. Habet, ut ajunt,

& pilus umbram suam, nihil est tam minutum in rebus humanis quod tantum non feriat apicem. Fingit intra & extra mundum novos quotidie insidiatores, nova decernit exilia, novas inducit poenas; ut omnia sint ei tuta, nihil vult à se tutum. Qui potui ego non esse suspectus homini, qui nimis eram amicus veritati? Ego scilicet destruere volui Cardinalem. Nimis demisse de sua sentit amplitudine, si credit: si non credit, contra innocentiam meam decernit nimis inique. Ubi cum Aulicis agitata consilia? ubi copulatæ cum suspectis partibus amicitiae? ubi litteræ? ubi index? ubi testis? occupata scrinia, interceptæ epistolæ, singuli apices curiosissimis inspecti oculis, nihil innocentius: pervestigati cum quibus agerem, cum quibus sermonem miscerem, nihil modestius: numerata omnia vestigia, omnes notati congressus, nihil ordinatius: nulla nisi de cælo vox, nullum nisi à Deo consilium. Sed quo authoramento rem tantam, tam impeditum aggressus sum negotium? promittebatur mihi Cardinalis purpura, (nam & istud obijciunt) à quo? num à summo Pontifice? cui sum ignotus, & quem sola sanctitatis veneratione novi. Num à Rege, à quo dari maxime oportuit? sed quis putet illum ipsius conjurationis conscium, autorem, munerarium? An à Reginis? quibus nec libertas promittendi fuit, nec dandi facultas. Enimvero restabat hoc unum in tot funestis rebus ridiculum, ambire me purpuram, hominem mente, animo, vita, professione, ab omni semper honorum splendore alienum. Quis credat me tam stupide ambitiosum, tam præpostere candidatum, ut illius ictus desiderio purpuræ continuò non respexissem Eminentissimum Cardinalem, patrem muntrum, honorum omnium distributorem, totius gloriæ arbitrum sine cujus nutu nullum cuiquam obtingere poterat in Gallia beneficium? Cum ad eum vota omnium suspirarent, cum illi ferme thura arderent, & cælestes cantarentur hymni, solus ego per calcatum & contemptum cæca mente perversis itineribus ad dignitatem amplissimam contendebam. Testem Deum invoco, cui cor omne patet & omnis lingua loquitur, cum unus è regni

Pro-

Proceribus ejus Eminentiae addictissimus, me impensè hortaretur ut essem Cardinali per omnia obsequentissimus, nec vererem ei Regis arcanos aperire sensus, tum si quæ oborta esset inter utrumque dissensio, starem à partibus Cardinalis relicto Principe, qui mihi sine illo nec obesse poterat nec prodesse; ita futurum me quidquid vellem, nec eminentissimorum mihi defuturum apicem. Inhorruì ad hanc orationem, & dixi me non capi honoribus, quibus renuntiassém, subiturum me potius extrema quàm ambirem: sed si occulta vis consiliorum Dei contra me aliud moliretur, iturum me in ordinem supremæ voluntatis per decora potius quàm per crimina. Non est inter homines natus qui frigida illius ambitionis in me ullum unquam deprehenderit vestigium: vixi in Societate purus, in Aula etiam religiosus, & tota illa fascinatiò nugacitatis procul ab animo, procul à sensibus semper absuit. Quod si qui cum me à Ministris Cardinalis in exilium deportari viderent, dolendas rerum humanarum dixerint vices, quod Patri Josepho purpureus destinaretur galerus, qui esset Orbis Christiani cruore tinctus, mihi vero qui pro pace Ecclesiæ caput devovissem catenas neçti & duram omnino parari sortem, non eram in ore omnium ut querelas compescerem, & eos ex decretis providentiæ consolarem.

XLIV. Restat, quod ajunt doctissimi Patres, incidisse me in censuras quas quinta & septima Congregatio tulit, quod dissuaserim Regine per impium atque funestum foedus Saracenos ad Christianorum vastitatem evocaret. Hic enim expressis verbis notantur foedera & bella de quibus cum Rege sum locutus. Heu projectas in servitutem mentes! heu propudiosos sensus! Quod vix credideram posse mihi evenire, jam cum pudore quodam & dolore cogor tueri veritatem. Dum fratribus parco, dum imbecillitatis humanæ misereor, utinam jus Ecclesiæ & Societatis aut legerent attentius aut sanctius interpretarentur! essent in opinando cautiore, aut minus in damnando præcipientes: declarat enim satis Canon XLI. Congregationis septimæ nullo modo vetari quæ

ad conscientiam directionemque Principum spectant, sed quæ natura sua sunt omnino politica, qualia essent jura regnorum, foedera & bella, quæ nihil ad religionem attinerent: tum indicat qui censeantur canonis transgressores. Si quis, inquit, publicis harum consiliis interesset, aut tractandis iis operam impenderet, faceret contra statutum. Quæro nunc ab ipsis Patribus, an ceras & sigilla Franciæ tractaverim? an diplomatibus subscripserim? an privatis aut publicis interfuerim consiliis? an Ministrum status egerim? Dirigebam, Deo ita volente, optimi Principis conscientiam, qui sæpe jubebat ne quid illum celarem, quod faceret ad salutem, cui posthaberet omnia. Videbam illum periculose circumventum, & ad Turcicum foedus sollicitari, creari inde animo labem, nomini dedecus, foedam Christianæ genti calamitatem. Tum illi in hoc rerum articulo ob oculos posui timorem Numinis, decreta Ecclesiæ, majorum facta, sanctissimi Regis Ludovici, cujus se imitorem vellet, exempla, denique unctionem ejus & sacramentum. Deinde magnum admitti facinus, & quidem censuris atque anathemate profligandum, quod Deum timui, quod vera dixi, quod cervices pro domo Dei opposui. Multa quidem dictu gravia imminere Christi Ecclesiæ prospicio, summo Pontifici multa, nisi conatus imperiosos occulta vis ex alto eliserit. Quod si religiose mentes tam molles ad serviendum, ad resistendum tam infirmæ reperiantur, nec vita sine segnitie, nec mors poterit esse sine dedecore. Nimis urgeo, nimis evinco: pudet me Patres istos tam invicto premi rationis robore; demus veniam timori, ignoscamus necessitati: satis magnum supplicium est contra veritatem stetisse.

XLV. Dixi omnia sincera fide, accurata, ut potui, brevitate: habet vestra Paternitas totam facinorum seriem, quibus expiandis in hoc angulo terræ defossus jaceo. Premor equidem variis incommodis, fracta valitudine, cœlo gravi, victu aspero, oppressâ libertate: domus mihi carcer est, discrimen publicum, insidiæ secretæ. Ultimum malorum est, antequam moriaris exire devius, & tamen hoc egere persecutores mei, ut vi-

vens



vens ac spirans tumultum ingrederer, omni privatus suffragio, omni functione abdicata, superstes funeribus meis, vox erepta innocentiae patrono, quassus & fractus calamus post tot vulgatos libros & pictam toties stilo meo virtutem, subjicior censuris & poenis, quibus adulteri & falsarii solent, quod impolluta mente, veraci oratione, pro Dei causa steti. Agitantur praeterea nova consilia de uno per tot mortes perdendo capite; quicquid malorum habent maria, quicquid desertae habent insulae, quicquid horribilis carcer, quicquid ferrum & caetera tormenta, hoc irato Cardinali dicunt esse timendum. Sed tutissima res, praeter Deum timere nihil: grande solatium est Christo consigi cum universo, & in tam illustrem describi confessorum legionem, qui pro veritate sunt icti, pro veritate mortui. Hoc quod primum docemur & ultimum discimus, pati, factum est autore Deo gloriosum, non tantum poenis erigi, sed & pasci juvat poenarum causam relegentem. Ille timendus omnibus, coepit tamen à me non timeri, Domino vel protegente vel adversa caelestibus solatiis mitigante. Unum est quod me malis meis insultantem saepe afficit, saepe deprimit, *filii matris meae pugnantes contra me*. Quamquam tota prope Societas pro me in hac causa est, ò quàm dolenda sunt illa vulnera quae ab amica veniunt manu? Inveni aliquid ferro & vinculis & irato Cardinali pejus. O domus altrix & parens, tu me abjectum dereliquisti, tu me derelictum furentibus inimicis tradidisti. Heu durum dictu, tu me in sinu innocentiae confixisti. Non accuso pietatem tuam, sed doleo necessitatem: multa fuerunt imperanti, plurima minanti concedenda: jubebat ab Aula amoveri, parendum fuit; jubebat ab urbe, exeundum; jubebat in abditum relegari collegium, nec istud deprecandum; jubebat à te scribi contra me quicquid ira frementi dictaret, quicquid tua prudentia ignoravit, hoc honeste tu poteras denegare, & si urgeret, fortiter recusare. Habeat ille solus invidiosae potentiae novum argumentum, quod innocentiam damnare possit inauditam. Hoc aequitas tua non permittit, religio non finit. Tu me per totam Europam

iniquis oppressum calumniis circularibus litteris traduxisti, tu famæ vitam eripuisti, omnium fere quas hic vivimus pretiosissimam, tu me eversi status, tu me convulsi ordinis reum fecisti. Quo teste? quo iudice? persecutore meo. Tam carus tibi fuit, ut illi filium immolares, tam timendus, ut petenti nec crimen denegares. Post hæc jubes in virtute sanctæ & tremendæ obedientiæ, ut iniquissimis contumeliis laceffitus de causæ meæ iustitia & veritate conticeam. O mater, quid agis? damnare vis & non vis audire? hoc ne Diocletianus fecit? Non est hoc innocentiae tuæ, non est prudentiæ: loqueris ore non tuo, sensu iudicas alieno; sæva necessitas quæ hoc extorsit, misera virtus quæ necessitati succubuit!

XLVI. Unum à te peto, mi Pater, antequam moriar piacularis domo victima, tuam æquitatem appello, tuam paternitatem imploro, absens quidem corpore, mente præsens, ad tuum integerrimum & sanctissimum tribunal voces ultimas, meo si vis cruore obsignandas, fundo, & testor, me à meis ejectum, damnatum, oppressum, nullius convictum criminis, nisi crimen est quod ex officio Regi verba feci de pace Christiani orbis, de concordia regni domus, de sublevando populorum iugo, de avertendis à direptione templorum & vastitate Catholicorum infidelium armis. Si hæc injusta viro probo, temeraria seni, indigna moderatore Christiani Principis, subeam poenas iniquitatis, amentiae, audaciae, non recuso: sed si quæ dixi in tam serio negotio, ut feci, probata sunt sapientibus, amica bonis, omnibus profutura, redde famam vivo; si non potes, redde aliquando mortuo. Ego quantum possum charitatis sensu omnibus qui mihi graves fuerunt ignosco: sed tamen audiant per tuas litteras omnia collegia, omnes domus, ad quas hæc circularis pervenit epistola, de mente Societatis non fuisse scriptam, sed ex necessitate expunctam, vi extortam, nullo me obstringi piaculo, nullis detineri censuris, fecisse me in hoc officio meo quod vir probus, integer confessarius, fortis ac germanus Societatis filius facere potuit aut debuit.

Credat mihi vestra Paternitas, res magni momenti est ut omnes intelligant nunquam esse calcatam in Societate virtutem, nunquam oppressam innocentiam, nullam esse tantam temporum caliginem quam præcellæ mentis tuæ fulgor non illuminet, nullas præstigias quas vis tua non dissipet, vim nullam cui tua succumbat constantia.

XLVIII. Cum vitia profunt, ait ille, peccat qui recte facit, quis se ruenti audaciæ opponeret? quis impietati omnia temeranti? si virtus accusatur à justis, puni-  
tur à sanctis innocentia, ubi ille magnarum vigor mentium, quibus hæc Societas ad tantam gloriam crevit; si exiliis digna judicantur quæ præmiis Christus prosequitur? Enimvero timendum est ne serviisse magis temporari videamur, quàm probitati. Pone mihi Athanasios, pone Basilios, pone Chrysostomos, si ad politicorum hominum, & quidem aliquot religiosorum sensum hodie judicandi sunt, omnes causa excident, audient simplices, insipidi, audaces, temerarii, & quidvis aliud quàm sancti: sed timendum ne cælestis ira feriat tam perverse judicantes, facientes tam præpostere; timendum ne unde putatur assurgere, inde corruat domus iniquitatis, & per ipsa quæ videntur ornamenta, feriat.

Sed nihil nobis est in Societate metuendum tam sapiente Præposito, tam vigili Moderatore, Patre tam pio, à quo virtus tutelam nacta est, innocentia patrocinium, qui lucem obscuris, opem desertis, spem deploratis largiri, divinum putat, & facit suam hujus sacrificii salutem, protectioni famam commendat

Corosopiti Martii die 7.

Anno Domini MDCXXXVIII.

Servus & filius in Christo  
obsequentissimus

NICOLAUS CAUSSIN.

# S U C C I N C T A N A R R A T I O

*Eorum quæ P. THYRSUS GON-  
ZALES gessit in Hispania apud Su-  
periores suos & apud summum Ponti-  
ficem Innocentium XI. ad cohibendum  
opinionum probabilium abusum, cum  
brevis explicatione rationum ob quas  
anno 1691. edidit tractatum succin-  
ctum de hoc argumento, & difficul-  
tatum quæ circa ejus publicationem  
supervenerunt.*

**P** Thyrsus Gonzales, nunc Præpositus generalis So-  
cietatis Jesu, postquam per decem annos Theo-  
logiam Scholasticam docuerat Salmanticæ, vocatus à  
Deo renunciavit Cathedræ anno 1665. ut missionarii  
munus per Hispaniæ provincias exerceret. Dum in  
his missionibus versaretur, quasi manibus ipsis con-  
tractavit quàm perniciosâ in quibusdam confessariis  
daretur laxitas in usu opinionum probabilium, & quàm  
sine limitatione uterentur illo principio, inter Theo-  
logos sæculi hujus tam familiari, quòd nimirum lici-  
tum sit sequi opinionem probabilem minus tutam, re-  
lictâ probabiliore & tutiore: nullâ namque habitâ ra-  
tione de veritate opinionum, satis illis erat scire dari  
opinionem probabilem de eo quod res liceat, ut sta-  
tim

tim licita reputaretur ; nec examinabatur an opinio contraria haberet pro se graviores Authores & urgentiora fundamenta, sed vel sine hoc prævio examine procedebatur ad praxim operandi ; vel quamvis sciretur dari opinionem magis probabilem , magisque fundatam de eo quod res sit illicita, putabatur hoc non obstare , sed posse quamlibet sequi opinionem probabilem , faventem suæ libertati, quamvis ipse cognosceret opinionem contrariam esse authoritati & rationi verisimiliorem. Educatus fuerat in hâc doctrinâ quæ tunc erat communis , nec illam in dubium revocavit usque ad annum 1670. in quo se seriò & accuratè applicuit studio hujus celebris controversiæ ; & postquam diligenter evoluit quidquid pro unâ & alterâ parte allegabatur , deprehendit atque recognovit sententiam benignam , asserentem licitum esse sequi sententiam minus probabilem & minus tutam, relicta probabiliori & tutiori, seu licitum esse sequi opinionem minus probabilem & minus tutam in concursu probabilioris & tutioris, duplicem habere sensum legitimum , deprehenditque in uno sensu esse veram & in altero falsam ; esse quidem veram , si intelligatur de opinione minus tutâ, verè in se absolute probabili, quia defenditur ut vera à viris probis & sapientibus post accuratum totius quæstionis studium, quæ tamen communiter habetur pro minus probabili , quia pro se pauciores numerat Authores: hanc enim operans potest licite sequi , si citra passionem & culpam, judicio opinativo absolute censeat illam esse veram & legi divinæ conformem, eo quòd pro illâ invenit rationem fortem præponderantem rationibus sententiæ contrariæ. Nam in illius ratione opinio illa , quæ communiter habetur pro minus probabili, ipsi operanti est magis verisimilis, & idcirco approbatur ab ipso ut vera , & in hoc sensu existimat locutos fuisse multos authores classici hujus sæculi, præsertim Patrem Suarez, cum tom 4. de Relig. pag. 540: dixit juxta communem sententiam per se licere sequi opinionem probabilem circa honestatem actûs relicta probabiliori: cum enim juxta Aristotelem

I. Mor. cap. 1. probabilia sint quæ videntur omnibus vel plerisque, vel sapientibus, atque iis vel omnibus vel plerisque, vel maxime notis ac clavis, sane regulariter loquendo, ut sapienter inquit Castropalus tom. 1. disput. 2. de conscientia cap. 1. num. 8. ea sententia probabilior est judicanda, quæ à pluribus defenditur & à doctioribus; & è contra sententia minus probabilis est judicanda, quæ à paucioribus & minus clavis defenditur.

At similiter deprehendit sententiam illam benignam, si intelligatur de opinione minus tuta, quæ ipsi operanti in actu primo magis apparet falsa quàm vera, eo quod pro contrariâ videantur stare non solum plures & graviores authores, sed validiora fundamenta rationis, quia nimirum experitur se vehementius impelli ad assensum per fundamenta rationis tutioris, quàm per fundamenta sententiæ minus tutæ; deprehendit, inquam, illam sententiam benignam sic intellectam esse falsam & expositam laxitatibus perniciosis, quas contingens foret aliquando damnari à Sede Apostolica, sicut ipsâ damnavit Innocentius XI. sex vel septem annis post, & recognovit in hoc sensu accipi à modernis probabilistis post Caramuelem, ac proinde ut secure posset conscientiam proximorum suorum dirigere decrevit illam doctrinam recentium probabilistarum ex professo impugnare, ideoque tribus annis continuis, tempore æstivo, quando necessarium erat ab exercitio missionum, in quo versabatur, per tres menses vacare, tractatum Theologicum composuit de recto usu opinionum probabilium sub hoc titulo, *Fundamentum Theologiæ moralis*, id est, *Tractatus Theologicus*, in quo ostenditur non probabilitatem quæ communis est sententiis oppositis, sed duntaxat veritatem saltem ut creditam & prudenter existimatam, esse rectam regulam morum; proindeque nunquam esse licitum sequi sententiam minus tutam in concursu tutioris, nisi illa præmineat isti quoad probabilitatem seu verisimilitudinem in existimatione operantis. Et quia videbat doctrinam huic oppositam ita jam esse in Societate communem, ut timeri posset intra paucos annos fore in eâ sicut scientiam mediam,

nisi

nisi prodirent authores qui apertâ fronte & non dissimulato nomine religionis eam impugnarent, voluit hunc tractatum dedicare R. P. Joan. Olivæ tunc Præposito Generali, ut hoc argumento manifeste indicaret Societatem non adscripsisse sibi ut propriam sententiam benignam Probabilistarum; quod manifestum fieret si è Societate prodiret liber dicatus Generali Præposito, qui illam ex professo impugnaret, illumque misit Romam anno 1675. sed tractatus Romæ examinatus à Revisoribus generaliter approbatus non est, & negata est licentia illum edendi in lucem, quia judicatum est doctrinam benignam, quam Jesuitæ communiter tenent, esse aptiorem ad dirigendas conscientias proximorum & faciliorem reddendam viam salutis.

In eo tractatu tanquam rem præcipue intentam ad cohibendum opinionum probabilium abusum latissimè omni genere argumentorum ostendit, licitum non esse sequi opinionem minus tutam in concursu tutioris, quando hæc, tum ab authoritate, tum à ratione apparet operanti, ut manifeste verisimilior: & acriter invecus est in illam eandem propositionem de usu licito opinionis minus probabilis, quam damnavit Innocentius XI. ostendens illam doctrinam esse perniciosam & ingentem afferre posse morum corruptionem, nec aliquid esse in moribus securum, si illa doctrina serpat. Post autem ostendit licitum non esse sequi opinionem minus tutam in concursu tutioris, quando hæc omnibus consideratis, apparet absolute & simpliciter operanti verisimilior. Tertio nec licitum esse sequi minus tutam, quando omnibus hinc inde consideratis opinio tutior apparet in actu primo æquè verisimilis, quia ubi fundamenta pro utraque parte contradictionis sunt omnino æqualia in dimovendo & trahendo ad assensum, mutuo se elidunt, & intellectus fluctuat & manet suspensus & dubius, nesciens in qua parte sit veritas, quam naturaliter quærit; in dubiis autem tutior pars est eligenda. Hinc ad usum licitum opinionis minus tutæ seu faventis libertati contra præceptum omnino necessarium censet, ut post diligentem veritatis

exquifitionem , ex ſincero deſiderio non offendendi Deum ſuſceptam, pars favens libertati citra paſſionem & culpam appareat operanti in actu primo ſimpliciter & abſolute veriſimilior , & ob hanc majorem veriſimilitudinem directe pars illa judicetur abſolute vera judicio determinatio , quo intellectus ſibi perſuadeat actionem honeſtam & legi æternæ conformem , vel ſaltem non malam , & à lege æternâ permiſſam, ita ut aliter non poſſit ſequi licite partem faventem libertati & relinquere partem faventem præcepto, niſi ex prudenti perſuaſione quod illa ſit vera & hæc ſit falſa. Arque adeo ipſius ſententia duobus nititur principiis: primum eſt, neminem poſſe ſequi opinionem faventem libertati adverſus legem , qui prius ſine præcipitatione & paſſione, atque adeo prudenter, judicet, ſaltem judicio opinativo vel cum aliqua formidine, eſſe veram & legi æternæ conformem. Secundum eſt, neminem poſſe hoc judicium ferre , niſi poſt ſufficientem veritatis inquiſitionem fundamenta iſtius partis apud ſe præponderarent ſimpliciter, ſenſibiliter & clare fundamentis partis oppoſitæ , ita ut operans manifeſtè experiatur ſe vehementius impelli ad aſſenſum per fundamenta ſententiæ faventis libertati , quàm per fundamenta ſententiæ ſtantis pro lege.

Postquam obtinere non potuit facultatem edendi tractatum illum , poſtulavit à R. P. Generali anno 1679. ut ſaltem ſibiliceret inferere quarto tomo Theologiæ Scholaſticæ (qui tunc ſub prælo erat) ſubſtantiam illius doctrinæ in duobus vel tribus paragraphis, in quibus per propoſitiones aliquas breviffime prolas ſuam mentem aperiret : ſed nec hoc impetrare potuit.

Propoſitiones autem erant ſequentes.

1. Nemini licet in praxi ſequi opinionem faventem libertati adverſus legem , quando ipſe judicat eſſe falſam & legi divinæ contrariam in ſenſu composito, talis judicii præcipue intenta ad cohibendum opinionum probabilium abuſum.

2. Ne-



2. Nemo potest sequi licite opinionem faventem libertati adversus legem, quando habet fundamentum evidenter majus ad credendum illam esse falsam & legi divinæ contrariam, quàm ad credendum esse veram & legi divinæ non contrariam.

3. Nemo potest licite sequi opinionem faventem libertati adversus legem, quando absolutè habet fundamentum majus ad judicandum illam esse falsam, quàm ad judicandum esse veram; eo quod in actu apparet ei verisimilis.

4. Nemo potest licite sequi opinionem faventem libertati adversus legem, quando non habet fundamentum majus ad judicandum esse veram, quàm ad judicandum esse falsam, eo quod experitur æqualem vim movendi in fundamentis partis oppositæ, ac proinde utraque opinio sit illi æque verisimilis.

5. Licitum est sequi opinionem faventem libertati adversus legem, quando post diligentem veritatis inquisitionem citra passionem & culpam habet majus fundamentum ad credendum esse veram, quàm ad credendum esse falsam, quia tunc inculpate potest judicare illam esse veram, & legi divinæ conformem.

6. Quamvis opinio favens libertati adversus legem sit specificative in se probabilis minus, quia habet pro se pauciores authores graves, si tamen sit in se certe probabilis quia defenditur ut vera ab authoribus classificis, quorum opinio habetur communiter pro probabili, & operanti ipsi post diligentem veritatis inquisitionem citra omnem passionem & culpam repræsentatur ut magis verisimilis quàm opposita, potest eam licite sequi, quia tunc inculpate potest judicare illam esse veram.

7. Fundamenta Doctorum asserentium licitum esse sequi opinionem probabilem minus tutam, relicta probabiliori & tutiori, si intelligantur de opinione tutiori, quæ solum in se specificative & materialiter & communi æstimatione est probabilior, sunt satis efficacia: si autem intelligantur de opinione tutiori, quæ non so-

lūm in se est probabilior, sed etiam ipsi operanti verisimilior apparet, sunt inefficacia.

8. Multi Doctores hujus sæculi asserentes licitum esse sequi opinionem probabilem minus tutam relictā probabiliori & tutiori, conciliari possunt cum multis antiquorum, qui ad usum licitum operationis minus tutæ exigunt quod saltem sit probabilior tutiore, dicendo istos solum exigere quod opinio minus tuta sit operanti ipsi probabilior, id est verisimilior: illos vero solum asserere licitum esse sequi opinionem minus tutam, quæ in se & communi existimatione est minus probabilis, si ab ipso operante inculpate judicatur vera, quia ob fundamentum rationis in actu primo visa est ei verisimilior.

Sed Præpositus Generalis ex judicio Revisorum generalium judicavit non expedire ut propositiones illæ adhuc sub illâ brevitate typis mandarentur: tunc autem satis cognovit Pater Thyrsus suum tractatum de usu opinionum probabilium præcipue fuisse improbatum propter ipsam substantiam doctrinæ, quam in illo ex professo statuebat, & Superiores velle, ut sensim sententia benigna de usu licito opinionis minus probabilis & minus tutæ in concursu tutioris & operanti ipsi verisimilioris in Societate prævaleret, & imperium pacifice possideret, quia judicabant illam esse aptiorem ad dirigendas conscientias in spiritu dulcedinis & suavitatis; manifestum est enim hanc doctrinam amplexos fuisse non solum sapientia, sed & virtute & pietate insignes; non ex studio placendi hominibus & animos omnium sibi conciliandi, ut malitiose calumniantur Jansenistæ cum Lud. Montalt. Epist. 5. sed ex sincero desiderio consulendi proximorum salutis, ad quam promovendam magis aptam censebant hanc benignam doctrinam, quàm oppositam paulò securiorem.

Septem annis postquam P. Thyrsus hunc tractatum confecerat, prodiit Bulla Innocentii XI. in quâ confixit anno 1679. sexaginta quinque propositiones, & in quâ declaravit ad usum minimum opinionis minus tutæ

tutæ non sufficere quod illa sit utique probabilis in se, si ejus probabilitas comparata cum probabilitate sententiæ tutioris sit tenuis & exigua. Occasione hujus publicationis in Hispaniâ per litteras sui Nuncii recevit summus Pontifex Religiosum è Societate Jesu ante aliquos annos confecisse tractatum, in quo late & nervose impugnabat illam propositionem & alias quas damnaverat, & in quo late sententiam probabilistarum, quæ in Societate erat communis, rejiciebat, & oppositam Antiprobabilistarum doctrinam, in quam sua Sanctitas magis inclinabat, late statuebat. Gavissus est sanctus Pontifex, & jussit illum examinandum & revisendum tradi duobus viris valde peritis, qui illum maxime probaverunt & laudaverunt, licet unus ex eis majorem in eo desideraverit severitatem & rigorem: alter enim illorum in suâ censurâ dixit tractatum illum esse moribus Christianorum formandis apprime utilem, atque iisdem hâc tempestate reformandis præsentaneum fore. Alter vero diserte pronunciavit nihil suo judicio circa propositum argumentum prodiisse ex officinâ Societatis Jesu ipso tractatu solidius: addit verò quòd ut tuto possit commendari, optandum esset ut nonnulla quæ illic tantum obiter notantur, ex professo (ut dicitur) tractarentur. Itaque operæ pretium, inquit, esset, conditiones opinionis probabilioris quam sequi liceat, etsi minus tuta sit, tractare, & copiosius explicare, inculcando præcipue tantam esse debere illam probabilioritatem, ut omnibus inspectis unice probabilis sit, & post diligentem veritatis inquisitionem nihil appareat in contrarium ad persuadendum rem illam esse illicitam. Atque ideo Revisoribus Pontificiis visus est tractatus illius minus severus, quia P. Thyrsus exigebat ad usum licitum opinionis minus tutæ, ut illa in actu primo citra passionem & culpam appareret operanti simpliciter & absolute verisimilior, quàm opposita, & ob hanc majorem verisimilitudinem ab ipso judicatur vera, licet hoc judicium sit opinativum & cum aliquâ formidine partis oppositæ. At uni ex Revisoribus Pontificiis visus est tractatus  
ille

ille in hac parte minus ſeverus, quia exiſtimabat ad uſum licitum minus tutæ non ſufficere quod operans iudicio opinativo cenſeat actionem eſſe honeſtam vel licitam, ſed requiri quod formet iudicium moraliter certum de honeſtate actionis, ceu iudicium excludens omnem formidinem partis oppoſitæ circa malitiam actus oppoſiti.

P. Thyſus, cui firma hærebat determinatio non edendi hunc tractatum ſine facultate ordinaria Religionis, timens ne forſan Pontifex imprimi faceret ſine licentiâ Societatis, ſi ſemel Reviſores à ſua Sanctitate designandi illum approbarent, ut præcaveret hoc periculum, dedit litteras ſummo Pontifici die 25. Decembris 1681. in hæc formalia verba. „ Quamvis „ doctrina mei tractatus probetur à Reviſoribus deſignatis vel designandis à veſtra Sanctitate, & ab illis „ deducatur utilem fore, non expedit ut tractatus imprimatur ut jacet. Cùm enim illum compoſuerim „ dum verſarer in miſſionibus, & poſt magis ventilata „ ſit hæc materia, nunc neceſſe eſt illum magis locupletari; licèt enim pro miſſionario foret ſufficiens, „ pro cathedratico primario Salmanticenſi eſt diminutus, & oportet ſuſius impugnari per illum, qui poſt „ illum tractatum compoſitum, totum edidit de „ regulâ morum. “ Hoc dixit quia anno 1676. juſſus fuerat à ſuis Superioribus dimittere officium miſſionarii, & ex designatione Regis Catholici præfectus fuerat cathedræ primariæ Univerſitatis Salmanticenſis. Itaque Pontifex huius libri editionem valde optabat & urgebat, authoriſque enixis precibus ægre tribuit, ut res differretur donec matureſcerent quædam.

Venit P. Thyſus anno 1687. tanquam Procurator provinciæ Caſtellanæ ad Congregationem generalem XIII. & ſummus Pontifex ſigna manifeſta dedit deſideriū quoque flagrabat ut eligeretur in Præpoſitum Generalem, ſperans fore ut factus Generalis cohiberet nimiam licentiam opinandi, de qua accuſabatur Societas, ut aperiret januam doctrinæ ſecuriori Anti-probabilistarum, in quam inclinabatur magis Sedes Apoſtolica. Dolebat quip-

quippe Pontifex & conquerebatur de tanta conformitate, & quasi conjuratione Jesuitarum, in defendendâ minori probabilitate, tanquam regulâ securæ conscientiae: videbat quotidie ex officina Societatis prodire libros, qui quasi pro aris & focis pugnabant pro usu licito opinionis minus probabilis & minus tutæ, eosque recipi cum plausu à Jesuitis; nullum autem prodire qui apertâ fronte, & non dissimulato authoris & Religionis nomine, doctrinam illam impugnaret; insuper audiebat in Societate male audire apud Superiores qui doctrinam probabilistarum sibi displicere significaret, & fere nullum esse qui palam auderet impugnare, imò & aliquos molestias non paucas passos esse ob hanc causam. Hinc inferebat tantam uniformitatem tantamque conspirationem in defendendo suo Probabilismo, in Religione in quâ est tanta opinandi libertas, ut est Societas, non videri casualem, sed potius provenire ex consilio Religionis, volentis sensim & in actu exercito adaptare sibi & facere propriam Religionis sententiam de usu licito opinionis minus probabilis. Probe ergo cognoscens magnus ille Pontifex quantum posset bonis moribus nocere, quòd Orbis Christianus sibi persuaderet Religiosos Societatis sibi adscripsisse ut propriam sententiam Probabilistarum, & pro Religione eam defendere licitum esse sequi sententiam minus tutam in concursu tutioris, & ipsi operanti probabilioris & verisimilioris, hoc malum totis viribus impedire est conatus, suaviter tamen & sine strepitu. Mediante ergo Emin. Cardinali Cibo Secret. status significavit Congregationi generali cupere se & desiderare, ut in doctrinâ de opinione probabili licitum esset Theologis Societatis tenere, atque libris publicis, si vellent, tueri, quod in concursu opinionis magis probabilis magisque tutæ non liceret sequi minus tutam minusque probabilem. Congregatio verò desiderio Pontificis cupiens satisfacere, condidit Decretum XVIII. in quo declaravit Societatem non prohibuisse nec prohibere quo minus sententiam illam tueri possent quibus illa magis probaretur, ipseque Pontifex locutus cum

cum novo Generali illum sæpe hortatus est ad procurandum ut in Collegio Romano aliisque Gymnasiis Societatis legeretur doctrina Anti-probabilistarum, quatenus docet neminem posse sequi sententiam minus tutam, nisi illa saltem sit probabilior sententiâ tutiore stante pro lege adversus libertatem; & novus Generalis promisit suæ Sanctitati vocaturum ex Hispania Professore Theologiæ, qui eam doctrinam in Collegio Romano dictaret, & ita adimplevit anno sequenti, quo P. Josephum Alfarum ex Hispania adduxit ad legendam Theologiam in Collegio Romano. Ex his constat quàm seriò & constanter Innocentius XI. desideraverit ut in Societate plena esset libertas ad docendum licitum non esse sequi sententiam faventem libertati adversus legem, nisi operans prius prudenter & probabiliter sibi persuaderet illam esse veram & legi æternæ non contrariam; quam persuasionem habere nunquam poterit, quin autoritate & ratione, vel utraque simul sit ipsi clare verisimilius rem esse licitam & à lege divina permissam.

Præpositus ergo Generalis Societatis, ut satisfaceret desiderio summi Pontificis Innocentii XI. & operibus ipsis ostenderet Decretum Congregationis XIII. non fuisse solum cærimoniam mere politicam ad placandum animum Innocentii XI. qui agre ferebat tantam conspirationem Jesuitarum in defendendo usu opinionis minus tutæ, posthabitâ tutiore, quæ operanti ipsi appareret magis verisimilis, & vehementer optabat ut traderet doctrinam securiorem; & ut Religionem sibi commissam purgaret à labe foedâ, quam illi aspergebat multorum persuasio quod Societas sibi vellet operibus ipsis, & in actu exercito, adaptare & propriam facere sententiam benignam Probabilistarum, decrevit typis mandare tractatum suum de recto usu opinionum probabilium, qui est specimen quoddam operis grandis, eo argumento, ut facto tam illustri omnibus constaret non esse propriam Societatis sententiam quam ejus Præpositus Generalis ex professio impugnabat.

In hoc tractatu, ad claudenda ora Janfenistarum, qui ut invidiam conflarent Societati ex laxitatis famâ, tanquam propriam tribuunt sententiam probabilistarum non solum conceptam sub terminis istis: *Quod liceat sequi sententiam probabilem minus tutam, relictâ probabiliore & tutiore, seu in occurſu probabilioris & tutioris*, sub quibus terminis est communis inter ſcriptores hujus ſæculi qui rem hanc attigerunt ab anno 1677. ad annum 1688. paucis exceptis, sed etiam sub terminis invidioſis qui illam doctrinam reddunt invidioſam, in eo ſcilicet ſenſu in quo eam defendunt recentes Probabiliſtæ, qui cum Caramuele aſſerunt licitum eſſe unicuique ſequi ſententiam ſibi minus probabilem ſeu minus veriſimilem & minus tutam relictâ tutiore & ſibi veriſimiliore, id eſt licitum eſſe ſequi ſententiam faventem libertati adverſus legem naturalem, quamvis omnibus conſideratis habeat majus fundamentum ad judicandum eſſe falſam & legi æternæ contrariam, quàm ad judicandum eſſe veram & legi æternæ non contrariam.

Inprimis manifeſte probat illam ſententiam non prodiſſe ex Societate, & non niſi per calumniam à Ludovico Montaltio in Litteris Provincialibus, à Willielmo Wendrochio in notis ad eas Epistoſas citari tanquam doctrinam Societatis, quia evidens eſt evidentia facti, eam fuiſſe communem quando Doctores Societatis incœperunt de hac controverſiâ ſcribere, ut oſtendit diſſert. 1. deinde probat è Societate prodiſſe primos hujus ſententiæ impugnatores; nam anno 1608. illam impugnavit P. Ferdinandus Rebellus in opere de Juſt. & Jure lib. 8. Quæſt. 5. & anno 1609. Paul. Comitulus in Reſp. Moral. lib. 5. q. 1. & ſuſe ac ex profeſſo P. Andreas Blancus ſub nomine Candidi Philalethi 1642. de quo propterea Julius Mercorus & Joan. Bapt. Gonet ex ſacrâ Prædicatorum familia teſtantur primum in Italia adverſus illam doctrinam calumum ſtrinxiſſe, & hujus noſtri ſæculi opinandi licentiam compreſſiſſe; quod ideo dixerunt quia primus illam doctrinam Probabiliſtarum ex profeſſo impugnavit.

Præ

Præterea in hoc tractatu dissert. 3. probat Præpositus Generalis sententiam recentium Probabilistarum asserentium unicuique licitum esse sequi opinionem minus tutam, si sciat esse absolute probabilem, quamvis & in actu primo appareat minus verisimilis quam opposita, non esse communem inter Theologos hujus sæculi, qui cum Bartholomæo de Medina docuerunt licitum esse sequi sententiam probabilem minus tutam relictâ probabiliori & tutiori: nam quamvis sub his terminis, *Licet sequi opinionem magis tutam relictâ probabiliori & tutiori*; vel sub istis, *Licet sequi opinionem minus probabilem & minus tutam in concursu probabilioris ac tutioris*, vel aliis æquivalentibus, sit communis inter Theologos hujus sæculi, qui hanc quæstionem agitaverunt ab anno 1677. in quo Medina 1. 2. q. 19. art. 6. propositionem hanc & doctrinam primus Theologorum evulgavit, hanc statuens conclusionem contra Cajetanum, Sylvestrum, Scotum, & alios antiquos, mihi videtur quod si opinio est probabilis, licet eam sequi, etsi opinio opposita sit probabilior, ad annum 1658. in quo suam Basim Theologiæ edidit in lucem P. Jul. Mercorus ex eadem familiâ, in qua eam Medi-næ sententiam acriter impugnat, ut contrariam doctrinæ D. Thomæ, & omnium Theologorum; ac proinde quamvis P. Franc. Suarez tom. 4. de Religione pag. 544. verissime pronunciarit juxta communem sententiam, per se licere sequi opinionem probabilem circa honestatem actûs relictâ probabiliori, tamen neque P. Suarez neque ipse Medina loquuntur in sensu posteriori, quem amplectuntur recentiores cum Caramuele, & nos impugnamus, sed in priori, quem nos approbavimus. Solum quippe intendunt posse quemlibet licite exercere actionem quam ipse judicat esse honestam ob aliquod fundamentum rationis, vi cujus illa pars repræsentata fuit ipsi verisimilior oppositæ, quamvis sciat sententiam tutiorem esse probabiliorē, seu habere pro se plures & graviores auctores; ut enim, inquit Castropalus disp. 2. de Consc. cap. 1. num. 8. regulariter loquendo ea sententia pro-



probabilior est judicanda quæ à pluribus defenditur & à doctioribus: cum juxta Philosophum probabilia sint quæ videntur omnibus vel plurimis, vel maxime notis & illustribus; unde in eo tractatu ostendit Præpositus generalis falso Jansenistas tribuere communi consensui Jesuitarum sententiam benignam sumptam in sensu odioſo, & intellectam de opinione minus tutâ, quæ ab ipſo operante judicetur falſa, vel prudenter poſſit judicari, eo quodd oppoſita ratione & authoritate appareat illi veriſimilior; modumque tradit Jeſuitis, quo poſſunt explicare multos ex ſuis authoribus clafſicis, eoſque liberare ab invidia quam illis conſtant Janseniſtæ.

Præterea in eo tractatu ostendit eſſe falſam doctrinam Janseniſtarum & quorundam aliorum Theologorum nimis rigidorum, aſſerentium nullam opinionem probabilem reiſſâ falſam & legi divinæ contrariam à peccato coram Deo excuſare.... probat enim in eo tractatu poſſe dari ignorantiam invincibilem juris naturalis, quoad concluſiones remotas & valde diſtantes à primis principiis, quia inter Doctores ſapientes diſputatur, an aliqua actio ſit intrinſece mala, & jure naturali prohibita; & dantur opiniones probabiles oppoſitæ quarum altera neceſſario eſt falſa. Unde contingere poteſt ut Doctör citra culpam doceat probabiliter licitam eſſe actionem quæ re vera eſt illicita; & ſicut hoc contingit, ita & contingere poteſt, ut operans, poſt diligentem veritatis inquisitionem citra paſſionem & culpam judicet actionem eſſe licitam, quæ in ſe eſt mala, & quod fundamenta Doctörum aſſirmantium viſa ipſi ſint urgentiora, tunc autem ſequitur opinionem re ipſâ falſam, quam tamen bona fide putabat eſſe veram; unde quamvis reiſſâ agat contra legem, illa tranſgreſſio eſt materialis, & non imputatur ipſi, quia habet ignorantiam probabilem & inculpabilem, quæ ipſum excuſat. Inſuper contra Janseniſtas, aſſerentes nullam opinionem merè probabilem de honeſtate actionis ſufficere ad licite agendum, ſed requiri omnimodam certitudinem moralem.

Præ-

Præpositus Generalis tota dissertatione I. late ostendit sufficere opinionem mere probabilem, dummodo physice & subjective existat in mente operantis; quia hoc ipso quod operans prudenter vel saltem inculpate judicat actionem esse honestam, quamvis hoc judicium sit mere opinativum & cum aliqua formidine partis oppositæ, potest super hoc judicium formare dictamen practicum ultimum conscientiæ, quo sine ulla formidine operans sibi persuadet sibi hic & nunc licere exercere actionem, quam judicio mere opinativo judicat esse secundum se honestam vel saltem licitam. Rursus loquendo de opinione alienâ existente in libris vel in mente suorum authorum, dicitur licitum quidem esse sequi quamcunque opinionem mere probabilem ex iis quæ affirmant aliquid esse licitum, dummodo illa non concurrat cum opinione tutiore, quæ operanti ipsi repræsentatur in actu primo ut magis verisimilis, præsertim si talis appareat a fundamentis authoritatis ac rationis simul: quia nimirum operans agnoscit sententiam tutiorem pro se habere plures & graviores auctores, & eorum fundamenta ipsi videntur urgentiora. Item dummodo non concurrat cum opinione tutiore, quæ operanti repræsentatur ut æque verisimilis; siquidem opinio favens libertati adversus legem eatenus est probabilis practice respectu operantis, quatenus potest approbari ab ipso ut vera: non potest autem sic approbari, quando in actu primo magis apparet falsa quam vera, imo vel quando non appareat magis vera quam falsa, quia nequit homo licite assumere sibi tanquam rectam regulam operandi sensus hominum, nisi quatenus sibi persuadet illam esse conformem primæ regulæ, cui non conformatur nisi per veritatem, quia nimirum proponit ut licitum quod lex æterna permittit, nam si proponat ut licitum quod reprobatur ut illicitum lex æterna, non est conformis sed contraria legi æternæ.

Quare dum probabilistæ supponunt opinionem minus tutam manere absolute probabilem respectu operantis, etiam si ipsi repræsentetur ut minus verisimilis quam opposita

posita, supponunt quòd erat ipsis probandum : solum ergo supponere debent opinionem minus tutam esse in se absolute probabilem, quia defenditur ut vera à viris probis & doctis, & aliunde representari ut verisimilem operanti: hoc autem non sufficit ut operans possit illam licite sequi; siquidem cum hoc supponitur quòd operans cognoscat illos authores deceptos, & esse falsam opinionem, quia in intellectu habet diversum statum ab eo quem habet vel habuit in mente suorum authorum, qui propterea illam probabiliter propugnarunt ut veram, quia post diligentem veritatis inquisitionem citra passionem & culpam fundamenta ejus ipsi apparuerunt validiora quàm fundamenta sententiæ tutioris, & operanti apparent validiora fundamenta sententiæ oppositæ; unde quamvis speculative cognoscat illam sententiam esse absolute in se probabilem & posse esse practice probabilem sibi, eam judicat esse falsam vel judicare prudenter potest, eo quod ejus fundamenta apparent ipsi minus verisimilia, quàm fundamenta sententiæ oppositæ. Nunquam enim est probabilis absolute respectu operantis opinio cujus fundamenta præponderant fundamentis sententiæ oppositæ. Hinc Præpositus Generalis late observat in suo tractatu, in eo allucinari recentes probabilistas, quòd existimant opinionem probabilem de actus honestate esse regulam absolutam licite opinandi, cum solum sit regula respectivè; esse regulam rectam pro omnibus, etiam pro illis qui judicant esse veram & legi æternæ conformem, & in quorum intellectu habuerit eundem statum quem habuit in intellectu suorum authorum.

Quare in hoc duntaxat sensu verum existimat licitum esse cuilibet sequi opinionem probabilem minus tutam, nimirum si citra passionem & culpam illam opinionem approbaret per assensum, sibi probabiliter persuadendo illam esse veram & legi divinæ conformem, ac proinde esse licitam actionem quam illa opinio licitam affirmat, sive illum assensum portet simpliciter & bonâ fide credendo viro docto, asserenti talem actionem esse licitam, quamvis ei quicquam occurrat in contrarium

rium quo moveri possit ad dissentiendum, sive assensum portet nixus fundamentis gravibus, quæ pro parte benignâ videt esse urgentiora quàm pro parte severâ: nemo enim prudenter judicare potest actionem esse honestam, si omnibus consideratis invenit majus fundamentum ad judicandum esse turpem, præsertim si hoc fundamentum sit autoritatis & rationis simul, quia nimirum videt plures & graviores authores asserere illam actionem esse intrinsece malam, ipsorumque fundamenta ipsi videntur urgentiora.

Ex hac relatione constat quàm utilis sit ad consulendum honori Societatis Tractatus Præpositi Generalis, in quo declinans nimium rigorem & nimiam indulgentiam in usu opinionum probabilium, moderatum usum tradit, & probat maligne Jansenistas tribuere Societati sententiam Probabilistarum acceptam in secundo sensu invidioso; illam enim multi ex præcipuis & gravioribus non docuerunt in illo sensu, sed in priori, quem ipse Generalis approbat, idque solum docet tanquam Doctor particularis, non ut Generalis, nullum ex suis subditis ad ita docendum adstringens, sed omnibus plenam libertatem relinquens, ut in hac gravissimâ controversiâ eam partem defendant, quam post diligentem veritatis inquisitionem & accuratum studium, ex sincero desiderio non errandi, sententiam solidioribus nixam fundamentis deprehenderint. In hoc tractatu ostendit solidum & fundatum modum quo Jesuitæ tueri possint licitum esse sequi opinionem probabilem omnino tutam, relictâ tutiori & probabiliori, quamvis opponantur antiquis omnibus, de quibus vere dixit Perillus, Quæst. 22. de Consc. num. 4. tom. 8. Antiqui ad operandum exigunt ut quis sectetur sibi probabiliora, & eruditiss. P. Franc. Amicus tom. 3. Cursus Theol. Disp. 10. num. 79. vere pronunciavit, omnes fere antiqui Theologi negant licitum esse operari secundum sententiam minus tutam, quæ minus probabilis judicatur, semperque exigunt ut illa operanti sit probabilior; & Ant. de Cordova in suo Quæst. Theol. edito 1556. Quæst. 3. assert. 1. affirmat partem tutiorem esse tenen-

nendam, quando illa est probabilior. Et subdit, & in hoc omnes Theologi consentiunt. Possunt igitur multi ex antiquis commode exponi, dum dicunt dari obligationem sequendi opinionem tutiorem quando illa est probabilior, loquuntur de probabilitate respectu ad operantem. ut nimirum operans teneatur sequi sententiam tutiorem quando illi apparet probabilior, ac verisimilior, solum velint quod illa operanti sit probabilior seu verisimilior, non autem quod sit absolute probabilior in se, seu quod habeat pro se plures ac graviores auctores.

Præcipua vero utilitas est ne adversarii nostri cum fundamento dicere possint Societatem fucum facere, & verba solum dixisse, dum in Congregatione ultima declaravit Societatem non adscivisse ut propriam sententiam benignam de usu licito opinionis probabilis minus tutæ, & ipsi operanti minus probabilis seu minus verisimilis, & declarationem esse factis contrariam, dum nullus effectus illius Decreti post tot annos visus est, sed adhuc post Decretum pergunt Jesuitæ eo modo quo antea illi insistere doctrinæ, & insensos se ostendere illis qui illam impugnant. Id autem faciunt ex falsâ persuasione, quod omnes Doctores Societatis, ante Alexandrum VII. excepto Paulo. Comitolo & P. Andrea Blanci illam propugnarint in sensu illo primo, quem sequentes Moderni cum Caramuele, & in quo solum illam impugnat P. Generalis, cum tamen efficaciter probat nec P. Suarez nec alios multos auctores classici hujus sæculi, intra & extra Societatem, locutos fuisse de opinione minus tutâ, quæ ipsi operanti appareat in actu primo minus verisimilis quàm opposita, seu magis falsa quàm vera, speretque paucos fore in Societate, qui interrogati an liceat homines facere actionem de qua disputatur an sit peccatum mortale, si judicatur plures & graviores auctores affirmare esse peccatum mortale, & ipsorum fundamenta ipsi videantur urgentiora quàm fundamenta sententiæ oppositæ, paucos, inquam, fore qui sic interrogati respondeant licere.

Ob hunc finem præcipue judicavit Præpoſitus Generalis ſuæ obligationis eſſe Religionem ſibi commiſſam liberare à tam odioſa notâ, typis mandando tractatum ſuccinctum, in quo illam doctrinam in eo ſecundo ſenſu acceptam ex profeſſo impugnaret, & oſtenderet eam in eo ſenſu acceptam non eſſe communem inter Doctores clafſicos Societatis, licet non pauci illam in eo ſenſu ſecuti ſint.

Vix autem P. P. Aſſiſtentes cognoverunt Patrem Generalem diligenter ſub prælo habere tractatum in quo ex profeſſo impugnabat uſum licitum opinionis probabilis minus tutæ, niſi poſt diligentem veritatis inquisitionem in actu primo illa appareat veriſimilior quàm oppoſita, & idcirco ab ipſo judicatur vera & legi divine non contraria, cum in unum convenientes obtulerunt libellum ſupplicem P. Generali, cujus conclusio erat, petere ut librum ſuum ſupprimat, ſive ille nondum typis mandatus ſit, ſive totus ſive ex parte ſit impreſſus.

Præpoſitus Generalis reſpondit illis impenſe gratias agendo pro inſigni zelo quo ipſum admonebant, & pro ſummâ vigilantia quâ Societatis bonum proſpiciebant: addidit vero quoad impreſſionem impediendam jam non eſſe tempus, quia illa abſque dubio tunc eſſet finita, quod erat certum: nam illi obtulerunt ſuum libellum quartâ die Novemb. & ad finem Oct. finita fuerat. Hoc ſuppoſito reſpondit 1. ſe libenter hoc tribuere judicio ſuorum P. P. ut liber non prodeat nomine ſuo, dummodo prodeat nomine alicujus Theologi Societatis ſaltem in genere. 2. quia intellexit illis ſpecialiter diſplicuiſſe diſſert. 2. cujus index ad ipſos tranſmiſſus fuit, expoſuit illis in Tractatu reperiſſe ſe errorem Typographi vel Amanuenſis, nam cum deberet ſic apponi,  
 „ Diſſert. 2. continens graviffimas rationes ob quas  
 „ expediens fuit ut Societas in ultima congregatione  
 „ generali declararet, non eſſe ſuam nec ad ſe attinere  
 „ ſententiam benignam de uſu licito opinionis minus  
 „ probabilis & minus tutæ in concuſſu probabilioris  
 „ & tutioris; ſic eſt appoſitum, Continens rationes

„ nes ob quas ultima Congregatio declaravit..... quo si-  
 „ gnificatur illas rationes expensas fuisse in Congre-  
 „ gatione , quod erat manifeste falsum ; cum (in-  
 quam) intellexisset hoc illis displicuisse, rem illis expo-  
 suit, & testatus est irrepsisse errorem in eum titulum,  
 & ideo cum primum accepit quaternionem impressum  
 fuisse, iussit ut inter errata primo loco poneretur, addi-  
 ditque id evidenter omnibus constitutum ex Præfatione  
 illius dissertationis, in quâ expresse notabat, rationes il-  
 las esse eas quas ipse suis superioribus repræsentabat, ne  
 permetterent illam doctrinam fieri propriam Societatis,  
 sicut scientiam mediam, ideoque illam Præfationem sic  
 absolvisse: „ Hic appendam rationes quibus ad hoc  
 „ procurandum permotus sum.

Insuper adjunxit se quidem securum esse nihil in illis  
 rationibus tangi quod possit merito offendere: cæterum  
 si illis lectis & examinatis judicaretur oppositum, se pa-  
 ratum esse totam illam dissertationem à reliquo opere li-  
 bri extrahere, & loco illius aliam substituere, quæ foret  
 de magno honore Societatis, in quâ scilicet probaretur  
 quod quamvis Jesuitæ ut plurimum secuti essent doctri-  
 nam communem in hoc sæculo de usu licito opinionis  
 probabilis minus tutæ in occurso probabilioris & tutio-  
 ris, nullos tamen magis limitasse illud principium & in-  
 tra certos cancellos coarctasse quàm Jesuitæ. Ad peti-  
 tionem verò P. P. Assistentium respondit his formalib-  
 us verbis quæ ipsis prælegit.... Quia jam publicum est  
 me inter varia typis mandare Tractatum de recto usu  
 opinionis probabilis, omnino necessarium duxi ob ratio-  
 nes gravissimas, quas habeo, ut antequam agatur de li-  
 bro publicando, vel non publicando, huc secreto affe-  
 rantur duo exemplaria vel tria, ut V. V. R. R. & Se-  
 cretarius Societatis circumspiciant, an contineat do-  
 ctrinam quæ gloriæ Dei & honori Societati possit in-  
 commodare, & tunc cum plenâ libri cognitione mihi  
 exponant rationes quæ ipsis occurrerint pro publicando  
 vel supprimendo libro, ut illis attente consideratis & ex-  
 pensis ego determinem id quod in Domino judicave-  
 rim

rim fore de majori gloria Dei, & nostræ Societatis vero honore, quem unicè quero.

PP. Assistentes non contenti hoc responso, sex diebus post oblatum primum libellum supplicem obtulerunt secundum, nempe die 10. Novembriis, in quo suam sententiam de libro diligenter impresso sic expresserunt, ut dicerent, Illic ubi natus est ita suppressendus, ut nulum ejus exemplar afferatur Romam. Præpositus Generalis huic postulato acquiescere non potuit. Quid enim amplius potuissent postulare, si lecto libro deprehendissent illum continere pravam doctrinam contra fidem & bonos mores? Esset enim hæc suppressio non solum contra honorem Generalis, sed contra honorem Societatis, cui probrosum esset quòd ejus caput impressisset librum malæ doctrinæ, ita ut Religio ipsa compulsa sit illum perpetuis tenebris damnare, quia permiserit ullum exemplar comparere in mundo. Quis credit enim viros Religiosos & cordatos tam duram protulisse sententiam contra librum sui Præpositi Generalis, nisi propter doctrinam pravam? Quis credat illos eo solum nomine tam severe censuisse de illo qui continet doctrinam paulò severiorem quàm sit illa quam sequuntur recentes probabilistæ? Et tamen doctrina libri non alio titulo potuit displicere illis; nam si liber non displicuisset propter doctrinam, sed solum propter aliqua incidentia, deberent ipsi sollicitare ut aliqua exemplaria veherentur Romam, & subjicerentur examini, ut ablatis accidentibus maneret salva doctrina; quod cum non fecerint, signum est displicere doctrinam eo titulo, quod illis videatur contraria communi sententiæ nostrorum doctorum; quod tamen verum non est.

Postquam P. P. Assistentes animadverterunt Patrem Generalem non acquievissè suo consilio, timentes ne obtineret à Pontifice ut libri examen committeretur alicui Congregationi particulari Cardinalium & Theologorum à suâ Sanctitate designandorum, & merito metuentes quod si obtinuisset, liber esset publicandus salvâ totâ doctrinæ substantiâ, correctis duntaxat aliquibus accidentibus, quæ possunt in politicâ offendere, & audien-



dientes Patrem Generalem hoc secretò totis viribus intendere: inito de novo consilio, nomine omnium unus ex illis allocutus est Pontificem, ut creditur, reliquit ei libellum supplicem ab omnibus subscriptum, in quo repræsentabant turbendam esse Religionem si liber ille publicaretur, magnæque scandala inde oritura in totâ Societate, & omnibus viis conati sunt præoccupare aures Pontificis, & persuadere expedire bono Societatis ut liber ille supprimatur.

Generalis è contra postulat ut liber subjiciatur examini, & non damnetur ante prævisa merita ad instantiam P. P. Assistentium & aliorum Jesuitarum qui librum non legerunt, obtestatus se non aliud intendere quàm gloriam Dei & honorem Societatis, & paratum esse corrigere ea quæ judices designandi judicaverint corrigenda, vel perpetuis tenebris damnare, si post examen ita judicaverint; & suæ Sanctitati obtulit scripta aliqua, quibus probatur suppressionem hujus libri esse contra honorem Societatis & ipsius Sedis Apostolicæ, & quibus ostenditur nullam turbationem secuturam esse in Societate ex publicatione hujus libri, & doctrinam ejus non esse contra authores omnes Societatis classicos, sed contra aliquos duntaxat, & esse conformem doctrinæ Patrum & omnium Theologorum antiquorum & communi recentium Theologorum, qui post Alexandrum VII. extra Societatem de hâc controversiâ scripserunt, & esse doctrinam conformem juri canonico, & quam pro reformanda Theologia morali desideraverant Alexander VII. & Innocentius XI.

Quia verò P. P. Assistentes & alii Jesuitæ Romæ nihil magis timent quàm quòd liber jussu Pontificis subjiciatur examini alicujus Congregationis particularis Cardinalium & Theologorum, ad hoc impediendum & rem involvendam suggererunt Pontifici, ut res differretur usque ad Congregationem Procuratorum; cum tamen certum sit Congregationem Procuratorum non posse suffragium ferre an sit publicandus liber ille nec ne, neque posse in hoc se ingerere nisi..... Pontifex novum condens jus hanc potestatem illi tribuat, nec Pon-

tificem congrue poſſe judicium libri committere Congregationi illi, ad quam ex Provinciis non ſolent mitti communiter Profeſſores Theologi exercitati in ſcholis, prout erat opus ad ferendum judicium de libro, neque hoc examen poſſe illis committi ſine magnis expenſis Provinciarum, quia ad examinandum librum deberent ſpatium aliquod temporis hic manere; quod ſi ex illis Proctratoribus velit Pontifex, ex ſingulis aſſiſtentibus eligere unum, & judicio quinque virorum committere judicium libri, id facilius poterit nunc facere Romæ.

## F I N I S.

*Sequitur Decretum ſacra Congregationis Cardinalium circa hoc negotium.*

*Feria 4. Die 20. Junii anno 1680.*

*In Congregatione generali ſancta Romana Eccleſia & univerſalis Inquiſitionis.*

Factâ relatione per P. Lauream contentorum in literis P. Thyſi González Societatis Jeſu S. D. N. directis, Emin. D. D. dixerunt ut ſcribatur per Secretarium ſtatus Nuncio Apoſt. Hiſpaniarum ut ſignificet dicto Patri, quod Sanctitas ſua benigne & non ſine hude perlectis ejus litteris, mandavit ut ipſe libere & intrepide prædicet, doceat, & calamo defendat opiniones magis probabiles, nec non viriliter impugnet ſententiam eorum qui aſſerunt quod in concuſſu minus probabilis opinionis, vel probabiliori ſic cognitâ & judicatâ, licitum ſit ſequi minus probabilem; cumque certum faciat, quod quidquid in favorem opinionis magis probabilis egerit & ſcripſerit, gratum erit Sanctitati ſuæ. Injungatur P. Generali Societatis Jeſu de ordine Sanctitatis ſuæ, ut non modò permittat Patribus Societatis ſcribere pro opinione magis probabili, & impugnare ſententiam aſſerentium, quod in concuſſu minus probabilis opinionis, vel probabiliori ſic cognitâ & judicatâ, licitum

tum sit sequi minus probabilem ; verum etiam omnibus Universitatibus Societatis significet, mentem Sanctitatis suæ esse, ut quilibet, prout sibi libuerit, libere scribat pro opinione magis probabili, & impugnet contrariam prædictam, eisque jubeat ut mandato Sanctitatis suæ se submittant. Die 8. Julii denunciato prædicto ordine Sanctitatis suæ P. Generali Societatis Jesu per D. Assessorem, respondit se in omnibus quantocius pariturum, licet nec per ipsum nec per suos Prædecessores fuerit unquam interdictum scribere pro opinione magis probabili, eamque docere.

Laus Deo.

## XI.

LUCII CORNELII  
EUROPÆI  
MONARCHIA  
SOLIPSORUM

*Ad virum Clarissimum*

LEONEM ALLATIUM.

---

TIMOTHEUS CURSANTIUS  
LEONI ALLATIO S.

**R**EDIT in Urbem, Clarissime Leo, Liber DE MONARCHIA, SEU REGNO SOLIPSORUM, quem LUCIUS CORNELIUS EUROPÆUS ex longinqua longevaue peregrinatione redux, si isthic primum cepit, hic certè perfecit. Profecturus verò ad visenda Sacra Palestina loca, nec unquam, si rectè prasagiebat, rediturus, supremum partum mihi commendavit, ut quid eo factum vellem, ratum esset. Visum est talis ingenii, quale tu cum eruditis assimilare soles, monumentum, Republicæ litterariæ, nisi etiam totius Orbis bino, publico juri permittere. An alibi alia specimina reliquerit, clam me est; illud constat, nisi inter Solipsos rubiginasse, & copia, & splendore, inter summates litterarum viros fuisse radiaturum. Sic ingenio & diligentia factus erat. Porro verane sint an veri umbra, & potius agendorum ca-  
ven-

*vendorum in Politicis delineamenta, quæ hic tradit, tu videris. Mihi quidem, & viris præstantibus qui mecum sunt, argumentum præferunt, & stili gratia, & narrationibus animum oblectantibus, amœnum. Hoc si in cortice, sub involucris opimum latere nucleum credas, quo curiosius secto, præclarissima ad mores omnium in quocunque statu, humano ritu viventium formandos, capere liceat documenta. Plura tu eruditorum in urbe facile, Coryphæ, sagaciter conjeceris. Mihi sat fuerit, publico bono favisse, & tibi hujusmodi dono, quo delectari soles, gratificari. Vale.*

## LUCII CORNELII

## EUROPÆI

## MONARCHIA

## SOLIPSORUM

## CAPUT I.

**R**egnum, Monarchiam, an Rempublicam dicere debueram, hæreo: tu videris. Mihi vocabula, nec Aristoteles, nec Plutarchus, nec Tacitus, nec antiquissimus omnium Plato suggerunt. Nova facies est regiminis, nostro hemisphærio ignota; admirabilis tamen, & digna scitu, ad formandos populi Principumque mores, ad conservandum boni publici statum, ad acquirendas, tuendasque opes, ad cumulum, si quæ est, humanæ felicitatis. Mira Regni cum Sacerdotio, prudentiæ cum simulatione, magnificentiæ cum splendoris contemptu, præparcitatis cum immensa potentia consensione. Operæ pretium foret, de Cælo, & situ Regni, de vastitate ditioris, populorumque confiniis Lectorem initio docere: sed hætenus nulli mortalium qui in illud penetravit, rem factu facilem, postremus

ego non tentabo ; qui cum Ulyssæ Homérico multas hominum ejus Regni videns Urbes , & mores , de Cœli positione nihil certi servare novi. Nam & constitutio Universi apud eos longè diversa , & populorum numerus , nominaque varia , quibus & Luna sæpius Verticalis , quàm Sol in meridie : nulla loci , vel situs differentia , ut quod sursum , idem imum ; perinde & dextrum , quod sinistrum ; centrum denique nec unum , nec fixum. Tanta diversitatis ratio Monarchæ stat arbitrio. Quod hic decernit , id solum ratum habetur , quicquid ratio , vel sensus reluctetur , ut nisi vapulare placet . non replices , nec nisi contra mentem & sensum affirmes , gratiam apponas : credes experto. Tanto aliquando imbre Civitas Regia immaduit , subtractis ubique nubium densitate Solis radiis , ut nec cymbæ , nec lucernæ sufficerent , cùmque admirandus omnia nocte confusa exclamarem ; & tacere , & Solem in meridie splendescere , & nihil non siccum esse , profiteri sum jussus , tametsi velut imbrice vestibus aqua deflueret. Monarchæ ita placere monebant Apparitores , à cujus nutu , si recederem , poena deportationis ; si obfisterem , mortis foret. Satis puto causæ habeo , cur à descriptione abstinere , ne si aliquando in id Regni fortuna te appellat , si omnia mutata offendas , me tibi hoc scripto imposuisse conqueraris. Quippe ea me duntaxat tradere noveris , quæ per annos quinque & quadraginta , quibus Regna Solipsorum incolui à prima adolescentia vel vidi , vel audiui , vel ex publicis Regni codicibus clare descripsi. Quæ sicut meo tempore in dies mutationem subibant , ita in posterum inconstantia subdenda , hisque lucubrationibus haud consensura , nullus dubito ; ut hoc solum , perpetuum apud illos tenorem servare affirmaris ; omnia ad Monarchæ nutum , præter ejusdem forum , demutari.

## CAPUT II.

*Occasio adeundi Regni Solipforum.*

**A**Ntequam narrare de Regno Solipforum incipiam ; delectabit paucis exponere, qui me turbo Europæ, imò toti huic hemisphærio abreptum in incognitas plagas ejecerit. Natus in florentissimo Europæ Regno, ubi aves aquas findunt, vix pueritiæ metas egressus, Romam à parentibus studiorum causa sum missus, Clemens VIII. Pontifex, non multo post Jubilæum decimi sexti exeuntis sæculi edixerat. Hic, post humaniores litteras, prudentia Juris imbutus, juvenis admodum patrociniâ causarum suscepi, & Purpuratis placui. Ad magna favor impellebat, nisi præposterum fatum incantasset. Forte quaterni studiorum sodales extra Urbis portam, quæ ad Romanum portum, vetusta fama clarum, viam commonstrat, ad ripam Tyberis amœna & umbrosa semita inambulabamus, animique causâ varia serentes; mox nonnihil laissi prope ipsum fluminis alveum, frigidioris auræ captandæ gratia confidemus. Hic de rerum sub Sole vicissitudinibus, de Illustrium casibus, incertis humanorum eventis, dum non sine sale fabulamur, inopinos à tergo sentimus adesse ignoti vultus homines : putasses repente ex humo enatos, nisi diù antè in proximo fruteto latitantes nostras confabulationes observassent. Ut plenè conspecti, non ampliùs levi & suspenso, sed pressiori gradu fidentiùs aggrediuntur sedentes, & blandè satis adsalutant: quid verborum cædimus, rogant. Adductæ supra genua vestes & pallia super humeros complicata, mentumque rasum, & nigra omnia funeratores notabant: mox tamen demissa ad talos toga, palliumque in contemptè explicatum Philosophos ostendebat, ejus generis, quo tum Roma abundabat. Equidem animi pendens, magos, ariolosque mecum fingebam. Ipsi tamen percepto nostro sermonis argumento, forum nacti, altiùs ordiuntur. Querunt de

patria, de genere, de censu: ubi intellexerunt Romanos partim, partim peregrinos; nobiles omnes, ac opulentos esse; tum de aetate parentum, officio, de numero fratrum, sororum, consanguineorum, agnatorum. Responsum ad singula, denique genus studiorum percunctati, ad nomen Jurisprudentiae labra comprimere, nescio quid torvum oculis, ac fronte præferre. Et senior ex illis suspiratundus, ô miseros, inquit, adolescentes, quibus laqueis compediti trahuntur ad Orcum! Ecquid vobis Jurisprudentia, quia divites ac nobiles multis benefacere potestis, nemini damno esse, ut lucri cupiditate legulei solent? Quin potius legibus Solipsorum manus nobiscum datis, & potentissimi Monarchæ aulam sequimini, Regnum incomparabile visuri, possessuri. Hic ego suspicatus ejus farinae homines, qui allegoriis inescantes ad claustra & cucullum tractos vellent: Christiani, ajo, omnes sumus, Evangelio credimus; Solipsos non novimus, nec nisi Christi Regis aulam querimus, & diversis quamvis semitis Christum sequimur, sua cuique vocatio, & ductus spiritus, nisi vos aliter sentitis. Nos Deo, Patriæ, & nobis nati, vitam mortalibus communem ducturi sumus; donec in libertatem filiorum Dei plenè adsciscamur, atque interim bonis ex alto datis jucundè fruimur. At senior (Apogonites dicebatur) odoratus candidi animi errorem, fori usus momento sumpta Melanorum recentioris instituti persona, compositoque cum suspiriis ad lacrymas vultu: O fili, inquit, non hæc vera vocatio, sed occulti hostis est dolosa impulsio, cave præcipientes, ducens in bonis dies tuos. Christum sequi, mundum contemnere est, abnegare seipsum, & tollere crucem suam, relictis patre & matre, omni sanguinis affectu, rebus omnibus, etiã spe habendi. Hæc est vera vocatio, quam nos à Deo missi, vobis annunciamus. An paratis absque singulari Numinis providentia factum, huc accessisse? Cavete Spiritui Sancto tempore acceptabili restiteritis, non aliàs exaudiendi, poenas in orco æternùm daturi. Hæc iste fictus animus, & pleraque ex Sacris Scripturis; qualia Christus Phariseis ex-



exprobrat ; nonnulla etiam ex sanctis Patribus , illud maximè Hieronymi : *Per calcatum perge patrem , solum pietatis genus est , hac in re esse crudelem.* Jam suspensi animis hærebant socii mutuo se intuiti ; quos ego velut fascinosos conspicatus , ad senem concita mascula bile ; Define , inquam , Barbitrunce Philosophæ , hujusmodi incantamentis adolescentes irretire , sexcentis ego te Brocardicis obruam , si Scripturam torquere pergas : ac ut me fors juvet , ex subvulturio venatore faciam te momento piscatorem Tyberinum. Sensit Apogonites , & torvo supercilio , pressisque labris nescio quid obscuro demurmurans , arrepto , quod socius ferebat , vidulo , pulverem improbum illico expedit , omnesque nos , ac me potissimum inspergit. Nec mora , soporifera vi ad ima tempora penetrante , in vertiginem actos , arctior , quàm sanos solebat somnus complexus est , objectæ incunctanter , non earum rerum species , de quibus , ut de Homero scribit Ennius , vigilantes sæpè cogitare , & loqui assuevimus ; verùm quidquid vitæ in posterum agendæ series contineret , confusæ imagines exhibebant. Nimius sum recensendo , quæ ego ipse vidi , nam sociorum alia scotomata , sed ea ipsa in historiam conjicienda sunt , ne prænarrata non sapiant , quando quæ de Regno Solipforum dicturi sumus persimillima sunt somniis , vera tamen. Uno hic verbo delectat dicere ; dum soporati per frigentes calentesque aëreas plagas , navi , curru , pegaso interdum vehimur , rapimur , totiesque aliis , atque aliis comitibus stipamur (nam bini illi , qui ad Tyberim Romæ incantarant , paulò post visi in turmam sese explicare , humana forma deposita , evanuerunt) tandem in Regiâ Solipforum , evigilantes sistimur. Quod iter mihi , cum unius noctis spatium mentiretur , triennii curriculo postea à navigantibus definitum est.

## CAPUT III.

*Qui successus in Regia Solipsorum.*

**R**egnabat Avidus Cluvius (a) dictus infractus; manebatque Pricantiburæ Regia consueta, unde Monarchæ Solipsorum, nisi animi gratia, in suburba-  
na, nusquam longius recedunt. In Urbe novem numerantur palatia Monarcharum, quibus totidem Satrapæ Præfecti hebdomadatim Monarchæ Sacramentum dicunt. Sedes Monarchæ in medio sita, cum Vaticano certat, reliqua paulò minus; substructiones sunt antiqui operis Europæi; nam Solipsi artis ædificatoriæ rudes sunt, non naturæ indocilitate, sed assuetudine, sive quia parata semper occupant, sive quia architectonicam, Monarchæ, & Satrapæ ignari, quibus lubet præscribunt. Hinc repente qui modo futor erat, Architectus est, & perinde cæmentum, coriumque habet. In suburbiis totidem villæ deliciarum, iisdem Monarchis inserviunt; paulò longius absunt prædia bina, Mucus (b) alterum, & Tritubirium (c), ad humani generis voluptates facta, qua se gravioribus anni partibus curas levandi recipiunt, nectare, & ambrosia pasti. Horum comparatione Tusculanæ Romanorum, mappalia sunt, & casæ pastoritiæ. Pergo. Huc jam fama prævolarat (ita nihil solertius Emissariis Solipsorum) fuisse interceptos in Europa, atque adeo in ipsa Urbe Romana, quaternos adolescentes, ingentis operæ pretio; eosque prope horam adfuturos. Ea de causa plurimi extra Regiam Monarchæ iussu effusi, excepere allabentes læto vultu, humana omnes specie, sed versatili persona. Deducimur ad Monarcham, undique septi non custodia, sed turbæ objectu, ut tum nihil Urbis, sed nigras tantum excubias cerne-  
remus. Lux sabbatica vergebat ad occasum. Cum pri-

(a) Claudius Aquaviva Præpositus Societatis.

(b) Tusculanum. (c) Tibur.

primùm in conspectu venimus, proni ad pedes accedentes, ut iussi ab Apparitoribus, adoramus. Ille ex eburnea sede annuenti & arridenti similis, bono animo esse iubet, singulos nomine, & patria compellans, & plura, quæ relatu Emissariorum jam notata in adversariis habebat, repetens, per interpretem significat, adeo exacta notitia, ut singulorum genesi & educationi interfuisse videretur. Hærebamus attoniti nos, & paulatim hebescente sensu, hominem exuebamus: nec, de itineris successu plura vestiganti; verbum reddimus. Cùm interea circumstantes Aulici, exquisita oratione divinam Monarchæ sapientiam coram laudare, ut qui ex fronte, cordium indolem, errore procul, noscere sit solitus, nobis stupentibus, ac planè stupidis. Tum ille præfecto Ephæbiorum traditos commendat, ut linguam, leges, & mores doceat; iubet, menstruatim de singulorum profectu referat, vetito cum civibus & accensis colloquio, donec patria instituta edocti, novo Sacramento pares essemus: ac interim diligenter curet, ne Europæ desiderio, procul etiam recordatione, teneamur. Ita abducti: & non paucis diebus optimè habiti, genioque indulgentes, tandem nullo ritu vestibus Europæis exuti, gausapina penula amicimur. Nunquam ego mihi turpior visus, nec hominem nisi cum simia referre. Ridere tamen capitale erat. Sexennium tenuit discendo, ac dediscendo, nisi quæ ad rem Solipforum facerent: quo talento, ego qui Jurisconsultus Europæus agnitus fueram, postea rationibus Regiis admoveor, mox & præsidum Provinciarum assessor, nonnunquam causarum Iudex constitutus, identidem odia multorum, tandem & Monarchæ indignationem incurri; quòd rumor esset, ad mores Europæorum omnia me exigere, leges regni corrigere, plus juri naturæ, quàm Monarchæ auctoritati tribuere, in plerisque dictamina contraria sectari, & ferere; verbo, plus omnibus Regni Satrapis, & sapientibus sapere velle. Quæ omnia verè, an calumniôsè objecta, fortunam retardarunt, interdum penè afflixerunt, ut mirum sit qua fortitudi-

dine animi , quinque & quadraginta annos , in gente , gentibus omnibus dissona , cum salute fuerim eluctatus.

#### C A P U T IV.

##### *Antiquitas Monarchiæ Solipforum.*

**S**I gen'is vetustatem legibus & Principe solutæ spectes , fabulosa planè sunt , quæ narrant. Nempe regnum suum , antequam Intelligentia rerum creatrix mundum operaretur , in spatiis imaginariis , velut in embryone , latuisse , primumque factitiorum in ideâ opificis apparuisse. Qui , ne solus foret Universi faber , socios , & adjutores sibi destinârat eos , per quos postmodum Solipforum gens propagaretur , ac demum Monarchia instauraretur. Hæc adeo constans apud eos obtinet opinio , ut si contra sentias , aut non continuo applaudas , proditionis insimuleris. Quærenti mihi interdum de successione gentis , usque ad Brocanum (a) primum legislatorem , varias generationes adstruxerunt , involutis adeo hieroglyphis implexas , ut dementire , & dementare viderentur. Postquam tamen in Archivis eorum offendi Pentateuchum , lingua gentis planè in commenta depravatum , longa animadversione deprehendi , similitudine quadam adludere ad ea , quæ in genuina sacra Scriptura longè alio traduntur sensu. Est autem hujusmodi successio. Decreto per aquas humani generis interitu , cum viventium speciem servandam Noachi navis condidisset , exclusum forte aquilæ ovum , in sentinam decidit : hoc , corvus evolare jussus , ne famesceret , rostro sublatum extulit , sed natantibus in unda cadaveribus illectus , demisit. Servatum in aquis ovum , ubi hæc siccatae sunt , solis radiis attractum , in arcu Iridis hæsit ; mox autem calore in vitam coactum , edidisse ajunt fortes illos viros , Turris Babylonicæ , & confusionis auctores,

(a) Cantabrum , i. e. Ignatium de Loiola.

res; qui ob audax facinus, peregrinari à Numine iussi, cum Sodomam venissent, liberali hospitio Loth excepti, custodiendæ ejus familiæ curam susceperunt: deinde verò imperato exitu in Segor, stipantes latera uxoris Loth, quia non caverunt, ne ista curiosos oculos ad incendia Sodomorum reflecteret, in eandem falis statuam abierunt. Sic servati aliquot sæculis sunt, donec avulsa pars statuæ à Magis Pharaonis, argumento rerum mirabilium, in Regiam illata est, atque à Pharaone supra pretium habita. In ea parte latebant, quos dixi, Solipforum majores: & hinc ea virtus incantamentorum, quibus Pharao delusus est, hodieque Solipsi pollent. Quid plura? Elapso, Duce Moyse, populo Hebræo, cum Pharao furore percitus insequeretur, sumpta secum ea falis concreti portione, quo fugientes magica violentia siteret, contra spem, æstuosi maris vorticibus haustus, id quoque frustum perdidit, sed eò mox aquis soluto, continuò apparueret, qui latebant Heroes, iidemque egregiè saliti, & per omnia maria natantes, quocunque appellebant, saltem sapientiæ circumtulerunt. Ita paulatim in generationes, & usque ad hæc tempora propagati, Monarchiam, quam describimus, fundaverunt. Ex hac traditione susceptum, ut Monarchiæ insignia solis radii sint, & arcus Iridis: gloriantur quippe Solipsi, se mundum instar solis illuminasse, mortalibus universis, in signum pacis & fœderis sempiterni cum cœlestibus, insplenduisse; denique humanum genus veræ sapientiæ fale condivisse. Quare si præsentem Regni statum, & assurgentis Monarchiæ magnitudinem consideres, non admodum antiqua; ac saltem prisca regendi forma non est. Ex Annalibus descriptum habeo tertium seculum haud excedere, à quo exsplendere tanta granditate cœpit, latis à Brotacano (b) legibus, quem, & legislatorem postremum, & Regni sic constituti primum Monarcham agnoscunt, veneranturque; raro ut Brotacanum, nili cernui & reverentes appellent.

Bar-

(b) Ignatio de Loiola:

Barsabbantinous (c) scriptor celebris, hunc suæ gentis Turbolanorum (d), ad Solipsos missum à Rege Chornaminorum (e) tradit, quo ipsos legibus informatos titulo beneficii sibi obnoxios redderet: contra Saltacudius Pagonias (f) nobilis historicus, Hyanthesium (g) nationi adscribit, & à Principe ditionis eadem de causa amandatum. Pernegant utrumque Solipsi, & tantam gloriam nolentes esse infortium, è suo sinu progenitum, ac propemodum autogenithentam immensæ generationis parentem affirmant. Ita ab ovo ad pomum contentio deducta adhuc pendet.

(c) D. Constantinus Cajetanus, Abbas Benedictinus. (d) Benedictini Monachi. (e) Monachorum. (f) Joannes Baptista Castaldus Theatinus. (g) Theatinorum.

## C A P U T V.

### *Nomen, Religio, & Sacra Solipsorum.*

**N**omen, antiqua Magogorum lingua, Deorum omnium providentiam sonat: id sibi summæ gloriæ vertunt Solipsi, non ut cæteris gentibus unum, verum omnes universim Deos sibi adesse, & Monarcham revereri. Nonnulli ex Europæis adulati, ita reddiderunt, quasi soli ipsi, tanto Monarchæ subditi, etiam apud Europæos, mortalium haberentur beatissimi. Id ita Monarchæ arrisit, ut singulos singulis Satrapiis donaret, excelsæ gloriæ ducens, eo loco apud eos esse, quos præ cæteris sibi subdi in votis haberet. Horum exemplo officii monitus, addidi, Solipsos Europæis singulos soles esse, tot mundis illuminandis idoneos: Monarcham tamen super omnes, mille mundis regendis, illustrandis parem esse, idque totum unius vocabuli Solipsorum mysterio contineri. Nimirum dixi, nunquam aliàs magis mentitus, quia captare nunquam doctus. Et placuisset præ omnibus, nisi propter veriora Monarchæ favor abdixisset. Ne  
tamen

tamen frustra titillassem, torquem aureum mediæ pretii tuli. Hæc de nomine. Religio à pagana distat non superstitione, sed varietate. Omnium gentium mores, & ritus complexa, omnes nihilominus averfata; singularis quædam nullique communis mortaliū generi secta est. Quæ credit non quia à Numine quopiam, verum quia à Monarcha jubetur, mordicus tenet: Monarchæ dictum illis ratio credendi. Hic summus sacrorum Antistes, à quo provocare, vel ad Numina, nefas. Nulla gens novitatum avidior, unde & opiniosissima, & semel auditi tenax, nec paucæ apud Romanos damnatæ sententiæ, illis primæ veritates sunt. Resurrectionem cum Phariseis admittunt, sed eorum, qui Monarchæ aut subditi sunt, aut amici, aut demum privilegio muniti migrant, quibus solis aditum ad beatorum vitam affirmant, exclusis qui vel re, vel voto Monarchæ favorem non implorant. In quo cum Herodianis ex parte conveniunt, & quatenus arbitrio Monarchæ omnia subjiciunt, cum Sadducæis. Quod ad sacra attinet, Egiasas (a) habent (sic vocant fana, templa, basilicas) & structurâ magnificas, & cultu pro more splendidas, arasque in iis auro, gemmis & lapidibus pretiosis luxuriantes, nullo argenti pretio. Existimant in his suorum esse Deorum delicias, alliciendis etiam aliarum gentium Diis factas, quos contempta apud suos paupertate huc migrare credunt. Quot diebus victimas cædunt, in solemnitatibus adhibito vocum, & instrumentorum concentu, sua sacra peragunt. In iis tibix utriculares, & crummata Bethica primas ferunt, mirumque in modum Solipsos delectant. Ter fere in anno Tutelarium memoriæ Monarcha ipse (alioqui oportaneus) publicè litat ad aram magnifico apparatu tiara quadrifida, ad significandos quatuor Orbis cardines, insignis: latera utrinque stipant lecti ad id munus Satrapæ, stolis amicti dibaphis: reliqui ministri magno numero linteati, laici omnes suo quisque munere funguntur, hoc ipso ad

horam

(a) Ecclesias.

horam sacri , quod à Monarcha ad præsentem usum destinantur , cæteroquin nullo ceremoniarum munerisque habitu , ut apud Europæos Diaconi , & Subdiaconi distincti , sed perinde omnes è populo , & plebe Monarchæ nutu censentur idonei , dum togati , & syndone semitecti interdum , & synthesiati. Est tamen qui Exorcistam referat lacertosus canum verbero , hic torto in flagellum cannabo , ubi bestiam conspicatur , nunquam fallente dextera , sic totis viribus atrocem vibrat ictum , ut inter ejulatus , ad retrimenta cogat , idque illi præmium redit. Vespertina sacrificio autothya sunt , procul sacerdote , & Levita ; Laicus duntaxat synthesiatus , ubi cereos ad aram nullo ordine accendit , continuò latet , ac interim ex editiore pegmate , tibialibus , calamis , modulisque vocum assarum , organicarumque concinitur auditoribus deorsum in coronas distributis , & murmure rauco plaudentibus : Ita sacrificium absque sacrorum ministro , virtute arcana , consummatur.

## CAPUT VI.

*Gymnasia , & studia Solipforum.*

**H**Abent gymnasia pro ratione Urbium splendidi operis. In iis magno discipulorum concursu doceant artes , & scientias ex instituto gentis. Principiis tradendis plures annos terunt , tracta in dispendium juventute. Quæ tum maximè censetur proficisse , cum theatricis exercita ludis , spectatorum oculos novit mancipare , specie , & ingenio juxta certantibus. Huic fascino , cæteris neglectis , omne studium impenditur : Leguntur idcirco adolescentes comptuli , venusta corporis agilitate quaquaversum facti , sive ad modos choreis plaudendum sit , sive graphice ad pyrrichen saltandum ; quorum vel si lingua taceat , forma perquam eleganter in utroque foro peroret. Ita capiunt plerosque , capiunturque vicissim , à vulturiiis altius erudiendi. Et licet cati evadant plagas , ingeniis  
ad



ad theatra assuetis, doctrina est gesticulatio, cum pronitate ac procacitate fandi, agendi, conjuncta: Ut nobilissimorum liberi, qui nuper vocabulo Gymnastii (*Principelli*) audiebant, gladiatores, aut circumforanei apud suos appareant. Ea interim utilitate relicta iis, quorum nec vultibus Venus, nec censibus Plutus inest, ut nec ludis personatis, nec litterariis adhibiti, in trivio pensum eruditionis accurent, & Reipublicæ proficiant. Pergunt deinde ad Philosophica, demum ad sua Theologica pari eventu. Nihil memoriter, omnia ex cæra enuntiant, extra scamnum pauci admodum sapiunt. Juris studium apud eos nullum, quando judicia non legibus, & ratione, sed solius Monarchæ auctoritate constant. Agitant verò quæstiones de Regimine (*Monarchales* vocant) seorsim, & coram delectis auditoribus. In his præcipua contentio, *de modo conquirendarum, servandarumque ditiorum, de arte, utilitate, & necessitate simulandi, de amphibologiis, equivocationibus, restrictione mentis omnique specie enthymematum ritè adstruenda, pro loco, re & tempore.* Quo in genere tam excellunt, nullis ut difficultatibus expediendis non occurrant, æquatis ad omnium palatum quibusvis contrariis sententiis, supra omnes Juris Europæorum apices. Medicinæ professio illis publicè nulla, privatim superflua, multisque usus, & studium præcipuum in secretis præservativis, quæ aut ipsi domi parant, aut peregrina arte facta ex ultimis terrarum Orbis finibus mira industria advehunt. Hinc tot inter eos Macrobbii, quibus tamen semel decumbere plerumque fatale est, eoque cura quam maxima, ut se servant. Nec mirum si qua ætate nos Europæi deficimus, ipsi emergant ad tractanda Reipublicæ munera per multos annos velut prætextati, & sine togis. In Philosophicis & Theologicis ampla sentiendi libertas est, & insignis habetur, qui in docendo opiniosus, inveniendoque excellens, nullo respectu veri, dum novi aliquid aut nondum vulgatum afferat. Hinc quotannis receptæ sententiæ proscribuntur, novique termini, novas pariunt artis & scientiarum

rum præceptiones , nec à nuperis Magistris recentissimi intelliguntur. Jam inter publica doctrinæ specimina , non tam methodicæ disputationes , quàm jurgia audiuntur citra formam , isque vincit , qui vocalior est ; & totius corporis jactatione turgidior effertur , circumductis per coronas oculis ad plausum captandum , sibila plerumque & risus referens , idque ab Europæis in ignorantia fastum nauseantibus. Aristotelis apud eos non alia notitia , nisi quam Europæi intulerunt , nulla tamen auctoritas , ut neque Scholasticorum in Theologicis. Habent quosdam suos scribas , magni ut ajunt nominis , ii tamen cum iis non omnibus horis sapiunt. In his Phancursius (a) , Agarrullius (b) , Hellinasius (c) , Homatarrius (d) , Dicosenius (e) , Banimonicus (f) , Pentasiphorus (g) , & alii quàm plures , quorum catalogum Annales Regni recensent. Philosophica apud eos fere hujusmodi sunt. *An Scarabeus paradigmaticè stercora volvat in orbem. An si Mus in mare nungat timendum naufragium. An puncta mathematica sint receptacula spirituum. An hiatus ventris sit spiraculum animæ. An canum latratus lunam reddat maculosam ; & plura id genus , quæ pari contentione distantur , & excipiuntur. Theologica sunt : Utrum in spatiis imaginariis possit institui navigatio. Utrum intelligentia Burach dicta habeat virtutem digerendi ferrum. Utrum anima Deorum sint colorata : An Demonum excrementa sint alexiteria hominibus in octavo gradu. An tympana corio asini intellecta delectent intelligentias.* Sexcenta hujusmodi , quæ adeo mordicus , & tumidè isti profitentur , ut negligentes , nedum contemptores , Religioni ferant obnoxios. Quæ nos Europæi interdum de Nostratum Theologia referebamus , illis inter phreneticorum deliria erant , à Monarchis toto regno proscripta. Et tenebant memoria suorum annalium , venisse huc quosdam aliquando

(a) Franc. Suarez. (b) Gabriel Vasquez. (c) Leonardus Lessius. (d) Thomas Sanchez. (e) Corinck. (f) P. Baptista. (g) Gregor. Valentia.

quando Professores Europæos , qui se Theologiam novam docturos receperant ; his , cum permissu Monarchæ in Regio Gymnasio ingenium periclitarentur , & de libertate humani arbitrii , cujusvis Monarchæ potestati exempta liberius dixissent , jussu magistratus ejectos esse in Insulam Imaginariorum , ne populos ea doctrina , ad libertatem , servitute excussa , provocarent. Quæ nota , omnes , qui tunc aderant , Europæos , in magnam gentis invidiam adduxit . quoad alii recens appulsi , palam perhibuerunt , Doctores illos , nulla inter Gymnasticos auctoritate palabundos vagari , solitosque per Europam qualicumque docendi talento stipem adhamare , nusquam constanti disciplina ; nec semel urbibus exactos , quod Academiis occupatis , statuta , formamque docendi majorum minime servassent , exotica omnia consecrati , eoque maxime exosi , quod in legum fraudem precariis quibusdam privilegiis Doctores insignivissent , ipsi nec lauro , nec cornu baccati ; verbo , Doctores imaginarii. Hæc ab advenis Europæis palam narrata , existimationi reliquorum consuluerunt. Porro Scribarum suorum aphorismis adeo tenaciter inhærent , ut Numina potius descivisse , quam suos errasse affirmare malint. Ex suis pura puta omnia , ex aliis secutina hauriri passim jactant , nec quicquam pensius est , quam despretis exterorum omnium oraculis , Delphica sua , præ omni Lyceo , laudare : ut jam Sceptici isti Pyrrhones & Herilli , adeoque Speutici , & hesterni dictatores , de omnibus audeant palam strepere & scribillare : quinetiam medicamentaria omnia tam pancreaticè tractant , quam nec circulator ille Apuleii , qui spatham præcutam mucrone infesto visus est devorasse ; aut quem Paulus Jurisconsultus serpentes circumferentem jussit excedere. Adeste Vulnerarii , Unguentarii , Mangones , Cerussarii : hic neque Rhodios confectores desideretis , nec qui Cypriæ tibi obnoxii estis Clinicos , & Sepalsarios : sed neque aliorum vos ablegaverim , qui ad rubricam , aut album aspiratis , accedite & formularii. Solipforum Pandectas scrutamini. Quid si & Plautinus

Chorus attrahatur ? Omnia certè hic (juxta proverbium græcum) de omnibus : nec mica *Æsopo* residua. Quod ulterius pertinet ad *Scribas Solipforum*, in eo superant *Hicrosolymitanos*, quodd non suas, quæ confusæ sunt, & inexplicabiles, sed aliarum gentium leges præsumunt interpretari, inducere, pro arbitrato corrigere, tametsi nec constituti, nec rogati, imò magis suspecti, quàm ut ad hanc rem idonei. Exemplum inter alios offertur *Resultantii* (a), ubique originarii, qui leges *Musalganorum* (b), quasi non suo jure, sed alieno beneficio viventium notans, ita *Principem ferocis populi irritavit*, ut *Monarchæ Vibosnato* (c), nisi hominem aut deditisset, aut ipse è medio tulisset, bellum indixerit, & *Solipfos* ubique funestare decreverit. Extimuit illico *Vibosnatus*, & quasi-tum *Resultantium*, cum ad nutum *Principis* stetisset, is hominis aspectu miserando mitigatus, cum somniassè illum potius, quàm vigilassè dicendo conjecisset, ut quem dictorum immemorem timor an fecisset infelicitas, alio pacto transiegit; jurato nimirum *Vibosnato*, se suosque *Solipfos* in posterum legibus latis, ferendisque *Musalganorum*, nullo religionis discrimine subscripturos : *Resultantii* autem dicta, & si quæ aliorum sui generis essent, carbone signaturos. Ita placatus *Musalganorum* Princeps, bello quidem abstinuit, sed fonticum *Resultantii* argumentum in medio foro flammari jussit : ridentibus interim *Musalganis*, tam facilem se habuisse *Vibosnatum*, qui tali fide bellum redemisset; aliis verò laudantibus prudentiam viri pro omni foro, suam suorumque conscientiam verfare gnari. Quo exemplo adducti reliqui *Principes finitimi*, *Solipforum* apophthegmata sæpius deinceps proflare valuerunt.

- (a) *Antonii Sanctarelli* Jcf. (b) *Gallorum*.  
 (c) *Mutio Vitellefco*.

## CAPUT VII.

*Varii Solipforum mores.*

**N**ihil hac gente curiosius aut natura, aut assuetudine. Student singuli novis, plus quàm olim Athenienses, quæ deinde in symbolum collata ad Monarcham referunt, præscribuntve suis consequiis & conjecturis inspergentes; idcirco persæpe, & perfœdè aberrantes, ut nec somniare fractius, nec fingere magis absônè queant. Hoc certum nihil ab illis visum, auditumve, sine addito renarrari, quidquid inde præjudicii oboriatur. Periti rumorum collectores, omne forum suum faciunt. Progrediuntur ex aula, non nisi pluribus comitati. Ex his unus semper latero, non Achates potiùs quàm observator; hoc sibi officii mutuò præstant, rarò fida societate, nisi conspirent. In incestu minimus decor, concitatio immoderata, terocula circumspectio, jactata brachia, subducta humeris pendens toga, interdum rota ad tergum manibus ceu revinctis adstricta; non semel, si æstus urgeat, detecto capiti aut galerus agitatus auram ministrat, aut strophium manu ventilatum, nunquam interea per omnem circuitionem feriente vocaliori lingua. Salutationes raræ, nisi quos sibi utiles norunt, his profunda inclinatione arrident, cæteris (etsi dignis) neglectis, gravitatis, ut ajunt, causâ. Hæc si in Regia, nihil minùs per universam Monarchiam, lege constituta, ut saltem semel in anno visa, audita conjecta perscribant: unde Monarcha futura designare queat certius quàm ex astrorum positu, Coelique directione. In his perscribendis numquam se sua laude fraudant Satrapæ (a), Rectores Provinciarum (b), ut in Annalibus gentis vulgentur nomina, sub quibus eâ gesta ferunt. Illud admirandum, neminem prorsus Solipforum leges Monarchiæ univer-

Tus. II.

R

sim

(a) Assistentes. (b) Provinciales Societatis.

im callere, sed confuse de iis loqui, & sentire. Causa potissima, præceptionum multitudo, inconstantia, & studii abstinencia. Juvenibus quippe legendæ non traduntur; seniores verò jam oculis, & animo lippientes, ut inde sibi, aliisque proficiant; idonei amplius haud censentur: hinc confusa omnia, capiendo juxta, ac agendo. Sed nec juvat legisse, aut ex sensu percepisse, quando in dies mutantur ad unius nutum, nec ut sonant ad litteram, sed ut sapiunt ad ejusdem palatum explicantur. Schediasmata quædam, summam legum complexa, initiandis proponuntur, & deinceps per menses, hebdomadasque recoluntur; verùm hæc ipsa anima sua carent, & solo spiritu Regentis vivunt, ex cujus sensu, quod hodie patina, cras cacabus; quod frustilla, flucta audit; si improbes, exilium instat perpetua hac inclamatione, *Aut pareto, aut exesto*, & obediendum usque ad bestialem (ut vocant) virtutem, alioqui nec Solipsus, nec homo. Hac lege stetit ab initio Monarchiam, sed concisa Monarcharum vita, staturamque in posterum sapientiores putant, sed conciso munere, variaque successione; quando uni perpetuò, pari tenore subesse vix humanum est, ut neque facile, diuturnum Principem non insolescere. Omnes jurant in præcepta, sed plerique parent illibenter, neque tamen detractare audent nec mutare statum, carentes calculo decretorio: scilicet Numen aliquod incognitum avent, quod res convertat, & sacramento poenitendo exolvat, aliàs vel si Coelum ruat, actum est. Monarcham suum tam verentur, quàm numquam Europæi Romanum Pontificem, pene ad aras & thura. Nomen si audiant, pedibus strepunt, hæc illis prima reverentia: si hominem videant, fronte humum feriunt: si jubentem excipiant, pavidam currunt, mutuòque se proculcant, adco tumultuarii in parendo, multaque manus citra bonum factum. Summa omnium cura, ut is, vel solus bene valeat, cæteris animam agere indultum. Edit invisus, secretis servitiis; nonnunquam cum Satrapis, sed hi extra conopeum, quod variis coronamentis intextum luxuriat; nec payimentum vacat inscriptis Numinais insignibus,

non

non extra calcantium metam. Singulis horis antelucanis potionem sumit Numidicam impensè decoctam; capiunt & Satrapæ, probi imitatores; sed & plebei, quibus copia est: ea his omnibus cautela, ne aepsi a laborent. Qui in aula Regiis cibis vescuntur, mille fere ministri, sine ordine plebei cum nobilibus mixti: in solemnibus conviviis Satrapæ priores habent. Inter epulum unisono monochordio, voce assa audiuntur quædam ex vetustis annalibus ad plausum sorbentium. Accumbentium elegantia sunt crus cruri superponere, expansis super mensam cubitis metari, pleno cratere panem macerare, appositisque ferculis altera manu in catino, altera in cratere natæ, & hinc frustum panis, illinc bolum carnis extractum, unâ utrinque buccæ tumentia ingerere: ac ut non præmanfa citiùs in ventrem descendant, poculum mero plenum, aut scutellam potagio redundantem confestim affundere, tam dextrè ut refluat per mentum, diluatque barbam. Jam edentibus velocitas compendium facit, vorare, non manducare dixeris, ac ne prævertantur, integros bolos deglutiant; rarò instrumentorum usu ad dividendum, sed utraque manu rapta ex paropside portione, si præsertim ossa adhæreant, hianti ori admovent, citiusque dentibus depascuntur, quàm soliti sint vel molossi, vel oribasii. Væ tardè masticantibus! Jam qui pensum citius absolvunt, cæteris adhuc laborantibus, ne feriantur, festucas promunt, vel si careant cultris, dentes suffodiunt, micæque, ingesto in os vino; cum saliva resorbent præter nauscam. A mensa cum surgitur, si quid boli in ore nondum confectum, medio in coenaculo molitur, circumductis oculis in reliquos, ceu testes eximii facti. Nec omittendum, quosdam post exhaustum merum sonantius respirare, ut lapidè bibisse noscantur, eosdemque poculum vacuum reponendo fortiùs allidere: alios sorbillando paulatim, allisione gutturis stridorem edere rheumaticum: Quosdam jurulenta cochleari haurientes; ubi ad ima venerint, adeo sonanter radere fundum & concava scutellæ, ut socios ad classicum ciere putes: quamquam rarus cochlearis usus, ubi jura liquidiora,

ut haustui paria sint. Alios item amygdala, nuces, nucleum persicum fracturos mappæ imponere, aptatumque cultrum ad findendum pugno impellere, tanto strepitu, ut incudem verberari arbiſſeris. Plures hujusmodi habent morum elegantias mira concinnitate exercitas: oranium elegantissima est, stropholis ut parcas, oramentumque, dum editur, mappa uvidiore abstergere, frontemque perfricare: demum emunctam è naribus tœdam, mucosamque pituitam repanso linteo intueri, in eaque velut in speculo se contemplari. Sed hæc satis de hoc genus civilitate. Quod reliquum est, nobiles sibi obvii mutuò se utrimque ex lege adſalutant, plebei nequaquam; sed neque nobilibus, neque popularibus honorem habent tametsi præveniantur. Id privilegii Monarchæ nescio cui referunt acceptum, sicut etiam adeundo, deducendo, sessione, & petalis omnibus esse pares. Quia verò ligonibus natum hoc genus, cum doctissimis contendunt, læpiusque vincunt favore & clamore; addo etiam delatione, quando ut supra memini Nobilibus (a) laterones adduntur, & observatores: hinc, mirum quantum quotidiana accessione efferantur magnarum turbarum causæ. Et misera sanè conditio, unius bubulci attestatone de nobilissimorum fortunis agi, mendaces impunè agere, ne si coerceantur, defuturi sint accusatores; quorum officiis regitur Monarcha: hinc bene, & ex virtute operantibus rara præmia, minimum errantibus lauta supplicia, adulatoribus primæ, modestis postremæ, vel nullæ partes; vera loquentibus parata odia. Verùm hic finis esto non materiæ sed descriptionis; numquam aliàs de cacoëthia Solipsorum satis. Reliqua pete ex nostris Solipsorum chronicis, ubi & præclara facinora per annos, menses, dies digesta, & mores ad rhombum examinati.

Cæ.

(a) Professis quatuor votorum Societatis



## CAPUT VIII.

*Magistratus, & forma regendi Solipsorum.*

**A**Ntequam de Legibus, Comitibus & Judiciis Solipsorum agamus, formam Monarchiæ generatim adumbramus. Monarcha, supremus mortalium à sui creditur, nec nisi potestatem quandam occultam, numquam visam, supra se agnoscit, cui reverentia quædam arbitraria respondet: cæterum lege omni, etiam naturæ, si mortem & infirmitates excipias, solutus. Idem perpetuus est, perinde optimus bonus an malus, quod capitale sit ullum ejus factum non laudare; nedum improbare. Durum id non paucis Satrapis, sed inviti tolerant, quod incauti & ignorantes probant. Cur Monarchæ tempora non definiant, quatuor causæ à scribis perhibentur. Prima, quod difficile est semel dominio inescatum, rursus in ordinem redigi. Secunda, ne cæteri, si fors ferat eadem suavitate, brevi tempore, & minus jucundè perfruantur. Tertia, ne sæpius mutata Curiæ facie Respublica perturbetur, nulliusque Satraparum constans sit principatus, si toties depositis, qui adulando meriti sunt, novi sufficiantur. Quarta, est sacramentum occultæ potestati dictum, sine cujus vehementissima in contrarium spiratione, nefas est de hac perpetuitate tollenda cogitare. Est sanè occulta hæc potestas, quam raro pro re sua coacti appellant, in cæteris, auribus, & stomacho famulantes. Reliqui secundum Monarcham Magistratus, ejusdem nutu, & arbitrio lecti, ita dispertuntur, ut duodeni assistant in Curia, arduis quotidie consiliis præsentēs: centeni ad regendas totidem Provincias emittuntur, sed locales singularum Urbium præsides, sine numero constituuntur. Tam verò illi, quàm isti, suos habent Consiliarios, Accensos, Apparitores, & vilissima quæque servitia, quæ numerari vix possunt. Hoc constat, in ipsâ Monarchæ aula, qui auctoritatem Potentum habent, centenīs ampliùs

censeri missis delatoribus, ne nullus eximatur; quomodo fere tot sunt quot impunè hac via grassantur ad Dignitates. Hi porro magistratus ita sibi respondent, nihil ut Superiores prætereant gestorum ab inferioribus. Ad Monarcham autem statutis temporibus perscribuntur, quæ in tota Monarchia universim publiceque spectantur, & quæ in singulis provinciis, urbibus, domibus atque etiam in angulis clam geruntur, nulla re quantumvis minima præterita, quidquid referat, dum Monarcha resciat. Cujus potentia maximè in duobus creditur vulgo eminere: de alio mox dicemus, alterum in re præsentì versatur, quod secretas etiam suorum cogitationes perhibetur comprehendere & callere. Nam qui perscribunt, non dumtaxat rimantur facta, quæ viderint, sed quæ faciendâ præimaginantur, sola legè liberè cogitandi, fingendi, placendi. Servantur verò Acta in Archivio Curie vastis infecta Indicibus ampullariis, ad memoriam supplicii, non præmii; hoc enim vel maxima de causa raro, illud ex levissima sæpius, certiusque decernitur, ne suo merito quispiam, non arbitrato Monarchæ fiat gratiofus. Itaque nullus hic Assuerus, & si non pauci Mardochæi, quam plurimi verò Aman digni patibulo. Jam regimen Satraparum, qui Provinciis aut Urbibus præfunt, perpetuum non est; sed ad nutum Monarchæ seriùs, aut citiùs expirat, quamquam favorabiles per sæpe lustrum explent. Sic ad paucos inopinos decurrant honores, melioribus præteritis, ne hi suo pte Marte valeant. Nam cæteri animis & sensu obæratì, Monarchæ ingenio vivunt. Et hoc alterum illud est quod Monarchæ potentiam exaggerat, duonimirum inter se pugnantia, supra naturæ vires in unum connectere; hoc est imprudentes, & judicio cassos populis præficere. Dudum in Europa apud Jesuitas didiceram, Entia rationis, quæ ipsi vocabant fictitia, in unam essentiam coalescere, nulla potentia falvis rebus posse; quæ doctrina trimestri in Logici scriptione, vociferantisque toties usque ad ravim miseri magistri, frustra stetit. Qui nisi delirasset; præcepta,

pta, Solipforum animo sapientia, trimestri alio recantasset. Rideant porro Europæi, quantum velint Solipforum instituta, dum agnoscant hac arte, nec alio exemplo Monarchiam servari, & æstimari.

## CAPUT IX.

*Status Monarchia Solipforum.*

Quinque hominum genera hæc Monarchia continet. Nobilium (a), Populi (b), Artificum (c), Plebis (d) & Adiaphororum (e). Qui omnes universim ab ipso Monarcha, prævia de vita & moribus informatione, leguntur; Adiaphoris per Provincias cooptandis, Præsidibus quoque fit potestas. Regno tamen & Civitate non donantur, antequam ut reliqui peculiaribus cuique generi sacramentis in unum dictorum ordinum ritè adscribantur. Omnes sine exceptione fidelitatem Monarchæ jurant, Nobiles præterea militiam, ubicumque & contra quascumque gentium, non petitis sumptibus promittunt. Populi gubernandis tantum Urbibus, & quibuscunque muneribus domi obeundis fidem spondent. Artifices demum, & plebei ad præstandam reliquis omnibus servitutem, nullo aut loco, aut tempore, aut onere detractato capita devovent. Et hi quidem levibus de causis sacramento soluti, tota Monarchia excedere coguntur. Reliqui nequaquam, sed intra fines relegati, vel etiam deportati, arcta perpetuò custodia habentur, præcisâ omni spe dignitatum & honorum, neque interim sponsonæ liberi. Ex nobilibus tantum creatur ipse Monarcha, ritu in loco narrando. Præsides Provinciarum nobiles item, non nisi ab ipso Monarcha, sicut & Rectores Urbium, sed hi etiam ex populo leguntur, quibus Vicarios, & Coadjutores singuli Provinciarum Præsides designare possunt. Artifices, opificia,

R. 4

(a) Professi quatuor votorum. (b) Coadjutores spirituales. (c) Scholares sive Professi. (d) Laici seu coadjutores temporales. (e) Novitii.

cia, & mercaturam tractant, interdum gymnasiarchis quoque perinde ac nobiles & populares accensentur. Denique ex plebe, constant milites, mechanici, servitia omnia, & reliquum Monarchiæ, custodes nimirum corporis Monarchæ, cæterorumque Præsidum; fossiores etiam, calones, agricultores, prædiorum curatores, tajiuli, vespillones, carnifices denique sex omnis speciei. Ex statu in statum non datur transitus, sed singuli, quam juramento spartam susceperunt, ad extremum vitæ coguntur servare, irriti facti pœnitentia. Qua vel una re Monarchiam stare arbitrantur, si minimè perturbatis ordinibus studia partium, & seditiosæ factiones longè absint. Memini tamen ex plebe quosdam singularis facinoris merito inter nobiles semel, iterumque summa potestate Monarchæ fuisse adscriptos. Decedentium ex singulis statibus locum, Adiaphori Monarchæ arbitrato, implent. Nullum sanè genus felicius plebeiis Solipsorum, quos maxime lateri Monarchæ Præsidumve adhiberi fors tulerit. Hi siquidem, non mensis tantum, cubiculis, lectisterniis, & retrimentiis efferendis, purgandoque lotio præsumt, verum etiam nobilibus admittendis, deducendisquæ præeunt, Principum exterorum legatos excipiunt, audiunt, auditis respondent. Ne dixeris id fieri præposterè, his enim fulcris Monarchiam sustineri ajunt, si æquatis ordinibus argumenta invidiæ & factionum facestant. Si Monarcha in publicum prodeat, iidem plebeii pari gressu ad latus incedunt, quibus maximè cura corporis incumbit, nam & domestici medici ex horum tribu leguntur, reliqui, cujuscunque status, præ & pone eunt. Vix invenias, qui horum amicitiam non ambiat, variisque donariis non procuret, ut favorabilem Principem habeat, sive gradu ad dignitates faciendo, sive noxam calumniamve purgando. Nec quidpiam tanti est momenti, quod horum commendatione non obtineas. Dolet id non minimum nobilibus, feruntque impatienter ominosam servitutem. Et deliberatum aliquando in Interregno, de iis ad conditionem revocandis, jurato in rem Monarcha futuro. Sed frustra: nam subodorati consilium, capita vernilia conti-

continuo defectione clam agitata Principum exterorum auxilia sollicitare, præmio tradendæ Monarchiæ proposito, si præsto essent, & privilegia plebis servassent. Ita factum, ut Vibosnatus (a) qui successit, seditionis metu, non solum Interregni decreta præteriret: sed neglecto etiam juramento, integra illis omnia servaret, atque etiam ultro prærogativum Mithræ, Nobilium, & Majoris Magistratus inligne (birretum) adderet, multis ex nobilitate proscriptis, qui nedum arma capere, sed contra mutire ausi fuissent. Qua victoria illi elati, mirum qua deinde semper insolentia reliquos erga ordines se se habuerint, Vibosnatum ubique sub manu ferentes, ut quos vellent gradu moverent, & aliosque sufficerent. Vidi non semel dignissimos honoribus privatos, ac contra nocentissima capita, sæpiusque legibus sacra, factione dictorum plebeiorum, ad gubernacula Provinciarum accitos, non alio quàm turbandarum rerum talento; ringentibus interim clarissimis, & præ mœrore animi tabescentibus, etsi nonnulli specimine cujusdam fortitudinis, præposterum Monarchæ exemplum simulatè probarent, ne legi obnoxii forent. Fuit ex illis mortalium unus, quem noverim omnium ad regendos populos ineptissimus, cui nec haram tutò commisisses, is non pridem ante plurimorum criminum postulatus, & me Judice capitis damnatus, jamque novissimo exemplo notandus, plebeiorum tamen illorum apud Vibosnatum auctoritate patibulo ereptus est: parum erat, nisi paulò post, nondum inductis criminibus, iisdem fautoribus Prætorio quoque Præfectus (b) fuisset, frementibus justissima indignatione cunctis tantam dignitatem maculari, & fecem hominum Monarchæ noxâ, Nobilium capitibus turpiter dominari. Restiti pro munere quantum potui, leges, salutemque Reipublicæ convelli multis argumentis asserens; sed irritò conatu, quod infusum factum, ut Verniliti objiciebant, Monarchæ dicto supra leges stabilitum oportuit. Vulgatam potro fonticam famam, edictum Monarchæ correxit, quo

R 5

per

(a) Mutius Vitelliscus. (b) Rector Collegii.

per omnia Provinciæ Liadersiæ (a) fora, & compita Si-  
varlicæsus Colosbidozarus, (ita appellabatur) omni igno-  
minia liber esse jubebatur, & omnium opinione bonus  
haberi. Quod licet ritè damnatus fuisset, multis tamen  
inhonestis nominibus, quorum unum ad scopum causæ  
satis erat, accusatus; nempe Majestatis, depeculationis,  
occultæ conspirationis, concitatæ ad defectionem Pro-  
vinciæ, perversæ ex inscitia administrationis, denique  
repetundarum, quas perpetuo stellionatu interverterat.  
Horum tamen omnium probatio, quia factis pro se lo-  
quentibus nimia erat, absolventis reatu fuit, cui alioquin  
supplicium dignum inveniri non potuisset, abigendo  
omni magistratu remotarum regionum: atque ideo ad-  
hibere cum satius visum est ad custodiam, & directio-  
nem Curia Monarchalis, quàm perpetuò infamem vive-  
re. Hæc forma edicti: quod cum attonitis auribus ple-  
rique acceperant, dubitare cœperunt an eo tenerentur,  
Monarcham à seipso discessisse arbitrati. In Regia om-  
nium oculis in me conversis, quid facturus essem, of-  
ficiū & insignia Judicis abjeci, causatus ne aut no-  
vis Colosbidocari criminibus, aut vetustis nondum de-  
ductis fatigatus, objectum furori populi caput in Mo-  
narchæ injuria contumeliaque foret. Ita meo deinceps  
sacro vivens, per aliquot annos tuli hostem nunquam  
feriatum, quò nocentissimus esset: neque tamen is sine  
pallore vixit, & sine metu novi judicii, toties vultu,  
animo, oculis, voce cadens, quoties obvium in Curia  
declinare non potuit. Quæ de stipatoribus Monarchicis  
dicimus, proportionem quādam accipienda sunt de iis,  
qui Præsilibus Provinciarum, & Urbium frequentes  
adsunt; cum quibus nisi more & jure prisco agatur,  
de reliquis statibus brevi actum puta, formidine plebei-  
orum, conditione omnium æquata.

(a) Siciliæ.

## CAPUT X.

*Leges Solipsorum.*

**L**eges & statuta Solipsorum, à quo Monarchiæ forma cœpit, in quinquagena volumina ingentia excrevere, abitura in infinita, nisi moderatio interfuit. Continent autem varia decreta, tum ad universam Monarchiam spectantia, tum Monarcharum singularia rescripta, admirandarum plena industriarum, & præceptionum circa singula genera rerum, munerum, personarum, & quæ sub generibus sunt singulorum. Præterea, quæ singula item Regna, & Provinciæ, velut Acta quædam Consularia, à Monarcha approbata servant: singule item Urbes instar legum municipalium eadem auctoritate firmata, custodiunt. In quibus omnibus duo potissimum libet observare; alterum quanta religione Solipsi Monarcham suum colant, supraque omnes mortales efferant; alterum quàm acriter & indefessa contentione terrarum orbem eidem subjicere sive per fas, sive per nefas laborent: quod Evangelica luce destituti, barbara affectatione res caducas metantur. Ut hinc discant politici quidam Europæi, longè se barbaris esse deteriores, quoties dominandi causæ, juris omnis humani divinique contemptu, patrocinantur. Sed jam præcipuas Solipsorum leges in quædam capita paucis redigamus. In primis & ante omnia, Quivis Monarchæ Solipsorum subditus, quocunque modo sub potestatem venerit, casu an electione; spontè an coactus: noverit omni sibi domino alieno, juri cuicumque, etiam naturæ, sacramento renuntiandum. Secundò. Nullum Numen, nisi ex præscripto Monarchæ, colet, ipsum verò Monarcham instar omnium Numinum cœli, terræ, maris, orci habebit. Tertiò, quodvis ejus dictum, factum, etsi nulla ratione boni apparentis, imò naturæ repugnans, ut sacro-sanctum laudabit, exquisitisque argumentis confirmabit. Quartò, quoscunque Monarcha persequitur, eosdem ipse

omni conatu perdere vel saltem deprimere studebit; & contra, quibus is favet, omni honore & amore prosequetur; nullius præterea invisi Monarchæ patrocinium suscipiet, imò ne mentionem quidem nisi ad odium inducet, ne laus ejusmodi Monarcham vituperet. Quinto. Cum nullo exterorum, finitimorumque cujusvis necessitudinis aut officii commercium habebit, neque ulla tabellas dabit, signabitque, nisi prius à tribunali constituto visas, probatasque. Sed neque ullius consilium, auxiliumve necessitate quavis urgente implorabit. Sextò. Dicta, factaque ulla Regni, vel Curiae non efferet, nec quicquam ulli mortalium scripto, verbove communicabit, quod ad mores & statuta Monarchiæ quovis modo spectare cognoscitur. Contra quicquid ubique gentium, agi, dici perceperit, illico Monarcham certiore faciet, nullis parcendo sumptibus, minutissima quæque consuetando, & quæ arcana aliorum concernunt ritè excipiendo. Septimo. Nullius gentis nationem, mores, aut leges, Solipsorum nationi, moribus, & legibus anteferat; sed neque laudet ullo modo, nisi cum prærogativa instituti Solipsorum, procul minimo præjudicio. Octavo. Si quem Solipsorum externa quævis Respublica, aut Regnum, finitimive Principatus, Consiliarium, Ducem, Regem, aut Principem optent, is nisi consulto & indulgente Monarcha non consentiat; & nihilominus meminerit se obnoxium antiquæ servituti, tenerique de omnibus, quæ istic geruntur, manifestis juxta & occultis eundem monere; nec quippiam seu consulere, seu decernere, nisi monito prius & probante suffragium Monarcha Solipsorum. Nono. Cujuscunque subditorum occultum quodvis crimen, quamprimum & nulla admonitione præmissa Monarchæ, aut captandarum accusationum Vicario denuntiabit, nulla servata juris cujusquam forma, quidquid tandem inde sequatur accusato: irritò præterea quovis voto, & juramento præstito de non denunciando: idque etiam de manifestis criminibus intelligendum, etsi constet aliunde jam innotuisse Monarchæ: neque curandamque



quæ moveat suspicio, vera an falsa sint referenda, præstabit verò officium omni postposita mora, ni periculo suo eam esse velit. Decimo. Sicut curare non debet de fama alterius, justè an injustè delati, ita negligere debet suam, si fors deferatur legitimè an contra, veri an falsi postuletur, nec ullo jure vindicias petat, certus se nullum habere famæ suæ dominium, quod semel in Monarchæ potestate deposuit. Undecimo. Omnium, sive apertè, sive clanculum gestarum à se rerum rationem Monarchæ, aut ejus Vicario reddet, sive sponte, sive toties quoties cum autoritate requisitus, nullas celando quantumvis occultissimas, & solis Diis receptis, vel ignoto alicui Numini notas cogitationes, tametsi contra ipsum Monarcham, & Monarchiam conceptas, nec curiosè inquirendo, quem in finem id exigatur. Duodecimo. Quidquid de se constituatur, è manu Monarchæ suscipiat, non replicando, aut obmurmurando, vel si prælatis indignioribus ipse negligatur, aut studio deprimatur, talentorum omnium detrimento facto, hoc secum seriò & sedulò reputans, bene secum agi humine an sublime putrescat, cujus fors in manu Monarchæ sit; quem semel dominum errandi nescium agnoverit, quo injusta an injustè faciente appellare nefas esto: quippe Numinis instar omnipotentis, superiorem se ignorans vult æstimari. Tertiodecimo. Caveat ne curiosè mysteria gubernationis Monarchæ, & Vicariorum vestiget, neque hos dementiæ insimulet in agendo, quamvis omni discretionè, prudentia, & judicio cassos; certus Monarchæ non expedire prudentiores se regimini præficere, quivè non tam obsequi incunctanter ad litteram, quàm consulere & præcipere secundum rationem norint. Quartodecimo. Denique certò sibi persuadeat, non solum voluntatem omnem, & judicium suum subdendum esse voluntati & judicio Monarchæ, sed etiam intellectum & rationem, non obstante, (quidquid dicant superstitiosi Europæi) legis & luminis naturæ pugna, mancipandam esse in obsequium dictorum decretorumque ejusdem, eo duntaxat

momento, *quia ipse dixit : ipse iussit.* Atque hæc fere est summa legum, quas Solipli tot infans Pandectis complectuntur, & nullo proposito præmio, sed maximis intentatis pœnis districtissimè servandas præcipiunt, addita hac, velut appendice, ad subditos animandos sententia, ipsarumque legum anima, ut quisque ad obedientiam & obsequium Monarchæ se paraturus, cogitare acquiescat, non se hominem, sed cœcuratam bestiam esse.

## CAPUT XI.

*Considerationes quadam circa leges Solipforum.*

**O**Mni etiam juri naturæ renuntiare, quod primum caput exigit, diræ cujusdam paucis cognitæ devotionis sapit authoramentum. De quo cum altiora quædam ex Satrapis ferutarer, attoniti profitebantur se non scisse, quid juxta principia Europæorum lex naturæ præ se ferret; adolescentesque admodum ejurasse, ut jam pœnitentia duntaxat, facti retractandi nullus supersit modus. Lex *secunda* aut ad statuari auream campi Duræ provinciæ Babylonis alludit, aut ad Darii Regis ex instituto Medorum & Persarum decretum refert: persæpe subit, si contingeret Solipfos Evangelio nomen dare, ex Monarchæ placito Religionem ordinandam, & plusquam olim Tiberium, laboraturos Christianos ad Christum inter Numisma recensendum. *Tertia* habitum pravæ dispositionis in intellectu ingeneret necesse est: quid enim si unius horæ intervallo contraria cogantur affirmare, ne veritati constanter assuefacti consuetudine quadam mentiantur? *Quarta* mihi semper inhumana, & infra Scythicam barbara visa est, cum ferrem iniquissimè toties innocentes inauditos damnari, fontes contra & perditissimorum mancipia morum, foro uti: verum ipsi incolumitatem suæ Monarchiæ hinc potissimum solent æstimare; si prudenti, imprudentique Monarchæ perinde assentiantur, nil sua referre dictitantes,

bcac

bene an malè , dum jubeat : multoque magis si exemplo præcat , atque hanc summam membrorum inter se & cum capite concordiam , plusquam ex entusiasmo profitentur. *Quinta lex* multa ex prudentiæ norma commoda habet , si excipias malè cautum , nullius consilium impune implorare , ingenti forsitan argumento superbiæ , periclitari Rempub. malle , quam sapientioris consilium auxiliumve requirere , ne turpe ( credas ) videatur , in tanta Monarchia paucos sapere , & tantum opinione simplicium & obnoxiorum , Sapientiæ nomen tueri. *Sexta* versutissimam in gente barbara carnis prudentiam prodit , non infra Europæorum politicorum calliditatem , ut dubites , an hi ab illis acceperint , an per abreptos traditam , postliminio revocariat. Cæterum si quid aliquando contulit ad providum regimen Provinciarum , quando simplicioribus expectoratis , omnium consilia Monarchæ patebant : hodiè plenum periculi negotium est , & quemadmodum antea proni ad mendacia perscribebant , quæ vulgò rumore jactabantur , multisque ea in rem suam exaggerabant ; ità modò à callentibus hominum mores , & contraria simulantibus , in errores mittuntur planè ridiculos , & deliberationes Monarchæ ludos faciunt. *Septima* cum urbana humanitate pugnat , nec divines quid ad politicum statum conferat , nisi certò existiment , aliorum Regnorum , & legum laudem , transfugio suorum ex servitute in libertatem , Monarchiæ tyrannidis esse destructionem. *Octava* immanem dominandi libidinem manifestè accusat , ob quam non multis abhinc annis , omnium finitimorum Principum odiis exerceri cœperunt , districte caventium , ne quis unquam Solipsorum in posterum , non modò in honoris & Regni participationem evocaretur , verum etiam , ut aditu omni arderetur , deprehensus in forum mithellatus produceretur , & cum risu plebis extra fines ageretur. Magnum alioqui in hac lege subigendi orbis rotius compendium ; præpostera cupiditas corruptit : quam ut aliquando ex parte sanarem , quod sub manu habui consilium in medium attuli , cujus in-

frā meminero. *Nona*, ut capitalissima, ita olim magna religione servata est, hodie à plerisque (an suo periculo eruditis) præteritur, ut nihil ad naturam extirpandam violentius, nec pauci hoc propter ejuratâ Monarchæ fide, receptorum nisi authoritate Solipfos in odium gentium vocatos vexant. *Decima* similem considerationem habet, nec minus temerè prodigus est vitæ, qui crudelis est in famam, ut aliena potestate sæviat in naturam, nulla aliena vita æstimandam. *Undecima* causas habet odii plenas, nec tutum in humanis sacramentum, plerisque dolosa hæc confidentia deperit exitium, quibus manifestata conscientia dux fuit ad supplicium, & vindictam, quoties prætextu directionis irretiti sunt minus cauti laqueis *sincera confessionis*: hodie plerique fallunt scrutatores dolosos, experientia docti eosdem fuisse & esse delatores, si quid arcanae cogitationis vel adversum se, vel adversum Monarcham elicuerunt, ut quos fortasse tacitis cogitationibus offendissent, eosdem perpetuos hostes sentirent, turpissimi facinoris architectos: Quid enim inhumanius, quàm specie religionis extortam arcanam fiduciam, in fidei & omnis confidentiæ perniciem convertere? Sed benè actum quod serius licet, paulatim inducendo, nisi apud rudissimos, obviamum huic, ut quidam ex Asianis ajebat, animorum carnificinæ. Interrogatus haud semel, an quid simile mos Europæus ferret: respondi, Esse quosdam Numini consecratorum cœtus, qui tyronum suorum cogitationibus religiosè expiscantur: ad formandum in iis legitimum cultum, ne in cæremoniis secretioribus errant: cautum tamen hujusmodi quæstionariis, ne susceptas adversum se tyronum cogitationes, aut vestigent, aut cernant. Esse aliud forum, quo secreta cordium, quæ expiatione egent, soli Numini Europæorum invisibili: & Sacerdoti locum ejus tenenti, sub sigillo Sacramenti, oris confessione deteguntur, acceptaque noxæ absolutione, fruitur confessus tuta conscientiæ libertate, nullo periculo, ut ex ea in judicium hominum deducantur; aut Sacerdos, qui exceptit, ejusmodi

ſecreti cognitione in rem ſuam utatur, milles moriturus antequam ſigillum violaturus. Hic, inquam, mos eſt Europæorum. At quidam Satraparum, Rectè, aiebant, ita fieri apud Europæos, quibus Deus aliquis Principibus major imperat. Solipſorum Monarcham ſupra ſe noſſe neminem; quid mirum ſi in occultas quoque mentis conceptiones jure ſibi vindicet dominatum? *Duodecima*, nili ex æternis quas vocant rationibus pendatur, quarum tamen cura Solipſis minimè conſtat, miræ tyrannidis ſpeciem præfert, impotenter in naturam vim exercentis, nihil ut triſtius accidere queat iis, quos adulari minimè doctos favor Monarchæ non attingit. Jacent ingenui, & ad ſumma omnia nati, quibus origine ſpectata Monarcha ne dignè quidem ſerviat, ſine ulla rerum geſtarum laude, nedum præmio; contrà terræ filii, ac tantum ad genium Monarchæ facti aſſurgunt, ſervique dominis perditio favore imperant. Nempe hæc ſumma eſt gloria Monarchæ, viris præſtantiffimis perinde uti ad Provincias regendas & cloacas hauriendas. mediæſtinos verò ad ſolum dirigere. O tempora, ô mores! *Decimatertia* eò tendit, ut ſtulti ſapientibus moderentur, atque utinam tacendo norint ſapientiam præferre, qui loquentiâ nimiam nunquam non melioribus officiunt. Sed hinc nimirum prudentia penditur Monarchæ, ne ſi ſapientes promoveat, ipſi cum iſdem minime conſtet. Nam ſi difficile eſt parem ferre, moleſtius multò ſuperiorem talento, auctoritate licet inferiore revereri. Proinde ſatius eſt inter cæcos monoculum regnare, ut de coloribus tutè aſſerat & perſuadeat. *Decima quarta* denique omnium aliarum eſt ſumma, qua vel ſola tota Monarchia conſiſtat perpetuò, ſi cætera ſemper futura ſint paria, ſed verendum, ne detracta aliquando larva, inter ſtultitiam, & ſimplicitatem diſcernatur, cumque lumine naturæ tranſigat diſcretio.

## CAPUT XII.

*Judicia Solipsorum.*

**D**E judiciis ingentes habent Pandectas, sed nullo ordine, nec arte, ob id ne à senioribus quidem intellectas, omnia moderante Monarchæ arbitrio, ad quem omnium Regnorum majores minoresque causæ deferuntur. Is porro nulla juris forma servata, nec tamen de plano, & vix etiam summaria cognitione, damnat, absolvit, ut lubet. Habent nihilominus singuli Monarchæ suos modos, non ex præscripto legum, sed suæ voluntatis. Hinc tot praxes, quot Monarchæ: exempla duorum, qui meo tempore sibi succedentes imperarunt, paucis referam. Prior Avidus Cluvius (a) paucis post meum adventum defunctus, Monarchiam florentem reliquit, magni vir animi, cujus non postrema laudum fuerit, multa licet è suo genio gerentem; Majorum tamen vestigia, ex sapientum decretis sanctius, & luculentius expressisse. Qui si diutius vixisset, hodie Solipsi magnam partem Christiani essent. Successit Vibosnatus (b) forte errante, sibi potius quam Reipublicæ factus, qui laxatis ignaviæ habenis, justitia afflicta Monarchiam haud parum labefactavit: cujus porro imperio in judiciis exercendis, hic fere mos tenuit. Reo per apparitores constituto, permittebatur defensio, ad aquæ modum, nullo tamen patrono admissa, sed quam suapte ingenio valebat adstruere. Ea excepta Judices dati, Satrapæ, Monarchæ Assessores, adjunctis potentioribus, qui accusassent, vel accusati fuissent: ne fortè aut his convictis, aut illis deficientibus, minùs potentes, & deserti insolecerent. Ea propter constituta etiam poena rationis, qua in miseros acerbè sæviebatur, semper enim certi erant potentiores, se causâ triumphaturos, cujus ipsi cognitores & judices essent. Quo fiebat ut iidem,

quan-

(a) Claudius Aquaviva. (b) Mutius Vitellescus.

quantumvis criminofissimi, raro accusarentur, accusati damnarentur nunquam, qui jure ipsos accusare fuissent ausi, etsi centum criminum capitalissimorum totaque aliqua Urbe, aut Provincia manifestorum, argumentis venissent instructi: nihilominus dubii periclitarentur. Quare datis, quos dicebam, iudicibus, consequens erat reum minorum gentium causa cadere: vulgataque sententia poena illico sequebatur nulla intercessione redimibilis, & ne injustitia appareret, provocatione seclusa jura manu clauderentur; contra si merito causae fidentius rem gessisset, fractaque potentum tergiversatione victoriam prope manu teneret, tum iudices vario praetextu procrastinare, adeoque in diem longum spem irritam extendere, ut miserum molestia diuturnae expectationis emaciatum, vel cedere cogerent, vel ad spontaneam confessionem, si accusatus fuisset, tametsi nullius criminis compertus. Quam si impetrasset, monito Monarcha reus peragebatur, vix unquam absolvebatur, ne si impunè abiisset, frustra à delatoribus per fas nefasque accusari quempiam malo exemplo fuisset. Si porro adversus iniquam moram durasset, tum iudices, constantiam contumaciam interpretati, repetitis à prima ætate vel minimis noxis, nec evacuata interim exceptione praesentis iudicii, causam vulneratam aliorsum trahebant: capita fere criminum erant sternutando crepuisse, manducando labra diduxisse, casum asini risisse, clam in cubili contentius tussivisse, & sexcenta id genus. Quæ si reus tanquam aliena derisisset, tum demum sententia peremptoriè lata supplicium extremum misero decernebatur. Hoc ordine meo tempore Afrorum quidam capitis damnatus, inopinato finitimos Principes, qui tum fortè Monarchæ sociale bellum indixerant, appellavit; ea causa consternatus Monarcha, hætenus enim nemo à tanta potestate provocasse auditus erat, rem ex composito geri suspicatus, Surlolagerum (ita vocabatur) abscissa sententia liberum pronuntiavit. protestatus nihil se de ejus damnatione scisse, culpamque in Satrapas efforminatè conjecit. Nos Europæi  
salu.

salutem Afro gratulati, quid factum in posterum opus esset, notavimus. Poenæ suppliciiis debitæ apud Solipsos sunt variae, emaceratio, fustigatio, diversa verberatio, sed ut quisque sibi sit virgator publicus, carceres, relegationes, proscriptiones, majores minoresve capitis diminutiones, cujusmodi sunt abstentos esse gratia & conspectu Principis, impotem suffragiorum ad honestiora munera, denique exosum & perosum, nullo ut merito favor integrari queat. Quo uno maximè sæviebat Vibosnatus (a), nulli placabilis quem semel etsi immerentem despexisset, ut contra nulli non favorabilis, quem semel, etsi nauci hominem & insigniter discholum, adamasset. Ea res non paucos ad desperationem, & ad acerba omnia adegit, quorum ego sorte miseratus, ut animos fumerent admonui, nec tanti facerent muliebrem hominis lepore timidioris impotentiam, & qui modestos vexare tantum nosset, audaciores extimesceret. Quamquam non pauci ingenium ad altiores causas adulando referebant, affirmantes Monarcham ex meritis cujusque prævisis, & scientia quadam degrummata (b) cognoscere, quid quisque subditorum facturus foret pravi, si Principis gratia frueretur, aut odio non exerceretur; coque par esse hujusmodi anticipato supplicio plecti, etsi in oculis mortalium nondum fontem: ut contra insolentes ad gratiam admitti, & reliquis efferri, quod prænosset Monarcha, futuros aliquando modestiores, dignosque præmiis antecaptis. Quo certè modo, nec Caiphas apud Hebræos prophetavit, nec turpius actum apud illos, qui reos suspitione duntaxat criminis, nulla alia probatione peractos, patibulis suffigere soliti sunt. Deinde verò causa cognita si fontes deprehendissent, dio permittere; si secus, depositis honorificè justa persolvere. Referam & aliud, sed ludo, ne lectori bilem moveam, ut norit esse in Solipsis, qui Plauti comica exornet. Edicit Spinomantæus (c) Prætor

(a) Mutius Vitelliscus. (b) Scientia Media.  
(c) P. Cæsar Del Bosco.



tor Pharfacio (a) aulico deportationem Monarchæ jussu & scripto. Miratur is infcius demeriti, Monarcham appellat, adit, provolutus inquit. Negat hic stupenti similis quicquam se auctore factum, & bono esse animo Pharfacium jubet, qui totus sibi redditus, sua gaudia amicis narrat. Postridie à Spinomantæo monetur acrius, ad exilium se quantocyus componat. Renuit ille, fidentiùs etiam, in eum, Monarcha fictam jussionem improbante, actum obtendit. Verum Spinomantæus: Nihil mihi, inquit, cautum recens à Monarcha; insisto primis decretis, actutum faxis, ut pareas. Quid ultra? Curritur ad Satrapas participantes (b), iterumque ad Monarcham, & accusatur à Pharfacio Spinomantæus, ceu contemtor magni nominis. Iterum gestu, vultuque simulat Monarcha, ore per ambigua, sed favorabilia errante. Instat Pharfacius, ut sistatur Spinomantæus, coramque monita capeßit. Hæret Monarcha, ne filum succidat: mox, Perge, inquit, securus voti, curabo accersier, advertendum ne te vexet. Abit Pharfacius, & tanquam omnes fluctus eluctatus, technæ imprudens iterum triumphat. Perendino urgetur vehementiùs, ut sarcinas componat, intra horam pedes elaturus, severè plectendus ni exit. Tum Pharfacius iniqui impatiens, concita bile ad Monarchæ fores advolare. Sed negata admissio à docto custode, ne quiescenti, ut ajebat, intercederet; monet, ut crastina redeat: scilicet ut post secessum Monarchæ primo diluculo ad suburbana, venientem frustret, aut ejiciendo spatium faciat, instante interim momento, quod Spinomantæus scorpîi cauda designarat. Ita Pharfacius penè ob deceptionem sui impos, extrusus est in exilium: quotidiana exempla suo quoque periculo illustrans. Hoc nimirum admirandæ regimen est sapientiæ, collusionibus, & stellionatu traducere miseros, & dotariæ salutis exortes, qui æqui causâ ex lege recurrunt, in totius vitæ ærumnam mittere perplexissimos.

(a) Laico Jesuitæ. (b) Patres Assistentes.

mos. Luditur ut pila, justitia percussa, repercussa, eluditurque afflictorum exspectatio, quibus si dolor verbum eliciat impatientius, crimen Majestatis in foro est. Si Spinomantæus barbarus, Monarchæ se stitisset compulsus, patuisset mutua ex vultibus collusio, & technæ vafritiem, non constantia cum mente verba prodidissent. O versutam, si Diis placet, politicam agyrtis plausibilem! Gemina fuit causa Recusii, sed dolosis adinventionibus protractior. De ea consultus ego respondi, artem arte eludendam. Deferret Spinomantæum apud Monarcham, quasi de ejusdem ignavia nutientem, ut cujus consiliis nutaret potius, quam staret Regnum. Viciissim obscure adverteret Spinomantæum, de insidiis à Monarcha tentis, ut officio motum releget ad glaciales insulas, odiis implicando imperiosam superbiam. Ita futurum, ut vel committantur infensissimè, provocatis etiam ad seditionem turbatorum animis: vel si dolus detegatur, hoc argumento doceantur ipsi, notas esse suas artes, quibus subditos ludificarent, nec struendum aliis malum, quod sibi nollent; nec astu, sed prudentia, & scientia regendos populos, animo, quod Orator noster notavit, non versuto, obscuro, fallaci, malitioso, veteratorio, vafro; sed qui decet, apertum, simplicem, ingenuum, discretum, justum denique, & bonum virum.

### C A P U T XIII.

#### *Considerationes circa Judicia Solipsorum.*

Quæ de Judiciis, eadem de Legibus hic quoque non extra scamnum dici possunt. Judicia sine jure tractari, prorsus ab humanitate alienum, sed neque tolerabile subditis contra Magistratus merito conquerentibus, qualecumque jus, & æquitatem adimere quemadmodum inique causantur, contemnere dominos assuecant, ac paulatim in Monarcham insurgant; futurum alioquin, nemo ut Magistratum ineat,

ineat, confusaque Monarchia aditus ad Anarchiam patefcatur. Dignus prætextus, quo & subditi opprimantur, & Magistratus citra reatum impunè quidvis admittant ex Monarchæ lubentia; quæ non semel pretium tulit, fertque in dies ingenuis tantam iniquitatem non ferentibus, suæque manu vindictam sumentibus. Vidi proinde ab his Magistratus non perfuntoriè vapulasse, qui cum accularentur ad finitimos Principes sese recipientes, causam liberè dixerunt: fecisse se amore iusti, quod Monarcha negligeret, eos solum culpandos, quod minus lacertosi, pejora meritis vitam reliquissent: hoc modo in antecessum satis esse, facturos se in posterum, ut Monarchæ officium facerent, aut certè ipsi quoque in jus ambularent. Turpe etiam servos Monarchæ favore ingenuis dominari; adulatores ac delatores summo loco haberi, serâ amantes & modestos nullo gradu censerî. Quæ religione stimulatus non nemo Alianorum; aliquando ad libertatem conclamavit, sed enim ex miseris infra servitia depressis, vix erat qui ad pileum respiceret, multò minus, qui capita conferre auderent, quod Sacramento nonæ legis alter alteri non fideret. Quippe Solipsi nunquam tuta inter se societate coalescunt, & contempta secreti sanctitate, qui modò amicissimi, iidem paulò post inimicissimi, nullo vel sanguinis respectu, modo gratiam Monarchæ, adulatione & accusatione ceu tessera fidelitatis unica, parare non cessent. Ea causâ aliquando in discrimen vocatus, bono fidere evasi. Fortè cuidam, ut simulabat, amico, ostenderam Thema cœlestè, quo ex ritu Europæorum Principis finitimi casum conjeceram: probavit homo versutus, ac ut de capite Monarchæ nostri periclitarer, callidè urgebat, jurans apud se clam futurum. Nec promissi, nec abnui: is tamen velut sponsione cæpta, rectâ ad Monarcham perrexit, & mentitus iniquissimè denuntiat, tanquam si Magicis Europæorum characteribus de capite Monarchæ cum diris peregrissem. Nec mora, inter inopinas apparitorum manus Majestatis reus aclamor, & coram Monarcha excutior.

cuior : profertur è femoralibus charta genethliaca, sed lecto Principis Europæi vocabulo, mendax accusator deferbuit, non erubuit. Jussus evolvere prognosim & rei non fallentem in Europa eventum, peritiæ laudem tuli, tum ut Monarchiæ quoque Solipsorum futuros successus in figuras referrem, ab ipso Monarcha monitus; respondi rem esse supra artis metas, quod Europæi virtuti siderum influentium subjecti essent, Solipsorum Monarcha superior cœlo & altris, constellationes manu regeret, alioquin Evimæum, antequam accusasset, instantissimè flagitasse, si quid possem, in Monarchæ caput procuderem. Ita salutis meæ consului, ac ut Evimæus gradu dejectus luce careret, ex lege confectum est. Sed is neque tum adulando defecit, perhibens denunciatum esse me ab se non ut plecterer, sed ut de peritiâ commendarer. Dii maluerint meliora, atque talem commendationem averruncassint. Adhuc verò durius fortasse sit prudenti imprudentique Principi perinde consentire, mentem, agenti, neganti venalem accommodare, sensum animi ducem pervertere, quos denique ipse perperam odit perditos velle. Quoties id coram Satrapis detestatus, natura ipsa reclamante execrabar. Sed frustra, & surdis fabulabam. Amici ut abstinere nutu advertebant, in speciem contradicebant, ne delatoribus obnoxii forent. Lepidum est quod narro. Delatus nonnemo, quod Præsidem Regni Pactelisonavi torviùs aspexisset (luscus erat) securi adjudicatus est; abreptum ab adspectu Principis, & jam ducendum ad supplicium, cuncti certatim verbis opprobriosis, creperos ictus minati, impetere. Ego miseratus hominis olim amici vices, fortè intercessi, ac ut iniquam fortunam patienter ferret hortari blandius cœpi. Tum apparitorum Præfectus, semihomo, & qui nuper ex patibulo se in aulam injecerat, adulando, mentiendoque, huc progressus, horrenda voce inclamare, trucesque oculos foedè distorquere. Quid tu, inquit, mortalium audacissime, solaris, quem Monarcha perditum cupit? Jam jam socius criminis pœnam dabis. Dixit, & ob-

torto

torto collo ad Monarcham raptari jubet. Momento plures centenis accusatoribus adfunt, deponunt me nullo eorum respectu, qui Monarchæ placituri, damnato ad supplicium insultassent, inter manus penetrasse: & morituro ad aures insusurrasse, quibus ipse arrisisset. Id quia in contemptum Principis redundaret, ridere jus, & potestatem jubentis, me reum esse mortis. Respondi, hortatum me, ut mortem miser fortiter ferret; hoc ipsum, clamabant illi, esse contra mentem Monarchæ, sed tamen plura alia noxia dixisse me jurabant. Instanti, ut quænam illa essent, in medium proferrent, aut nescientes ad mortuum sciscitaturi pergerent; ludum impropertant, & ridentem nova accusatione petunt. Cæterum Monarcha nutu silentio imperato, ut si quid amplius morituro dixissem enunciarem, seridè mandavit. Respondi facturum me libenter, sed remotis arbitris, ne mysteria vulgarentur. Discessere omnes, & ego ex gentis more, quoties luberet, mentiri doctus, retuli: Tria me commendasse morituro. Primum, ut quo loco apud Inferos essent Monarchæ & Satrapæ nostri, renunciaret. Alterum, ut si qui modus foret Monarchiæ etiam apud Inferos proferendæ, edoceret. Tertium, ut quidquid tandem istic novi accideret, certio rem faceret. Ita enim argumentabar, O Monarcha potentissime, magnam me apud te gratiam initurum, si quæ in cæcis illis Regnis agerentur, tibi indicarem; quando quæ in hoc mundo geruntur, quamplurimi sunt, qui placendi studio partes præoccupant, & mendaciis exaggerata referunt, nunquam ut ego tempori adsim. Atque hæc summa sermonis cum morituro fuit, novo tibi placendi studio, si verum amas. Probavit Monarcha ingenium, ac ut clam aliis, quæ ex Inferis accepturus forem, sedulo referrem rogavit, & mox patefacta porta, mirantibus, qui foris præstolabantur, Satrapis, me non solum sacris consiliis & scriniis interesse iussit, verum ut causas omnes cum absoluta auctoritate cernerem, publicavit. Vidisses mutatos repente plurimorum vultus, quibus mendacium & adulatio census erat; plausisse alios, qui

restrictram ad stabiles leges disciplinam amabant. E-  
quidem foro usus indignos muneribus arcere , bene  
meritos fovere , ex Europæorum instituto æquitatem  
moderari , personas non acceptare : ita orcinis amici  
mortui oraculis moneri perhibebam. Quid plura? ut  
infanda delatorum capita deprimerem , sexcentis una  
nocte numellis medio loco locatis , interjectis inter  
singula centena quinis crucibus , spectaculum Juris e-  
didi : totidem insertis collis viscebantur adulatores , &  
ex crucibus singuli pendebant delatores , qui proposita  
& jurata pœna talionis , probando defecerant , & men-  
dacii & calumniarum manifestò comperti. In his tres  
quoque Satrapæ , nuper Præsides Provinciarum. Ita  
factum , ut deserta pene aula Monarchæ videretur , pro-  
cul præhensatoribus , & reliquo hominum fucò , pau-  
cis admodum bonis , qui in munere suo versabantur ,  
ejusdem conspectui sese offerentibus. Causam rarioris  
officii & servitiorum sciscitatus ille ; deductus est un-  
de ex patentiori loco in forum prospiceret , attonitif-  
que oculis hæsit in numellatis , ac patibulatis , quid-  
que id rei esset tremebundo ore quærens , audiit ex  
Accenso : Hoc te spectaculo , ô Monarcha , recreat  
Cornelius , quem nuper extulisti. Si pergit , de Mo-  
narchia brevi actum est : sublati enim adulatoribus ac  
delatoribus , qui te varie erudiant , ignorantia aut tæ-  
dio tabescas necesse est. Motus ille ad hæc continuò  
acciri jubet , ac cur ita fecissem , rogare. Respon-  
di , sic me jussum à mortuo , minis quoque tibi in-  
tentis ni citò paruissem : quod præstaret nebulonum  
genus è medio tollere , quàm horum facinoribus dam-  
nata innocentia Monarchiam probrosè regi. Nec me  
inclementer egisse , vita relicta iis , quorum cervices  
numellæ coercent , fame duntaxat emaciatis , & hi  
quidem sunt effrontes adulatores , qui victum & ho-  
nores meritis debitos manticulando adhamant. Cæteri  
qui ex furcis enecti pendent , gratiam tuam fictis in-  
nocentum accusationibus nundinari soliti , quod pœ-  
nas talionis juxta leges Monarchiæ constitutas non  
pendissent , hac vice luerunt ; fortunati , quòd uno,  
nec

nec productiori supplicio perierint , majoribus digni. Ex hoc genere servantur adhuc in custodiis, milienis amplius , quamprimùm directis addendi. Ita spero futurum , ut sublata paulatim hac nefariorum colluvione, me consule & Judice , Monarchiam stabilitum cas. Obstupuit Monarcha , nec quid contra redderet occurrit; dirigere & stipatores, quos inter Colosberadorus, de quo aliàs dictum , animo defectus ; lectica delatus est. Paulò post coacto absque me residuo Senatu , mutilo sanè & manco , ut Judicis officio cederem , decretum est , mox etiam jussus porrigere nomina designatorum ad crucem , cum inter ea Colosberadorus quoque hæreret , hic metu exanimatus , non ante fugientem spiritum revocavit , quàm audisset me cessisse. Et agebatur solertissimè de tollendo è vivis, nisi timuissent coalito cum mortuis fœdere funestioem, quàm à numellis & crucibus, me facturum Monarchiam. Cujus rei non multò post , nescio quid , ludicri spectaculi speciem adstruxit. Fortè Libanotius (a) Ritanorum Principis Legatus per confinia Solisforum iter faciens , in morbum incidit, atque etiam intra paucos dies vita functus est : Musarbanus (b) Collegam sepulturæ traditurus , proximæ Urbis Solisforum Arontæ (c) gubernatorem Tiraphernum (d) adit ; rogat liceat sibi in communi civium fano cadaver sepulturæ mandare , & justa tanto viro ex more perolvere : facturum se ut Libanotius Princeps tanti memoriam beneficii regio præstaret officio. Negavit Tiraphernus , & nequicquam jura gentium cautatum, inhumanè rejecit : quid enim impenderet mortuis , viventibus odiosus ? Excanduit Musarbanus , & convitio jacto indignans recessit. Mox coacta suorum manu impositum carro cadaver , junctis elephantis , pluribusque circum tædis accensis advexit : ut prope mœnia ventum , custodes , barritu & insolenti

(a) Episcopus Marritanorum. (b) Abrahamus Marronita. (c) Collegium Marritanorum urbis. (d) Ferratinum Jesuitam.

sub auroram luce territi diffugiunt , & Tiraphernō prodigium narrant. Is dum arma amens capit, suosque excitat, Musarbanus interim, vi, patefacta Urbis porta infunditur, & jam medio foro funus ducit, stupentibus ad inusitatum adspectum Arontix populis, quos nec tecta, nec fenestræ capiebant. Adest & Tiraphernus, inclamat retrò se agant, nolle se peregrinis exuviis religionem, fanumque suum polluere. Musarbano negligente insaniam, & qui funus agebant, ordine servato, lessum prosequentibus. Ille manus admovet, & Sacerdotem thura parantem humi sternit, suosque ut vim tentent vociferando urget. Tum Musarbanus tempus adesse ratus, sociis quid facto opus innuit, qui abjecta continuò pulla, ut parati erant, manus exerunt; nec tamen gladiis, sed facibus rem gerunt, in ora Solipforum flammeos ictus vibrantes. Sistit interea funus, & qui in carro erant curatores, erecto etiam casu, an studio, cadavere, quasi ad spectandum suum trophæum, jaculabantur in adversos, quidquid aut stuppæ, aut picis aut caræ ardentis funeri præparant, ejulantibus Solipsis, quorum vultum, vel manus ferventes guttæ contigissent: neque hoc solum, sed laxatis elephantis, quos jam flammæ agitatæ ad ferociam accenderant; ubi hi adversos proterere cœpissent, clamor ingens Solipforum exoritur pacem deprecantium, nec se cum mortuis præliari velle ingeminantium. Ita plusquam panico terrore correpti dant manus. Ipse ante alios Tiraphernus, ambustis oculis, barba, mento, naso, auriculis, primus adorat, & facturum se jussu jurat. Sic pugna sedata, reclinato cadavere, funus perrexit. Cecidere ex Solipsis sexcenti; totidem vultu deformati, monoculi, barba, crinibusque deusti, nasis pictis, collisque cæromaticis. Ex Ritanis (a) unus è carro, dum fortius agit in subjectos nates attrivit. Atque hoc genus prælii, finitimis circum populis, diu, & terrori fuit, & risui, sed Solipsis ingenti pudori, exprobrantibus barbariem Tirapherni plerisque Principi-

(a) Maronitis.



pibus. Super omnia terruit Vibosnatum, quod rumore incerto acceperisset, à mortuis Arontiam expugnatam. Id Lucii Cornelii factione ex nupera offensione obvenisse suspicatus, ne quid simile Regiæ suæ intentaret, hominem lenire, & pristinis honoribus ornare instituit. Verum paulò post certior factus, destitit. Missis quippe à finitimis, qui docerent, & Tiraphernum inhumanitatis accusarent, de eo in ordinem redigendo cogitavit. Quare communicato cum Satrapis consilio, perpetuis vinculis mancipandum decreverat, nisi fuisset qui hominem adeo deformatum, & cui timor ex earixa fixus, ultro spiritum extrusus erat, parcendum esse, persuasisset; proinde vacaturo à munere, gravius nihil actum est, quàm ut pudori suo relinqueretur. Porro tum ipse, tum residui Solipforum sæpius testati sunt, se non tam elephantum, aliove terrore perculsos concidisse, quàm, cum erectum è feretro cadaver, cominus existimassent faces vibrare; tum sibi visum inconsultum pugnare cum iis, qui mortui quoque bellaturi forent. Ridiculi homines, orbi terrarum leges se dare somniant, neque tamen discernunt inter larvas, & veros vultus. Placuit hæc describere memorando magis stratagemate, quàm cum Hastings ille Danorum Dux tot scriptoribus decantatus Lunam Liguriæ Urbem imaginatus Romam esse, objecto per dolum funeris sui ductu, diripuit, non facibus, sed gladiis cives interimendo.

## CAPUT XIV.

*Comitia, & Consultationes Solipforum.*

COMITIA Solipforum duplicis sunt generis; Majora, quæ generalia vocari lubet; Minora, quæ singularum Provinciarum. Illa rarissimè, & nisi in Interregnis ad novum Monarcham legendum vix coguntur. Vacante porro Monarchia, Præfectus Prætorii (A) auctoritate

(A) Rector Collegii Romani.

etoritate Vicarii jus dicit, & ex omnibus Regnis cvo-  
 eat Satrapas, quibus in eligendo suffragium est. Si  
 omnes constituto die in Regiam conveniunt. Hic  
 præmissis diris & execrationibus, si quis vel secreta e-  
 vulget, vel in non idoneum conspiret, in conclave  
 numerosissimi se abdunt, adhibitisque cærimoniis & sui  
 ritus carminibus, tandem ad plura vota nominant,  
 quem Monarcham esse contigerit. Nec multum am-  
 bigitur, præjudicata jam sorte, quando ex defuncti  
 Monarchæ arte, res ita disponuntur, ut non eligatur,  
 nisi quem ipse designarit, nemoque illo dignior com-  
 muni errore censeatur. Solent enim Monarchæ unum  
 alterumve ad suum ingenium factos, præ ceteris, om-  
 nibus muneribus iis adhibere, è quibus proxime gra-  
 dus fit ad solium. His verò dispositione Monarchæ  
 alternis sibi in eadem provincia succedentibus, aliis-  
 que exclusis, & in ordinem reductis: consequens est,  
 ut Satrapæ electores, non in alios colliment, quàm  
 quos dictis honoribus perfunctos norunt: quippe viri  
 sapientes persuasum habent idoneos non esse Monar-  
 chæ regendæ, nisi qui Præsides Provinciarum malè,  
 ac benè eas administrassent. Quo pernicioso errore fit,  
 ut ex duobus tribusve nauci homellis, non alio talent-  
 to, quàm favore Monarchæ, præter meritum con-  
 spicui, eligatur, qui vestigiis defuncti insistas, & sex-  
 centi postponentur, qui tametsi regendo Monarchæ  
 ignavia non fuerint unquam adhibiti, eam tamen sa-  
 pientiam & prudentiam ad moderandum asserre queant,  
 ad quàm illi crassissimæ Minervæ, & nunquam satis  
 dedolandi perventores, adspirare nec sciant, nec au-  
 sint. Sed hoc est ingenium versutæ philautiæ, nolle  
 post se regnare meliores, qui rebus restitutis famam de-  
 functi obscurent, neque interim magnificere, quid-  
 quid Respublica successoris inertia detrimenti faciat.  
 Ad Comititia redeo. Monarcha electo, fit illico tym-  
 panis pulsatis concursus omnium, & genu flexo, li-  
 batisque dexteræ osculis geminantur applausus, nihil-  
 que non terfæ adulationis ingeniose funditur, tanta  
 amplificatione, ut non humana industria, sed divioa  
 ma-

manu rectam ferant hominis electionem ; manifestis portentis ostensam, quòd nempe illa nocte non pluerit, quòd sub auroram molossi latrarint, quòd ad egressum novi Monarchæ ex conclavi, muscæ, culicisque frequentes prævolarent, & id genus plurima, quæ deinde compositissimis verbis, dicto, scriptoque in vulgus sparguntur, ac præsertim è concione confirmantur; singulos laudatores Monarcha, paratis ad id præmiis, donat; præ aliis habet. quos adulando excelluisse judicavit. His penes ipsum stata stipendia numerantur, nec unquam à latere amoveantur, nisi cum honoris causa in Provincias eunt, idemque omnia apud Monarcham possunt, solertissimi voluntatum voluptatumque conjectores ; unde & aliis fortunam perinde parare, & destruere callidè norunt, ut nisi hos omni ope & studio tibi devinxis, spes omnis jucundè vivendi decollet necesse est. Quod ad minora Comititia spectat, ea singulis lustris coeunt, latisque suffragiis legunt, quem ad Monarcham referendi causa mittant, & cavetur in his quàm maximè, ne quid in deliberationem veniat, unde Monarcha notari queat, dissimulato interim publico malo. Conveniunt proinde ex omnibus Regnis, & Provinciis frequentes ad Urbem regiam, & singuli Monarchæ dona eximia ferunt, argumentum honoris, & devotæ subjectionis. Ubi in secreto consilio capita conferunt, Principem negotium, propter quod vel solum tractandum missi venerunt, ad roganda videlicet rebus quàm maximè poscentibus Comititia majora, studiose celant, caventque unicè, ne vel mentionem injiciant, certi de offensa Monarchæ, quem dictis comitiis repurgatum cant. Quòd si Monarcha ipse callide simulans instet, negant illi perfrictè & præfractè, operæ pretium esse, cum omnia rectissimè habeant, & à sagacissimo, omniumque mortalium sapientissimo, ac planè Divino Monarcha, supra omnium Numinum providentiam gerantur, cui idcirco Nestoreos annos optant, atque ut in Comititiis quibus Majoribus solet, omnia in post-

rum etiam ex arbitrio regenda commendant. Et hinc Ilias illa tot bonorum. Hic finis Comitiorum: in quibus ne tot impensis nihil egisse Satrapæ existimentur, ad retributa quædam negotiorum redeunt, & seriò coram Monarcha deliberant, utrùm in posterum physitergia in Civitatibus lineæ, an chartacea esse oporteat. An fruxoria æhenea, vel potiùs ferrea ad artocreas adhibenda. An equitando micturos in itinere, spongia potiùs quàm lagenula uti conveniat: pluraque hujusmodi, quæ recensere perlongum esset. Ita demum consiliis & constitutis in Acta redactis, & Monarchæ sigillo manuque munitis, in Provincias redeunt, & præclaro de gestis fucò subditis anhelantibus ad res novas factò, Reducialia læti celebrant. Hæc de Comitiiis. Ad Consultationes quod attinet, nihil illis frequentius in aula Monarchæ, ut his fere dies noctesque traducantur, admissione interim Principibus quoque viris exclusis. Sunt item eæ majores & minores: hæc quòt ferè diebus: illæ ter in hebdomada habentur. In his Satrapæ cum suis honoratis adsunt Monarchæ, & de Provinciis suæ fidei commissis referunt, quæ à Præsidibus Provinciarum perscribuntur, tractantque singuli singularum negotia. In Majoribus omnes una Curia Satrapæ conveniunt, & de omnibus Regnis Monarchæ subjectis consilia capeffunt, quæve in rem opportuna videntur decernunt. In omnibus universim deliberationibus, scopus unus est, dilatio Monarchiæ, & Monarchæ exaltatio: medio Principum per idoneos Legatos expectoratio. In quibus eligendis, rogantur à Monarcha in speciem Satraparum suffragia, sed reipsa nutu Monarchæ jam præcepta. Solet enim, ut hominem ad silem suum natum mittat, hujusmodi fere oratione præoccupare: Venerabiles & nobis fideles Satrapæ, Provincia, & Regna Traburcana egent novo legato, & Præfide; nobis præ omnibus est Dorius Doridontius, placet tamen & vestras laudationes audire. Tum Satrapæ cervice prona, ut vulpes in fabula, coram Leone, impræmeditari annuunt, laudantque Dorium, vix dignum Agafonem, & Monarchæ

narcham à sapientia efferendo , perorant. Eum nempe aut locutum cum Jove , aut Jovem in ipso , nihil ejus consiliis esse sapientius , nihil perspicacitate magis providum. Ita naribus velut annulo inserto trahuntur ad votum Satrapæ , fitque Dorius Legatus Provinciæ , qui nuper à dejectionibus ollisque tergendis faciebat. Similes sunt , proportionem quadam , Præsidum in Provinciis , cum suis officiis & optionibus , & Gubernatorum in Urbibus eadem norma & fine , congressus. Et hæc quidem Majores universim censentur consultationes. Aliæ minores , vel secunda consilia habentur in Aula Monarchæ , & singulis , per regna & Provincias , Præsidum Legatorumve domiciliis ; coram Vicariis & certis Accensis , in quibus ea ferè aguntur , quæ ad mensas , & reliqua Aula ministeria spectant ; An quot fercula apponuntur , tot pocula adhibenda : An catapopsia quæ vocant Regia contusa & decocta , præterquam Monarchæ & Satrapis passim porrigenda. An tempora prandii & cœnæ producenda. An recta cœna more antiquo accumbendum , cultri singulis trimestribus ad cotem ducendi , & sexcenta id genus. Verùm hic non omiserim dignam majoribus rem Comitibus , etsi minoribus peracta sit. Venerant missi , à Sencestanis (a) populis , rogatum , liceret eis frigidam ex proximo Muravenii puteo haurire , quod aqua palustris , cui hætenus malo suo assuevissent , insuavem præberet potum , & præsertim Sirio urente , maxime insalubrem. Negavit Monarcha , audientibus & laudantibus Satrapis , & instantibus demisse Sencestanis referri jussit. Majores eorum hoc potu palustri à sæculis usos , nunquam de ea causa morbidos fuisse , nedum mortuos : præstaret porro eorum æmulatione fortiter , ac patienter durare. Commovit unum ex missis (Monacusio nomen) tam iniqua repulsa ; & illico invidioso Elencho retundens ; præstaret , ait , & Monarcham prædecessorum suorum exempla sequi , quorum nemo Regia quotidie potione Dianorum , magnis

(a) Catanensibus.

sumptibus parata, usus, diu nihilominus provixit. Quod si à se facit tantis impensis, cur subditis iniquior est, quibus frigida, præterquam labore bajuli, pretio nullo constat? Non defuit solertia nuncio, neque fides, continuoque sequuta vindicta, ut Monachus exularet, nec nisi eo vita functo Sencestani beneficium frigida senserunt, cessante Majorum respectu, & prædecessorum apud Monarcham, de more suo, cum Satrapis non remittentem.

## CAPUT XV.

*Industria Solipsorum in Monarchia propaganda.*

**D**iximus semel omnia Solipsorum tendere in Monarchiam proferendam, & Monarcham extolendum. Id sane meris artificiis unice procurant: quidquid unquam boni rentur in moribus peregrinis, ad se derivant, nec aliunde accepisse, sed felicitate sua se adinvenisse gloriantur. Id jam in Gymnasiis quoque usuvenit, ut compilatas descriptasque sæpius ex verbo Europæorum, Asianorumque doctrinas, suas faciant. Ita scriptores innumeri in dies ut fungi enascuntur; & si quid ipsi novi suo Marte cudunt, paradoxis scatet, ut mare conchiliis. Fuit, qui inventam à se novam, ut videbatur, quæstionem profligaturus, unius anni dispendio discipulos oneravit. Quærebat verd, *An barba felis unius esset speciei cum proboscide elephantis*; cujus quæsitæ appendicem problematicam edidit, *de antiquis Heroibus in culices conversis. ut hastis amentatis in Gigantes pugnarent.* Ad filum redeo. Manet Monarcha Prantaticuræ, suæ Regiæ perpetuo affixus, nisi cum animi gratia aliquot lapides secedit; unde ad visitanda regna, nunquam se ipsum effert, sed cum potestate mittit viros plerumque flocci, quorum ingenio res Regnorum stat, caditque, Regna & Urbes non continuo territorio, sed sparsas per exterorum Principum Provincias habet; plerumque in meditullio; ita se miro astu, & vallare

exte-

exterarum Urbium custodia, vicissimque in eas sub jugum ducendas velut è specula, jactant intendere; & hætenus admirabili successu, modicisque quod huc spectat expensis evaluerunt, valebuntque in posterum, nisi Principes, officii admoniti, servitutem imminuentem avertant, si tamen Monarchia scindi jam cœpta non prius excindatur. Hoc statu non sua solum, sed omnium aliorum Principum gesta, arcanaque consilia callidi venatores resciscunt, & Monarcham per occultos veredas edocent, nec quicquam tutius, certiusque reliqui Principes, quam ex ore Monarchæ assequuntur: Habet hic Emissarios ubique sagaces, qui Principum animos capere docti, ultro in consilia se penetrant, & præceptæ opinione sapientiæ trahunt quod volunt, scilicet specie in amicitiam Monarchæ, re in obsequium & servitutem. Horum diligentia totus Orbis facile Solipforum sceptro hætenus paruisset, nisi effrænis dominandi libido prosperos successus corrupisset. Qua Principes animadversa, tempestivè caverunt, præclaro honesti prætextu, nolle se tanti Monarchæ abuti gratia, unde & Emissariis paulatim viam præstruxerunt. Quare cum cœpta lentius procederent, monui clam Monarcham, moderaretur animo suo, futurum alioquin, ut præsumptione Emissariorum, qui omnia auderent, provocata Principum conspiratio Monarchiam aut everteret aut certe humiliaret. Sat notæ jam Solipforum artes exteris Principibus, adulandi fingendique technis pretium reliquere vilissimum. Addidi, si meliora optaret, sub manu mihi esse consilium, paratumque exequendo studium, id esse, ut admissa Evangelii prædicatione Romano Pontifici se populumque suum & universam Monarchiam exemplo aliorum Regum & Monarcharum obstringeret. Hic ille gravi supercilio interrompens, Non est, inquit, è dignitate Monarchæ Solipforum ulli se obstringere, qui omnes sibi subditos velit: cæterum libenter Romanum Pontificem secundo loco se habiturum, sociique & commilitonis appellatione decoraturum, si ipse legibus politicis Solipforum honestè parcat

reat inimuni Evangelio. In hac forma daturum se tabulas authenticas, missurumque legationem, si primus eam Romanus Pontifex decenti submissione impleret. Plura in hunc sensum dicere parantem tussis inhibuit, me verò intestina commota officii monuere. Post horam reversus, Potentissime, inquam, Monarcha, meliora refero, quid si Romanum Pontificatum ditionis tuæ fecero, quid præmii abstulero? Ad hoc ille velut è veterno curarum repente expectectus, & altum ridens. Dum vivo, inquit, secundas; demortuo me, ut primas obtineas lege faxo. Cui ego, malim mille capita delatorum habere in præsentiarum, quàm ad futura ambigere, & intus adspirare. Verùm ne consilium fuerit internecinum, vivant miseri, dum tuo bono, forsàn & adulatores aliquando resipiscant. Hoc ergo cape consilium. Ex omnibus, quibus abundas, fingendi, simulandi, mentiendi gnaris, mitte Romam, qui se in Aulas Purpuratorum callidè insinuet, & sapientiæ famam aucupatus, Religionem quoque Christi omnibus omnia factus studiosè repræsentet, rectis interim mente Solipforum Sacris, ita in omnem sectam paratus, si quando occurrat scripto sententiam edere, cautè noverit, in quam partem facer Senatus inclinat, in eamque ipse pedibus contentim eat: quidquid animus veri in diversum trahat; ita futurum est, ut placendi studio, doctrinæque opinione vulgatus, facile in Purpuratorum collegium irrepat, iisdemque artibus tandem ad Pontificatum ascendat. Id si fuerit, fuerit verò citra dubium, Romanæ Ecclesiæ Principatus potentia tuæ cedit, accedet. Et ne te Emissarius fallat, duplici hominem sacramento adstringas, ut jam Purpuratus, Sacri Senatus consilia quævis arcana, nullo secreti vinculo obstante, tibi pandat, & Pontifex renuntiatus nihilominus obsequio tuo maneat obnoxius. Habes sensum consilii: deinceps utere foro tuo. Audit exultabundus, datoque osculo, immortalitatem spondit. Postridie coactis Satrapis evulgatoque pectoris arcano, cum omnes miro cum plausu assensissent, divinitatem gratulati, delectus



ex omni numero est Salinus Gevilosius (a), ad omnem horam, mentem, dictum, factum ipse factissimus, qui Urbem æternam copiosus peteret, atque in eam rem feliciter intenderet, additis etiam ex ordine plebeiorum (b) fidis, & cati latronibus, qui gestorum omnium observantissimi Monarcham edocerent.

(a) Joannes de Lugo. (b) Ex laicis, seu Coadjutoribus temporalibus Societatis.

## C A P U T XVI.

### *Variis rerum apud Solipfos eventus.*

**S**alino (a) profecto in Europam, Monarchæ & Satraparum animos curæ angebant, ne aut spes falleret, aut si Salinus ad Pontificatum pervenisset, veterariè illuderet, utpote venalem habens opiniosissimam in contraria mentem, & placendi studio omnia probantem. Quibus dum æstualetur, certatim aderant, qui sales fererent. Et ibant quotidie in forum, & compita, qui eos à peregrinis nundinati Monarcham oblectarent: forte advenerat circulator Ægyptius: hic in media platea ligneo crocodillo insidens, de Luna gerras ferere. Aiebat Lunam aliud nihil esse, quàm ingentis rotundi casei formam, cujus quotidianum decrementum in Deorum convivia cederet, quoad veteri absumpto recens per menses apponeretur, eadem forma ac magnitudine. Quæ fabula ita Monarchæ arrisit, ut accersitum coram audire cupido incesserit. Venit ille, auditusque & multis interrogatus, reddidit se eam doctrinam ex iis quibus comitasset accepisse, qui præterea profiterentur in Cælo campos esse, lacte, butyro, & melle manantes, non nisi ad lacticiniorum frixorum, & dulcium jurulentorum usum. Illos pone adesse in foro, dictu-

(a) Joanne de Lugo.

ros plura inaudita , si Monarchæ luberet. Dictum factum . vocati , & admissi , Monarcham primum adorare , vultu subtristi , sed qui Philosophos decet , macie reverendo ; mox Senior os patulum in hæc verba laxare : Salvus sis Monarcharum maxime , nostra , tuaque , si sunt , Numina te sospitent : de Cælo servavimus , meditari te Regnum proferre , ultra quam olim bella Gigantum sese explicuere . Adsumus opportuni si audias , & Regnum , de quo dixit Ægyptius , ditioni tuæ subdituri : simulque exhibent auro argentoque pictas affabre divorum imagines . En cives Regni illius , quam decori , quam vultu amabili , & augusto : brevi tibi sacramentum dicturi ; mox & horologia promunt curiosè facta , & demensa diei noctisque spatia tinnulè loquentia . Hæc , ajunt , manu nostra fabricata , solis cursum signant , morantur , incitant ut lubet : unde scias , quæ nostra in rerum universa potestas , experimentum postridie capturus . Mane descriptas vario colore in muris editioribus horas solares , signaque cœlestia monstrare , & respondentes ad amussim cum umbra gnomonis lineas , sonantesque momentis iisdem ex adverso malleolos cum ostendissent , attonitum reddidit Monarcham . Et roganti quid præmii vellent , nihil aliud ajebant , quam de Regno cœlesti pro concione verba posse facere . Annuit , & postridie coram frequentibus ordinibus de gloria Regis , de opulentia Regni , bonorum omnium affluxu , malorumque absentia copiosè dixerunt ; contestati , facturos se Monarcham ejus Regni Tyrannum , si dictis fidem haberet . Quibus cum pruritu acceptis . vicissim ille promisit , adepto eo permissurum se eorum potestati Solem , Lunam , & Stellas , ac ut regendo temporis perpetuò præessent . Convenit utrimque . Mox isti concionales facti , nec tempus , nec modum servare , sæpius excedere , & sua horologia suo sensu moderari , rariùs contractis , sapissimè productis ad incerta spatia sonis . Sed enim deprehendere dolum , quibus aures ad ventrem Satrapæ ; sensit & Monarcha inanis , ad quem esurientes Satrapæ ; homines isti , quos dominio

Solis ,

Solis , horarum , & temporum donasti , si nondum inito Cœlo , miserè adeo nos vexant , quid facturi sunt eo adepti ? Nihil propius , quàm ut productioribus horis fame , contractioribus aplelia necent , te quoque tuo Regno , quod in præsens possides , exuturi. Expedit proinde rescisso pacto , quam primùm eos tota Monarchia faceffere. Dum deliberatur , adfunt alii , & admissionem petunt , dicturi quædam ad palatum Monarchæ. Introducuntur homines barba hispidi , cannabo cincti , nudi pedes , vertices rasi , epomidibus à tergo pendulis , & adorato præbent humilia dona , cæras figuratas , chordulas contortas , imagines chartaceas fumo tinctas. Quas ut adspexit Monarcha. An & hi , inquit , Cœli cives ? Quàm dissimiles prioribus ! Nisi forte plebeios referant. Iterum , num & vos promittitis Cœlum , si fidem habeam ? Affirmantibus illis , qua possent , si permitterentur Evangelium docere. Consensit , sed addito pacto , ne Solis , Lunæ , Stellarum , ulliusque temporis dominium usurparent. Mirantibus illis , nec simile quidquàm affectantibus , permissum loqui. Illi postero die coram Monarcha & Satrapis de peccato primi hominis , de redemptione per Christum Crucifixum breviter & nervosè dixerunt , prolataque in medium effigie Crucifixi , omnibus non admirationem minùs , quàm horrorem incusserunt : auditique clamantes , aut delirare , aut mentiri centonatos (a) istos garrones , qui Regem Cœli Crucifixum vociferarentur , quem priores gloriosum prædicassent , nisi hic plebeius sit , diversus ab altero , & ob noxam plexus , cujus Hæredem indecens est esse Monarcham , vel si dono cederet. Tum acciri iustos Monarcha , cùm mente sanos & verbis simplices deprehendisset , priorum vafrementum conjectans , ut dolosi honorum & opum manticularii à fuga retraherentur mandare. Verùm illi jam excefferant , nunquam redituri : nec meliorem Centonatis locum relinquere , quod laus Crucifixi Regis barbarorum auribus gravis & absona esset.

(a) De Capucinis seu Franciscanis loquitur.

esset. Ut nihilominus in Regno manerent, quotidiana stipe victuri, nullisque noxiis ob causam continuè memorandam, permissum est.

## CAPUT XVII.

*Salini Genilofis (a) ex Europa littera.*

**F**orte adfuere ex genere erronum, portitores litterarum, compresso fasciculo, missi ex Europa à Salino, immani pretio angariati. Is inter alia renunciabat Vibosnato (b) de prospero suo in Urbem adventu, de bene coeptis, postquam simulata religione baptismo tinctus in Vaticano fuisset, de annua pensione constituta, in honorum sustentationem, de opinione doctrinæ antecapta, cæterisque præfidiis ad sublimia gradum ostendentibus, nisi fortasse fata favorem Purpuratorum corrupissent. Id verò, aiebat, se metuere ob non paucos qui à Solipsis proscripti huc evassissent, & coram Principibus Europæis turpissima nota nomen Solipsorum traduxissent, irritatis omnium animis, qui nisi eversa, vel depressa Solipsorum Monarchia, quieturi vix forent. Nec sibi è re videri, ut respondeat, vel excuset, ni fictionem prodat, sed magis ut vituperet, quando ipsi proscripti Salini potissimum auctoritate dictis suis robur sufficiant. Facturum se nihilominus, si possit, ut clanculario scripto in vulgus sparso refellantur. Pergit deinde ad obsectorum præcipua capita. Solipsos nulla nedum gentium, sed nec naturæ lege vivere; omnia Monarchæ libidine constitui, hominis nec ore nec pectore constantis, semperque injusti, ut qui modestos premat, insolentes foveat, cujus gloria sit mancipio habere ingenuos, dominari velle plebeios, nulla præmia præclarè factis, supplicia peratrocia decernere minimis erratis, nullo juris processu, sed temerè & perperam judicare, fictè agere, idem affirmare, idem negare;

ini.

(a) Joannis de Lugo. (b) Mutio Vitellisco.

iniquos delatores impunè servare ; verbo , regnum impo.enti affectu regere , leges omnium gentium sus deque habere , se unum mortalibus omnibus offerre , ac ut orbem terrarum sub jugum ducat , omni studio contendere. O quàm mihi metuo , ajebat hoc loco Salinus , ne conjecto adventus mei scopo , luam proditoriè ; sed hætenus cautam servo mentem , tuis tuæque Monarchiæ vituperatoribus obsecundans. Illud etiam acerbissimæ iniquitatis plenum esse dicunt ; plerumque per multos annos dirè plecti miseros , nulla eis causâ indicata cur patiantur , ne aut justitia se tueantur , aut innocentia. Interdum verò ex levissima culpa , quæ verbo emendari poterat , Monarchæ & Satrapis invisos , tametsi aliàs dignissimos , abstineri perpetuò ab honoribus & muneribus , ipsis insciis , nec monitis cur negligantur , eoque tabescentibus. Denique cum plures nulla legitima suspitione vocati in discrimen honoris & famæ , & luere extrema omnia , nulla admissa defensione innocentia. Quæ si demum aliunde patefiat , non ideo meliorem fieri conditionem , sed laxata duntaxat poena permitti vitæ ærumnosæ ; cæterum , nec absolvi , nec in integrum restitui , nec alio præmio constituto , hærente semper ignominia , vexari : idque fieri , ne vel calumniatores iniqui talione , vel levissimi cognitores pudore teneantur. Quæ omnia non nisi ex temeraria summæ potestatis præsumptione , jurisque omnis humani , & virtutis illius , quam hic charitatem vocant , nos isthic nescimus , ignorantia committi clamant. Jam & hoc in summa calamitatum numerant proscripti , se nunquam non jure potiores , semper tamen causâ excidere ; quod turpe existimetur à subjectis vinci superiores , minusque mali justitiam vulnerare , quàm his notam infligere. Et ne unquam , sive conqueri in posterum miseri , sive gloriari vincentes possint , eos quàm longissimè relegari extra Solis famæque vias , ut ne audiri aliquando queat , in rerum natura alicubi sint , an penitus extincti. Ajunt horum omnium malorum fontem esse Monarchæ Solipforum perpetuitatem , quasi  
qui

qui omni juri super est ; hoc jus ipse sibi constituat , æternum legere , nec ullius Numinis , aut hominis supra se potestatem agnoscere. Urgent proinde , ut collatis Europæorum viribus Solipsorum imperium aut excindatur penitus , aut limitato Monarchæ tempore castigetur. In quam rem implorata Papæ ( sic Romanum Principem vocant ) auctoritate , omnia confecta putant , si his humiliato Monarcha aditum ad Solipsos Evangelio patefaciat : nec est argumentum præstantius , quod Papam ad bellum Solipsis inferendum , Principesque Europæos permovere queat. Pergit Salinus se non dubitare suum quoque consilium à Purpuratis periclitandum , nec sibi aliud mentis esse , ut mentem non prodat , quàm dicta proscriptorum approbare , & Europæorum regendi rationem laudare. Hi enim aut in regnis succedunt nati Reges , & legibus Regni utuntur , nil perperam agentes , sed prudentum responsis auscultantes : aut à populis leguntur , & temporanei sunt ; vel si perpetui , servare leges jurant , suæque sponte cœrcentur , & sapientum consiliis reguntur. Nemo unus est , qui omnia solus velit , auit ; sed neque Papa , qui , quemadmodum Europæi perhibent , Numinis æterni dispositu perpetuus est , & omni legi humanæ exemptus , quicquam nisi ex consilio sui Senatus plerunque agit. Idipsum cernitur in Sacrorum cœtibus , quos hîc Religiosos appellant. Hi aliquando perpetuos dicuntur tulisse Hegumenos , sed quam damnois experientia docuit : & ne in posterum durarent , judicio Papæ perfectum est : neque hæcenus visum , ut contra , ex temporaneis transirent in perpetuos , quod id nihil unquam compendii , semper damni plurimum rebus attulit. Ajunt quippe hanc perpetuitatem ferre secum , ut pauci admodum redantur ad regendum idonei , longævitate Monarcharum spe sua fracti , ac interim Monarchæ omnia miscntis potestate variè exerciti , ut paucis , nec præclaris aditum struat ad Regnum , scilicet quos sui moris esse novit , nec ab exemplo discessuros. Contra temporaneis , per momenta ob oculos animumque verlati,

versati, ut brevi decessuri, meliorem successoribus relinquant Rempublicam, ac interim modestè impereant, memores conditionis suæ, ex Regno oblata mox vacatione in ordinem redigendi. Idque unicum & salutare censent remedium esse Monarchis officio continendis. Præterea justî tenorem non sanctius servari posse contendunt, ne indigni assumantur, optimi dejiciantur; tota Monarchia nullo æquimento paulatim ad nauci homines redacta; quando, & vitia, & virtutes ad libitum finguntur. Queruntur nimirum proscripti, se non alia de causâ ejectos, quàm juris, cum flagitarent, non servati, idque capitale sancitum, si flagitassent, cum interim ob minimos excessus plecterentur acerrimè, quando omnium licèt diversissimorum errorum paria essent vocabula; ut perinde reus Majestatis postularetur, qui pyrum comesset, & venenum propinasset; muscam, aut bovem occidisset. Quæ omnia ex ignorantia juris, an insolentia arbitrandi promanent, in medio est: Duo tamen plerumque præcipua expendunt contrahendi Imperii momenta; alterum grave sanè, senectutem durantis non ad mentem, sed ad vitam invalidam; unde prona sint omnia ad labefactionem, nullius interim auctoritate legitimè recta Republica, sed imbellibus deformata consiliis: alterum longè gravius, si quæ pravitas, vitiò longævè Regnantis, invalescat, vix futurum ex successoribus, qui distorta ad normam reducere, labentia ad statum erigere queat, quando vel unius anni totitudo plusium annorum rigorem requirat: cum temporaneus interim Magistratus, etsi pravus & tortus, non tantum deformitatis aut enormitatis afferat, quin unius alteriusve successoris prudenti regula valeat emendari. Ad quæ argumenta, inquit Salinus, cum vix esset, quid pro Solipforum Monarchia reponi posset; Ambitio se obtulit: pulchrum quippe videbatur, arcere honorum prensatores, qui circumscripto brevi tempore principatu, capita elati, occultisque artibus sceptrâ venati, Regnum pluribus dominis obruerent; quando vel in minimis difficile est ferre æmu-

lum,

lum , nedum parem. Sed responderunt proscripti , lege coerceri posse ambitiosos , si deprehendantur , nec deesse supplicia salvis iuribus ; quamvis ex horum affectatione non plus damni oriri certius sit , quàm ex diuturnæ dominationis absolutæ assuetudine ; quæ , si competitores semper impellit in vota novi magistratus , tum interdum diu suspensos animis , in malum provocat diu regnantis. Quin verò expedire putant , plures esse qui ambire modestè norint , nec damnosum esse Monarchiæ , imò maximè honorificum , multos habere regno pares , nec in unius miserandi capite fortem omnium , & fortunam publicam misere errare. Hæc fere , & plura Salinus in litteris , manu quoque & fide lateronum firmata. Quæ coram Satrapis lecta , divisos omnium animos mutuo se contuentium consternarunt , metu præsertim belli impendentis , quòd suspicarentur præventas à Papa plagas , quas Monarcha Solipsorum capiendo Romano principatui dolo tetenderat. Quare Comitia Majora indicenda suadent , ut quid facto opus esset , ne Solipsi humiliarentur , maturè deliberaretur. Nec defuere , qui Salinum in animos Europæorum penetrantem , non extra dolum malum esse conjicerent , eundemque , si fors ferret , splendore purpuræ captum , primum fore Solipsorum Monarchiæ hostemque infensissimum. Sed hæc hæcætenus. Interim vocatis clam Centonatis (a) , quos hac de causa detinuerant , suasere multis promissis , ut pars profecti in Europam , Principibusque callidè expectoratis , si quid adversum Solipsorum Monarchiam suscepissent , injecta suorum Numinum religione conarentur avertere , & meliora de Solipsis ingerere. Quod si perfecissent , futurum in Regno eorum generationi perpetuum locum , & gradum , liberumque per omnia genera commercium. Arrisere illi , cum lubentia paratissimi officii , certò recipientes , facturos se , ut Europæi Solipsi temperent , nec desiderare artem conciliandorum , sæpius jam feliciter periclitantem.

(a) Capucinis seu Franciscanis.



tem, semperque sub manu esse consilium verlandi in utramque partem, procul omni suspicione doli, quem si mens condatur, habitus arcet; Europæos longè politos, nunquam, nisi per nubes incantamenti rectos, ad Solipfos salvo milite trajecturos; caverent potiùs à finitimis, ne isti collusione turbas faceßant, Europæis morem gesturi, qui cæterò ad arma in se convertenda proniores sunt, quàm remotis populis magno cum dispendio inferenda. Hæc Centonati: quibus abituris datæ sunt plurimæ voluminum centuriæ, quæ Solipforum præclare gesta, laudesque à sæculo incomparabiles loquerentur. Scilicet inter procures & Principes Europæorum dono distribuendæ, ut vel inde constaret de universa rerum natura longè excellentius meritos esse Solipfos, quàm ut quispiam mortalium ipsis male velle possit: idque ut mediata peroratione Centonati omnibus contestarentur imperatum. Sed jam reliqua ad hujus Monarchiæ propagationem spectantia inspiciamus.

## CAPUT XVIII.

*Conjugia Solipforum, & liberorum educatio.*

Conjuges Solipsi tot habent, quot alere possunt, nec tam adolescentes, quàm adultas, sæpiusque anus decrepitas, & has, (quod monstri instar meritò mireris) fœcundissimas, raroque abortientes, imò sub ipsum exitum vitæ copiosius enitentes. Hæ porrò omnes concipiunt, non coitu, sed verbis & afflatu, pariuntque non utero, sed manu, contra aliarum mulierum naturam. Admittunt & ipsæ plures maritos, sed tum minus fœcundè pariunt, minusque gratum edunt partum: universim verò nullum certum parienti tempus habent, sed modò citiùs, modò tardiùs eniuntur, interdum Elephantinum partum superant. Eo certè maritis gratiores sunt, quò citiùs, & sæpiùs, & copiosius pariunt, quamquam ultimæ senectutis partus subinde inter gratissimos habentur, & felicissimos.

Edi-

Editos liberos, non uxores, sed mariti lactant lege Solipforum, nutriuntque ad metas usque adolescentiæ, tum aliis commendant formandos, sed non extra tribum; post juventutem exactam, virilem ætatem ingreſſos cum fœnore aliorum repetunt, vitamque deinceps domi secum agere jubent, senectutis habentes levamen. Hæc de maribus præcipuè, nam fœminas aut raro edunt, aut editas, & vix ablactatas elocant, dote non data, sed contra mores gentium accepta à sponſoribus, & in censum conversa. Cæterum non hoc solum genere prolis beatos se censent Solipsi, verum multò magis alienæ sobolis rapina, quod ad populum parandum, gentemque multiplicandam illis unicum & singulare præsidium est: hinc iagens ubique numerus civium otiose vitam traducentium, coloniæque ad ultimos Orbis fines exportatæ. Nimirum partibus finitimarum alieni juris gentium ita insidiantur, ut serpens ovis perdicum; hos rapiunt jam adolescentes, & nova velut incubatione fotos, paulatim ad mores suos ita efformant, ut domi genuisse videantur. Diceret ab usis lambitos, nisi formosos rapuissent. Nihil porro magis curant destinati ad munus Emissarii, quam ut de ectu rapinam exerceant, nec ullos obscuro natu designent, nisi quos indoles fortunave credatur elatura. Hæc rapina divinum plane ipsis quoddam inventum est ad servandam augendamque Monarchiam, stabilitis finitimorum foderibus, metu liberis. Ita quippe fit ut natis Magnorum potiti, in parentes quoque consanguineos & affines Imperium populare exerceant, adeoque integras cum familiis urbes, & Provincias sensim obtineant. Nec alia re magis potentiam suam jactat Monarcha, quam habere se mancipio supra centum mille puerorum, alienigenarum natos, arbitrato suo ad omnia factos, horumque respectu famulantem sibi totius mundi parentelam. Audi vi non neminem ex Africanis dolenter conquestum, exhauriri nobilissimas familias, trahique quotannis non unam adolescentium raptorum myriadem, ducturam in otio & indolis oppress-

pressionem vitam ærumnosam ; qui alioqui ad omnia summa nati, patriæ, orbique universo, salutis, & ornamento futuri erant. At is tantum abfuit, ut profecerit, ut provincia, quam administrandam suscepturus erat, cedere jussus, paulo post etiam in Africam deportatus sit.

## CAPUT XIX.

*Reditus Solipforum.*

Miro sanè artificio divisæ sunt opes Solipforum, ut si Præsidia Urbium excipias, quibus certa ex agris sunt stipendia, aut cum miles ad expeditionem ducendus est, cæteri nullos habeant certos proventus, nullos census agrarios, unde victum parent, nullas præterea auri vel argenti fodinas, unde talenta cumulent, nullas denique ex mercibus aut opificiis auctiones, unde lucrum pecuniarum æstiment: abundant nihilominus magnificis expensis erogandoque pares, & ex superfluis insanæ passim splendidissimorum ædificiorum substructioni intenti. Tanta rerum fortuna largitionibus duntaxat, donariisque finitimorum Principum, ac populorum constat, certa adeo, liberalique contributione, ut incerta sit accepti copia. Atque hæc Monarcharum Satraparumque ingens est gloriatio, habere devinctas omnium opes, quorum liberos rapuerunt, eosque habere nullo suo labore, cultu aut quavis parandi sollicitudine tam obnoxios, quam sanguinis tributarios. Nemo enim unus est, qui filiis, apud Monarcham bene habendi causa, viscera non profundat, nedum opes, muneraque constituat auctiora, quam annui census ferrent. Sic sanè captata gratia filii assurgunt: Et si interdum indole casti nec officii pares, præstat defectum Monarchæ favor. Par ratio ex Tributariis. Testatores facit parentes, agnatosque signata penes Monarcham suprema voluntate, æqua in vivos & mortuos potestate; is succedit hæres non lege testamenti magis, quam jure fisci, (quod nobis

nobis Europæis est spoliū) diciturque *Dominus altus*. Sed in summo jure non immemor beneficii, defunctorum familiam inter cives accenset dato chirographo, indulgetque solito Solipsorum privilegio, si quando decedant, aditum ad beata Numina, ac interim defunctos Apotheosi donat. Jam quidquid Ganges, Tagus, cæterique auri, & gemmiferi fluvii, montesque fundunt, aut quidquid medicamentarii terrarum abdita viscera creperis scrutatorum laboribus produnt, magnam partem Monarchiæ cedit, supra Regium censum. In eam curam Præfides Provinciarum, si in aliam, unicè incumbunt, nihil ut non factum testum repræsentetur. Totum id in quatuor partes tribuitur: primam vendicat gaza Regia; alteram Pharmacopæum publicum. tertia creandis pecuniis impenditur: quarta finitimis Principibus doni beneficentiæque titulo mittitur, magna Solipsorum æstimatione, ob raritatem munerum, & gratiæ pretium, in amuletis maximè prorogandæ ætati idoneis: unde cum vitam eis se debere blandiendo agnoscant, paulatim & libertatem dedunt: felices pronuntiantes, qui Solipsorum Monarchæ serviunt, & plusquam Regina Saba divitias Salomonis, copiam rerum peregrinarum stupentes, vicissim illi talenta auri argentique reddunt. Cæterum, quia, coercito parentum vigilantia Principumque severitate plagio, donariorum ratio labilis est; expediret certa fundorum possessione censum constituere, idque Brotacano (a) Monarcharum primo, visum initio, quod sapienter prælagisset, futuros aliquando Solipsos, sive suo vitio finitimis exosos, sive æmulatione meliorum, ad quos favor respexisset, neglectos contemptosque. Neque latuit successores providunt legislatoris consilium, idque res, & tempus postea monuere; stimulantibus etiam Principibus viris, quibus Solipsi vel cari, vel suspecti, vel indiscreta, prætextu donariorum, exactione graves erant. Verum isti rustica quadam sui præfidentia, & tumore pectoris, quasi

(a) Cantabro, id est, S. Ignatio.

quasi constantia elati, tantum abest, ut neque unquam parerent, superbe obduruerint, invisa prudentibus subditis obstinatione, qui communi cum cæteris mortalibus lege victuri, optarent non prægravari oneribus, quæ Monarchæ, & Satrapæ, bonis aliorum labore paratis jucundè perfruentes, minimè sentiunt.

C A P U T XX.

*Bella à Solipsis gesta.*

**N**ihil hic de vetustis, quæ fabulosa ipsi in compitis & circis jactant, & in Annalibus ad nauseam repetunt; exempli gratia olim in pugna Gigantum unos Solipfos cœlestibus auxilium tulisse, duce Lopio Bumnavo (a), qui idem in condendis rerum naturis, opifici præsto fuerit, formamque universi in palimpsesto delineatam obtulerit: fugatos Gigantes aurum quod rapuerant sparsisse per campos Cœlorum, quod deinde noctu relucens, magno mortalium beneficio, stellarum quas conspiciamus nomen tulit: ipsos verò post Herculeum fretum in Oceanum præcipitasse, uno duntaxat seniore Bulzegugo vexillifero, infimo orbe sua mole detento. Nam cum ætate & corpore gravis, cæteros fugientes assequi non valeret, tentata fractura, hæsit capite tenus inter medias rimas, reliquo corpore sursum verso: hoc ipsi caput Lunam plenam esse dicunt, adeoque faciem Lunæ nobis visam, faciem Bulzegugi in terram prospectantis, & suorum opem frustra implorantis. Quod autem crebrò dichotomos, & syncipite, occipite tantum corniculatus appareat, assiduum retro eluctantis conatum, si quo modo caput insertum redimat, indicat, ac interim tergo natibusque à custodibus superis vapulans, fæda non minus quam horrida edit spectacula: nam & mingit, & refat, & spirat, & cacat.

TUB. II.

T

Hinc

(a) Jacobo Lainez, Præposito generali post Ignatium, qui Concilio Tridentino interfuit. *Vide Ribadenéiram.*

Hinc illi pluvias, ventos, nubes atras, tonitrua, fulmina, grandines oriri perhibent, pluraque id genus insignitis musca Annalibus tradunt, nec antiqua solum, sed quæ medio tempore, atque etiam post erectam Monarchiam gesserunt, per Centuriis describunt. Quæ omnia ipsis remittentes, ea dumtaxat breviter & ordine narrabimus: quæ nostro tempore circiterve, per annos quadraginta quinque susceperunt, & ferè dubio exitu clausèrunt. Primum superbia excitavit. Nam cum Avidus Cluvius (a), ditione, prædecessorum virtute nonnihil prolata, Regnum attollere tentasset, nec amplius Sumonaclestum (b) Sottirobusiorum Principem potentissimum, cujus beneficio Manimorandæ (c) provinciam possidebat, agnoscere vellet: hic hominem in ordinem redacturus, dominatu privare, & in Marborciam relegare constituerat, urgente potissimum Senarimandomo Regni Scriba, Avidio Cluvio nequicquam suis juribus tætuente, sed senium morbidum miseranter interponente, frustra omnia fuissent, nisi Sumonaclestum in medio conatu mors tulisset. Tum reductus miles Solipsis jactandæ gloriæ locum reliquit, quasi prælio vicissent, & Sottirobusiorum Principem (d) congressu occidissent. Hoc successu elatiore, non multò post in Regno Toseneveorum (e) turbas commoverunt; dominaturi, nisi illi evigilassent, aut nisi Solipsi, consistente jam ad pugnam acie, à Soricio Duce deserti fuissent. Tum enim Toseneveci circumventos male mulctarunt, pluribusque cæsis, & paucis precario servatis, omnes demum commercio in perpetuum interdicto proscripserunt. Stetit hoc bellum fane Monarchæ Vibosnato immani pretio, nonquam hætenus refarcito, eoque tristiori exitu, quod omnis recuperandi juris spes crederetur præcisa. Memorant uno ab hinc sæculo, Regno quoque Romullagorum (f) pari

(a) Claudius Aquaviva. (b) Clementem VIII. Summum Pontificem. (c) Romanæ, id est Status Pontificii. (d) Summum Pontificem. (e) Venetorum.

(f) pari ex causa ejectos Solipfos, diuque aduersis jactatos, serò tandem postliminio purgatis facinoribus revocatos, ad gentis mores & ritus se conformasse, sua religione ejutata: hoc enim illis solenne ad fœdera sancienda, dum mentem, ut perhibent, injuriam fervent. Pene eadem tempestate, suscepta contra Solvinianos (g) expeditio, quodd hi leges Solipforum corrigere tentassent; & arsisent hoc bello, religionis, ut videbatur, prætextu, quamplurimæ Provinciæ, nisi Utoxius (h), qui tum Sottirobusis imperabat, auctoritatem interjecisset: hunc reveriti Solviniani concesserunt, perstrictis tamen ante Solipsis eatenus, ut se errasse coram Utoxio faterentur, publicisque tabulis, saniozem in posterum gesturos mentem sponderent. Verùm hæc duo bella ante meum istuc adventum; & medio tempore gesta sunt. Ad seriem redeo. Imperante Sottirobusis adhuc Sumonaclesto (i), ingens bellum exortum est inter Solipfos, & Cinimonadusios (k), raro inter paganos prætextu religionis, hic tamen specie quadam divinitatis. Aiebant Cinimonadusii Deum suum ejus esse potestatis, cui mortalium nemo valeret resistere. Negabant pertinaciter Solipsi, exaggerata sui Monarchæ prerogativa, ut ne omnibus quidem omnium gentium Diis, in unum conspirantibus, adesse tantum potentie vellent, quo Solipfos rebellare paratos coercere possint. Duravit hoc bellum quinquennio, Sumonaclesto Rege, & Solvinianis ad Cinimonadusios, Alapuniis (l), & ex parte Latinimeraciis (m), aliisque collectitiis accedentibus, victoria ad illos inclinavit, & internecione plurimorum sopitum potius, quàm extinctum dissidium. Desiderati Solipforum Duces Atlenavius, Tibasavius, Calambalsineus, & plures alii: Sibalsius, Gencaratanus deserta acie fugerunt: Cinimonadusii Osmelium, & Zejulavium faucios avexerunt. Jactata à

(f) Gallorum. (g) Lovanienses. (h) Sixtus V. Rom. Pont. (i) Clemente VIII. (k) Dominicanos. (l) Polonis. (m) Salmanticensibus.

Solipfis victoria, tametsi relictis sarcinis pauci evaserint. Idem bellum aliquot post annos recrudit, Solvinianis (n) in aciem provocantibus, quod Solipfi opinionione deteriores, jura gentium inestarent. Multis præliis, haud sine Solipforum depressione gestis, convenit tandem ut Buisnaturii (o) Sotterobusiorum Principis arbitrio res componeretur, positis ad tempus utrinque armis. Et hæc quidem totius gentis majora sunt bella: Minora quædam diversis in Provinciis agitata, nunquam adeo fortunatis Solipfis, quin meliora optarent sæpius profligati. Aliqua hæc referam, ubi prius de rebellionem provincie Abscissianæ (p) capite sequenti meminero.

(n) Lovaniensibus. (o) Urbani VIII. Summi Pontificis. (p) Siciliæ.

## C A P U T XXI.

### *Rebellio Abscissianorum. (a)*

**P**Opulos hæc Provincia nutrit feroces, uno tum Præsidente Sinacarsio (b) recta, homine præcociis ira, ingenio rustico, & qui nec muneris, nec Regni magnitudini par esset: hinc sæpius expedire judicatum, plures immitti jurisdictione, & territoriis divisos, ne unius numquam idonei imprudentia, salus omnium periclitaretur. Sed non est visum Monarchæ, ne Sinacarsium amicum ingenti censu fraudaret, tantique Regni dominum angustioribus limitibus circumscriberet. Hoc honoris auctu sibi plaudens homo iners, neque interim populis placere studens, efferebat se in dies & superbia, & sævitia, & quasi non precario præfesset, vexare subditos, minimisque de causis mulctare, detrectantes in crucem agere. Itum ad Monarcham, quiritatum sæpius de imminente rebellionem, nisi providè caveret: contempsit; provocatum ad finitimos Prin-

(a) Siculorum (b) P. Hieronymus Acaßina, Jesuita.



Principes, quibus eminebat Marofappianus (a). Hic, missis deprecatoribus, addidit periculum defectionis, nisi Abseissianis justè faceret. Ita factum metu, ut Provincia in plures tributa, ordinatoque Magistratu, populi quiescerent. Nec tamen diu feriatum. Nam Sinacartius deminutum se ægerimè ferens, omnem lapidem apud Monarcham movit, quo rursus integro Regno solus regnaret, multosque nobiles, ut id flagitarent, promissis induxit. Credulus Monarcha, mihi Buxaldirnum (b) inquisitum, quid è re foret. Hic qui nunquam inter Leporem & Cervum discrevit, persuasus à Sinacarsio, retulit, nisi Abseissianum Regnum quantocius rursus coëat in unum, periisse; multisque falsorum syngraphis in medium prolatis, creditum dolo, & refixum, quod pacis gratia intercesserat, Sacramentum. Quid enim inconstantius verbis, ubi mens fluxa? Mittitur Mimpilosuminus (c) alieno tantum cerebro sapiens, consulisque juribus, sceptrum sustulit, unumque rursus Regnum initiavit, prius tamen præsidii clam milite obsessis, ne populus armis correptis omnia misceret, uno Mimpilosumini capite non contentus. Quievire interim concussi, donec paucis post diebus agnito syngropharum dolo vehementius exarsere. Tum furentium agmine facto, irrucere in Prætorium, exturbatoque Præside ad finitimos provocare, & si manus ferrent, Regno pacisci. Impetrarunt, ut cum Monarcha de instauranda, casto dolo, fide transigeretur, regnumque deintegraretur: quod si is renueret, Sacramento soluti Abseissiani, aut potentiori finitimorum se dederent, aut suum ipsi Regem umbone efferrent. Sensit Monarcha pavidus, & certus periculi in pacta descendit nunquam servanda; facturum se satis, si omnium mens eadem esset, ut sceptrorum dividendorum, aut populorum non unius Vicarii Imperio regundorum. Id sibi quoque è re videri: statutum fuisse, priscis decretis, nisi adversan-

T 3

tium

(a) Papa Romanus. (b) P. Hironymum de Alexandris Jesuitam. (c) P. Franciscus Piccolomineus Jcs.

tium syngraphæ obviassent. Cæterum firmata jam pacta antequam vulgarentur, mora ex composito injecta est, itumque interim ad antiquos dolos, ut Rantifantius Satrapa, qui tum Abfcissianis tyrannicè moderabatur, clam iterum omnium syngraphas cogeret, non honoratorum modò, sed etiam mediastinorum, & servorum, præscripta formula, qua omnes constarentur, nolle se Regni statum demutatam, nec nisi unum cui parerent optare. Addita dolo cautio, de non propalando secreto, & incussa violentia: quippe ex timidioribus magnam partem eoastrè subfingere, iis, quorum pectora saperent, præteritis. Ita factum ut nomina magno numero missa finitimis fecum facerent, donec detecta barbara versutia plerisque iam & odium acuit; eruptura in bellum; nisi Dii favint, ut barbari ex fide saltem, & jure gentium sapere incipiant. Hactenus jura, & arma silent. Sed jam ad majora illa diversis in Provinciis, suscitata, quemadmodum commemorabamus, convertendus stilus. Ea nostro tempore ferè quaterna fuere, Rumorregiense (a), & Narimesium (b), quæ ferè conjuncta, Semilense (c), & Tiremanumium (d). Rumorregium Urbs est Morandix (e) nobilis, & antiqua, cui præerat Lugarriquentinus (f), homo, si favorem Principis excipias, vilis, & regendi imperitus, qui, cum boni & æqui non capax cives divexaret, seditione commota clam profugit. Princeps occurrendum ratus Rodagaristum (g) mittit, qui sorte, an meliori talento rem composuit. Lugarriquentinum verò, quasi improbè factis commendabilem, Narimesiorum (h) Urbem nobilissimam præfecit; scilicet generosis equis, & pullis buphalum. Non diu præfuit, & rusticitatis immanisque duritiæ notatus, puta repentinus (i) Dubenus

(a) Collegium Græcorum urbis. (b) Seminarium Romanum. (c) Melitense. (d) Mamertinum ac Messanen-  
se. (e) Romanix, id est, Status Pontificii. (f) P. Tar-  
quinius Gallalatus. (g) E. Garfadocunt Jesh. (h) Semina-  
rio Romano. (i) Dominus.

aus; ita omnes offendit, ut correptis ad signum armis, hominem dejicerent, stipatores aut jugularent, aut se dedentes plagosos efficerent. Lugarriquintinus (a) in Turrinam se abdens, prætereuntes magno clamore sollicitabat, frustra; nisi carnifex an apparitor casu se obtulisset. Hic celerrimè ad finitimum Principem Rensugiesum (b) accurrit, quo loco res Solipforum amicorum sint renunciat; ni succurrat ipse, omnes ad unum tota urbe cadendos prius, quam exigendos. Adfuit illico ingenti manu, nec quicquam initio profecit, Narimesiorum furore gliscente in perniciem Lugarriquintini, quem nisi servorum quorundam fides tutata fuisset, parato in medio atrio liguo destinarant. Ursit interim ad moenia Rensugiesus, se non hostem, sed amicum venire, non ut liberet Solipfos, sed ut seditiosos ad poenam poscat, optare etiam suæ fidei dedendum Lugarriquintinum, plectendum, si meritis esset. Annuere Narimesii amico Principi, & apertis Urbis portis, admissio rem ab ovo narrant, hominemque in admirationem rapiunt. Cujus gratia deditus Lugarriquintinus, verberibus an metu elanguens, Rensugiesus à Narimesiis faciens illico ad Monarcham perscripsit, nisi Lugarriquintinum tolleret, pacem à Narimesiis non futuram, qui si è manu sua ille abiret, hominis necem deprecassent. Eximuit Monarcha percussus, nunquam ratus audere tantum Narimesios, sed eos non solum suis viribus nixos, ubi accepit, pejora metuens, ut Lugarriquintinus posito Magistratu ea urbe excederet, mandavit, ac ut cum pace deduceretur, Rensugiesi auctoritatem imploravit. Nec mora, ille non tam dimissus, quam ignominioso ejectione, Rensugieso agra manus impetentium inhibente, discessit, & ne agitudine animi conficeretur Rumorregius (c) Surcabinarii (d) gratia, qui omnia apud illos poterat, concilia-

T 4

tus

(a) P. Tarquinius. (b) Antonium Riccillum, vi-  
ces gerentem urbis. (c) Collegio Græcorum Urbis. (d)  
Cardinalis Barberini.

tus postliminio ad eos rediit. O miseros terque quaterque Rumorregios! Siccine fortuna in hunc casum vos dedit, ut quod in oculis non poteratis, in visceribus ferretis? Ecquæ hanc apestiam medicina sanabit, ne perpetuus & fonticus vester sit morbus? saltem curate diligenter ut sæpius vomatis. Hæc de Rumorregiensi, & Narimesio. Successit Semtilense (a). Præerat hic Urbi Silvina Soralucus Bridenus (b), sola Vibosnati (c) gratia; is cum in animum Regis Elcheniæ (d) penetrasset, à legibus patriis hominem transversum egit, ad suumque modum per omnia moderantem habuit. Id indignè ferentes Picuriuri populi (e), honoribus, & aditu Regis arcessiti, conspiratione facta Bridenum (f) in Urbe obsident, eaque expugnata in arcem, quò is effugerat, evadunt; quæsum ad necem cum non invenissent, pluribus casis omnia diripiunt. Is se opportunè in subterraneum aquæductum abdiderat, unde paucorum officio totus nudus, & semimortuus extractus, Luna silente navigio effugit. Ita relicta Silvina, ad Vibosnatum evocatus causam dixit, qui culpam in se hæere sentiens, quòd toties monitus Badenarium regendi ignarum non amovisset, nocentissimum caput non solum absolvit, sed quasi prudentissimè rem, in aquæductu latens, & excernens, gessisset, Moporanæ castro finitimo præfecit. Successit Teremanumium (g) longè atrocius, sed eventu ridiculo. Nam qui Solipsi suas ubique leges, abrogatis gentium ritibus, avidè callideque obtrudunt, forte subornatis viris Magistratui renunciant, velle se in Regia platea copias lustrare, ad expeditionem Dianorum Monarchæ jussu ducendas. Annuat benignè Magistratus, illi verò ducto in forum milite, ex condito castra metari, & vallum educere. Qua fraude a-

(a) Melitense Collegium. (b) P. Carolus Ventimilia Jcf. (c) Mutii Vitelescii. (d) Magni Magistri Equitum Melirensium. (e) Equites Melitenses. (f) Car. Ventimiliam. (g) Mamertinum.

namadversa Tiremanumienſes (a) illico ad arma conclamant, factoque populi ingentis concuſu tumultuario, nihil propius fuit, quàm ut Solipſi ad unum omnes internecone deleſerentur. Ne id fieret, Præſes cum cohortibus interceſſit: vi tandem pluribus caſis, ſedata turba vallumque ſolo æquatum. Ex Decurionibus Solipſorum metu non nemo ementatus, alii ſexum habitu mentiti fæminis quoque riſum fecere. Ex eo die fides parce habita Solipſis, qui nihilominus mitigatos jam ut videbatur Tiremanumios nova arte adoriuntur, tranſiguntque de Gymnaſio armorum utrique genti communi, in quo juventus ad militiam erudiretur. Nec mora, locum deligunt, haud dum aſſenſis primariis proſpectu in Urbem amœno, unde etiam dominari, ſi res poſceret, valerent. Id ubi Senatores animadvertiſſent, concitatum populum, ſi libertatem amaſſet, in Solipſos armant. Extemplo concuſum eſt, caſique complures, etſi non inulti, ſed accenſo majoribus copiis prælio, victi tandem Solipſi, & funditus everſum Gymnaſium: multi quò fuga rapuit evadentes, ne in præterfluentem præcipitarent, moderatione Prætoris cautum eſt. De vita, & civitate pactis oblatum eſt Sacramentum, ut in poſterum morigeri eſſent, ſi ſalutem amarent. Vix menſem quievere, & loco alio quem non nemo Solipſis ſtudens pretio locarat, domicilium ordiri: quo nondum conſtituto, Decuriones turbis ad ſigna vocatis cœpta diſjecerunt. forte à ſyderato quopiam clamatum, de ritibus Deorum agi; tum verò, & furentes ſacrorum omnium cœtus exciti, tanquam pro aris & focis in Solipſos irruere: qui terriſi repente, niſi rebus armisque projectis manus dediſſent, hac vice omnes perierant. Ita toties attriti, Teremanumiiſ fere contemptui, & ludò eſſe cœperunt, commiſeratione potiùs, quàm odio digni: hodie inter poſtremos cenſentur, rato cum civibus commercio. Id nunciū cum Vibornatus accepiſſet, ingens in Curia ſequuta eſt perturbatio, dejectique Satraparum animi, quòd

(a) Mamertini ſeu Meſſanenſes.

Solipfos, vinci nescios, non adeo potens populus tot  
 claudibus affecisset. Percrebuit is rumor, non militum  
 ignavia, sed socordia, & imprudentia Colesbiradori,  
 cujus alibi ampla mentior, Monarchiam prope salute per-  
 dita vulneratam. Is deinde in jus ambulare coactus, in  
 tam lubrica quæstione, linguæ alias impeditioris, peni-  
 tus obmutuit. Mox tamen ad consuetas sibi cum femi-  
 nis artes conversus, lacrimis, & precibus infimis, ca-  
 pitis sententiam redemit, intercessoribus usus iis, qui ex  
 plebe ad Monarchæ servitia erant, olim aristocreis recrea-  
 ti. Ita quem dies insequens novissimo supplicio plecten-  
 dum manebat, non solum vidit absolutum, sed etiam  
 Aulæ Regiæ præpositum, haud minori animorum, quam  
 rerum omnium in pejus conversione, quod qui pridie  
 hominem laqueis devovissent, execrati Monarcham, ni-  
 si legibus sacrum caput, quemadmodum designarat ac  
 jurarat, tradidisset: iidem postea à sexcentis talentis com-  
 mendarent, Monarchæ verò plusquam divinam pruden-  
 tiam admirati deprædicarent oratione dehiscences. Inter  
 hos non nemo Ægyptiorum semibestiam pridem indu-  
 tus, cum Monarcham ob bonum factum laudare iussus,  
 perplexa adulatione verba meditaretur, nescio quo fide-  
 re afflatus in hæc verba crupit: *Monarchia Solipforum*  
*datus occulto fato Vibonatus*, ut lentius occumbentem  
 urgeat: adeste designatores funeris, adeste portitores, quas  
 offerendis Regnis ipse extulit, properate spectatores ad  
 novum ludum. Quæ cum liberius, iterumque dixisset,  
 obmutuit. Re illico ad Monarcham delata, præsto fuisse  
 adulatorem, infandum genus, contestati Ægyptium  
 insanum nescire strophas, sed *Lucium Cornelium Euro-*  
*pæum*, insignem aculeorum structorem, ingessisse di-  
 rum carmen. Ita inscius facti, nulla citatione, jurisque  
 forma cassa appellatione, Majestatis damnor, & data ab  
 Apparitore tabella, sententiam legere jubeor in hæc  
 verba: *Lucius Cornelius Europæus à quadraginta quinque*  
*annis fictè Solipfus, Numinis nostri irrisor, legis natura,*  
*& Evangelii cujusdam Crucifixi sectator, legibus nostris*  
*palam insensus, iudicio & intellectu ad nutum nostrum*  
*non se abdicans, nostris beneficiis abutens, in adulatorem*

& delatores nostros fideles crudelis; in Monarchiam di-  
 cax, Satyris & Sarcasimis omnibus illudens, omnia So-  
 lipforum damnans: denique toti Monarchia perniciosus,  
 damnatus Majestatis esto; faciem Principis non videto, intra  
 tres horas ab Asida, intra triduum à tota Monarchia exul  
 esto, nec unquam revertitor. Vix lecta tabella: & con-  
 tinuò abreptus navi injicior, sæpe tritæ, sæpe fixæ, sæ-  
 pe excussæ malleo, recisisque omnibus instrumentis,  
 conto protrudor. Nec mora hisdem momentis & pla-  
 gis, quibus olim vectus, & loco unde sopitus abscef-  
 feram expositus, & carminibus solutus veterum ex-  
 cussi, Romamque novam adspexi, moenibus & muris  
 non visis cinctam. Mox ingressus, facto æris camp-  
 ani ex Turri Capitolina vehementiori, protractiorique  
 pulsu, audio Urbanum Octavum Summum Pontificem  
 ad plures excessisse. Indolui, ac ut tempus animum-  
 que fallerem, donec ostenderetur, quem virtus ex alto  
 Pastorem Ecclesiæ præesse jussisset, hæc æternæ memo-  
 riæ consecranda scribebam. Et quidem de impellia fa-  
 teis. Plura si amas consule binos à nobis libros exaratos;  
 alterum de intestinis Solipforum, de externis bellis  
 alterum. In iis, velut in geminis speculis imaginosis,  
 adversè inversè adspicies admirandas stratagematum Aro-  
 phas, Poenis, Romanis, Græcis ignotas, ut frustra præ  
 illis, absit verbo invidia, Herodotum, Thucydidem,  
 Cæsarem, Vegetium, Livium, aliosque legas.

# S Y L L A B U S

## S E U

### CLAVIS ONOMASTICA,

*Quâ*

Recluduntur omnia penè occlusa tam propria,  
quàm alia nonnulla Opusculi  
hujus nomina.

**A** Bscissiani  
Adiaphori  
rum

Agarrullius  
Alapunii  
Anontia

Artifices Solipforum

Avidius Cluvius

Banimonicus  
Barfabantious

Brotacanus  
Bufnatarius  
Buxaldirnus

Centonati  
Cinamoducii, & Cinimo-  
nadusii

Chorunmini  
Dicosenius  
Dubenus

Solipfo-

**S** Icni.  
Novitii Jesuitarum.

Gabriel Vasquez.

Poloni.

Collegium Marronitarum  
Urbis.

Scholares Societatis sive pro-  
fessi post biennium.

Claudius Aquaviva Pra-  
positus Societatis.

Pater Baptista Jesuita.

D. Constantinus Cajeta-  
nus Abbas Benedicti-  
nus.

Cantaber, i. e. S. Ignatius.

Urbanus Octavus.

Hieronymus de Alexandria  
Jesuita.

Capucini vel Franciscani.  
Dominicani.

Monachi.

Pater Coninq Jesuita.

Dominus.

Egia



# CLAVIS ONOMASTICA.

|   |   |
|---|---|
| Egiacæ  | <i>Ecclesia.</i>  |
| Hellinacius                                     | <i>Leonardus Lessius Jesuita.</i>                                     |
| Homatarrius                                     | <i>Thomas Sanchez Jesuita.</i>  |
| Hyanthesii                                      | <i>Theatini.</i>  |
| Iliadefia                                       | <i>Sicilia.</i>   |
| Latinimeracii                                   | <i>Salmanticenses.</i>  |
| Libanotius                                      | <i>Episcopus Maronitarum.</i>   |
| Lugarriquintinus                                | <i>Pater Tarquinius Gallatus<br/>Jesuita.</i>                         |
| Marosappanus                                    | <i>Papa Romanus.</i>  |
| Mimpilosuminus                                  | <i>Pater Franciscus Piccolomi-<br/>neus Jesuita.</i>                  |
| Mitra nobilium & majoris<br>Magistratus insigne | <i>Birretum.</i>  |
| Monarcha Solipforum                             | <i>Præpositus generalis Societa-<br/>tis.</i>                         |
| Manimorandia                                    | <i>Romania, id est, Status<br/>Pontificius.</i>                       |
| Mucufalterum                                    | <i>Musculanum.</i>  |
| Musalbanus                                      | <i>Abrahamus Marronita.</i>   |
| Musalgani                                       | <i>Galli.</i>   |
| Narimesum                                       | <i>Seminarium Romanum.</i>  |
| Nobiles Solipforum                              | <i>Professi quatuor votorum<br/>Societatis.</i>                       |
| Pentasilphorus                                  | <i>Pater Gregorius Valentia<br/>Jesuita.</i>                          |
| Phancursius                                     | <i>Pater Franciscus Suarez<br/>Jesuita.</i>                           |
| Pharfacius                                      | <i>Laicus Jesuita.</i>  |
| Picuriuri                                       | <i>Equites Millitenses.</i>   |
| Plebei Solipforum                               | <i>Laici seu Coadjutores tem-<br/>porales Societatis.</i>             |
| Populi Solipforum                               | <i>Coadjutores spirituales for-<br/>mati Societatis.</i>              |
| Præpositi Provinciarum                          | <i>Provinciales Societatis.</i>                                       |
| Prætores urbium                                 | <i>Præpositi domorum &amp; Recto-<br/>res Collegiorum Societatis.</i> |
| Princeps Hyanthefiorum                          | <i>Beatus Cajetanus Thianensis<br/>fundator Theatinorum.</i>          |

# CLAVIS ONOMASTICA

|                                      |  |
|--------------------------------------|--|
| Rennius                              | Laicus Societatis.                                   |
| Resulantius                          | Pater Antonius Sanctarellus<br>Jesuita.              |
| Resungius                            | Vices gerens Urbis Antonius<br>Ricciallus.           |
| Rex Helchenis                        | Magnus Magister Equitum<br>Melitensium.              |
| Ritenii                              | Marronita.   |
| Rodagaristus                         | Pater Garzadocus Jesuita.                            |
| Romullagi                            | Galli.   |
| Rumorregium                          | Collegium Graecorum Urbis.                           |
| Salinus Genilosius                   | Joannes de Lugo.                                     |
| Saltalcudius Pagonias                | Di. Fe. Baptista Castaldus<br>Thentius.              |
| Satrapæ & Satrapæ parti-<br>cipantes | Patres assidentes Societatis.                        |
| Scientia de grummpata                | Scientia media.                                      |
| Semtilense                           | Melitense.   |
| Sincestanum                          | Urbanense.   |
| Sinacorius                           | Pater Hieronymus Asaffina<br>Jesuita.                |
| Solipsi                              | Jesuita.   |
| Solviniani                           | Lovanicus.   |
| Soralucus Bridemus                   | Pater Carolus Ventimilia<br>Jesuita.                 |
| Satirobusii Princeps                 | Totius orbis Princeps, id est<br>Summus Pontifex.    |
| Spinomantheus                        | Pater Casar del Bosco Jesuita.                       |
| Sumonaclestus                        | Clemens Octavius.                                    |
| Surcabinus                           | Cardinalis Barberinus.                               |
| Teremanumium                         | Mamertium seu Messana.                               |
| Tiraphernae                          | Pater Ferrantinus Jesuita.                           |
| Tofenevei                            | Veneti.  |
| Tritubirium                          | Tibur.   |
| Turbolani                            | Benedictini Monachi.                                 |
| Vibosnatus                           | Pater Mutius Visalleseus Pra-<br>positus Gener. Soc. |
| Utoxius                              | Sixtus Quintus.                                      |

## XII.

## FRAGMENTUM

*Epistola D. PONTI TYARDÆI BISSIANI,  
Episcopi Cahilancensis; quo Pseudo-Jesuita  
Caroli & ejus Congerronum maledicta de-  
pellit.*

**C**ÆTERUM, audio quendam ex Jesuitarum Collegio, Ecclesiasten apud vos agentem, contra me sapissime, non solum in familiaribus colloquiis, sed etiam publicis in concionibus debaccharum esse, quamvis à me nusquam, nec re, nec verbis læsus fuerit; aut læcessitus, unde in me ansam inveniendi arripere debuerit. Ni ita leviter erumpente sit stomacho, ut iracunde suam ipsius umbram allatrare sueverit. Nam qui fieri potest, ut eum quapiam in re offenderim, cum totum illud Collegium, in quo nidum habet, meis non exiguis beneficiis sit adauctum? Sum etenim bonæ partis illius fundi clientelæ Patro- nus, remissione Juris mei liberalis. Quamobrem li- bello etiam Græcis, Latinis & Gallicis versibus atque oratione soluta scripto, & mihi dicato cum Amplissi- ma laudum mearum prædicatione, habuerunt gratiam, & fidem dederunt. Digni certè, quibus commissa poe- na, ob perfidiam infligeretur. *Et paulo post;* Næ, perfecte delirare videtur & insanire, qui mihi, quod cum illo suisque consponsis consponsoribus insanien- dum in istis seditionis factionibus non esse visum sit (quæ enim alia mihi cum illo, aut communio, aut alienatio esse potuit?) bellum indixerit. Non te quo- so (A. V.) insanix vocabulum turbet, aut offendant, quæ enim insania magis insania est, quam non solum insontem, sed etiam beneficium ledere: Et ore putido im-

impudentissimisque mendaciis cum collatrare? Quid vero immerentem me vexat, Canis ignavus adversum lupos? Qui pios, tanquam hæreticâ labe asperfos accusat, hæreticorum vero dogmata, aut nunquam, aut remissius languidiusve confutat: In Cathedra Pyrrhicham saltans, & sibi belle placens, ludicris verbis, histrionicisque gestulationibus, sæpissime, Mythicus hic Pantomimus pro lacrymis, risum effusum, latissimumque elicit à popello, cujus auribus nugas disseminat, & sacræ Scripturæ locos plurimos detorquens, incautum vulgus (cujus grato favore nullum usquam numen prædientius esse veterator iste credere videtur) à veritate longe abducit, atque infatuat: Illustrissimorum Principum claram nobilemque memoriam, venali loquacitate obliterare tentat: Viros probos traducit: Pium Regem Christianissimum, pie mortuum, & impiissime trucidatum, ἀνίστασθαι & inexpiabilem esse, atque apud inferos indeprecabilem poenam subire, clamat, ut sua crudelitate, Mortuos etiam jugulet. Ex vilissima vero plebis facie, vanos balatrones, impuros apostatas, rapaces rapinatores, latrones sceleratos, crudeles homicidas, capitales furciferos, iterum atque iterum minaci sacratarum legum sanctione servatos, horrendumque & abominatum Regis nostri (heu scelus!) parricidam nefarium ἐκδιώκει, atque ad ἀντίστασιν αἰσθάνεται: ut meritos honores, quos impia temeritate sanctis avulsit, improba fatuitate effundat suis istis propadiis, & affingat atque \* τοῖς ἀσύντοις θεὸς τὸν ἐκ ἀρχῆς ἐμῆς emergere faciat, ut de Juliano dixit Nazianzenus. Apagelis (exclamat scriptor Milesiarum) tam cruentos Deos, dextram cædibus fessam, & telum sanguine rubiginosum. Eum verò qui tales sanctos facit, quis sanctum, quis pium esse credet? Sint certe, sint, hæc nova, ad suam pietatem appositissima, quæ sibi fingit, numina ea colat, iisque supplicet. Dum ego Apostolorum Ignatii, Cypriani, Cyrilli, Grego-

rio.

\* *Inspicientibus Deum novum ex infortunio vel calamitate.*

riorum, Chrysostomi, Hieronymi, Ambrosii, Augustini, cæterorumque piorum patrum antiquissimæ & ab universa Ecclesia probatissimæ sanctitatis, vitas suspicio, doctrinam tenacissime amplector, eorumque preces, infirmitatis meæ subsidium, expeto & peto: Suis inquam illis Divis, quos per scelera sanctificat, fruatur. Nunquam verò à me extorquebit, ut talibus sanctis venerationem ullam exhibeam, etiamsi centies me hæreseos notatum invidiose & mendaciter attestetur: ut verò claritudini nominis mei (qualisqualis sit) nebulas offundat: & meæ famæ obscuratio, populique furiosum in me odium, sui mendacii sint pretium: se quadraginta quatuor hæreses exprompsisse jactitet, in tribus foliis mearum Homiliarum in orationem Dominicam: E qua pius iste Theologus, petitionem hanc: FIAT VOLUNTAS TUA, evellendam esse publice asseruit, fallorque ni etiam (ut est biliosus & animo percito) illud DE REMITTENDO DEBITORIBUS NOSTRIS obliterandum censeat. Eône mendacem impurissimum impudentissima sua adegit dementia, ut etiam Christianæ Charitatis oblitus, admonendum me (si quasdam in meis scriptis exerrationes, allucinationes animadvertisset, quod falsum credo) fraterna monitione non duxerit, antequam publico me proderet? usque ad eône sua sibi Paterna videtur excelsa Paternitas, ut ad fraternitatem Episcopi, sese demittere vereatur? Hoc nimis verum est, à Puro Pura: scio eos qui se totos Societati JESU dediderunt, (id est, Apostolorum sectatores) patientiæ, moderationis, humilitatis, modestiæ, Pacis, Evangelicæ Charitatis, omnisque virtutis sese studiosos præstitisse: omnem longeventosum, superbi fastus tumorem efflasse; firmam, sanam, salutaremque doctrinam prædicasse: pro suis inimicis preces effudisse, defunctos revocasse; Amorem & benevolentiam, cunctis cumulate exhibuisse: & neminem lædendum, ne hostem quidem suasisse: excepto illo infido comite, & discipulo (filio scilicet perditionis) ejusque similibus, hoc est sæculo natis. Si ergo iste ex JESU Societate vere est, & non infidi illius pa-

radi.

radigma, cur ad bellum, nece, crudelitatem, rebellionem ceteraque impietatis scelera, Populum concitat? Atque (ut totus est discordiosus) militariter sese motans, nihil aliud quam *Arma*, *Arma*, in suggestu suggerit, ad ravim usque clamitans? Et è vivis quantum potest homines exturbans? Me autem, quia ab iis omnibus criminibus, animum, linguam, & manus arceor quia, more majorum, id est sine furo aut fallaciis, voce & scriptis, Regibus pietatem, populo obedientiam, Partium benevolam conciliationem, Pacem Reipublicæ Christianæ, poenitentiam, & resipiscentiam hæreticis, & iis, qui in errore sunt, ad veram viam, reditum, veniam adhuc viventibus, & requiem æternam resolutis corporum vincione (ut cum pio quodam antiquorum loquar) postulo & efflictim precor: Quia illis, qui mutuis inimiciis, atque vulneribus, sese confodiunt, in amicitiam coeant, & fœdera jungant suadeo, *hæreticum* vocat. Equidem si illum nulla fide, aut probitate insignitum nescirem, si mille testibus ejus maledicentia mihi nota non esset, in mei ipsius candoris diffidentiam tam populari authore, me dilaberetur opinio: Sed hoc de me scio, sciuntque atque attestantur Christianæ disciplinæ probati viri, moribus candidi, & omnium literarum peritissimi, scio, inquam, & sciunt hi, me adhuc, sacrorum signa, & memoracula, sanctissime custodivisse: me nunquam à doctrinæ Catholicæ & Apostolicæ Ecclesiæ discessisse, in ejusque sinu enutritum, & fotum, ab ea me divellere nunquam passum, nec (si Dei gratia me juverit) passum esse. Hæc tamen omnium hominum mendacium quos unquam Creta aluit mendacissimus meæ innocentie nigrum audet præfigere Theta? Hoc certe Christi, Apostolorum & sanctorum doctrinam orthodoxorum non redolet: hoc, inquam, cum disciplina Christiana, eorum qui se vere *Jesu socios* vocare debent, eminens, & cominus pugnat, longeque istum alium quam Christianum esse, à sancto pietatis officio emigrasse, & omnem Religionem expulisse convincit: eumque non Evangelicæ doctrinæ prædicatorem, sed seditiosæ concito-

citorem, & instigatorem esse factionis. Cujus appicti, sanctæ unionis tituli, tam frequenter iterata, atque affectata repetitio, inter tot execranda crimina & flagitia, discordesque ab omni pace & unione, atque concordia, animos omnibus bonis, nescio quid, callide impietatis, sub hac speciosa nuncupatione, latere persuadet. Præsertim cum novus hic Theologus Hæreticos declaret eos, qui cum unionis hujus sanctæ (nuncquam enim absque sanctitatis Epitheto nominatur) inimicis & adversariis, vel inter foederatos non adscriptis, pacem, aut concordiam incundam esse dixerint. Ergo ne Symbolo Apostolorum, aut Niceno insuendus est hic nondum auditus Fidei articulus? CREDO SANCTAM UNIONEM HISPANICÆ FACTIONIS, ET CONJURATIONIS IN HENRICUM TERTIUM FRANCORUM ET POLONIÆ REGEM, & ejusque consanguineos atque successores? An Athanasiano antiochemus hunc versiculum: QUICUNQUE VULT SALVUS ESSE, OPUS EST UT HUIUS SANCTÆ UNIONIS VINULO, SIT LIGATUS? Nullus ergo Christiani dignus est cognomine, cujus fides hoc novo Sacramento non sit rogata? O parum pios Apostolos, & Orthodoxos patres, sanctosque Ecclesiæ doctores antiquos, qui in Reges, & Imperatores, etiam Idololatrias, etiam hæreticos, penes quos suis temporibus rerum erat summa, nunquam conjuraverunt, aut conjuratis seditiones concitantibus adhæserunt. Istiusne facti ignoratio Canonis, aut omissio, tot miseras Christianorum animas immisericorditer demiserit? Orco? Ergo notandus impietatis crimine, Divus ille Gregorius Nazianzensis, Theologus aptissimè cognominatus, qui horrenda hæresi Constantium Imperatorem tinctum laudat, & excusatione dignum affirmat. καὶ γὰρ ἐφ' ἡν ὁρὴν δόξαν παρακινεῖν ἤδεξεν, ἀλλὰ καὶ τοῦτο τῶν ὑποδυναστευόντων σκαλότητος καὶ κακοδοξίας τὸ ἑγκλήμα, ὃ ἀπλὴν καὶ ἀπαγὴ εἰς εὐσεβείαν παραλαβόντες ψυχὴν, οὐ προσημύνην τὰ βέβαια, ἀπ' ἡγέγου ἥπερ ἐβούλοντο. *Esse enim rectam opinionem invertere & labefactare visus sit, hoc certe imperite fa-*

uitatis & perversæ opinionis eorum, qui sub ea domi-  
nabantur crimen erat: qui nacti simplicem & infirmam  
impietate animam, neque perniciosum exitium providen-  
tem, quo libuit, abduxerunt. Immo vero etiam mor-  
tuum Christiano more publice & bonis ominationibus  
(inquit paulo ante) Odis decantatis & facium accensa-  
rum gestatione elatum deduximus: atque in locis subli-  
mibus Psallentium angelicarum potestatum voces, au-  
ditas esse credendum putavimus. Tu vero Catholicum  
Regem horrendo, tui similibus, facinore crudeliter  
trucidatum etiam sacris precibus indignum, omnique  
funebri pompa judicasti, prædicasti? Oh facerrime!  
Te furorne cæcus an rapit vis acrior? Unde hanc do-  
ctrinam hausisti? Ex D. Johannis Evangelio, & cæte-  
ris sacræ Scripturæ libris, scilicet in quibus toties,  
Pax, Pax, à Christo suis inculcatur: in quibus pro  
Regibus & quibusvis in eminentia constitutis, ut eis  
omnia fausta, prospera, & felicia eveniant, precan-  
dum, & supereminentibus esse potestatibus & Dominis  
(quamvis \* *σουλῆς*) parendum, nominatim cum for-  
midabili etiam id detrectantibus comminatione, sanc-  
tum est, atque diserte præscriptum. Nos (inquit Ter-  
tullianus in Apologetico) pro salute Imperatorum Deum  
invocamus æternum. Et paulo post: Precantes sumus  
semper pro omnibus Imperatoribus: vitam illis prolixiā,  
Imperium securum, domum tutam, exercitus fortes, se-  
natum fidelem, populum probum, orbem quietum. Item  
addit. Quid ergo amplius de religione atque pietate  
Christiana in Imperatorem, quem necesse est suscipiamus,  
ut eum quem Dominus noster elegit? ut merito dixerim,  
noster est magnus Cæsar, ut à nostro Deo constitutus: ita-  
que ut meo, plus ego illi operor in salutem. Sed quid  
ultra progrediar? Hem (pie Jesuita scilicet) Tertullia-  
nus pro salute Severi & Caracallæ Imperatorum Idolo-  
latrarum preces fundebat, tu Christianissimum Regem  
execraris? Non doctrinæ Apostolorum fracta jam &  
jacens videbitur Majestas, si potuit alterius decreti no-  
vitate

\* *parvis, satis.*



vitae superari? Tu ne, sacrum caput, hoc Romani illius Annalium scriptoris scite dictum nescis? Principum summum rerum Judicium dii dederunt, subditis obsequii gloria relicta est. Cæterum an tuæ aures tersæ (V. A.) & pietati, æquitati, Justitiæque auditionibus assuetæ & exercitæ, impias istius exclamations, significantissimorum nominum virtutum, in vitiorum nomina permutationes: & vice versa, vitiorum perversissimarumque actionum virtutis appellatione, transnominations, sine horroris aspretudine hauriunt? Quis bonus unquam vir inter Ethnicos? Quis unquam pius inter Christianos, seditionem, factiones, rebellionem virtutis nomine nuncupavit, vitia hæc turpissima, honestis vocabulis prætexendo? Quis vero Politicam, aut Politicos improbitatis & vitii titulo infamavit, nisi isti \* κακοπραγίας cultores infelicissimi? Quid fiet porro populo Christiano, si † πολιτεύουσα non oportere, ex Epicuri doctrina alter hic Trebatius statuerit? Quam serio clamaret Socrates ut olim, Quis iste furor? Quæ ista inimica diis hominibusque natura est? Infamare virtutes, & malignis sermonibus sancta violare? Mirum ni Deus in miseros Gallos irritatus, florentissimum hoc Regnum jam à larvatis istis impostoribus labefactatum, funditus evertere statuerit, nec illi esse curæ nostram securitatem, esse ultionem. Cum Theologia, religiosa Pietas, Judicia, Politeia, Nobilium claræ virtutis fideique in suum Regem avitus Amor, Pudicitia, erga alterum Christiana dilectio, ipsaque disciplina militaris, in Atheismum, summam injuriam, manifestarium, & mandatum Rei numariæ adulterium, peculatum, Simoniacæ ambitum nefarium, & sacrilegium, in veneficium factiosas seditionum perturbationes, rebelliones, latrocinia, compilationes, rapinas, impudicissimamque licentiam in virgines & Matronas: fœdas contra naturæ decus & ordinem impuritates, atque cæterorum vitiorum colluviem, confuse mutantur: cum sepul-

\* *Malignitatis.*

† *Sub administratione politica versari.*

pulchra ab impiis \* *Τυφάεργους* (qui sacram etiam defunctorum quietem inturbant) eruantur, atque ipsa cadavera, turpissime suis involucriis spolientur, & denudentur: cum delubra igne deflagrent: cum spectabiles Divorum Imagines deartuatæ, respectum miserabilem præbeant, cum inaugurata Deo Tempia expilentur: per cruentas cades, atque turpissimæ obscenitatis stupra foedentur: in illis jumenta stabulentur: Araque in haram mutata, sana contumeliæ fiant, & impudentiæ; cum ingeniosa impietate, amula & aquiminale lustratorium, in usum chutæ: culinariæ convertatur, atque foedissimo lotio arseria aqua conspurcetur. Cum dicati sacris Læsturgiis calices, sanctæ Eucharistiæ pulvinaria, & consecrata corporis Christi conditoria, prophanis militum manibus rapiantur & effringantur: Ipsaque salutaris Hostia\*, pedibus eorum (proh scelus!) impie conculcetur, quos ista religionis ludibria (ut os nobis sublinunt) sanctos sancti sui exercitus Milites (cum sint Ambrones turpissimi) nuncupare non verentur. Sanctos inquam atque adeo sanctos, ut Gallie totius Tempia & tecta, non patriam, sed prædam putent. Cumque (quod non sine stupore audiui, & quod verum ne sit summopere cupio) omnibus sacristurpissime & impiissime foedatis, ad Idololatricam illam, portentosam, diram bestialemque Goetejam decurratur, cercis imaginibus ab altero quodam Pavioto Mago effictis, quæ a virgunculis ascetris (ad hanc impietatem, arcano quodam terrore, subornatis ab impostoribus turbulentis) exorcismo execrabili adjurato spiculo (ô facinus, cætera dicere horreo) in Principis cujusdam perniciem, lancinentur, fodientur: atque per sacrosancta Divorum Tempia ad istud opus nefarium certatim concurratur; ubi præposteræ precatiunculæ, & inversi Psalmi, ad Magicam impietatem cantantur. At (proh pudor) hæc omnia in profundo silentio jacent, coram istis piis, scilicet, concionatoribus, ne unico quidem oculi ictu, aut minimo verbulo reclamantibus,

\* *Sepulchrorum effusionibus, spoliatoribus.*

bus, vel increpantibus: Immo verò (ut fertur) etiam  
applaudentibus fautoribus, assensoribus, consensibus,  
effectoribus, aut suavoribus. Cum enim homines sua-  
pre natura nimium ad vitia propensos, ad meliora re-  
vocare, & ad pietatis modestiæque cultum erudire de-  
berent, officium suum intervertentes, ad omnia cru-  
delitatis facinora, atque teterrima patriæ patricidia,  
præmiis etiam cœlestibus propositis, ciere & excitare  
non desunt, quasi nolint stare Remp. firmitate vir-  
tutum, sed impunitate vitiorum.  $\Phi$ ,  $\Phi$ , hoc est ne  
Christianum, hoc ne Catholicum? O pii cives! O bone  
Matronæ! Istis ne figmentis & superstitionibus impiis,  
vos & vestras tenellas & charas virgines adesse & ini-  
tiari? Sic mellitos pueros lectissimosque adolescentes  
matrimoniorum vestrorum dulcissima pignora, aures  
suas, nullis dum verbis impuris ventilatas, mimodida-  
scalis subdolis istis, & circumscriptoribus præbere pa-  
tientini, ut à fallacissimis eorum linguis, Histrionicam,  
saltandam fabularum, & maledicentiæ artem, atque  
alia morum perniciosissima venena, cum primis literis  
hauriant? Observatote quam blande palpabunt  $\Phi$  *πα-  
ράται* isti & palpones delicatuli. Cavete ab elegantulis  
concinnitibus, blandimenta hæc ne vos decipiant:  
delicatula mollicies delictum petit, cætera prudens præ-  
tereo. Timeo tamen ne nimio vestræ posthac discatis  
famæ intertrimento: Cavete, inquam, cum domesti-  
cis vestris ingeniose familiaritatem incunt, ut vobis in-  
sidias tendant: famulitia vestra lenocinio verborum &  
suavitudine fictitiæ pietatis, inescata, occultissima quæ-  
quæ illis aperiunt & recludunt. In domibus enim ve-  
stris Coryceos habent, à quibus abstrusa omnia expi-  
cantur, nihilque arcanum, nihil clausum & nihil in  
familiis vestris occultum, quod illis non prodatur  
\* *Ἰσως καὶ ὡς Ζεὺς ἠγάγῃ* *Ἠέλω*. Tacebo? Dicam  
licet nolim: quod tamen à me V. A. sincere & Chri-  
stiane dictum putes cupio: Ordinarias, & usitatas isto-  
rum per domos viduarum cantilationes, cursitationes,

&amp;c

\* *Sciunt quo modo Jupiter duxerit Junonem.*

& frequentes ad aurem secretiores colloctiones suspectas habeo : ansam enim malitiosis præbent , dubias conscientias & anxias decipiendi : hac specie (etiam piæ confessionis) simpliciores , à versutis , expiatoriis ascultatoribus ; facile deludantur. Isti vero Sancti scilicet pneumatici , quibusdam interrogationum formulis , circa scrupulosas peccatorum differentias , obscena & impudica quædam [nimium Volsce loquentes & opice] anquirunt , quæ sine utriusque sexus interrogati (cujus auribus inaudita turpitudines & lascivie instillantur) rubore , & interrogantis inhonesti appetitus titillatione , vix ullis verbis , ac ne vix quidem , enunciari possunt. Nova exempla , quorum rumor quidam subortus est prætereo : veterem autem historiam de Diacono & Matrona , nosti : hanc certe , qui non noverunt moneo , ne sint in hac notione curiosi : scandala sunt aliquando obtegenda , & ego , qui verecundiam amo , hæc de re ne Gry quidem. Attamen istud non possum silentio nubere , cavendum esse ab iis quorum animus vultu , & flagitia parietibus teguntur : quamvis hæc obstructio non ita sit obducta , ut à vigilantioribus oculis perspicere non possit. Quis verò paucillum inter vos sagacior , quæ sint quorundam istius ordinis ingenia nescit ? Non Xaverios , Camerios , Lopefos , Diazios , Mesquitas , Nuncios , Gasparos [quos pietatis & virtutis gratia nomino] similesque Sanctos \* *δαυμα-  
τογεις* , Religionis cultores , & diligentissimos Christi agricolas , noto , qui longinquas gentes , veræ virtutis steriles cultu suo fecundant , nulli labori parentes , nullumque periculum refugientes : duros animos emolliunt , crudeles Idololatrias ad piam humanitatem omni conatu & nixu attrahunt. De sua & præsentis pecuniæ mercantur familiaritatem Barbarorum impiorum , ut eos lucrentur : & Apostolico more , omnia sunt omnibus , ut ex omni genere aliquos salvos faciant. Jejuniiis , lachrymis , precibus , cæterisque hujus generis piorum Ecclesiastici ordinis virorum armis , sese exercent ,  
durati

\* *Miraculorum effectores.*

durati malis, cælum omne, sive sudum, sive substillum, sive tenebricosum, æquo animo ferentes, in solo, aut in casa ventis pervia, plerumque recumbunt: nec in cilicio munditias quærunt: solam charitatem erga proximum, pro mercede sibi proponentes, perfectæ eruditionis scholas aperiunt. Pacem divinum esse donum, quod præstare nullus possit mortalium, ideoque summo opere expetendam prædicant: & antequam sanguis humanus, per seditiones effundatur, suum profundendum præbere, atque ultro ad stadium martyrii sese offerre præoptant. Semper autem & ubique fallaces, & futiles hujus sæculi divitias, neglectui habent, & floccifaciunt. Non hos (inquam) generosos pietatis cultores noto: sed degeneres istas, nothasque κακοβλάστους & κακοκαίρπους plantas, à serpente antiquo illo arboratore, Sanctorum vireto insitas: id est, Halophantas illos, quorum perniciosa suasionem Gallia (suum natale solum) tot & tantis quondam fecunda virtutibus fit omnis pietatis & politæ sterilis: quorum perfidiosa & impudenti fallacia, facillimi & moderati nostrorum hominum mores, in Barbaram crudelitatem: vera Religio in fictitium & perfunctorium [labiorum tenuis] Dei cultum, aut in caremoniam imposturæ fuco illitam: Amicitia mutua & concordia fratrum, & concivium, in insensissimum odium demutantur: eos quoque qui, ut Plebem suam faciant, malorum omnium opinioni, populariter subscribunt: Pios verò Catholicos, contumeliis insectantur, & in eos Popelli furorem concitant: atque sanguinis Christianorum misere fluentes rivos, siccis oculis, etiam gestientes, aspectant: Bellum, esse viam Dei, ex Moamedis doctrina, impie prædicant: Amplas domos & insanas substructiones, auro undique ex publicis, & privatis Thesauris ærascato atque corraso, ædificant: & chameuniarum odio, molles culcitræ incubant: nullis auditoribus sine lucrosissimo minervali classium fores patefaciunt: Perpetuum verò, bonis & facultatibus vestris inhiant, adoptiones Testamentarias à vobis expetunt & expectant. Etenim,

TUB. II.

V

Qua-

\* Malè germinantes & malos fructus producentes.

*Quale soles sylvis brumali frigore, viscum  
Fronde virare nova, quod non sua seminat arbor:*

Tale est hoc hominum genus. Nam cum suam sedem non habeant, in aliena vivunt: Viscus merus sunt: viscata sunt eorum verba, viscatu oris habitus & vultus: gestus motusque corporis viscatu: viscata maxime, fictitia, superbaque humilitas: viscatum est ambitiosum honorum fastidium: avaraue divitiarum aspernatio & averfatio viscata est. Quid plura? Toti sunt visci. Vestra certe nimis stolidi erit facilitas, nisi hunc fallaciosum errorem corrigatis. Siccine tam magnum vestro dispendio fiet illis compendium? Siccine tam diu vinulis istorum sermonibus vos ludificari patiemini? Ergo sub Sanctæ Religionis velo, decipulæ, impietates, & omnis generis scelera conteguntur? Ergo nefariæ, infandæ, ab Angelis desertoribus proditæ, & à Deo interdictæ, vetitæque artes, sacris Leiturgiis immiscentur? Ita ne, Flectere dum nequeunt superos Acheronta movebunt? O Jus antiquum & venerabile! O Christiana veritas, an non debitas Pseudo Christiani impostores isti pœnas luent? Quæ nova, quæso, hæc Religionis facies? Quale hoc Christianismi genus? Infanda verò omnia & immania crimina, una hac truci lustratione expiari Theologum istum novum, mercenarium & conductitium, impudenter affirmare. Quotquot estis (rudit in suis demegoriis probus hic Ecclesiastes, modo de Æsopi puteo veniens) scelestissimi scelerati, nomina vestra sacre nostræ Militiæ conscribite: nostrarum partium contrarios, pro hæreticis habete, è medio tollite, trucidate. Pecua eorum abigite, & exilate, supellectilem omnem diripite, inque vestros usus convertite: hortos defrugate: vitetorum topiaria deformate: viridariorum arbores usque ad radicem refecate: domos funditus evertite: omnimoda sævitia defævite; omnem eorum memoriam delete: sciantque dum exulant à nobis, isti sanctæ nostræ unionis adversarii, se omnia sua non ad reditum sed direptioni, atque

que incendiis reliquisse. Illisque aqua & igni interdictum esse. Ita ut nulli eorum, aut danace, aut melituta superfit. Quin diris devoveamus, & nostro gladio flammeo, atque formidabili, ab ipso paradiso expulsos, arceamus, & ejus aditum claudentes, eos ab ingressione propulsemus. Non enim Deum ipsum posse (etsi velit) misericordiæ suæ fructus illis elargiri, & delictorum gratiam facere, fide mea obside, vos credere jubeo. State animis Phratores & Sodales, atque ad tantum facinus susceptum, Macti viribus este: hoc certe in me recipio: vos extemplo puros, ab omni labe peccati februatatos, elutos, emaculatos, noxæ exemptos, omnisque venialis Donativi, etiam sæcularium veniarum, meritissimos participes futuros. O Pseudo-Jesuita, quam luculente feros tuos mores, immanemque naturam ostendis: quam flagitiose sullaturit animus tuus & callide proscripserit? adeone es alienatus omni pudore, ut etiam sub tot illustrium virorum oculis, sine rubore ullo, tam impie mentiaris: dum civilis ferri crudelitatem exacuere tentas? O quantum mens tua, procul à divini Theologi Gregor. Nazianz. Christiana mente abscessit, qui contra impium Christi desertorem & Idololatram Julianum, ne minimum quidem se tumultum excitasse profitetur. *ποιὰς παρρησίας* (inquit prima in Julianum oratione) *ὁμᾶς ἀπεστερήσαμεν, τίσι δῆμους ἐπανεστήσαμεν ζέοντας, τίσιν ἔρχοντας πλείω τῶν ἐπιταπτομένων ὑπερετὸνντας, τίσι τὸν περὶ ψυχῆς ἐπηγάγομεν κίνδυνον.* Quia libertate dicendi vos privavimus? in quos populum exastuantem contra vos insurgere sollicitavimus? aut præfectos ultra mandatum ministerium præstare sollicitavimus, quibus vita periculum attulimus? Utinam meminisses, quantis in tenebris Africanum, vel potius, Ennium Poetam versatum fuisse Firmianus exclamarit, quia per cædes & sanguinem in cælum patere hominibus ascensum putarit, de te fortè non diceretur, quod illud Ennii approbaveris,

*Si fas cadendo, cœlestia scandere cuiquam est,  
Mi soli cali maxima porta patet.*

Horresco certe referens & monstrum prodigiumque judico, quod quisquam credat, tantum in Deo esse sanguinis amorem, tamque duram esse \* *φιλαίθερον* Divinitatem, ut homicidiis, & rapinis delectetur; eosque qui ferro & flamma populabundi, Domos, prædia, supellectilia, omne genus pecorum, vitas Civium, Incolarum, Colonorum, totius denique Galliæ omnia sacra & prophana, ad exitium, & vastitatem vocant, rore suæ misericordiæ aspergere, & in beatorum sedibus collocare dignetur. Tu verò V. A. quid sentis? agnoscis scilicet, in hoc dicendi genere characterem antiquæ Christianæ pietatis? Agnoscis Apostolicas conciones, Orthodoxorumque patrum, sanctas & à Spiritu S. dictatas phrasas, in piis admonitionibus atque Homiliis. Is tamen, qui meritoria sua lingua, hæc publice declamat, pii, sancti, integri, & religiosi hominis existimationem, & cum totus sit impius, dogmatum fidei Christianæ dijudicationem sibi sumit & arrogat, nobisque novus hic tam magnæ cervicis magister populi sententiam dicat. O Bone JESU, quousque isti Sathani-nici, seductilis populi fraudatores, totiusque sanctæ Politeiæ perturbatores, versuti, callidi, & impii, divina tua patientia abutentur? Heu pietas! heu prisca fides! ista ne est vis & efficientia salutaris, votivæ illius & juratæ formulæ, de hæresi extirpanda, atque restituenda vera Religione? Hoc-ne est Tyrannidis jugum à cervicibus nostris dejicere? Est-ne istud ad levandum populi onus intolerabile, † *σεισάχθαι* indicere, promulgare? Is-ne est toties decantatus felix Rei exitus? Sed hæc, quæ ultra Epistolam, suo loco posteritati candide mandabuntur. Interim te V. A. mihi amicum appello & compello, apud te de hac illata mihi injuria conqueror, testor.

\* *Hominum amantem.*

† *Oneris excussioem.*



testorque Deum Judicem iustissimum, hominem illum (si tamen homo est) mihi tam aspere iniquum & injurium, perverso,varo, & nigro nimis animo concitatum esse, qui me, non offensus, sæviter ita læserit: Vereor equidem ne vehementior quadam passio, ejus etiam mentem everterit, & à propria sede rationem deturbarit. Quem tamen ut ad se redeat moneo: Christianam charitatem & pietatem quam exuerit, deauo induat: & de canina facundia ad Christi disertitudinem transmigret: neque impietatis alterum insimulare, illi continua sit pietatis ostentatio. Meus (si in aliquo errasse animadvertit) pius sit monitor, atque sua si permittit ferocitas, locum candide, & non captiose, ut versutiloqui solent & argutuli sophistæ, notet, atque rationem, & auctoritatem veterum sanctorum Patrum addat. Speret ita (idque non frustra) apud me se maximam initurum gratiam: Quid gratiam? Immo me illi stricto obligationis nodo, devinctissimum fore, infinitasque habiturum, & redditurum gratias. Ego certe non possum mirari de meis opusculis tam repentinam in istorum hominum animis opinionum mutationem insedisse: nec mihi facile causam conjicere licet, nisi forte tenebriones (lubens Turbones pacis inflecterem) istos pupugit, ac commovit, Nepos ex fratre meus, quod à partibus eorum (quasi multitudo peccantium scelus minuat) stare noluerit: Is ab ipsa pene infantia, inter pueros Regios, prætextatosque nobiles Regis affeclas, in Regio Equitio, ultra decennium enutritus, exercitiis iis, quæ ad Arma & Equitia pertinent, & quorum peritia, scutati Nobiles maxime solent ornari, exercitissimus evasit. Regibus deinde nostris, suam debitamque sine labe obedientiam, satis cum periculoso generosi sui animi experimento, conservavit; virtutisque suæ longo Regum Sacramento imbutus specimen fecit: cæterum constantissime in fide Catholicæ & Apostolicæ Religionis immotus permansit, semperque permansurum se profitetur. Sed quorsum hæc? Nihil ad me: Sui juris est: Vanam certe & levem nimis irarum & odii in me causam hanc meam, isti sibi fingunt.

Quod si me bellicorum negotiorum impulsorem consultoremve suspicantur quidam, tam falluntur quam qui maxime: ego enim conatus istos lubentius infringere. Ad quid istam meam occiduam senectutem, jamque labantem impellunt? Quid à septuagenariis ferme istis meis viriculis timent, aut expectant? Armorum omnis in me jamdudum ardor deferbuit; & amor ab animo meo revulsus est, eorumque usus è manibus meis excidit: Cruentos odi Cane pejus & Angue: solaque pax meo grata est ingenio. Equidem illis, qui pro dignitate officium & sacrum munus, quo fungor, exequi velint; rem nimis indecentem, atque adeo *ἀνέκοντον*, esse puto, partes fovere, seditiones alere, & sese (ut loquuntur) sævis immiscere: Arma enim Civilia (inquit Romanorum unus) neque parari, neque haberi possunt per bonas artes. Si ista est virtus, quæ nos immortales facit, mori equidem, quam exitio cuiquam esse malim. Sancta enim esse, mihi videtur ignorantia ejus rei, quam tantum ministri perituri vident, tantumquam in secreto casti nemoris lacu. Verumtamen si quis aliter apud se velit aut sentiat, non altereor; sed conscientiam puram servare, mihi certum est. Ego quam longissime à Civilium tumultuum motibus disto: & Christi paciferi partibus asto: concordiam quaerito, quantumque possum suadeo. An non meministi V. A. totusque vester Senatus? Sed meministis & memorare potestis aliquoties me meam operam, ut laborem onusque internecinum, populi interarescentis & pene extincti, levarem, Provinciaeque nostræ tranquillitatem, & pacem conciliarem impendisse. Quare igitur declamator iste \* *ἐνδοξοποιὸς* & infamator, vel potius clamator impudens, facundia sua rabida & jurgiosa me notat? Cur à suis inimicis labris, libri mei delibantur, & violantur? Ante triennium unus è collegis suis, magni nominis inter ceteros ejus ordinis Pater, meas Homilias in Orationem Dominicam, Christi passionem, & in Crucis dignitatem, splendidis laudibus in Cœtu Principum

\* *Infamator.*

pum & virorum illustrium extulit, & honestavit: eas etiam doctissimi & piissimi, Primariique Parisienses Theologi approbarunt, & mihi editionem sunt congratulati. Qui sit ergo, ut iste tam longo eis doctrina & pietate proximus intervallo, à piorum librorum Catalogo expungendas esse censeat? Ita ne triennio Theologica Axiomata mutationem sortiuntur, & recipiunt? Dicam apud te quod sentio, V. A. fert hoc seculum homines usque aded sui amantes, & gloriæ cupidos, ut ad suæ \* *δοξασφίας* metrum, omnia metiantur. Nilque præterquam quod ipsis placet rectum putent: quos placitum est laudant, quos placitum est vituperant: vero ne an falso ciccum interduint. Mihi verò nusquam placebit ullus cui pietas, & vera non placeat virtus. Appage istos Hypocriticos Religionis simulatores, & parietes dealbatos. Sunt è schola & pulvere rhetorculi quidam declamatores, sese pro sacris concionatoribus venditantes, qui concionibus seditiose concitatis; accommodatiores sunt, quam tranquillis moderatisque sermonibus. Quique loco Evangelicæ lectionis signa dant Militibus, & pro Divinis Hymnis Classicum, horum, seu Orthium bellicosum Minervæ *ρόμος* canunt. Neque Deo, Militaris insanix sedatori, litant: sed sanguinei torrentis præcipitatori, supplicant: ut fratres parricida nece commoriantur, Civilibusque dissensionibus totus orbis noster collidatur: Præcipue vero, vicales & personatas aliquando, atque larvatas lustrationes, conceptivasque, & stativas supplicationes, diurnas, nocturnas, inducunt, decernunt, atque nudipedalia populo denunciant: ut Regni istius Christianissimi & Nobilissimi, antiquissimæ leges, Regius magistratus, & suprema dignitas abrogentur & aboleantur: ut omnis Politia, & Oeconomia religionis Christianæ, à tam multis retro seculis, ad Christi, Apostolorum, & omnium Orthodoxorum regulam observabiles, ab animis simplicium convellantur & evellantur. Totaque Gallica Resp. per summam juris divini, & humani injuriam, ever-

tatur. O Impias preces! O detestanda vota! \* ὦ νόθον  
 εὐσεβίαιαν (ut verbis mei Philonis conquerar) † ὦ κακί-  
 ᾠδηλυμένην ὁσιότητα, ὦ βωμολόχον θεραπείαν Θεῷ. O  
 vera ἀπατήρια. O deceptoria celebritas! Suntne qui-  
 dam adeò nefarie Barbari, ut hæc non existiment, à  
 summi & æterni ingenio numinis (ut sic loquar) esse dis-  
 juncta? Si iste ex eorum est numero (ut est) suam rem  
 me sine agat, suoque more propriis affectibus se oble-  
 ctet, dum me non vulneret, lancinet aut laceret? Si  
 quid (ut iterum & tertium id inculcetur) suo iudicio  
 peccarim (scio me hominem esse, idque ni scirem  
 homo non essem, nec mea ita mihi placent, ut ἀνα-  
 μάρτητα esse existimem) modeste, ut pii & literati so-  
 lent, moneat & ab errore revocet: nunquam cum ve-  
 ritate mihi luctatio erit. Nam quanquam detractores  
 fugio, emendatores non fugio. Sed injuriosa menda-  
 cia, quæ maculam meæ inurunt famæ, & conscientiæ,  
 ferre & tacitus præterire nec volo, nec debeo, nec pos-  
 sum. Hoc D. docuit me hieronymus, qui non vult  
 quenquam in suspitione hæreseos esse patientem. Ru-  
 finus vero, Christi exemplo esse quidem gloriosum in-  
 jurias tolerare, sed unam hæreseos notam, qui ferat vel  
 dissimulet, non esse Christianum esse professus. Verum  
 enimvero, rudis est, qui non novit, bona ac mala,  
 inter has factiones, non sua natura, sed vocibus sedi-  
 tiosorum æstimari. Non tamen vereor, ne aut mea vi-  
 tæ modestia parum valitura sit in posterum; contra fal-  
 sos, impostoris istius mendacissimi, de me rumores:  
 aut ne etiam ii, qui me non amant, propter meam in  
 Regem piissimum Henricum tertium (Regem inquam  
 meum beneficentissimum) constantiam, non malint mei  
 quàm sui similes amicos habere. Hortor ergo obtre-  
 ctatorem hunc laudum mearum, ut discat Deum time-  
 re, & cum non temnere: Discat proximum diligere,  
 & parcat inimicè lædere, linguam suam pessima consue-  
 tudine & perlevi temeritate mobilem, in injurias pro-  
 clivem

\* O religionem adulterinam.

† O fucatam pietatem, ô scurrilem & scelestum Dei cultum.

clivem, sibi occludat, & tanquam dato linguario hac ratione cohibeat. Quando glossalgia suæ maledicentissimæ paroxysmus eum laceffet: Antequam injuria & blasphema verba proferat, linguam dentibus undique fortiter demordeat, ex D. Jo. Chrysostomi consilio, melius enim est (inquit eloquentissimus ille sanctus \* *πιστὶς ἀφρώστιας καὶ ἰατρῶν*) eam nunc sanguinem fundere, quam illa die, [id est, cum apud inferos torquebitur] ad miseri divitis exemplar, impatienti unius aquæ guttulæ desiderio, satisfacere non posse. Præstat itaque illam ad aliquod tempus dolorem fortiter pati, quam assiduo, atque in æternum frigi & torreri. Seria igitur meæ monitionis meminerit, antequam incipiat sero poenitere: utaturque prudentius clamorosa sua eloquentia, quam plerique omnes, loquacitatem procacem vocant. Utinam † *Ἀλλὰ γινώσθω τὰ χεῖλη τὰ δόλια*. Sed tuā mihi venia V. A. hominem parumper seorsum à te, sic alloqui liceat: Heus tu: An ne præter æquum in te durum aut asperum existimare poteris? Vide quam te Amice compellatum moneam, ne ullum quod in rem tuam sit, à me tibi claudatur commodum. Si bene notus es iis, qui utrunque tui simulachrum mihi exhibuerunt: Tu certe homo Gallus, Hispanicæ fautores factionis: & te Iberi mores maxime delectant, attrahunt, eos suspicis, amas, & imitaris: Quod ut tibi faustum felixque sit, atque liberius, jucundiusque iis fruaris: aude hoc egregium facinus; & homine tui simillimo dignum. Hispaniensis fias, & à nobis quibus (ut pote Gallis) male cum Hispanis convenit, abscede: Hispaniam Hispanicamve ditionem pete: atque ibi exprime, & eloquere, in concionibus, vel epularibus tuis colloquiis, contra Hispaniarum Regem, aliquam imaginem factionis & conjurationis ejus, quam contra Regem nostrum Piissimum & Christianissimum (cujus venerabilis facies, augustaque præsentia impio & crudeli parricidio vestro nobis est abrepta) publice & privatim

V 5

suasisti

\* De agrotatione &amp; medicis.

† Muta fiant labia dolosa.

suasisti, inculcasti totisque tuæ locuteliæ dicacitatis viribus, approbasti, & persuasisti: adde tua illa furiosa & hæretica Axiomata, contra Christi atque Apostolorum doctrinam, de Oratione Dominica detruncanda, & ordinationi Dei resistendo: de præpedimento ejus potentia objiendo: de Rege deturbando, Politeia evertenda & cætera tuæ novæ Theologiæ dogmata. Hem hominem tam prudens, quam pie, vin' scire quæ tibi dona conferentur? Quam magnum illic venalis tua lingua, operæ pretium menstruum (dicunt enim te ad hoc temporis spatium eam locitare) merebit? Confestim exauguratus, resecuratus, & spectabili sanctoque illo Sanbenito, cruce rubea (quæ tuo tam profunde infixæ est pectori) insignito convestitus: lingua præcisâ, ad vivicomburii patibulum perducere. Ubi justum æquissimumque judicium, vitæ tuæ impiæ, finem, & voci seditionum seminatrici, perpetuum silentium imponet. At Pater doce, Pater delica, quo privilegio, sub Hispanico Imperio, conjuratores contra Regem atque seditiosi, ob crimen imminutæ & læsæ Majestatis plectuntur & morte mulentur: Sub Gallico vero, conspiratores, desertores, perfidi atque adeo [proh omnis humanitatis scelestissimi perditores] Regis ipsius Christianissimi, horrendi parricidæ, pietatis sanctitatisque titulo decorantur & honestantur? Quis unquam νομοβέτης aut jurisconsultus hujus \* παρανόμου προνομίας meminit? Quisve hanc rogavit, aut probavit, te excepto, Miso Christiane Pseudo Jesuita, tuisque cohæreticis? Qui soles Pios Christianos, sedulos & solertes, sanctæ sancitæ ab antiquis Politeiæ observatores, † ἀποτροπαῖους ὑγιαίνειν, καὶ μὴ πυρὸς, μὴ ὕδατος, μὴ σκίπης αὐτοῖς κοινῆσαι: atque tanquam vere sacro natos, aut immolandos, aut extra fines exigendos, & me tanquam depontanum senem deturbandum esse, λαρυγγίζετε, & quanta potestis voce contendentes, clamitatis, & ramices rumpitis? Sed cave: Tem-

\* Injusti privilegii.

† Abominandos existimare neque ignem, neque aquam & ceteram cum iis communicare.

Templariorum sceleratorum si dirus exitus non te mo-  
net, te manet tamen Carle, te [inquam] & tui similes,  
qui impuro illo Noffa impuriore es. Resipiscat er-  
go tandem tua Paternitas, atque redeat ad Christum,  
quem te impii tui sermones abjurasse nimis manifeste  
comprobant. premit ultio noxas. tunc gravior cura  
tarda venit. Abstine ab ea posthac laniena, quam de  
Christi verbo & nomine, toties fecisti: ne faceras ille  
discipulus tuus, qui Despauterii prophetiam, tibi illu-  
dens citavit, verum prædixisse videatur, quando ver-  
sum hunc illius Grammatistæ.

*Et male ab indoctis laniatum nomen IESU,*

auribus tuis occinuit. Fabulæ meministi: Tu enim  
potior eras hujus dramatis persona: jocumque istum,  
quo tu acri sale aspersus es, negare, aut dissimulare,  
non audebis, testibus id multis affirmantibus, nisi im-  
pudentiæ & impietatis, in te sit libramentum: Imo,  
nisi truncus es, tuos etiam, te ludos facere, non sine  
perfrictæ tuæ frontis rubore fateberis. Nunc ad te V.  
A. revertor. Ridiculæ quidem sunt picæ, nescio quæ  
è caveis suis vana & injuria verba præstrepentes: & cõ-  
nices chlamydatæ & σπερμαλόγοι alieno farcimentò ven-  
tres collativos refercientes: sed locuteleias has loquaci-  
tantes bestias, à Magistro ventre edoctas nihil moror;  
Nam ego quid de me sentiant manum non vortering:  
in id tamen est incumbendum, ut publicarum tubarum  
seditiosus clangor, homines ad crudelitatem, mutuam-  
que internecionem accendens, & concitans, in sonos  
dulciores mitioresque flectatur: qui concordiam, pa-  
cem, tranquillitatem, & pietatem instillent animis effe-  
ratis. Nam dum homines, mutuo sibi sunt offensionis,  
odiisque & inimicitis operam navant, Divinæ favorem  
aut auxilium gratiæ, sperare non debent. Itaque qui-  
bus serio religionis integritas, & res divinæ sunt curæ,  
omnis armorum strepitus, populi que factiosus motus  
fugiendus est, & longè à similibus rebus eis secedendum.  
Præcipue verò, cum qui populo verbum Domini annun-

ciat, candido animo, pacata tranquillaque mente, spiritu quieto, & ab omni perturbatæ passionis affectu vacuo, esse decet: atque ab infami adulatione Principum, vanæque illius popularis auræ captatione semotum: neque eos in laude ponendos existimat, qui incitarunt aliquando populi animos ad seditionem: aut qui fortes & claros viros, & bene de Rep. meritos, in invidiam aliquam vocaverunt. Tandem (quod est maximum) ne Christi nomen prætendat diffidiis Principum, prudentissima cautione opus est: Sed aliquando Ecclesiasten nostrum, id est, quæ de Concionatoris officio à nobis conscribuntur, communicabimus, & in publicum si DEUS dederit, exire patiemur. Hoc unum addam V. A. vobis totis viribus omnique conatu enitendum esse, & elaborandum, ut à bonorum virorum contubernio totaque adeò civitate, exputetis, & extrudatis Æolos istos, tempestatum belli civilis auctores, vulgi turbamenta, animorum incendiarios, faces seditionum, Hispanicæ nationis speculatores emissarios, clancularios auscultatores, & insidiosos conspecilliones, circulatores, & circumcelliones, ne sua contagione bonos omnes inficiant. Mussitare enim quosdam inter vos, de Galliarum Imperio transferendo, nescio quid: alios autem de constituenda Democratia, aut ἀναρχία mutire videbar subaudisse. Sed quid aio mussitare? Quid mutire? Imo vero jam aperte clarigare, Exclamem lubens, quo, quo, Scelesti ruitis? Ergo igitur, &c.



## XIII.

## LIBELLUS SUPPLEX

*Reverendi Patris HIERONYMI BAPTISTÆ DE LA NUZA Provincialis Aragoniæ, Ordinis Prædicatorum PHILIPPO II. Hispaniarum Regi datus, die 22. Augusti 1597, Quo ostendit Jesuitas novitatibus intendentes, causas esse turbarum in Ecclesia Dei existentium.*

## SACRA MAJESTAS.

**N**untius Apostolicus, qui in vestrâ Matritensi Curiâ degit, ac generales Aragoniæ fidei Quæstiores, ad me nuper Epistolas transmissere: quibus conqueruntur; hujusce Provinciæ Religiosos, summi Pontificis Mandatum, quo nobis circa divinæ gratiæ Auxilia silentium indicitur, nequaquam observare. Eâque de causâ, mihi Sanctitatis suæ nomine præceperunt, ut omnibus Provinciæ meæ Religiosis rursus inhibeam, ne de divinæ gratiæ Auxiliis ullo prorsus modo in disputationibus, tum publicis, tum privatis, in Concionibus, Lectionibus, seu apertè seu secretò agant; illosque moneam, summo cum illis rigore actum iri, si secus eos agere contigerit.

Obstupui quidem ad Mandati hujus significationem. Ac licet (servatâ, quæ prædicto Nuntio, & Inquisitoribus debita est obedientiâ) statim illud per universam Provinciam denunciandum curaverim, interminatis  
V 7. etiam

etiam in illius violatores gravissimis pœnis: cum tamen summo Ordinis damno ea nobis injungi putem, ad Majestatis Vestræ Clementiam, qua Religiosis ita piè patrocinator, confugere, damnaque eo mandato nobis illata demonstrare cogor, ut ei pro sua benignitate modum adhiberi provideat.

Injunxit Provincialis decessor meus, ne in materia divinorum Auxiliorum propositiones ullas Religiosi notarent, damnando alias, cæteras uti fidei dogmata propugnando. Ac licet mandato suo, nullo pacto significant, hanc fuisse Sanctitatis suæ ejusve Nuntii, aut Generalis Inquisitoris voluntatem, summâ tamen hætenus religione servatum est. Id autem tolerabile quidem fuit. Verùm ne in Cathedris, pulpitis, privatifque disputationibus, aut aliâ quacumque ratione, de divinæ gratiæ Auxiliis agamus, ea sanè res est, quæ nobis citra gravissima incommoda præcipi nusquam potuit.

Sub falsis itaque delationibus injuriam nobis irrogari, sequentibus rationibus reverenter demonstrabo: quas omnes sacra Majestas Vestra perpendi, quæso, jubeat ac ponderari. Cùm enim Provincia nostra, datis licet nobis tot conquerendi occasionibus, ad hanc usque diem justum animi sensum silentio continuerit; nonnullas jam rationes aperiarn, quibus ad Majestatis Vestræ patrociniûm efflagitandum adigimur.

### P R I M A R A T I O.

**P**rima ratio hæc est. Quamquam facta nobis prohibitio legendi de divinæ gratiæ auxiliis, rebusque ad illa spectantibus, facile admodum atque uno veluti verbo feratur; re ipsa tamen maximam nobis Theologiæ partem interdicat. Tanta enim est hujus amplitudo argumenti, ut graviores, atque ista ætate contra Lutheranos & Calvinistas, in quos ita seriò Tridentinum Concilium egit, magis necessarias difficultates complectatur. De Auxiliis quippe divinis agendum venit, quoties de Justificatione peccatoris, de merito æternæ

æternæ gloriæ, de libero Arbitrio, de Contritione, attritione, pœnitentiâ, de voluntate Dei, ejusque providentiâ, æternâque Prædestinatione, de impletionem mandatorum, & observatione legis; de actibus virtutum Theologicarum fidei, spei, & charitatis, atque etiam moralium, dicendum occurrit. Quæ sane amplissimam gravissimamque Theologiæ partem præ se ferunt: de qua propterea ne quid omnino dicamus, consequenter injungitur. Id verò in apertam Scholarum nostrarum everfionem, nec non Studentum ad nos confluentium detrimentum maximum cedit, quos cum excolere atque instituere debeamus, in ea tamen rerum illarum ignoratione dimittemus, quarum scientiam atque notitiam absoluta temporum utorum necessitas exigit.

## SECUNDA RATIO:

**A**ltera summi momenti ratio, ex hac prior deducitur. Nempe ex hoc statuto Professores, Concionatores & Confessarii Ordinis nostri, infinitis prope modum scrupulis agitatum iri; ne fortè summum Pontificem & Ecclesiam offenderint. Cum enim omnes prædicti tractatus, quibus tota penè Theologia continetur, aliquid de divinæ gratiæ Auxiliis secum ferant, si ita indiscretum de iis quoquo modo agendi interdictum stet, vix fieri poterit, quin mandatum impositum Professores aliquando violent: aut certe in hujus violationis aperto discrimine versabantur. Quippe vix laudati tractatus auditoribus tradi possunt, nisi quidpiam de divina gratia ejusque auxiliis attingatur. Ac propterea licet iis in partibus irrefragabiles Sacræ Theologiæ veritates edoceant, quas ex officio pertractare cogentur, continuo tamen scrupulo tenebuntur, num mandatum impositum violarint; & in latas adversus hujus argumenti tractatores Censuras incurrerint: quod nonnihil de divinis Auxiliis ex occasione delibarent, à quo abstinere impossibile fuit.

Eodem in discrimine Concionatores & Confessarii versa-

versabuntur. Sacrum enim Evangelium, aut ipsa orationis series sæpissime postulat, ut de divinæ gratiæ auxiliis in Concionibus agant, ut hominem ad divinam gratiam debitè suscipiendam, in sacris pulpitis ac tribunalibus instruant; ut lapidea corda ad divinæ misericordiæ pro sui emollitione petitionem disponant; ut demùm fideles ad secretam illam Ecclesiæ orationem (quæ Dominica 4. post Pentecostem occurrit) recitandam invitent: *Oblationibus nostris, quasumus Domine, placare susceptis; & ad te nostras etiam rebelles compelle propitius voluntates.* Quæ certè si præstent, gravissimis scrupulis tenebuntur, an injunctum nobis præceptum violarint.

Clariùs & apertiùs hujusce rationis potestas privatis ac familiaribus exemplis innotescit. Doceat, exempli gratià, Theologus aliquis doctrinam illam, quam in Apostoli schola didicit Ecclesia Catholica: Nimirum non stare in nobis Prædestinationis nostræ causam: aut certè eam non esse bonum liberi arbitrii usum; cum is à divina gratià, ipsius Prædestinationis effectu, omnino pendeat: qua profecto veritate, totius Prædestinationis divinæ tractatio nititur. Illico Professori scrupulus venit, num præceptum violarit. Hac quippe propositione altera continetur: scilicet ex eo liberi arbitrii bono usu, consensus efficaciam à divinà gratià pendere: quod contra recentiores illos Theologos, nunc primum exortos, communi Ecclesiæ Catholice voce prædicatur. Pari etiam ratione, incidat Theologus aliquis in illud Spiritus S. Oraculum, Osée 11. *Perditio tua ex te, Israël; tantummodo ex me auxilium tuum:* Aut in illud Christi Domini dictum, Joannis 6. *Nemo potest venire ad me, nisi Pater meus traxerit eum:* Aut in illud, *Sine me nihil potestis facere:* Sicut palmes non potest ferre fructum à semetipso, nisi manserit in vite, sic & vos, nisi in me manseritis: Aut in illud Apostoli ad Philippenses 2. *Deus est qui operatur in vobis & velle & perficere, pro bona voluntate:* Aut in alia hujus generis penè sexcenta: fieri nequaquam poterit, ut Patrum interpretationes referat, nisi bonorum illorum

operum efficaciam à divinâ gratiâ repetat. Qua in re in latum mandatum offendet.

Idem de Concionatoribus dicendum. Pulpitum ascendat Concionator, proferatque ex locis laudatis aliquem: si eos interpretari velit, non dicam juxta Sanctorum Patrum reconditiorem intelligentiam, sed familiari expositione duntaxat adductâ; idem periculum imminebit. Nusquam poterit aliquem Divi Pauli contextum asferre, qui toties divinorum auxiliorum efficaciam commendat, nisi de liberi Arbitrii infirmitate prater dicat. Nec dabitur locus Parabolam Evangelicam vineæ interpretandi, ex qua Christus Dominus, attentâ gratiæ suæ efficaciam, concludit, *Erunt primi novissimi & novissimi primi*. Nullatenus etiam fideles ad petendas à Deo vires poterit adhortari, ut quoties sanctas inspirationes immittrit, gratiæ efficacis auxilium addat, ne eas fortè respuat, sed excipiat: sic quippe in latum mandatum impingeret. Nec plebem devotissimas Sanctorum orationes, quibus divinæ gratiæ auxilium petitur, docere licebit. Nec Sancti Francisci humilitatem, qua se mortalium nequissimum futurum fuisse dicebat, nisi divina gratia obfuisset, ad imitationem licebit adducere. Nec demum illud Augustini Lib. 2. Confessionum Cap. 7. usurpare fas erit: *Gratia tue depulso quacunque non feci mala. . . Omnia mihi dimissa esse fateor; & qua mea sponte feci mala, & qua te ducente non feci*. Procul igitur, si hujusce mandati habeatur ratio, à FF. Prædicatorum ore abscedent piissimæ illæ sententiæ, quæ Sanctis Augustino, Anselmo, Bernardo, Bonaventuræ, Catharinæ Senensi, aliisque bene multis in deliciis fuere, & ab iis ad ædificationem nostram scripto commendatæ.

### TERTIA RATIO.

**N**Edum variis scrupulis, erga SS. Dominum nostrum tenebuntur Professores, Studentes, Concionatores, ac Confessarii Ordinis nostri; verum etiam continuo apud alios timore concutientur. Etenim nostri

stri hac in parte adversarii adeo sollicitè ac diligenter invigilant, ut nulla missa occasione, tanquam venatici canes, Professores nostros, Studentes, ac Confessarios, odorentur; num verbulum aliquod de divinæ gratiæ auxiliis proferant: quò illos è vestigio, veluti mandatorum Apostolicorum violatores traducant. Viros sibi devotos ad Scholasticos actus nostros submitunt, subdolis argumentis instructos, ut multiplici consecutionum serie Theologos nostros ad nonnulla de divinis auxiliis dicenda pertrahant. Immo ipse etiam Societatis Rector, horà octavâ serotinâ, laternam deferens (cetera quippe nox erat) nonnullos Doctores Theologos domum adiit, ut illos ad disputationem adversus nostros concitaret. Quod quidem, si Vestræ Majestati placuerit, certissimis testimoniis demonstrabo. Nec abfimili modo, mense mox elapio, post propugnatas in hocce nostro Prædicatorum Collegio Valentino Theses de scientia Dei, unde nonnulla, licet eminens, ad divinæ gratiæ auxilia trahi possunt, consilium domi habuere, habitâ totius disputationis dictorumque notitiâ: ut secum deliberarent, num Religiosum Respondentem violatè Pontificii mandati accusare possent Videat Vestra Majestas, quo pacto solerter & astute se gerant, quâve ratione eorum adversum nos accusationes declinare poterimus: cum & adeo indiscretum sit mandatum, & si in scrutandis sermonibus nostris adeo sollicitè vigilent tantaque demum calumnias nobis struendi materia suppetat. In meta itaque semper erunt Professores, Concionatores, ac Discipuli, num illos in iudicium vocatura sit Inquisitio; num injuriam patietur aliquam Ordo noster; num severâ animadversio alicui nostrum impendat. Quod certè perinde est, ac si nobis Sacræ Theologiæ, Doctrinæque Evangelicæ & Ecclesiasticæ professio interdicatur.

#### Q U A R T A R A T I O.

**Q**uartæ ratio, quâ nos eo Mandato gravatos contendimus, magni etiam momenti videtur, Quia videlicet

delicet nos pacificâ possessione, in qua quisque servandus est, dejicit. Nota certè est communis agendi ratio, naturali jure asserta, atque ubivis gentium comprobata: Ubi quis pacificâ ac sæculari possessione alicujus rei fruitur, si alter in jus veniat, qui id suum esse velit, non illico propterea dimittitur. Omni quippe jure, Melior est conditio possidentis, quàm recentioris præsumptis. Nos autem ab annis ampliùs trecentis doctrinam S. Thomæ profitemur, eamque repugnante nemine legimus in Scholis, universâ etiam Ecclesiâ comprobante, & plaudentibus Academiis. Speciatim verò imperturbatâ possessione fruimur, ea publicè docendi, quæ de divinæ gratiæ auxiliis à Sanctissimo Doctore suscepimus. Assurgunt jam nunc, qui de novâ sibi doctrinâ præsumunt, nobisque Scholas & ora præcludi volunt. Numquid pacificæ nostræ possessioni infertur injuria, cum nulla ejus, majorisque conditionis habita ratione, in nullo superiores, imò potius inferiores habeamus?

Rem clariùs aperio. Aut ea in parte sana est S. Thomæ doctrina, vel mala. Nemo certè eam dixerit malam: quippe tota ab Urbano V. quem nonnulli ex errore sextum appellant, uti vera & Catholica; à Joanne XXII. uti miraculis plena, commendata est. Innocentius autem hujus nominis VI. illius impugnatores de veritate suspectos pronunciavit. Ac demum Pius V. unanimi Cardinalium assensu, veteres ac recentes hæreses hujus ope profligatas asseruit. Idque jam inde compertum habemus, quod in omnibus ab ejus morte celebratis Conciliis generalibus, ac specialiter in Florentino, Lateranensi, ac Tridentino doctrina ipsius usurpata sit; multaque ex illâ fragmenta de verbo fuerint deflorata. Nec id mirum, cum & Christus illam semel atque iterum commendaverit; eamque Virgo Deipara Sancto Doctore conspicua comprobaverit, uti gravissimorum Scriptorum fide liquet. Si igitur doctrina hæc bona est, quorsum illam tueri ac prædicare prohibemur, quibus defensionis ejus jus speciali titulo est assertum? Tametsi enim id in uniuscujusque officio

positum videatur , propterea quòd Sanctorum Patrum doctrina sit , & ab Ecclesia vulgò suscepta ; singulari tamen Ordinis nostri lege tenemur , in hujus defensionem assurgere , ad ultimum usque spiritum . Qua itaque ratione nobis injungitur ; ne ad illius defensionem respondeamus ; hocce potissimum tempore , quo propter damnum Scholis nostris illatum , deturbatamque possessionem nostram , ita sollicitè adversarii nostri omnia movent , tentant , adnituntur , ut ad eam everendam collatis consiliis conspirasse videantur .

Licet porro Patribus Societatis à S. Ignatio jussum sit , quarta Constitutionum parte , Capite 14. Ut in Theologia Scholastica doctrinam D. Thomæ sequantur : jam tamen satis superque demonstrarunt , quàm ardenti studio , ad eam potiùs delendam intendant . Quòd quidem , tum novis in dies vulgatis opinionibus , tum inhonestis diatribis , tum libris adversus ejus doctrinam prælo datis , apertè conspicitur . Næ , quæso , rem ludicram , quòd speciosum D. Thomæ Interpretis titulum nonnulli eorum arripiant . Licet enim in ipso librorum limine , illum firmam Ecclesiæ Columnam , Scholasticæ Theologiæ Solem , Epitomen veritatis & sapientiæ , inexpugnabilem fidei Arcem appellent ; postmodum tamen quasi illos tot elogiorum poeniteat , ejusdem doctrinam oppugnant : hancque ipsam occasionem arripiunt , ut nedum sese cum illo inhonestè conferant , sed & in eum ambitiosius attollant . Id in Molinâ hujusce Comœdiæ actore videre est : qui arrepto D. Thomæ Interpretis nomine , præmissisque magnificis illis Angelicæ doctrinæ titulis , in illam subinde adeo petulanter insurgit , dubitari ut meritò possit , an in Augustinum Pelagius impudentius declamarit . Postquam enim ultro fassus est , illius de divina gratia doctrinam communem esse Sanctorum sensum , illicò eam adeo falsam esse subjungit ut inferri ex illa possit . Deum sævum , ferum , ac crudelem futurum . Ac demum concludit , ex S. Thomæ aliorumque Doctorum sententiâ blasphemias opiniones necessariò consequi : sic ut nulla ratione capiam , quo pacto illa in Sanctissimum



Præceptorem , seu veriùs in universos Ecclesiæ Catholicæ Doctores convitia sustineri quadamtenus possint. Propterea de Patribus Societatis dicendum venit , quod de Florentinis , sibi reverà quidem adversariis , verbis verò sibi blandientibus dicere solebat Joannes XXII. illos Christi satellitibus jure esse conferendos , qui illum dato Regis titulo colere videbantur , sed impactis alapis illudebant.

Cæterùm ne , quæso , putet Vestra Majestas , eos præsumtionem illam lentè ac placidè promovere. Et si enim de divinæ gratiæ auxiliis filere videantur ; id nihilominus minimè præstant ; quin potiùs opiniones suas , datis undequaque quaternionibus , disseminant : Lectores , ut eas in Scholis edoceant , discipulos ut illos ebibant , irrequieta sollicitudine stimulant : remque se maximam consecutos existimant , si eos à D. Thomæ doctrina , uti minùs securà , minusve Catholicà ( Ecclesiæ licet judicio repugnante ) deterruerint. Præterea plurimos sibi in Scholis devinciunt & obstringunt : quia omnes ea opinione solerter inficiunt , nimirum ipsorum ope , quidquid libuerit facile obtineri ; à Clericis Beneficia Ecclesiastica , à Jurisperitis Clientes , à Studentibus Sacros Ordines , à Doctoribus publicas Cathedras , ab omnibus denique vitæ commoda : eaque arte suas per vim novitates promovent.

Sic cùm non ita pridem in Academia Valentina gradus adipisceretur Doctor aliquis , qui eorum novitates propugnabat ; illuc Jesuitæ instar ingruentium imbrum confluxerunt , Autoritatem Respondenti additur : illorumque unus assidenti sibi Clerico perillustri inquit : *Noverit Dominatio vestra , virum hunc plurimà eruditione pollere , & Cathedram quantociùs occupaturum , ut veteranam hujusce schola doctrinam eliminet.* Jam tunc Cathedram ipsi certò spondebat ille , quod eorum nutu ac voluntate conferri soleat : solidamque & antiquam doctrinam , ab Ecclesia hætenus probatam & usurpata , veteranam contemptiùs appellabat. Ex quo profectò , quid machinentur ii , quidve tentent , apertè colligitur ; quantaque necessitas urgeat , ut doctrinam  
adeo

adeo sanctam, tot titulis propugnandam, ab oblivione vindicemus.

## Q U I N T A R A T I O.

**Q**uinta Ratio in Superiorum confirmationem, ex perpetua universalis Ecclesiae consuetudine petitur. Quae adeo diligenter intendit, ne novae doctrinae prodeant, easque ex ipso solo novitatis titulo suspectas habet: infinitis propemodum Scripturae Sacrae Oraculis nixa, potissimum verò Apostoli dicto, 1. ad Timotheum Capite ultimo: *O Timothee, depositum custodi, devitans profanas vocum novitates, & oppositiones falsi nominis scientiae.* Quocirca plurima ac planè divina, in rem nostram habet Vincentius Lirinensis, in aureo Libello contra profanas haereticorum novitates. Unde novam doctrinam inducentibus, silentium imponere consuevit Ecclesia; praesertim si cum receptis ab antiquo fidei dogmatibus contendant, donec de subductae doctrinae novitate planè constet non secus ac civitates pestilentiae suspitione laborantes, neminem advenam nisi diu praepurgatum, aut probatà diligenter sanitatis fide, intus admittunt: notos autem cives, utpotè minime suspectos, nullo praemisso viarum examine, sponte recipiunt. Sic Ecclesia militans, perpetuo haeresis, corporea lue deteribris, metu agitata, adjacentes plagas, uti perversarum doctrinarum peste infectas circumspicit: doctrinasque recens inductas, non ante admittit, quàm diligenter explorarit, an cum recepta Sanctorum Patrum Traditione conveniant. Verùm doctrinam antiquam, in Concoiliis approbatam, praedicatam in pulpitis, à Patribus traditam, à fidelibus exceptam, nullo examinis onere praemisso in sacra pulpita & Academias admittit. Talis est S. Thomae doctrina de divinae gratiae Auxiliis, ab universis haecenus excepta, nec alios nisi Pelagium, Coelestium, Julianum, ceterosque hujus sortis haereticos, adversarios experta: contra quorum pestifera dogmata mirum quantum Ecclesiae suae providerit Deus. Qua etenim die Pelagius libe-

liberi arbitrii contra divinæ gratiæ efficaciam superbus elator, in Angliâ natus est; ea ipsâ Augustinus divinæ gratiæ supra liberi Arbitrii infirmitatem potentissimus Vindex, in Africâ lucem aspexit.

Quibus profectò constitutis manifestum est, nobis hujusce doctrinæ publicam professionem interdici, aut silentium imperari non posse: eos autem qui hac in parte novitates inducunt, in judicium justò vocari debere, eorum libros interdici, ora obstrui; atque interim seriò perpendi, num eas ex infectâ falsis principii regione, an è sana Theologia derivarint: num è Sanctorum Patrum monumentis, an è lucubrationibus hæreticorum obtinuerint: num demum eos divinæ gratiæ magnificandæ zelo, an humanæ captandæ gloriæ stultâ libidine venditarint? Observat siquidem Sanctus Hieronymus, nonnullos eo fine novas opiniones cudere: quod sanè de Patribus istis non immeritò creditur. Quippe cùm ante Mandatum istud emissum, Moliniana de divina gratia dogmata, illorum nonnemo defenderet, objicienti cuiquam Theologo, frustra Augustinum cæteroque Sanctos ingenia sua torfissè, in divinæ gratiæ Mysteriis detegendis, si vera supponerentur Molinæ figmenta, respondit Jesuita disputationis Præses: *Gratias quàm maximas Molina referendas esse, qui ea ingenii acumine penetravit, ac revelavit, qua antea nemo penetrasset ac revelasset.* Quod cum præsens ipse audirem, Ecclesiæ hujusmodi propudia sustinentis tolerantiam obstupui.

## SEXTA RATIO.

**S**exta Ratio est, quod periculosus, & Ecclesiæ usibus planè repugnans inducatur agendi modus. Ad hanc usque diem permultæ, cæque graves, inter S. Thomæ, Scoti, Durandi, Ochami, Henrici de Gandavo Discipulos, disputationes emersere: illorum tamen nemini venit in mentem, ut adversæ parti, disputandi facultatem ab Apostolica Sede aut à Sacra Inquisitione interdici postularet; sed suam quisque sententiam disputa-  
tione

tione promovit, donec quæ verior esset, Ecclesia definiret.

Primi ea servandi silentii mandata Patres Societatis invexere, quia sibi ab aliis contradici ægerrimè ferunt. Ac licet tenuiori judicio polleam, multum in ea agendi ratione prospicio, quibus faxit Deus ut remedium de- tur locus, quo tempore afferri tentabitur. Nonnulla dicam obiter quæ sciri ab aliis expedit.

Primum est, Patres Societatis, Ecclesiæ Catholicæ, illiusque Capitis Romani Pontificis judicium, tanquam ultimam rerum credendarum regulam non excipere, sed Societatis ipsius ejusdemque Doctorum definitionem. Absit ut in hoc ariolari velim. Legantur, si lubet, eorum Constitutiones, 3. parte Cap. 1. litterâ O, ubi licet cautum sit, ne novas opiniones admittant, continuò tamen additur: *Si quis aliquid sentiret, quod discreparet ab eo quod Ecclesia & ejus Doctores communiter sentiunt, suum sensum definitioni ipsius Societatis debet subicere.* Digna sanè verba, quæ unicuique Doctori Catholico stuporem inferant! Pariter in glossa Capite 1. partis 8. earundem Constitutionum, iis qui recens studia consummarunt seridè præcipitur, ut se opinionibus in Societate communiter receptis accommodent. At non illos ad communes Ecclesiæ Catholicæ ejusque doctorum sententias auscultandas mittunt.

Alterum est, Patres Societatis, novas quotidie doctrinas & opiniones obtrudere, quas brevi tempore plurimas & gravissimas fuisse prospiciet quisquis attenderit. Hic illorum unus thesibus publicis defendit, Mulieres suscipiendis Ordinibus saltem minoribus idoneas esse. Alter, in Trinitate tres personas propriè emanare. Alter, aquam Calici infusam, vino licet non immixtam, consecrari, & in Sanguinem Christi converti. Eorum nonnulli docuere, Extremam unctionem, Japoniis Mulieribus conferendam non esse, quòd nimis sint verecundæ; cum tamen illorum unus, collatum hoc idem Sacramentum Beatissimæ Virgini scripserit; quasi ea Japoniis Mulieribus minùs verecunda esset.

esset. Alius publicis thesibus inscripsit ; Præceptum fraternæ Correctionis , vulgò inter Religiosos minimè servandum , repugnante licet S. Augustini Regulâ , ab Ecclesia comprobata. Alter scripto tradidit , Sanctorum Imagines cultu à S. Thomæ tradito coli non posse : cum tamen eam S. Thomæ sententiam Ecclesia ipsa definierit. Alii in pulpitis perinde ac in Scholis periculosissimas opiniones disseminarunt de Confessione generali sub certis conditionibus faciendâ. Alii ex iugestu docuere Confessionem & absolutionem per litteras fieri posse. Alii in hacce Cathedrali Ecclesiâ prædicarunt , non esse pro universali Ecclesia orandum , quòd videlicet illa falli non possit ; Deumque specialio rem de peccatore , quàm de petra , providentiam non habere. Quæ omnia si seriò perpendantur , perspicuum fiet , synodos olim , ad errores minoris momenti proscribendos convenisse ; Theologosque Societatis novitates in omnibus penè tentasse , eum imitatos , qui ut vulgari fertur adagio , experiri voluit , an Ecclesiæ dentes eximere posset.

Tertium est ; quòd cum ita fingendis novitatibus intendant Jesuitæ , adeo tamen ægrè ferunt sibi ab aliis contradici , ut Principum Ecclesiasticorum ac secularium aulas clamoribus impleant : & pia (quod mirandum magis) sibi adversantium studia , quasi suscitata scandala crimentur. Novam profectò , sed illis interim familiarem industriam ! Statim atque Religiosus aliquis Ordinis nostri nonnulla docet , contra quæ ipsi vel dixere vel docuere ; tametsi nudè propugnata veritate , illos nullo pacto indigitarit ; statim devotorum suorum ac devotarum domos circumeunt ; id sui occasione factum conqueruntur ; nosque ipsis implacabile bellum inferre , pacem perturbare , Apostolica mandata pessumdare , oblateralant. Multa hâc de causa sinistrè exposulant , quibus & populum commovent , & suis partibus addicunt ; sic ut è re Catholica Superiores existiment , novis nos pro bono pacis præceptis onerare. Hæc ergò si feratur agendi ratio , nedum cæterorum , uti moliuntur , Scholas occludent , libros præpedient ;

sed & crescentibus in dies novitatibus , & interdicta confutandi venia , quidquid demum sanæ doctrinæ est , eliminabunt. Ac si semel contra debitam summo Pontifici , Regibus , Episcopis , Inquisitoribus obedientiam , notent aliqua , eo etiam fuscitandi scandali prætextu , ad præcludenda sibi adversantibus ora mandata rogabunt , & obtinebunt. Quibus propterea sacrum illud Eliæ ad Regem Achab responsum , accommodari merito potest : dum dicenti Regi , *Tu es ille , qui turbas Israël ?* Respondit Propheta , *Non ego turbavi Israël , sed tu & domus Patris tui , qui dereliquisti mandata Domini , & secuti estis Baalim.* 3. Reg. 18.

Compertum omnibus est , tandiu in Hispania pacem esse servatam inter Religiosos Ordines , quandiu divinorum auxiliorum illorumque efficaciz doctrina , juxta S. Augustini & Thomæ principia , tradita fuit : multa-que Hispanos hujus doctrinæ Vindices , à Deo beneficia fuisse consecutos. Verùm ex quo tempore Ludovicus Molina , ejusque gregales , fanaticos propriæ vertiginis partus Patrum sententiæ prætulerunt , Scholæ depravatae sunt , mutuisque diffidiis , ut aliàs Gibellinorum ætate , Hispania jactata est.

Et certè , quis æquo animo ferat , quæ à Patribus illis continuò proferuntur ; illos scilicet scandala excitare , qui eorum novitatibus contradicunt ? Siquidem ab institutione Ordinum SS. Dominici & Francisci , contrariæ inter utriusque Instituti viros opiniones existere ; nec tamen eorum aliquis partem alteram excitati scandali accusavit : sed cum opinionum repugnantia summa stetit animorum conjunctio. Idem de cæteris Ordinibus , ac ipsis etiam Sanctissimis antiquæ Ecclesiæ Patribus Augustino & Hieronymo dicendum venit. At quis Patres Societatis ea uti arte miretur , si injecta suis adversariis , fuscitati scandali accusatione , res suas feliciter promoveant , & pro votis obtineant ?

Cæterùm quæ nunc inde futura mala prospicio , prospexit etiam Illustrissimus Episcopus Canariensis , Melchior Cano , cujus verba refero , ex Epistola data ad

op-

optimum Patrem Regla, Ordinis S. Augustini, Carolo V. Imperatori à Confessionibus, ubi sic scribit: *Utinam & mihi, quod olim Cassandra, non accidat: cui non est data fides, donec Troja incendio perisset. Si quo pede ceperunt Patres Societatis, pergere permittantur, faxit Deus, ne tempus tandem adveniat, quo Reges obistere eis velint, nec possint. Nihil miror hæc ab eo dicta: quippe unus ex præcipuis viris, qui inter ipsos hac in patria floruerit, (dum visitationem Societatis, Autoritate Majestatis vestræ, ab Illustrissimo Episcopo Manriques obcundam, atque ab illo vehementer optatam, averterunt) cuidam è nostris dolore tactus ac gemebundus ait: *Effecerunt jam Patres nostri, ne Illustrissimus Episcopus apud nos visitationem obiret. Contra ipsam etiam Ecclesiam Dei, Societas prævalere tentabit, & admitetur.**

## SEPTIMA RATIO.

Septima Ratio est, quòd Mandatum hoc, perpetuum Societatem inter & Ordinem nostrum rixarum seminarium sit. Tantà enim proprii honoris invidia tanguntur, ut in eos viribus omnibus admittantur, qui ipsis non adulantur, aut illorum consiliis obstant. Sic ob id unum, quòd F. Hieronymus, Ordinis Sancti Augustini, non eo, in libris suis de Societate, decore alicubi scripserit ad illorum voluntatem; non antea quievère, quàm folium illud expungi fecerint. Idem, immò quid pejus, in Patrem Madariagam Carthusianum moverunt; quòd in S. Brunonis Vita, serenissimo Principi Domino nostro dicatà, dixisset, Patres Societatis, ad Carthusiensem Ordinem transvolare posse. Quin etiam Barcinone, cum ea contra se dicta suspicarentur, quæ P. M. Medina in Summâ suâ de Confessione generali & complicitibus asseruerat; hæc privatâ autoritate, quasi Inquisitorum jure pollerent, sustulerunt, dum secundis typis mandata est. quæ res gravissimæ adversus illos expostulationi materiam subministravit. Implacabiles itaque querimônias contra Pro-

fectores & Concionatores nostros quotidie deferent. Nunc Professore, tunc Concionatorem, de emissio circa divinæ gratiæ auxilia verbulo accusabunt. Nullus demum illis criminationum finis erit: nobisque illatarum injuriarum, de quibus postea dicam, sensus nunquam deficiet.

Addam præterea, Mandatum hoc perpetuæ nobis in Jesuitas amaritudinis ansam daturum. Quoties enim de divinis Auxilijs agendi data occasione, se præditos sentient Professores ac Concionatores nostri, toties ipsis injuriæ, ut putant, à Jesuitis illatæ memoria recurrer, tantoque gravius, quanto cæteros seu Clericos seu Religiosos, ea de re liberiùs tractantes, ac Societatis causam agentes animadvertent. Illos enim ubique gentium suas in partes pertrahere adnituntur; hac præsertim ætate, qua silentibus nobis, eorumque gregalibus palam loquentibus triumphum agunt.

Id autem diu perseveraturum existimo. Quia omni conatu contendunt, ut controversia ista nunquam definatur, & à Sacra Inquisitione non declaretur, quid sit ea in parte tenendum. Sciunt etenim Thomistarum doctrinam, utpote Augustinianam & ex pluribus Scripturæ Sacræ locis petitam, (quibus divinorum Auxiliorum efficacia ad singulos actus bonos commendatur) damnationis periculo minimè subesse: nec tanquam hæreticam, vel suspectam, vel malesonantem, proscribi ullomodo posse: Molinianam verò iis omnibus titulis, aut certè illorum aliquo afficiendam suspicantur, si ad definitivam sententiam veniretur. Verenturque ne pœnis addicatur Autor, tum ob turbas in Hispania excitatas, tum ob contemptam petulanter S. S. Augustini & Thomæ autoritatem; tum potissimum ob susceptum in aliquibus Pelagianorum & Lutheranorum patrocinium, dum videlicet Augustinum contra Pelagium, recentiores verò Theologos contra Lutheranos, duriùs egisse contendit. Propterea causam illam non secretò sopiendam, nec benigna & occultâ animadversione componendam præsentiant: sicut ob propugnatas Valentis Theses, quibus pertinaciter asseruerunt, tres San-



Sanctissimæ Trinitatis Personas propriè emanare. Tunc enim adeo occulta animadversione castigati fuere, ut per paucis innotuerit, obstupente meritissimo istius urbis Præsule, cui publicus error publicæ retractatione luendus videbatur.

## OCTAVA RATIO.

**O**ctava ratio est, quod jam aliter nobiscum agatur, quam ab ipso Ordinis exordio actum sit. Accepta à Sanctissimo Parente nostro Dominico obsequia, ad signæ doctrinæ defensionem, aded grata habuit Ecclesia, ut in grati animi significationem summi Pontifices & Antistites plurima Ordini nostro beneficia, ab ipsâ sui institutione rependerint. Infinitos propemodum Albigeneses, tum disputatione tum prædicatione, tum impleto per S. Dominicum Inquisitionis officio, profligavit Ordo. Subinde, agente ac promovente S. Petro Martyre, recentes Manichæos, in universa Longobardia grassantes fudit. Postmodum Sabatharios, urgente S. Raymundo de Pennafort in Catalonia debellavit. Tum Alberti Magni & S. Thomæ Aquinatis gloriosis laboribus Guillelmum à S. Amore ejusque gregales, nec non hæreticos flagellantes exagitavit. Innumeros subinde Begardos, Beguinas & Fraticellos, toto Orbe dominantes, variorum Inquisitorum industriâ, exilio, igne damnavit. Denique Religiosissimi Patris Bartholomæi, ejusque sociorum zelo, integram hæreticorum regionem in Armenia vocavit ad fidem, teste summo Pontifice Innocentio VI. Hæc primo instituti Ordinis seculo FF. Prædicatores gloriose præstiterunt. Nec minora deinceps, ad hæc usque tempora ab ipsis gesta demonstrare facile esset. Quibus permotus Philippus Bergomensis Augustiniensis, Prædicatorum Ordinem fluvio Tigris magno impetu profluente comparavit; quod videlicet adversus hæreticos, perversaque dogmata, summo semper impetu decertarit.

Jam verò dicant, amabo, hujus Ordinis obtrectatores, quas hæreticorum sectas confutariant, quæ obse-

quia Ecclesie insignia præstiterint? Quod hætenus præstitit Ordo Prædicatorum, deinceps opitulante Dei gratia ejusque faventibus efficacibus auxiliis, uti benè speramus, præstare non desinet. At certè venerabilis Mater Theresia à Jesu, varias inter Revelationes, quibus à Deo donata est, vidit aliquando FF. Prædicores evaginato gladio plurimam hominum multitudinem interficientes: ipsique coelitus significatum est, eo symbolo stragem adumbrari, quam adversus hæreses illaturi erant: sicut refert Ribera Societatis Jesu.

Nec exigua, favente Deo, Hispaniæ beneficia contulit idem Ordo. Non hîc retulerim, serenissimis Regibus, seu bello, seu pace obsequia præstita: Non illa memorem, quæ ad fovendam in Scholis & Academiis sanam doctrinam exhibuit. Ea obiter indigitare sufficiet, quæ relata probataque sunt, in causa solennis Canonizationis S. Raymundi de Pennafort, qui paulò post S. Dominici obitum Inquisitionem in Hispaniam invexit; unde integritas fidei servata est. S. Vincentius Ferrerius, viginti primùm, tum octo Judæorum millia vocavit ad fidem: ac demum, promovente servo Dei Joanne de Turre-cremata, infiniti propemodum ejecti sunt. Quod tanto Hispaniæ emolumento fuit, ut quæcunque accusatores nostri hætenus egere, cum eo conferri minimè possint. Qua igitur ratione, ita durè cum iis agitur, qui tantâ fide, sua Ecclesie obsequia devoverunt? Quo jure iis ora præcludentur, qui ea tanto Ecclesie & Regni bono aperuere? Quo demum titulo tot obsequiis nota probataque Ecclesie famula, cum alterâ recens admissâ æquali sorte conferetur? Per hæc igitur obsequia Majestatem Vestram supplex obsecro, ut hancce meam Supplicationem seriò perpendi jubeat. Quieti enim ac paci provisum iri benè spero, si quæ mox dicturus sum, attentius ponderentur: omnes quippe æmulorum nostrorum criminationes cumulatifime diluunt.

*Querimonia Patrum Societatis adversus Fratres  
nostros.*

**C**Um mecum seriò cogitarem, quid Superiores nostros adeo adversum nos commovere potuisset, ex eorum tandem transmissis Epistolis apertè novi, id ex Patrum Societatis criminationibus ortum ducere. Quæ licet re ipsâ fuitiles sint atque sinistrae, ita tamen ab illis levatè obductæ sunt, ut Superiorum fidem extorserint, eosquæ ad mandata nobis quasi inobedientibus imponenda, in dies adduxerint. Et quidem id negligentiae nostræ debitum fuit: siquidem nedum illatas nobis frequentes injurias silentio tegimus, verum nec iis quidquam reponimus, quæ adversum nos maximo damno criminantur. De his etsi longus mihi sermo esse posset, nonnulla saltem breviter dicam, ne officio omninò desim: Vestraeque Majestati sincero corde testabor illos ipsos eas nobis injurias intulisse, quas sibi ipsis à nobis illatas conqueruntur: nosque iis in capibus læsos esse, quibus se lædi criminantur; solitoque adagio hic locum esse: Qui plus furatur, plus clamat, & qui gravius peccat, altius queritur.

In primis coram Majestate Vestra, aut certè coram Inquisitoribus Generalibus, & Nuntio Apostolico, de hujusce Provinciae inobedientiâ expostularunt; quòd in isto Valentino Ordinis Prædicatorum Collegio, Theses publicè propugnatae sint, contra doctrinam Ludovici Molinæ, de interdictis divinæ gratiæ quæstionibus, die 27. Aprilis, Præside R. P. Hieronymo de Gamarra. Hujusque prætensi delicti gravitatem auxerunt adeo, ut R. P. Generalis noster, urgentibus prædictis Inquisitoribus & Nuntio Apostolico, post probatam licet per plures menses pronam nostram erga Præpositos obedientiam, mihi geminatis litteris distinctè præceperint, ut facti reos ad cæterorum exemplum severissimè castigarem. Equidem si talis esset falsitas ista & machinatio, ut aliquo veritatis colore duci posset, non mirarer admodum illos criminationem hujusmodi detulisse.

Theses proferendo, Præsidem designando, notando diem: at ille ipse, qui contra nos ita clanculum exposulavit, evidenter ostendit, id non historiæ, sed fabulæ & machinationis loco habendum esse. Non enim Theses illæ apud nos propugnatae sunt, aut huius nominis Religiosum hic novimus: paratusque sum extrema quæque ferre supplicia, si talis apud nos Religiosus exstet, aut si in hacce Provincia nostra, huiusmodi Theses habitæ sint. Nullatenus capio, quò pacto ita audaciter exposultationem adeò aperte falsam deferre potuerint; nisi quòd nos, etiam à Superioribus durè exceptos, silentium servaturos existimarint: sicut re ipsa servavimus hactenus. Si verò se in ea accusatione deceptos fateantur, easque Theses non in ista Provincia, sed alibi habitas dicant; hinc innotescet, quàm enormiter ac cæca fronte nos onerent, ut culpam in nos transferant; quàmque res ultra modum augeant, ut nos putidis imposturis, Superioribus nostris odiosos faciant.

Nec verò ea falsis nos exposultationibus infamandi ars apud illos nova est, sed antiqua admodum, & armis elapsis usurpata. Dum ad Visitationem simul cum quodam Inquiretore pergeret P. M. Petrus Blascho, Inquisitionis Edictum in Insula Cretensi publicaturus, necessarium duxisset, acceptâ occasione, nonnulla de Confessionibus generalibus, in concionibus habere: illic Patres Societatis eundem ipsum Inquiretorem talibus adversus illum accusationibus convenerunt, ut (sicut ipsemet fassus est) nisi Concioni præsens ipse fuisset, prædictum Patrem in gravissimum periculum coniecissent, adeò sinistrè ac diversè dicta ejus exposuerant. Apposuerat non ita pridem in Thesis suis R. Pater Præsentatus Didacus Mas propositionem aliquam, apud Theologos receptissimam, de Autoritate summi Pontificis, ad Leges pro privatis Ecclesiis aut Religionibus ferendas: continuò Thesim illam suis Constitutionibus repugnantem existimarunt Jesuitæ; unde Inquiretorem circumvenientes, propositionem fidei repugnantem à prædicto Patre Thesis inscriptam fuisse con-

conquesti sunt ; rogaruntque ne illas publicè defendi sineret. Rem ita veritatè exposuerunt, ut illum re ipsa Inquisitor accersiri jussèrit. Comparuit ille thesaurum suarum rationem redditurus , aperuitque quàm falsò rem accusatores exposuissent. Vetuit Inquisitor , ne ullo pacto delatam propositionem expungere, sed illam cum cæteris publicè defenderet. Idem aliis vicibus accidit ; nec dissimili arte silentibus nobis manifestas injurias intulerunt.

Conqueruntur secundò , & quidem apud plurimos Superiores (quemadmodum ex transmissis ipsorum Epistolis accipi) adversum eundem Patrem Didacum Mas, Universitatis Valentiniæ Professore, & hujusce Conventus filium ; quòd publicè & magno cum scandalo de divinæ gratiæ auxiliis legerit: eumque uti excommunicatum, ob violata Pontificia mandata, hic apud devotos suos passim traducunt. Qua in re gravissimam nobis injuriam irrogant. Nulli enim hujusce Provinciæ Religioso, Sedis Apostolicæ aut S. Officii nomine, significatum fuerat Mandatum aliquod, antequam ipse, susceptis Arragoniæ Inquisitorum Epistolis, mense Julio mox elapso significaverim. Equidem P. M. Joannes Vincentius Provincialis Decessor meus, privato dumtaxat nomine prohibuerat ; ne propositiones ullas de divinæ gratiæ Auxiliis aliquà Censurâ afficeremus : nequaquam tamen vetuit, ne hoc de argumento in Cathedris aut pulpitis privatim aut publicè tractaretur : quod summa religione servatum est. Immo, licet Constitutionum nostrarum præscripto Provincialium Mandata post consummatum officium ligare desinant, illud nihilo secius perinde servatum fuit, ac si Provincialatum suum minimè consummasset. Quo itaque jure eos ut inobedientes accusant, quibus Mandata non innotuerant, dicente Apostolo, *Ubi non est lex, nec prævaricatio* ? Quo etenim tempore de divina gratia legit P. Didacus Mas, nihil de legendi interdicto noverat, nec illud prælectionum suarum argumentum propriâ sponte selegerat, sed jubente Academiæ Rectore, Quo autem loco agit S. Thomas de gratiæ

necessitate, ejus dumtaxat mentem nudè ac simpliciter aperuit, Molinà aut quocumque Societatis Autore perinde insalutatis, ac si nunquam in vivis existissent. Tantumque abest, ut scandalum excitaret, quin potius supra trecentos Discipulos Auditores habuit, Jesuitis admodum dolentibus, quòd illorum Professor vix decem aut duodecim haberet. Viderint itaque qui prædictum Patrem adèò indecorè velut excommunicatum infamant, nosque omnes ut inobedientes accusant, quantum probatione deficiant, & ad famam refarciendam teneantur.

Tertiò, gravari se conqueruntur Patres Societatis à Patribus nostris Majoricentibus, quos simul cum Minorum Provinciali propositionem aliquam de divinà gratià, à quodam Franciscano Professore Thesibus inscribi curasse ajunt. Id nonnullis circumstantiis auxerunt, quas nequidem possibiles existimaverim: Fratresque nostros, ob id potissimum reos agunt, quòd jam tunc Interdictum emissum esset. At ex iis quæ supra, occasione alterius injuriæ dicta sunt, liquet nullam eis re ipsa illatam esse: cum Majoricæ nullum unquam ea in re Provincialis Mandatum existerit, multò minùs Apostolicæ Sedis. Addam quæ proprio ipse experimento hac in parte novi, ac etiam gessi. Dum Bibili ante Natalem Domini versarer, invisit me Societatis Provincialis, ac de Fratribus nostris Majoricentibus conquestus est. Respondi, permolestum mihi esse, quòd Societatem offendissent; me tamen illos innocuos existimare, ob ignorantiam Mandati Decessoris mei, quo ab omni Conclusionum aut Propositionum censurà temperandum injunxerat; cæterum ipsi satis notum esse affectum meum, quo Societati ad integram satisfactionem gratificari vellem. Id à me sincero animo dictum excipere merito poterat; cum satis universa Societas norit, quæ sibi præstitissem officia, quantaque humanitate me gessissem, ut omnes offensionis occasiones averterem, potissimum anno elapso, in Capitulo Generali in ista domo celebrato. Cum enim juxta Ordinis morem, è Provincia Lusitanica Theses publicas defen-

defensurus accessisset aliquis, in quibus nonnihil de divina gratiæ Auxiliis habebatur; significantibus Patribus Societatis, id Nuntio Apostolico minimè probatum iri, seque illud injuriæ loco habituros; effeci ne de ea Conclusionè tractaretur; tametsi id ægrè ferrent nonnulli aliarum Provinciæ Magistri, quibus videbar, cum Ordinis nostri damno, Societati plus aequò gratificari. Quapropter Majoricam protinùs scripsi, Fratribus nostris injungens, ut Patres Societatis satisfactione convenirent; id ignorantia mandati factum dicerent, seque summâ pace cum ipsis velle agere, atque etiam obsequi significarent; nec absimilia Patribus Jesuitis Majoricentibus scripsi. Satisfactionem grato animo Provincialis cæterique Patres Societatis exceperunt, quemadmodum ex Epistolis Præfecti Collegii Majoricentis perspicuum est; quibus nedum Societati factum satis attestatur, sed & lætari se vehementiùs significat, quòd desideratam diu pacem, Societatem inter & Ordinem nostrum promovissim. Addidit vir bonus hanc statuendæ inter nos pacis rationem satis lepidam; quòd scilicet in nullo prorsus duæ istæ Religiones discriminentur; nihilque sit aliud Societas ipsa, quàm Ordo Prædicatorum, quo primùm tempore sub S. Dominico floruit. Quæ profectò verba cachinnum mihi commoverunt. Quasi verò communia nobis ista forent, Chori assidua tum de die tum de nocte frequentatio, perpetua à carnibus abstinentia, septimestre Jejunium, laneorum indusiorum usus, dura paupertas, cæteraque quibus maceratur Ordo noster? Ut ut est, inter tot illa honestatis & humanitatis officia, clanculùm coram Nuntio Apostolico adversum nos expostularunt, ac etiamnum ubique expostulant. Qua in re, ipsa per se patet injuria, qua nobis pacificè licet & amanter agentibus bellum inferre satagunt.

Quod quartam injuriam attinet, ea certè minor est, quam sibi illatam conqueruntur, quàm quæ nobis illata est. Dolent etenim hac in domo fuisse propugnatum, teneri Religiosos ad observantiam præcepti, de correctione fraternâ, nobis à Christo Domino in Evangelio

traditi, quia id suis Constitutionibus contrarium existimant. Equidem non capio, qua fronte id injuriæ loco habeant; cum ipsi potius, & Religioni nostræ, & Sacro Evangelio injuriam irrogarint anno 1595. Mense Octobri, dum contra S. Augustini Regulam, nostrasque Constitutiones à Sede Apostolica approbatas, atque etiam contra Sacrosanctum Evangelium propugnarunt, nullam Religiosos inter, fraternæ correctionis legem servandam esse; sed illorum culpas quantumcunque secretas, Superioribus denunciandas. Ac licet perversa fuerit propositio typis mandata; peior tamen ea fuit, quam verbo in ipsa Theses defensione protulerunt: nimirum Religiosos omnes ex purâ malitiâ peccare, nullamque in eis spem emendationis superesse; adeoque vanam in eis fore fraternam correctionem. Quæ quidem non nisi ab iis, qui ita perversè de Religionibus omnibus sentiunt, proferri unquam potuerunt. Quamquam porro Cajetani autoritate propudium illud tueri velint, qui nonnulla eâ de re obiter scripsit; si tamen legatur ille, ac D. Thomas, necnon Sancti Patres, quos in Secunda-secundæ laudat, agendo de peccatis Religiosorum, constabit quàm scandalosa fuerit ea propositio ac doctrina Theologorum illorum. Ceterum, tametsi illos ad injuriam nobis irrogandam Theses illas defendisse videamus adversus Regulam S. Augustini, quam profitemur, quamque aded probat Ecclesia, ut eam Ordines plusquam Viginti profiteantur (ex quibus unus, videlicet Canonicorum Regularium, tot Sanctos peperit, ut pro qualibet anni die, trecenti sexaginta numerentur; quemadmodum Anastasius Bibliothecarius in Catalogo Sanctorum, Carolo II. Imperatori nuncupato attestatur.) tametsi eam propositionem expressè positam videamus, adversus Constitutiones nostras; quæ, ut ait Pius II. scribens ad Mahumetem Constantinopoleos Imperatorem, universo Orbi lucem afferunt, quæque à S. Dominico aspirante divino numine exaratae fuerunt, uti sibi à Christo revelatum S. Brigitta in approbatis revelationibus fidem fecit: tametsi, inquam, hæc omnia probè noscamus,



non tamen Orbem commovimus, nec in oppositum expostulavimus; sed solum in Thesibus, ante paucos dies, in ista Valentina domo propugnatis, propositionem hanc apposuimus: *Servanda est inter Religiosos correctio fraterna. Hac opportuna est ad proximi emendationem; nec potest his in casibus privatus Religiosus cedere juri suo.* Illi autem protinus ad Inquisitores, ad Nuntium Apostolicum, & ad quoscunque potuere Superiores, confugerunt, adversum nos expostulaturi. Quis id patienti ferat animo? Quasi verò liceat ipsi palam in Thesibus declamare adversus Constitutiones & Regulas nostras, immò etiam, ut videtur, contra Evangelium, fraternæ correctionis solatium nobis eripiendo: nequaquam autem nobis liceat propugnare, ea sanctè statuta esse, quæ nostris Regulis & Constitutionibus fanciuntur? Profectò quid futurum de nobis ignoro, si qui nobis eas injurias inferunt, se ipsos injuriâ affici conquerantur.

Quintam injuriam, quam sibi à nobis illatam dicunt, in eo constituunt, quòd illos infamemus, ipsorumque Scriptoribus obloquamur. Quæ sanè quo jure ab ipsis venditentur, prorsus ignoro. Hoc enim in capite, uti & in superioribus, ipsimet ab illis gravius afficimur. Si enim de scriptoribus ipsorum agimus, id ad summum in Scholis nobis accidit, juxta cæterorum omnium consuetudinem. At illi in Scriptores nostros, arreptâ Inquisitorum autoritate, animadvertunt: nec iis dumtaxat obloquuntur, sed & illos emendare præsumunt. Nec satis ipse capio, an excusari patientia nostra possit, dum ea recolo, quæ annis elapsis Barcinone contigerunt. Animadvertentibus Bibliopolis, quanto applausu excepta fuisset Patris Magistri Medinæ Summa Confessorum Salmanticæ typis edita, eam secundis typis edendam judicarunt. Huic se negotio immiscuit Rector Societatis Collegii Barcinonensis, qui quæcunque de Confessionibus generalibus, & de complicibus in Confessione non revelandis, in Summa suâ scripserat Medina, propria autoritate expunxit, quæ Societatis praxi repugnabant. Eâne auderent illi, nisi

patientiam nostram, immò veriùs negligentiam in illorum ausibus propulsandis exploratam haberent? Certè cum adeò vitiosa esset Molinæ in 1. partem elucubratio, nemo tamen nostrum procurare ausus est, ut illam Typographi aliqua sui parte circumciderent. Quid itaque suam, illi in nostros Autores auctoritatem exercent?

Sextam injuriam obtendunt, quòd illos debito honore non prosequamur. Rem ludicrè festivam! Cùm accepissem Patres Societatis Majoricæ de Fratribus nostris graviter conqueri, ob illatam sibi, ut aiebant, solennem injuriam, Visitatorem delegavi P. M. Andream Valaquer, hujusce Conventus Valentini Priorem, qui in facti veritatem inquireret, ipsosque Patres Societatis distinctim interrogaret, quid rei esset: qui se à nostris despici responderunt, quia in publicis Thesibus primum locum duobus Patribus Franciscanis supra duos Societatis Theologos dederant. Gravem certè injuriam, cujus occasione universum Orbem commovere necesse fuerit! Quasi verò Societas Seraphico Ordine sit antiquior, aut Sanctorum multitudine celebrior; vel aliqua exstet pro disputantium ordine Thesiumque distributione constituta lex! Accessit tamen specialis quædam ratio ultimum Patribus Societatis locum concedendi. Invaluit scilicet ibi consuetudo, ut qui ultimo loco disputat, extemporaneam oratiunculam sub finem habeat: hancque Conventus nostri Prior Patri Societatis ibidem præfenti committendam censuit, quòd peritus Rhetor haberetur. Verùm potiori jure dixerim, eos pro viribus adniti, ut famam nobis eripiant. Illi enim ipsi sunt, qui nobis præripere moliantur titulum Prædicatorum, quem ad S. Dominici obsequia recognoscenda nobis concessit & confirmavit Ecclesia. Idque clanculum moliantur, devotis suis injungendo, ne nos Fratres Prædicatorum, sed Dominicanos appellent. Adeo ut qui rem paulò attentius adverterit, inductam satis in Hispania hujus appellationis mutationem, ex quò ipsi sunt instituti, faciliè deprehendet. Officium pariter Magistri sacri Palatii Apostolici, quod ab ipso S. Dominico, ad

hæc usque tempora imperturbatè tenuimus , auferre nobis Romæ tentarunt. Gregorium XIII. ad id impulerunt. At re tanti momenti in publico Consistorio pertractatâ , censuerunt DD. Cardinales , recentiores esse Jesuitas , quàm ut locum hunc præripere Prædicatoribus possent , qui tanta pro Ecclesia sustinuerant. In urbibus in quibus constitutæ sunt Academiæ , omnia movent , ne Cathedras obtineamus. Hinc videre est , num ii potiùs injurii nobis sint , qui se à nobis injuriâ affici conqueruntur. Sexcenta proferrem alia , de quibus justò conqueri possumus : at ne quidem musitamus , aut ea recolimus , Sacro Evangelio religiosè obsecuti. Quin etiam quæ hætenus dicta sunt , minimè refricassè , nisi nobiscum ita injustè actum esset , ut dum injuriam sustinemus , illatæ injuriæ accusèmur.

Demùm eas de nobis querimonias perseveraturas sentio , donec quidquid habemus sponte cesserimus : nec omninò scimus , quo pacto cum illis nobis agendum sit. In Augustinum , Thomam Aquinatem , Bonaventuram , si jam viverent , quantæcunque sanctitatis sint , declamatorios illos crediderim , ac etiam longè duriùs , quàm unquam in nos declamarunt. Quapropter ad præsciendendas omnes querelarum occasiones , constitui & injunxi , ne nos ad illorum actus Scholasticos disputaturi accedamus , nec ipsi vicissim ad nostros. Quia faciliùs mihi visum est , per extensum funem ire , quàm cum ipsis pacificè conversari. Si enim post fuscitatas novitates illas ad disputationem accedunt , non sicuti nobiles luctatores , oblectationis & exercitationis causâ , sed ut sanguinolenti bellatores , omnia pro arbitrio venditant : ac de D. Thoma tanquam de commentitio Doctore obloquantur. Id non ita pridem evenit in quadam Scholastica Exercitatione apud nos habita , ita contentim de D. Thoma ejusque doctrina disseruere , ut meritissimus P. Magister Salon Ordinis S. Augustini , hujusce Academiæ Professor emeritus , eorum audaciam indignè ferens , nec patientiam nostram in sustinenda injuriâ satis probans , in causam palàm ingressus sit , & in Jesuitam disputantem severè animadverterit.

Addi-

Addidit vir eruditus, Patres Societatis, ea in D. Thomam petulanti elatione malum aliquod grande portendere. Quæ cum ita sint, longè satius erit, si omnes propriis domibus commoremur. Probabimus an eo saltem pacto, bonâ nos pace trui finent: Vestramque Majestatem, ejusve Administros perpetuarum contra nos expostulationum, quibus ab iis oneramus, fastidio liberabunt. Faxit Deus, ne ob id ipsum novam in nos quæstionem instruant, quodd ad illos disputaturi non accedamus. Sed clamitent quantum libuerit, Deum adprecator, ut illis simul ac nobis veritatis suæ lumen infundat, Sanctorumque doctrinam, qua tot ad salutem eruditæ sunt animæ, ipsemet tueatur.

Concludendum ergo. Cum pacem Jesuitas inter & nos vehementer optet Vestra Majestas; spondeo me eam pro viribus promoturum. Cumque ad eam promovendam necesse sit, ut ad illos qui de nobis ita temerè conqueruntur non accedamus, rogo Majestatem Vestram, ut id nobis benignè concedat, atque ad omnes rixarum occasiones præscindendas, nobis inhibeat, ne de nobis invicem ullo modo dicamus; neve autores vel nominemus, vel notis afficiamus; ne demum ad Scholasticos Actus mutuo veniamus. Spondemus nos omnia ad amissim servaturos, nec de iis eorumve autoribus, opinionibus, aut libris memoriam ullam habituros. Quemadmodum enim trecentis annis adeo sine illis floruit Ordo noster, ut universo Orbi in deliciis & admiratione fuerit; ita sine ipsis Deo favente perseverabit, ad omnia tamen officia paratissimus. Tanti accepti beneficii memores, Deo Optimo Maximo supplicabimus pro Regiæ Majestatis Vestræ incolumitate, quam ad felices annos Ecclesiæ suæ diu servet. Datum in nostro Conventu Valentino Ordinis FF. Prædicatorum, die 22. Augusti, anni 1597.

F. HIERONYMUS BAPTISTA DE  
LA NUZA, *Provincialis Aragonia.*

## XIV.

## LIBELLUS MEMORIALIS

*Datus PAULO V. anno 1612, Quo tempore Capitulum generale Ordinis Prædicatorum habebatur, necessitatem demonstrans promulgande Constitutionis PAULI V. post finitas controversias de auxiliis, jussu ipsius à sacris Consultoribus elaborata, & ab ipso probata ad restituendam in Ecclesia pacem, cujus spes probabilis non apparet quamdiu dilata ulterius Constitutionis promulgatione, non compeſcentur inique suspensiones & accusationes, quibus Jesuitæ viros singularis pietatis ob doctrinæ contrarietatem sibi invidiosos, non cessant insectari, editus à R. P. HIERONYMO BAPTISTA DE LA NUZA, novisque per R. P. THOMAM DE LEMOS rationibus auctus.*

BEATISSIME PATER.

**E**Natis adversus Ecclesiam, Petri Abaelardi, ejusque discipuli Arnaldi Brixienſis erroribus, obstitit virili ac generoso prorsus animo Bernardus Clarevallensis: ac post multos utrinque conflictus, re demum ad Innocentium Pontificem hujus nominis secundum delatâ, multis ad eum datis Epistolis supplicavit Sanctissimus Doctor, ut veritatem ab Ecclesiâ catholica tenendam definiret. Id porro ut brevi conficeretur, singulari ad Sacrum

## CAPUT I.

*Quantum Ecclesia Christi expediat controversiam  
definiri.*

## §. I.

**I**D in primis compertum videri potest, quia divinæ gratiæ virtus & efficacia, Catholicæ fidei basis ac fundamentum est; uti Concilii Milevitani Patres adversus Pelagium & Coelestium, gratiæ efficacis implacabiles hostes, professi sunt in Epistola ad Innocentium I. quæ inter Augustinianas nonagesima secunda est, sequæ gravissimæ culpæ reos fore confessi sunt, si ab urgendâ apud Summum Pontificem gravissimæ controversiæ definitione abstinerent.

Duo potissimum statuebant Pelagius & Coelestius. Primum, naturam humanam primi hominis peccato nequaquam corruptam esse. Secundum, efficaciam gratiæ Christi non esse homini necessariam, cum satis ex se se virium habeat liberum arbitrium. Quæ duo, ut aiebant Africani Patres, Christianæ religionis fundamentum concutiebant. *Hæc duo sunt, quibus omnino totum quod Christiani sumus, nituntur evertere.* Quia nimirum, ut Augustinus illorum unus Epistolâ 94. ad Hilarium ait, duo illa, quid natura ex Adamo contracta possit, quid gratia per Christum operetur in nobis, totius Christianæ fidei fundamenta sunt. Quocirca etiam Theologi omnes, Sacram Theologiam ad duo capita revocant, naturæ videlicet ab Adamo contractæ, & gratiæ à Christo Domino restitutæ, sic ut tota penè in hisce duobus Theologia vertatur, quid à Christo, quid ab Adamo teneamus.

Ea de causâ, præteritis olim temporibus voluit Ecclesia, ut ea potissimum capita nitidâ atque distinctâ definitione sancirentur. Ac licet divinæ gratiæ necessitas in Concilio Carthaginensi definita esset; quia tamen Pelagii ac Coelestii sectatores, eosdem errores recudebant, Con-

Concilium Milevitanum paulò postea celebratum est, ne quod in re tanti momenti dubium superesset, uti ejusdem Concilii Patres Epistolâ mox laudatâ significant, suoque etiam suffragio confirmavit Innocentius I. in suo ad præfatos Patres dato Rescripto: ubi post laudatum illorum zelum ac studium, necessarium prorsus atque æquissimum ait, ut quæ divinæ gratiæ & liberi arbitrii vires attinent distinctissimè sanciantur. Quin id quoque etiam observat, in omnibus Sacrarum Scripturarum paginis divinæ gratiæ necessitatem & efficaciam commendari; ut intelligerent universi, quàm certò, quàm distinctè teneri ab omnibus debeant, quæ nobis toties in Sacris Litteris inculcat Spiritus Sanctus.

Hinc profectò compertum est, quanto studio invigilarit Sedes Apostolica in dirimendis controversiis circa naturam Adami peccato vitiatam, & divinæ gratiæ à Christo reparatæ virtutem enatis: nec satis fidelibus fore existimavit, si veritates illas utcunque compertas haberent, nisi illas quoque distinctè & explicatè profiterentur. Id ipsum sub Gelasio summo Pontifice videre fuit. Cùm enim naturæ humanæ vitium agnoscerent aliqui, nec tamen peccatum originis in quolibet Adæ filio re ipsâ ac propriè inherens faterentur; catholicam veritatem singulari verborum proprietate exponendam aggressus est Pontifex Maximus, in Epistola ad Episcopos per Picenum constitutos, *substantiam hominis peccato originali depravatam* appellans. Quocirca observat Cardinalis Baronius ad annum 406. eam loquendi rationem à Gelasio usurpatam, gravissimâ difficultate laborare; cùm non ipsa naturæ substantia, sed ejusdem potiùs accidentia ex protoparentis peccato vitata sint: eam tamen consultò Pontificem usurpassè, ut peccati originalis nostris animabus verè ac propriè inherens veritatem eliquatiùs & apertiùs definiret. Illud ipsum in causa divinorum auxiliorum observatum est. Enim verò (quemadmodum Patres Carthaginenses in sua ad Innocentium I. Epistola adnotarunt, *Est 90. inter Augustinianas.*) non idcirco Pelagium ac Cœlestium damnandos existimavit Ecclesia, quòd verbis gra-

gratiam abnegarent, sed quod re ipsa gratiæ virtutem dīfiterentur, quam speciosis verbis profiteri videbantur: quippe qui gratiæ necessitatem prædicabant, ut agendi facultatem obtineremus; alteram verò gratiam necessariam detrectabant, ut re ipsa ageremus & mereremur. Nec tamen illos idcirco catholicos habuit Ecclesia, quod gratiæ necessitatem & efficaciam promiscuè & in commune faterentur, nisi ejusdem necessitatem & efficaciam ad singulos actus agnoscerent. Quod ut apertè distincteque definiretur, conjunctis studiis apud Innocentium I. instarunt, ne veritatem catholicam vaga illa Pelagianorum professione eludi fineret. Non absimiliter D. Augustinus, unà cum aliis quatuor Episcopis, in Epistola ad eundem Innocentium 95. quanti interesset significavit, divinæ gratiæ efficaciam specialiter definire; cū vaga illa divinæ gratiæ divinique auxilii nomina Pelagius usurparet, ejusque necessitatem aliquo sensu fateretur, ne fideles penitus exacerbaret ac commoveret. Id porro Ecclesiæ mīnds sufficere monuit Augustinus, nisi eam quoque gratiam agnosceret, quæ operatur in nobis velle & perficere, quæ adjuvat infirmitatem, facitque ut sit in nobis bona voluntas.

¶ Non itaque impræsentiarum Ecclesiæ Dei sufficere putandum est, ut divinæ gratiæ efficaciam vagis tantum speciosisque vocibus Theologi profiteantur, quas non nisi ex abusu Doctores nuper exorti, ad fucum incautis faciendum usurpant: sed Apostolico Judicio distinctè & explicatè definire necessum est, quam re ipsa vim & efficaciam in hominum voluntates obtineat; ne quam voce tenus efficaciam profiteantur, re ipsa ac facto negare pergant. Quantum enim efficacis gratiæ nomine turpiter abutantur, nedum abundè in solennibus Congregationibus nuper ostendimus, censueruntque delegati iudices, verum etiam ingenuè fassus est Cardinalis Belarminus, lib. 1. de gratia & libero arbitrio cap. 12.



## §. 2.

**A**ccedit ratio altera, superiori admodum affinis, quæ palam ostenditur, quantum Ecclesiæ Dei congruat, controversiam istam ultimo judicio eliquari. Cum etenim quæstiones de divinæ gratiæ efficacia, liberique arbitrii viribus, fundamenti loco sint universæ Theologiæ, ex iis profecto pendent omnes penè gravissimæ controversiæ, quæ de Divina Prædestinatione, Scientiâ, Justificatione, Providentiâ, Voluntate, Merito, Redemptione Christi, Sacramentorum efficaciâ, aliisque bene multis agitari solent. Quas omnes idcirco nutare necessum est, quandiu certum firmumque de divina gratiâ & libero arbitrio canonem non habemus: universamque Theologiam novitatibus infici proclive erit, si nova & hætenus inaudita fundamenta poni sinat Ecclesia.

Lothario Imperante, anno circiter 855. Theologi nonnulli, captandæ humanæ gloriæ plus æquo avidi, multa circa Dei præscientiam, gratiam, liberum arbitrium, Justificationem & Prædestinationem novarunt, innatâ quadam garriendi prurigine. Protinus inspecto orituri damni periculo Concilium Valentinum habuere Præsules Gallicani, ac eos inter potissimum Laudunensis, Rhemensis & Arelatensis, iis ad enatas novitates dissipandas verbis Apostolicis concitati: *O Timothee, depositum custodi, devitans profanas vocum novitates, & oppositiones falsi nominis scientia, quam quidam promittentes circa fidem exciderunt.* 1. ad Timot. 6. Et rursus: *Profana autem & vaniloquia devita: multum enim proficiunt ad impietatem, & sermo eorum ut cancer serpit.* 2. ad Timot. 2. Quibus demum adducti sunt, ad enatas profanas vocum novitates eliminandas, veteresque loquendi rationes suo calculo comprobandas, ne nova in Ecclesiam Theologia induceretur. Iisdem se Apostoli verbis adductum ostendit D. Bernardus, Ep. 189. dum sua apud Innocent. II. officia contulit, ut Petri Abaelardi & Arnaldi Brixienfis novitates solenni de-

definitione proscriberet: quia cum iis in capitibus peccarent, quibus veluti fundamentis stabat Christiana Religio, periculum erat, ne novum prædicaretur populis & gentibus Evangelium, fides nova proponeretur. Quod & latius prosequitur sanctissimus Abbas Epistola 190. quam unâ cum nonnullis Episcopis ad eundem Innocentium Pontificem dedit.

Profanis spurisq; vocum novitatibus, omni retrò tempore obstitit Ecclesia, uti Conciliorum penè omnium usu compertum est, multisq; ostendit argumentis Hormisdas in Epistola ad Justinianum Comitem, apud Baronium tomo 7. pag. 55. *Ne hæretici stabilitatem fidei verborum novitate confunderent.* Quantò magis ergo iis novitatibus obstitendum est hodie, quæ non verbis solummodò peccant, sed & ipsa fidei nostræ fundamenta concutiunt; de quibus Innocentius I. in Epistola ad Patres Concilii Carthaginensis (numero 91. inter Augustinianas) occasione Pelagii ac Cœlestii, libere pronunciavit: *Totam veri dogmatis quarunt invertere disciplinam.* Quàm nova siquidem sint dogmata Moliniana, non modò in solennibus illis Congressibus probatum à nobis est, & à Censoribus judicatum; sed & illorum præcipuus Architectus usque adedò fassus est, ut de inducta novitate sibi gratuletur & plaudet in Concordia quæst. 14. art. 4. & 5. disp. 1. mem. ultimo; & 1. parte quæst. 23. art. 4. & 5. mem. 6. §. *Quoad S. Augustinum.*

## §. 3.

**A**Lia quoque de causâ expedit Ecclesiæ Dei, causant istam ultimò definiri, ut nimirum fideles novèrint; quid à Deo suis in orationibus debeant postulare. Hanc rationem potissimùm urget Concilium Carthaginense; in suâ ad Innocentium I. Epistolâ, ut eum ad divinæ gratiæ efficaciam contra Pelagium & Cœlestium statuendam adducat. Quia nimirum nostris ad Deum precibus efflagitamus, quæ propriis conatibus præstare ex nobis ipsis minimè possumus. Idcirco quid propriæ vi-

res possint nosse congruit, ut Deum prudenter oremus. Consideret enim Sanctitas tua, inquiebant præfati Concilii Patres, & pastoralibus nobis compatiatur visceribus, quàm sit pestiferum & exitiale ovibus Christi, quod istorum sacrilegas disputationes necessario consequitur, ut nec orare debeamus ne intremus in tentationem, quod Dominus Discipulos monuit &c... Si enim hac possibilitate natura & arbitrio voluntatis in potestate sunt constituta, quis non videat, ea à Domino inaniter peti, & fallaciter orari, cum orando poscuntur qua natura.... viribus obtinentur? Nec debuisse Dominum Jesum dicere, Vigilate & orate, sed tantum modo, Vigilate ne intretis in tentationem; nec Beatissimo Petro primo Apostolorum: Rogavi pro te, sed, Moneo te, vel, Impero ac precipio, ne deficiat fides tua. Quam quidem rationem usque adeò probavit Sanctissimus Pontifex; cæque se ad maturandam Pelagianismi damnationem adductum fuisse significavit, ut illam potissimum in suo ad eisdem Rescripto ponderarit & inculcarit. Non consequitur, inquit, gratiam, qui eam à Deo pendere minime confitetur. Et infra: Nescientes, quòd nonnisi magnis precibus gratia in nos implorata descendat. Ac demum de Pelagio & Cœlestio sermonem habens, Isti, inquit, qui tales sunt, nullam Dei gratiam consequuntur, qui sine illo tantum se posse confidunt, quantum vix illi qui ab illo postulant & accipiunt, promerentur. Hoc ipsum statuit idem Pontifex in altero ad Patres Concilii Milevitani Rescripto, frustra à Deo peti inquiens, quod in liberi arbitrii facultate positum est. Quid enim acerbius, ait ille, in Deum fugere potuerunt, quàm cum adjuvantia divina cassarent, causamque divinam, id est, quotidiana precatationis auferrent? Hoc est dicere, Quid mihi opus est Deo? Merito in eos dicat Hymnidicus: Ecce homines, qui non posuerunt Deum adiutorem sibi. Negantes ergo auxilium Dei, inveniunt hominem posse sibi sufficere, nec gratiâ egere divinâ.

Nil minùs eleganter D. Augustinus, Epistolâ 89. ad Hilarium, multis momentis ostendit, frustra ad Deum preces à nobis fundi, nisi ejus dona noverimus, Quo-

cir-

circa praeulum illud Sapientiae 8. maximè ponderat: *Sciri quoniam aliter non possem esse continens, nisi Deus det; & hoc ipsum erat sapientia, scire cuius esset hoc donum: adi Dominum, & deprecatus sum illum: singulaque hujus oraculi verba minutatim expendens, neminem quidquam à Deo obtinere colligit, nisi petat; neminem petere, nisi norit quid à Deo pendeat: atque idcirco necessum esse id scire, ut prudenter & religiosè petamus; frustra que illos preces ad Deum fundere, qui nec gratiae potentiam, nec humanae libertatis infirmitatem exploratam habent. Hoc idem ex statuto principio intulerant praeaudati Patres Synodi Carthaginensis: Negat à, inquit, divina gratia necessitate, contradicatur Benedictionibus nostris, ut incassum super populum dicere videamur, quidquid eis precamur à Domino, ut rectè & piè vivendo illi placeant; & quod Apostolus petebat: Oro per fidem interiùs corroborari in interiori homine per Spiritum ejus. Si enim voluerimus benedicendo super populum dicere: Da illis, Domine, virtute corroborari per Spiritum tuum; istorum nobis disputatio contradicit, si hoc à Deo poscitur quod in nostra est potestate.*

Non absimiliter impraesentiarum inferre licet. Si etenim Deus omnipotentissimà gratiae suae praevenientis energià voluntates nostras interiùs non inflectit, agit, rapitque ad sese, frustrà petimus ut id praestet, immeritoque orat Ecclesia, *Ut nostras ad se etiam rebelles compellat propitiis voluntates: frustrà rogamus, ut auferat à nobis cor lapideum, detque cor carneum: frustrà, ut voluntates nostras ad se convertat, corda mutet, efficaciter ad bonum inclinet. Ita quippe colligebat aliàs S. Augustinus, Epistolà 89. ad Hilarium quaest.*

3. *Cum de suis viribus praesumunt homines, adiutorium gratia non implorant, & addunt infirmitati superbiam. Cum autem vocatione divina intelligunt, cur sit ingemiscendum, & invocant eum in quem corde credunt, dicentes: Miserere mei, Deus, secundum magnam misericordiam tuam... & alia multa, quae propterea scripta sunt, ut nos admonerent ad implenda ea quae nobis jubentur, ab illo petendum esse adiutorium, à quo jubentur.*

## S. 4.

**H**Oc ipsum etiam definiri Ecclesie congruit, ut fideles agnoscant, quas Deo grates rependere debeant. Tamen enim Apostolus dixerit, *In omnibus gratias agentes*, satis nihilominus significavit, non esse eis de rebus gratias Deo optimo referendas, quæ in liberi arbitrii potestate sunt posita; sed quæ Dei liberalitate conferuntur, ut Fides, Caritas, Justificatio, &c. Hinc illa longe celebratissima Apostoli verba: *Quis te disceruit? Quid habes quod non accepisti? Si autem accepisti, quid gloriaris quasi non acceperis?* quæ toties Augustinus in Pelagianos retorfit. Si ergo Deus non operatur in nobis motum voluntatis humane, nec eam internis & efficaciter movet ad bonum, sed externis solummodo suasionibus, & invitationibus allicit, non est cur illi potius, quam nobismetipsis gratias rependamus: nec certè plus illi bonum opus acceptum referre debemus, quam cuiusdam cœlesti Magistro, qui nos suis adhortationibus invitaret; nec plus posset Deus in motibus voluntatis ad bonum, quam diabolus posset ad malum, ad quod liberum arbitrium solis suasionibus & invitationibus allicit, non efficaciter trahit. Atque idcirco quo jure potiore in peccatis perpetrandis dæmone ipso partem habemus, utpotè qui voluntatem nosmetipsi determinamus ad malum, is verò externis dumtaxat invitat; ita sanè potiore Deo ipso in Justificatione partem habebimus, si solis ille suasionibus agit in nobis, ipsi verò voluntatem efficaciter inclinamus: nobisque non Deo referemus acceptum, quod in nostræ Justificationis opere potissimum est: in libero arbitrio non in Domino gloriabimur, quasi ab illo non acceperimus. Quæ certè quantum divinæ gratiæ derogent, nemo non videt.

Receptissima S. Augustini sententia est, à S. Cypriano petita, Nihil in nobis esse, in quo tanquam in nostro gloriemur. Unde & illud Psalmistæ ubi dicitur, *Præcipe Domino in confessione*, legendum putat, *incipi-*

te Domino in confessione: quod primum exponit de gratiarum actione, unde auspicari omnino debemus, gratias de perceptis beneficiis referendo: secundò de confessione peccatorum, quæ nobis ita præstanda est, ut quidquid boni agimus referamus in Deum; quidquid mali, voluntatis nostræ vitio adscribamus. Quocirca oraculum illud Psalmi 94. *Præoccupemus faciem ejus in confessione*, in suis Enarrationibus exponens, *Confessio*, inquit, *duobus modis accipitur. Est confessio laudantis, & est confessio gementis. Confessio laudantis ad honorem pertinet ejus qui laudatur: Confessio gementis ad penitentiam pertinet ejus qui confitetur. Confitentur enim homines, cum laudant Deum; confitentur cum accusant se; & nihil dignius facit lingua. Verè puto, quòd ista sint vota, de quibus dicitur in alio Psalmo, (Psalm. 63. 13. & 14.) *Reddam tibi vota mea, quæ distinxerunt labia mea. Nihil ista distinctione sublimius: nihil tam necessarium, & ad intelligendum & ad faciendum. Quomodo ergo distinguis vota, quæ reddis Domino? Ut illum laudes, te accuses; quia illius est misericordia, ut peccata nostra dimittat: nam si vellet pro meritis agere, non inveniret nisi quos damnares. Cautè itaque secernendum est, quid à Deo, quid à nobis habeamus: quidquid verò boni, totum hoc quaecunque est, Deo; quidquid mali, nobis est adscribendum. Jam si id veritate niteretur, quod hodierni liberi arbitrii elatores obtendunt, in ipsis bonis operibus secernendum esset, quid à Deo, quid ab innatis nobis viribus habeamus, ut Deo partem, partem nobis adscriberemus: quo nihil magis à pietate alienum excogitari potest.**

Qui divinæ gloriæ studio ac zelo ardent sancti Dei homines, divinæ gratiæ virtutem, humanæque voluntatis infirmitatem perpetuò commendarunt. Ea de causa, suam ad Romanos Epistolam scripsit Apostolus, quæ perspicuè pronunciat, salutem nostram nedum à nostris viribus operibusve petendam non esse, sed à sola quæ per Christum est Dei gratiâ: cujus vim & energiam ad bonum ita commendat, ut infirmitatem fauciatæ voluntatis humanæ nil nisi ad bonum valere, di-

ferre significet. Hoc ipsum in suis ad Corinthios Epistolis statuit. Cum etenim fideles aliqui, divinæ veluti gloriæ partem in Evangelicæ prædicationis officio Prædicatoribus adscriberent, atque in illorum partes inani stimulo gloriæ hinc inde scinderentur, palamque jactarent, *Ego quidem sum Pauli, ego verò Cepha, ego autem Apollo*; inanem jactantiam scripto retudit, ne quid Christi gloriæ detraheretur, cujus illi administri dumtaxat erant, unâ ejus gratiâ ad ministerium Apostolicum obcundum communiti.

Non absimiliter Augustinus eo adversus Pelagium sine pugnavit, qui quantum divinæ gratiæ, tantum divinæ gloriæ detrahebat: cumque hoc argumento sæpius exagitavit sanctissimus Doctor, potissimam Justificationis partem libero arbitrio adscriptum iri, si ex innatis viribus voluntatis inclinatur & determinatur ad bonum. Porro si Molinianos audiamus, ea ad bonum determinatio; & bonus, ut ajunt, liberi arbitrii usus ab ipsa liberi arbitrii innata virtute oritur, uti & à nobis in habitis Congregationibus ostensum est, & à constitutis Judicibus pronunciatum. Perspicua etiam Molinæ confessio est 1. part. quæst. 23. art. 4. & 5. disp. 1. mem. 10.

## §. 5.

**H**inc oritur altera promulgandæ definitionis efficacissima ratio; ut nempe vanam de propriis viribus fiduciam deponant peccatores: Ubi etenim audiunt, in humanæ libertatis viribus positum esse, ut applicetur & determinetur ad bonum, alterutrumque pro nutu suo eligit aut refugiat, in peccato sordescunt; mollique desidia torpent, falsâ prorsus ac segni fiduciâ tuzi, qua se ubi libuerit peccatum deposituros confidunt, nullius gratiæ victricis ope, quæ rebelles voluntates frangat, & à dæmonis tyrannide, omnipotentissimâ virtute redimat; Paulo Apostolo in oppositum reclamante, ad Philip. 2. *Cum metu. & tremore salutem vestram*

*vestram operamini: Deus est enim qui operatur in vobis  
velle & perficere, pro bona voluntate.*

## §. 6.

**N**ill minùs hujusce controversiæ definitio Ecclesiæ necessaria videri potest, ad scandala procul arcenda. Res in comperto est, nihil æque Ecclesiam tueri ac fovere, quàm fidei atque doctrinæ unitatem, sic ut licet varia sint dona ac talenta Prædicantium, unum tamen ab omnibus Evangelium, una veritas prædicetur. Hinc Deus *Locusus per os Sanctorum*, à Zacharia dictus est, Lucæ I. quod etsi Prophetæ multi atque Doctores existerint, uno tamen velut ore, eandem veritatem singuli suis oraculis prænunciarunt. Hanc Ecclesiæ suæ prærogativam spondit Deus: *Dabo, inquit, eis labium electum, ut omnes serviant humero uno.* Quemadmodum enim in turris Babel molitione hominum, linguas divisit Deus, ne in unum opus intenderent; ita planè ut in Ecclesia nostræ salutis opus promoveremus universi, unum fidelibus omnibus labium esse voluit, idemque ab omnibus prædicari. Stat eâ doctrinæ consensione, uti notat Augustinus L. contra Epistolam fundamenti, Ecclesia catholica, nulloque alio æquè infici concutique potest, ac repugnantium inter sese doctrinarum tolerantia. Hinc omnem à Corinthiis scissionem eliminatam voluit Apostolus: *Obsecro vos, inquit, ut idipsum dicatis omnes, & non sint in vobis schismata;* tametsi non doctrinarum, sed affectuum scissio esset, quibus erga suos Apostolos ducebantur. Quæ cum ita sint, nemo non videt, quantæ necessitatis sit, pendentem controversiam definire, seu veriùs latam priorem definitionem promulgare. Cum partes hinc inde dissidentes tutandæ famæ causæque promovendæ studio, in Scholis perinde ac pulpitis sua pro arbitrio venditent, non sine cæterorum morfu, summoque fidelium scandalo & offensione.

Nec verò reponere juvat, controversias istas in iudicium vocatas, non Religionis sed Scholæ rixas esse.



Quantum enim novis illis opinionibus religio laesa sit, demonstratum à nobis est; & in Congregationum Commentarios relatum, quid de iis constituti Judices censuerint. Quin etiam ea fuit haec tenens Ecclesiae Catholicae in eliminandis quibusvis novorum Theologorum sinistris opinionibus vigilantia, ut minus probabiles opinioniones, ex quibus scandalum scissioque suboriri possent, majoris securitatis studio quandoque proscriberent. Exemplo est Clementis V. in Concilio Viennensi definitio, qua quorundam Scholasticorum sententiam improbavit ac rejecit, qui gratiam informantem atque virtutes parvulis in Baptismo conferri dissimulabant. Nos, inquit, opinionem quae dicit, tam parvulis quam adultis conferri in Baptismo informantem gratiam, & virtutes quoad habitum, tanquam probabiliores; & dictis Sanctorum magis consonam & concordem, Saero approbante Concilio duximus eligendam. Quamquam ea gratiae informantis & habitus infusi nomina, metaphysica sint, quae nusquam in divinis Scripturis observare licet.

## §. 7.

Ultimo tandem Ecclesiae necessaria definitio est, ad ea pericula praecavenda, quae ex diuturniori iudicii procrastinatione suboriri possent. Quia cum universi in alterutris partis studia veniant, omnesque pro alterutro Scholae affectu opinioniones ebibant, res eo demum perducentur, ut quae nunc facili negotio componerentur, nullo demum conatu, nullâ industria resarci possint. Continuo siquidem usu monstrum mitescent, & errores sectatorum multitudine vires accipiant. Ea ratione permoti Justinus Imperator, & Comes Justinianus Hormisdam Romanum Pontificem, variis Epistolis stimularunt, ad nonnullarum controversiarum definitionem maturandam, uti apud Baronium tomo 7. ad annum 520. legere est. Quoniam, inquit, Justinianus Epistola ultimâ, nec difficilia sunt quae ceciderunt in ambiguitatem, nec expedit divinis causam vi-

re protrahi sempiterna: ne dilatis temporibus aliquid nascentur incertum. Nova disseminantur in dies; exoticæ in dies opiniones procuduntur, inaudita petulantium ingeniorum audacia. Jactis jam ruinosis fundamentis, unusquisque pro arbitrio superædificat; ac turres veluti Babelicæ extruuntur: tanta est in sentiendò atque loquendo dissonantia! E re Catholicâ igitur est, ut Pontificio Judicio certa fundamenta ponantur, qualia ab Apostolis ac Patribus constituta esse, probatum ac demonstratum est, quibus solis doctrinam de divina gratia superstruere liceat.

## CAPUT II.

*Quantum expediat controversiam defini, habitâ ratione Partium dissidentium.*

## §. PRIMUS.

**A**ltero ex capite Innocentium II. inducit D. Bernardus ad controversiam ætate sua subortam extremo judicio finiendam: Quodd videlicet causam ultimò dirimi expediret, habitâ ratione adversæ partis, quam indistincto silentio frænare necesse erat. Res ita se habuit, ut ex ejusdem D. Bernardi Epistola 189. aliisque sequentibus colligere licet. Cum bona pace frueretur Ecclesia, tritaque teneret Majorum ac Patrum doctrinæ semitas, circa Christi Domini Redemptionis efficaciam, & Peccatum Originale, &c. insolentem sibi fiduciam arripuit homo quidam eruditionis opinione tumidus, Petrus Abaelardus: qui ut doctrinæ singularitate famam sibi supra cæteros faceret, nova meditari cœpit; ne si cum aliis sentiret ipse, nihil præ aliis scire videretur. Librum eo animo fabricavit, ut novos Minervæ suæ partus effunderet; atque in ipso statim dissertationis exordio (Divi Bernardi verba sunt Epist. 190.) Ecclesiasticorum Doctorum unam omnium de hac re dicere sententiam, & ipsam ponit & spernit, ac gloriatur se habere meliorem. Solitum illi erat, ita de

gravi supercilio pronunciare : *Omnes sic; Ego autem non sic* (Ep. 190.) ; quasi novâ præ cæteris Ecclesiæ Doctoribus luce perfusus esset. Discipulos sibi memento fecit, atque eos inter Arnaldum Brixensem, multæ audaciæ virum, disseminandæ novitatis peritum artificem, quo velut armigero novus Goliath utebatur. In multorum amicitiam & gratiam, sparsis, undequaque ac Romæ præsertim doctrinæ suæ libris, intrepere motus est, ut doctrinæ suæ nomen ac patrocinium conciliaret. Unde Bernardus Epistola 192. *Securus est, inquit, quoniam Cardinales & Clericos Curie se discipulos habere gloriatur, & eos in defensione.... erroris assumit.* Epistolâ verd 192. *Magister Petrus in libris suis profanas vocum novitates inducit & sensuum, disputans de fide contra fidem, verbis legi legem impugnat.* In Epistola 91. ad Innocentium II. quam unâ cum nonnullis Episcopis dedit, *Extendit, inquit, palmites suos usque ad mare, & usque Romam propagines ejus. Hæc gloriatio hominis illius, quod liber suus habet in Romana Curia ubi caput suum reclinat. Hinc confirmatus & confortatus est furor ejus.*

Cæterum cum doctrinam captu facilem vendicaret ille, multosque ea de causâ traheret in partes, diuturnioris moræ periculum expertus sanctissimus Abbas, eum publicis disputationibus ad sana consilia pertrahere conatus est, tametsi ausu omnino irritò, ob novatoris scilicet impudentiam, discipulorum numerositate tumidiorem. Ad Sedem igitur Apostolicam confugere necesse fuit; quâ unâ & viri petulantis audacia, & doctrinæ undequaque serpentis novitas coerceri posse videbantur. Litteras igitur ad Innocentium dedit, ad subortæ novitatis damnationem urgendam; quam & re ipsa efficacissimis rationibus obtinuit.

Videat jam atque perpendat Beatitudo vestra, num eodem nunc statu versemur. Erat ante paucos annos unitus planè labii universa Theologorum Schola, circa divinæ gratiæ & æternæ prædestinationis controversias. Subintrarunt viri novitatis cupidi, & Sanctorum Patrum vanissimi contemptores, qui sparsis hinc inde libellis

bellis, totum penè orbem novitatibus infecerunt. Formam alteram doctrina penè omnis nuper induit, novam faciem universa Theologia. Res edè demùm incredibili novatorum industriâ, studio, dexteritate perducta est, ut unius Apostolicæ Sedis autoritate componi possit; jamque Basilii magni verba de quodam sui temporis novatore usurpare liceat, *Facilitate scribendi, qua per occasionem ad quosvis irrepit, conjunctam habens sufficientem lingua facultatem, orbem suis libris implevit.* (Epist. 47. ad Damascum.) Id porro non aliunde ortum, quàm ex inanis gloriæ cupiditate, & dominandi desiderio; ut & cæteris eminere, & altiora reliquis invenisse viderentur,

## §. 2.

**A**Uget promulgandi Judicii necessitatem, recentium novatorum indoles, qua omnibus adulari, indulgere omnibus student. Non unum idemque, ut scitis, est hominum genus. Novitatibus alii delectantur, atque ii quidem numero plures: rerum etenim novarum cupidos experimur propemodùm infinitos. Alii doctrinam antiquam, & à Majoribus acceptam in pretio habent. Utrisque indulgere ambiunt illi paucorum dierum homines. Doctrinam etenim suam, interdum novam jactitant, Pelagianismi debellatoribus ignotam, Augustino in caligine posito prorsus imperviam; ut viris novitatum amatoribus adulentur. Antiquam è contra nonnunquam appellant, atque ex primæva Patrum traditione derivatam, ne viris avitæ doctrinæ retinentioribus stomachum faciant. Familiaris est illa hæreticis penè omnibus astutia; commune novatoribus inest multiforrisis ingenii specimen. *Hæretici, inquit Baronius tomo 4. pag. 288. Primò quidem jactant quæ proferunt; & quia statim ad novitatem sequitur suspicio, iterum dicunt suam doctrinam esse, antiquiorum sententias suscitare.* Quod idem ante illum observaverat Basilii magnus lib. 1. adversus Eunomium, cujus verba hæc ex ipsius Sermonis exordio petita profert *Eam*

quam jam diu apud Patres obtinuit pia traditio, tamquam amissam quandam & regulam exponendo pramissamus.

Legantur novi isti autores, observare facile erit, quo nunc supercilio Patres contemtim excipiant, despiciantur, seque in illos superbiùs efferant, quasi mysteria ipsis impervia penetrarint; quo nunc è contra festivo plausu eorum se doctrinam excipere, gloriantur: tanta illis inest cuilibet adulandi dexteritas! Opus est igitur, ut Apostolicà definitione Veritas innotescat, palamque fidelibus constet; an re ipsa veterum Patrum vestigiis insistant. Num etenim ita sit, satis superque in Congregationibus actum est.

## §. 3.

**E**O verò potiori jure definitio illa vulganda est, quò ii majori studio adnituntur ne publicè prodeat. Mali profectò id ominis est, apertumque deperditæ causæ argumentum. Quid etenim, si veritatem à suis partibus stare putant, rem extremo judicio eliquatì nolunt? Aperta Christi sententia est, Joannis 3. *Omnis qui male agit, odit lucem; & non venit ad lucem, ut non arguantur opera ejus: qui autem facit veritatem, venit ad lucem.* Nihil æquè hæresim sapit, quam velle tenebris delitescere, nolle prodire in lucem, judicium doctrinæ suæ refugere. Hinc Hieronymus in Præfatione in librum 4. super Jeremiam, *Aut bona sunt que docetis, aut mala. Si bona, defendite liberè: si mala, quid occultò miseros jugulatis errore, rectaque fide ad deiciendos simplices quosque jactatis expositionem? Quæ si vera est, cur absconditur? Si falsa, cur scribitur? Et in Epistola ad Cresiphontem, Sola hæc hæresis est, que publicè erubescit loqui, quod secretò docere non metuit.* Hinc & Baronius ad annum 410. Pelagii ac Coelestii circuitus versipelles enarrat, quibus Ecclesiæ judicium effugere nitebantur. Talis, inquit, hoc tempore status erat hæresis Pelagiana, ut cum propalarentur errores, autores tamen latere cuperent; hacque de causa, insu-

las ad docendum elegerint, duasque simul pestilentia cathedras erexerint, alterum in Sicilia ad decipiendos Occidentales; in Rhodo Insulâ alteram, ad corruptionem Orientalium populorum. Consentiant & Acta Concilii Carthaginensis apud Augustinum, lib. 2. de peccato Originali cap. 2. & 3. ubi cum Cœlestius urgeretur ad doctrinam suam nitidè & expeditè proponendam, ut de ea pronuntiare Ecclesia posset, rem ægerimè tulit; sibi satis esse inquit, si Baptisma necessarium fateretur; cætera verò ad peccati originalis doctrinam attinentia, liberæ opinionis esse, quam Ecclesiastica definitione decerni & eliquari non expediret. *Quæstio: res ista est, aiebat ille, non hæresis. Infantes semper dixi egera baptismo, ac debere baptisari: quid aliud quæris? Cap. 4.*

Pari calliditate Eutyches Concilii Constantinopolitani iudicium refugiebat. Missis ad se legatis ut Synodo se fisteret, infirmitatem primò causari cœpit: tum Monachum se esse dixit, sequæ religione teneri obtendit, ne extra Monasterium vagaretur. Uno verbo, hæreticos nonnisi filios tenebrarum, noctuas, vespertiones à Patribus appellari, notum est, quod nec videri ab aliis patiantur, nec sensa sua examinari, & Ecclesiastica definitione in aperto poni velint. (*Apud Baron. ad ann. 448.*) Ubi ergo Pontificii Iudicii sol affulserit, abscedent illicò vespertiones, suisque latibulis delitescant; Regio Vate id attestante: *Ortus est sol, & congregati sunt, & in cubilibus suis collocabuntur.*

Hoc porro Sedis Apostolicæ Iudicium prodire palam ac secundum juris formulas promulgari, tantò plus congruit, quantò petulantiùs & audaciùs rem sibi adjudicantam conclamarunt, ac veluti parta victoriâ triumpharunt. Mirum profectò fuit, quot dies festos egerint, quot publicæ latitiæ significationes dederint, quot tentarint artes, ut apud stultam plebeculam, virosque rerum gestarum ignaros, causam obtinuisse viderentur. Atque hinc verè colligere fuit quàm sibi in huiusce litis tractatione malè conscii essent, quàm iniquis titulis nobiscum agerent, quàm anxiâ imminētis damnationis suæ conscientia torquerentur; qui Sententiam à

vestra Sanctitate in suspenso positam, & in opportunum tempus dilatam, insignis victoriae loco habuerunt.

Haereticorum hoc proprium est, victoriam sibi semper accinere, quo etiam tempore causâ cadunt, iustoque iudicio percelluntur: quia cum non veritatis studio, sed popularis gloriae cupiditate ducantur, nihil aliud admittunt, quam ne damnati videantur. Id in Apollinaristis comprobatum est, qui, ut refert Gregorius Nazianzenus, in Epistola ad Cledonium, in Synodo Occidentali proscripti causam sibi adjudicatam conclamarunt procul ab urbe Roma, sibi que victoriam mille mendaciis & fraudibus accinerunt. Hoc ipsum ante paucos annos in hisce novis Doctoribus experti sumus. Damnata quippe Romae à Clemente VIII. illorum sententiâ de Confessione per litteras & internuntium, illic extra urbem, ac potissimum in Hispania, in Scholis passim & pulpitis conclamarunt, se eo Iudicio Pontificio nequaquam petitos esse, sed alios, de quibus ipsimet apud Apostolicam Sedem expostulaverant, & ad sententiam ferendam adduxerant. Quo casu mille fabulas risu dignas egere, à quibus proferendis abstinemus, uti & alias hic scenas mille facimus, quas occasione dilati Iudicii Pontificii praebuere, dum divinorum auxiliorum Congregatio soluta est:

#### §. 4.

**A**ccedit ratio altera ex D. Athanasio petita, libro de Spiritu Sancto ad Serapionem. Narrat scilicet eod loci Macedonii calliditatem, qui Spiritus Sancti divinitatem oppugnare coepit, specie oppugnandi Arianismi: eoque obtentu fidelium sibi benevolentiam conciliavit, qui eum religioso oppugnandi Ariani erroris studio duci existimabant, cum è contra nihil aliud sentiret ille, quam Arius, amboque in ejusdem blasphemiae professionem conspirarent. Fraudem detexit Serapion Episcopus piatissimus, & Athanasium per litteras monuit, quam praesenti remedio opus esset: *Eo etenim periculosus haeresis illa grassari coeperat*, inquit Baronius ad ann.

360. quod licet prodiret ex Arianis, tamen ejus promulgatores adversari se Ario profitebantur.

Ea se astutiâ muniunt Doctores isti nuper exorti. Opugnandi Pelagianismi specië, novam in Ecclesiam doctrinam intulere; cum sua penè omnia ex Pelagianorum officinâ derivarint, quemadmodum in Congregationibus habitis ostensum est. Pelagio æquè ac Calvino bellum indixisse videri volunt, ac tantâ quidem ostentatione atque jactantiâ, ut illorum ductor exercitus, à quo etiam Schola recens nomen habet, scripturire non erubuerit, nec Pelagianam quidem hæresim orituram fuisse, si sua illa inventa divinæ gratiæ hostibus exposuisset Augustinus. Id porro quo consilio jactitatum? Nisi ut fidelibus turpius illuderent; quasi medias opugnandi Pelagianismi & Calvinismi vias invenerint, reliquis Ecclesiasticis Tractatoribus prorsus ignotas. Hinc itaque nova vulgandæ definitionis Apostolicæ necessitas oritur: ne honesto illo obtentu suscitatus error latius serpat & ambitiosius.

## CAPUT III.

*Quantum expediat, controversiam definiri, ob Apostolicæ Sedis honorem & dignitatem.*

## §. UNICUS.

**S**uperest ultima, eaque gravissima vulgandi Judicii Apostolici ratio, à D. Bernardo præ cæteris commendata, Pontificii scilicet muneris obligatio. Nemini quippe dubium est, quin eo præsertim titulo, universali Ecclesiæ præfectus sit Summus Pontifex, ut enatas controversias dirimat; veritatem in aperto ponat; Apostolicæ Traditionis dogmata non arcano dumtaxat sinu foveat, sed publicam in lucem solenni judicio prodat, dum id fidelium inter sese dissidia postulaverint. Exstat in hanc rem explicatissima Deuteronomii lex, Capite 17. *Si difficile & ambiguum apud te judicium esse perspexeris &c. & Judicium intra portas tuas*



*videris verba variari ; surge & ascende ad locum quem elegerit Dominus Deus tuus, veniesque ad Sacerdotem & ad Judicem, qui fueris illo tempore ; queresque ab eis, qui indicabunt tibi judicii veritatem. Nec alia de causa Summus Pontifex in lege nova institutus est, quam ut subortas in Ecclesia controversias indeficienti judicio dirimat. Hinc D. Bernardus Epist. 188. Moïsis in Montem ascensuri verba recolens, Habetis Aaron & Hur vobiscum : si quid natum fuerit questionis, referetis ad ipsas : Christum eâ figurâ præsignari monet, qui Summum Pontificem in Cælos ascensurus Ecclesiæ dedit, ut eâ qua pollet autoritate ac zelo emergentes quæstiones enodet. Quo etenim jure Regiæ autoritatis est, civiles subditorum controversias definire. Jus in temporalibus populo dicere, facta testaque cuique bona servare ; ita Pontificii muneris est, enatas in Spiritualibus lites dirimere, doctrinæque ac fidei quæstiones Cælesti veluti nutu definire. Quod usque adeo certum est, ut ejus interdum de subortis controversiis definitionem interminatâ etiam divini Judicii poenâ, illi requisierint. Sic sanè Justinus Imperator & Justinianus Comes emergentis controversiæ judicium ab Hormisda summo Pontifice expostularunt. Tremendi Judicii, inquebant in data ad illum Epistola, non immemor Sanctitas vestra, qua sibi commissa sunt efficacia tradi deproperet : ut intelligant cuncti, recte vos Apostolicæ Sedis Primatum fuisse fortis. Nec verò id mirum : cum & Gelasius ipse Anastasio Imperatori rationes exponens, cur à ferenda sententiâ abstinere tutâ conscientia non posset, istam præ cæteris proferat. (in Epistola apud Baronium ad annum 494.) Dispensatione enim divini Sæmonis mihi injunctâ vq mihi est si non Evangelizavero. Quod cum vas electionis B. Paulus formidet & clamet, multo magis mihi exiguo metuendum est, si divinitus inspiratum & paternâ devotione transmissum subtraxero ministerium prædicandi.*

Pari profectò consilio Hieronymus Damasum compellavit Epistolis 57. & 58. ut fluctuantem veritatem in tuto poneret, dum celebrato Nicæno Concilio, con-

troverſia de tribus in Deo Hypoſtaſibus orta eſt. Haſ ille palam dicere detrectabat, quòd ea loquendi ratio nova in Eccleſia videretur, nec ſatis quid hac in parte certi conſtitueret, noverat ſanctiſſimus Doctòr. Damasum ergo convenit Epistoſis, rogans ut ſentiendi loquendique rationem præſigeret, pro eà quâ in univerſam Eccleſiam valebat autoritate: futurumque ſpondit, quod in Evangelio Chriſtus Dominus adpromiſit, *Ubi fuerit corpus, illuc congregabuntur & aquila: fideles* ſcilicet univerſos in eandem ſententiam cum Romano Pontifice conſenſuros. *Apud vos ſolos*, in-  
 quiebat Ep. 77. *incorrupta Patrum ſervatur hæreditas... Vos eſtis lux mundi, vos ſal terra... Quamquam igitur tui me terreat magnitudo, invocat tamen humanitas. A. Sacerdote victimam flagito ſalutis, à paſtore præſidium ovis.* Tum demùm in altera ſupplicationes ſuas ita concludit: *Obteſtor Beatitudinem tuam, per Crucem Domini, per neceſſarium fidei noſtra decus, per paſſionem Chriſti, ut qui Apoſtolos honore ſequeris, ſequaris & merito... Noli deſpicere animam, pro qua Chriſtus mortuus eſt.* Iis ſcilicet verbis innuens, haſ illi ſancien-  
 dæ veritatis partes ex Pontificiæ dignitatis officio incumbere, eumque commiſſo ſibi gregi defuturum, ſi minùs illas exſequeretur.

Jam verò ſi Damasum Hieronymus compellavit, dum nominis potiùs, quàm rei quæſtio vertebatur, quid facturum illum exiſtimamus, ubi rei graviſſimæ controverſia moveretur? Gravior hoc in caſu edendæ definitionis Apoſtolicæ religio inſtat, nec ſine ſummo Eccleſiæ damno negligi poteſt. *Tempus eſt*, in-  
 quiebat aliàs Divus Bernardus, in non abſimili rerum eventu Ep. 199. ad Innocentium II. *Tempus eſt, ut veſtrum agnoſcatis, Pater amantiſſime, principatum, probetis ze-  
 lum, miniſterium honoretis: in eo planè Petri impletis vicem, cujus tenetis & Sedem, ſi veſtra admonitione corda in fide fluctuantia confirmatis, ſi veſtra autoritate conteritis fidei corruptores.* Similiter & Patres Concilii Carthaginenſis, Innocentio I. ſignificarunt, quanta ipſi ex Pontificii muneris religione incumberet proſcri-  
 bendi

bendi Pelagianismi necessitas : primum quod Pelagius in erroribus promovendis expectatus & ardentissimus esset ; secundo quod multos ubique gentium sectatores atque discipulos sibi faceret : tertio quod agitatae ab illo divinae gratiae quaestiones nostrarum orationum religionem ac pietatem prorsus exstingerent. Quae tria Summum Pontificem ad proscribendum sine mora Pelagianum errorem impulerunt.

Videat nunc Sanctitas vestra , num hoc ipsum impresentiarum experiamur. Inducta nuper in Ecclesiam doctrinae novitate de divinae gratiae auxiliis & humanae voluntatis arbitrio, ad Inquisitores generales & Nuntios Apostolicos res illico delata est. Causam illi , inspecta argumenti dignitate, diligentius examinarunt : cumque esset ferendo iudicio matura , eam Pontifex Maximus Romam adscivit , sponditque saepenumero rem sese quantocius confecturum. Tum subinde permulti Romanae Congressus habiti , Disputationes initae , data & in Commentarios relata deputatorum Censorum iudicia. In Apostolicam itaque Sedem totus orbis defixos habet oculos , magnaue spe definitionis Apostolicae suspensus haeret, ex ea potissimum die , qua eam se Beatitudo vestra opportuno tempore promulgaturam , dato solenni Rescripto spondit , suamque veluti fidem partibus dissideptibus obligavit. Nusquam-ne igitur opportunitas illa temporis occurret ? Nusquam ne illucescet optata dies , Beatissime Pater , quo sacrum illud veritatis Oraculum licebit excipere , osculari ? Novas in dies ex hac tanta iudicii procrastinatione vires obtinent Novatores ; inventa sua longè lateque diffundunt ; doctrinae suae suffragatores undequaque congerunt , ac nisi brevi Pontificiae definitionis oraculum prodeat , spes omnis demum excidet propulsandae novitatis , & sanciendae veritatis.

## CAPUT IV.

*Satisfit momentis adversæ partis, quibus Apostolica  
Sedis Judioio intercedunt.*

## §. I.

**H**Ac in primis Novatores isti ratione pugnant. Quæstiones in judicium vocatas, ex eorum numero non esse ajunt, quas definire sit opus, sed liberæ Theologorum opinioni permitti, ut quisque illis pro arbitrio sentiat: quales aliæ propemodum infinitæ à Theologis hinc inde pro ingenii libertate agitantur.

At pristinae professionis suæ & ante-actorum meminisse opus est, quotquot jam ita garriunt. Quæstiones quippe in judicium vocatas, non opiniones esse, sed fidei, in publicis congressibus facti sunt adversæ partis Actores non semel & iterum, sed multis admodum vicibus. Rursus, de suscitato Pelagianismo postulabantur; atque an ita res esset, quæstio secundum Juris formas apud Apostolicam Sedem instructa est, de fide itaque, non de opinionibus agebatur. Hinc toties in Congregationibus disputatum, An Molina cum Pelagianis sentiret? An cum Cassiano cæterisque Massiliensibus conveniret? An hæc vel illa sententia ex Pelagianismi fontibus derivata esset? An easdem ac Augustinus libero arbitrio vires Molina tribuerit? An Justificationis initium liberi arbitrii conatibus Molina dederit? aliaque id genus de caritate, de fide, de virtutibus, de temptationum victoriâ, de gratuita vocatione, de scientiâ futurorum, longè multa, in quibus Molinam Pelagianismi luto hæerere demonstratum est, & à constitutis Judicibus pronuntiatum. Quid itaque nunc sibi volunt, dum controversias illas omnes præter fidem esse dicunt, & liberæ Theologorum opinioni permittendas; ut speciosa illa circulatione Sanctitatem vestram à vulgandâ Apostolicâ definitione dimoveant?

Communis est illa Hæreticorum astutia, maxime  
verò

verò Pelagianorum, de quibus ita scribit S. Augustinus lib. 2. de peccato originali cap. 23. *Volentes hæreses astute invidiam declinare, asserunt istam præter fidei periculum esse questionem; ut videlicet, si in ea fuerint exorbitasse convicti, non criminaliter, sed quasi civiliter errasse videantur...* Perspiciatis id eum egisse, hac prælocutione præmissâ, ut si quid in illo apparuerit erroris, non in fide, sed in questionibus quæ sunt præter fidem, *videretur errasse; ubi etsi corrigendus est error, non tamen tanquam hæresis corrigatur: & qui correctus fuerit, ita dicatur errare, ut non tamen hæresius judicetur.*

Plus satis à nobis ostensum est, non ex earum numero esse quæstiones illas, quæ liberæ opinioni permitti debeant: cum ipsa Religionis fundamenta concutiant, easdemque veritates impetant, quæ jam pridem à Pelagianis & Massiliensibus oppugnatae sunt. Nec enim si secus esset, tanto eas studio, tanto apparatu Apostolica Sedes ventilasset, indictis per tot annos Congregationibus celeberrimis, auditis Academicis, Theologis ad Judicium vocatis. Immo verò eâ solennitate Causa illa tractata est, ea totius orbis expectatione institutum examen, ea religione vulgandæ tandem aliquando sententiæ, oppignorata Sedis Apostolicæ fides, ut hæere jam, atque suspensâ definitione Apostolicâ pedem figere, pudor sit.

## §. 2.

**A**ddunt ad idem institutum Novatores, à ferenda definitione abstinendum esse, ne orbis eo iudicio commoveatur. Nec id modo tantum obtrudunt, sed & illo quondam terriculamento Clementem VIII. à ferenda sententiâ dimovere conati sunt, ingentes fideliū motus & scandala comminati, si Moliniana dogmata damnarentur.

Et hæc quoque familiaris hæreticis calliditas est, motus, seditiones, & scandala comminari, ut Ecclesiæ Judicium effugiant. Hac arte usos Eutychianos, nar-

narrat Evagrius lib. 3. cap. 5. ut Concilii Calcedonenſis definitiones eliderent. (*Apud Baron. ad an. 476.*) Imperatores Baſiliſcum & Marcum litteris commovere, quibus Calcedonenſia Decreta minimè vulganda inquietant; *Pro certo perſuaſi, mundum, ſi id fieret, ſeditionibus everſum iri.* Pari calliditate Anaſtaſio Imperatori ſuaſerunt alii, ne Pontificias Conſtitutiones, ad conſolidandam ipſorum hæreſim à Gelafio latas, vulgari ſinere, ne turbaretur Imperium.

Tantum porro abeſt, ut orituræ ſeditionis metu, cauſa injudicata dimitti debeat; quin potiùs idcirco maturanda definitio eſt, ne altiores radices novitas agat, novumque ſectatorum multitudine robur obtineat. Hac ratione permoti Carthagenenſis Synodi Patres coram Innocentio I. ſupplicarunt, ut Pelagianam hæreſim brevè conſigeret, quæ novis ſpatio temporum viribus augebatur. Innocentium II. adduxit D. Bernardus, ut Petri Abaelardi errores ſine mora proſcriberet, ne rei conſiciendæ difficultas ſententiæ procrastinatione augetur in dies: ſic enim cum ſociatis nonnullis Epiſcopis ſcribebat Epiſtolâ 191. *Quia ergo homo ille multitudinem trahit poſt ſe, & populum, qui ſibi credat, habet; neceſſe eſt ut huic contagio celeri remedio occurratis. Serò enim medicina paratur, cum mala perſonæ invaluerint morbo.*

Jam quod objicitur ex Pontificia definitione ſcandalum oriturum, ludictum eſt. Illud immò ſcandali loco habendum, quodd iſtud viri Religioſi ac Theologi comminari audeant. Digna quippe Gregorii Magni ſententia eſt, ſuper Ezechielem. *Quando de veritate naſcitur ſcandalum, utiliùs permittitur naſci ſcandalum, quàm veritas relinquitur.* Aliàs à ferenda etiam in Lutheranos ſententiâ temperandum fuiſſet; cum univerſam penè Germaniam infeciſſent, ejuſque Principes benè multos ſuis partibus addixiſſent: ab Arianorum damnatione abſtinendum, cum toto penè orbe diffuſi eſſent, Potentum gratiâ tuti, ac Sectariorum multitudine formidandi. Tantum igitur abeſt, ut infauſti quidpiam Eccleſiæ catholicæ ex Pontificio judicio oriri poſſit:

possit ; quin immò in ejus pacis & gloriæ cumulata cessuram hujusce litis definitionem ; æstimandum est. Quocirca notanda venit Constantini Imperatoris Epistola ad sextam Synodum œcumenicam ; dum excitatis gravissimis controversiis , causam fidei à sanctissimis Sacerdotibus finiri supplicavit ; in spem optatissimæ pacis Imperio suo restituendæ ; *In pace namque fidei, inquit, pariter compactam à Christo dilectam Rempublicam nostram confidimus.*

## §. 3:

**O**pponunt tertio loco Novatores , multas Theologorum arbitrio permitti gravissimas controversias , uti sententiam de immaculato Virginis conceptu , quam nec Concilium Tridentinum , nec Romani Pontifices definiendam judicarunt.

Verùm longè aliter se res habet impræsentiarum. Nulla etenim Scripturarum aperta testimonia suppetunt , nulla Ecclesiæ facta revelatio , nulla Patrum imperturbata traditio , de Immaculato conceptu Virginis , quibus niti Canonica definitio possit. At vix ulla divinarum Scripturarum pagella est (uti loquitur Innocentius I. ad Milevitane Synodi Patres) ubi divinæ gratiæ necessitas non magnoperè commendetur. Vix novi quidpiam de divinis auxiliis fingi statuique potest , quod à Synodis Africanis , Patribusque hæreseos Pelagianæ debellatoribus , non fuerit in antecessum occupatum , ac minutatim dispunctum. Quibus omnibus Ecclesiasticam de rebus controversis definitionem superstruere facile est.

Sed nec illud omittendum hoc loco : eam fuisse hætenus Ecclesiæ catholicæ providentiam , ut etsi nonnunquam ab edendâ solenni definitione temperarit , peculiari nihilominus studio , saniori semper atque tutiori doctrinæ tuendæ providerit. Sic legem præmittendæ Confessionis Sacramentalis , dum quis peccati mortalis sibi conscius ad Eucharistiæ Sacramentum accedit , ita factam testamque voluit Concilium Tridentinum

tridentinum

ritum, ut illos excommunicatione petierit, qui secus docere ac prædicare præsumerent. Sic Viennense Concilium sub Clemente V. eorum Theologorum sententiam, qui gratiam informantem atque virtutes parvulis etiam in Baptismo conferri docent probabiliorem pronuntiavit. & Sanctorum Patrum assertionibus consentaneam. Nusquam tamen Ecclesia cuique licitum fecit in gravissimis controversiis, quibus stat Religionis Catholicæ fundamentum, pro arbitrio & ingenii libertate sentire.

## §. 4.

**O**bjectant ultimo tandem loco Novatores, partem adversam nova etiam vocabula in Ecclesiam induxisse: ut pote, quæ *Physica Prædeterminationis* vocem, Patribus ignotam usurpet:

Quibus breviter reponimus, nolle nos de vocibus disputare, modò de doctrinæ capite constiterit: *Judaica quippe perfidia genus est, relictis rebus, syllabas consecrari*; ut aliàs inquebat Gregorius Nazianzenus. Gratiam se ipsa efficacem, in solennibus Congressibus propugnavimus; qua Deus movet hominis voluntatem ad singulos pietatis actus, non solum interiùs suadendo, invitando, & excitando moraliter, verùm etiam activè, propriè ac verè efficiendo, ut liberum arbitrium infallibiliter consentiat. Rursus hanc divinæ gratiæ efficaciam ex Dei in hominum voluntates omnipotentissima virtute atque dominio oriri defendimus, quovis exploratricis scientiæ mediæ semoto lumine. En nostræ doctrinæ summam, de qua potissimum à Censoribus pronuntiatum est. Id si nobiscum admiserint adversarii, nulla aut certè minima supererit de nomine controversia. Physicæ quidem Prædeterminationis nomen, ad id significandum usurpavimus, nec immeritò: quòd aliis penè omnibus voculis adversæ partis Actores abuterentur, nostrique dogmatis summam eo vocabulo congruentius explicari putaremus. Quid verò, si nomen illud utcunque videri posset? Observat siquidem

ele.



eleganter Cardinalis Baronius ad annum 496. Ecclesiam ad nova interdum vocabula usurpanda cogi, ob singularem hæreticorum audaciam: qui cum tritis sapius vocibus abutantur, catholicos penè invitos ad novas etiam usurpandas impellunt. Hinc Consubstantialis, Deiparæ, Transubstantiationis vocabula necessario usurpata, ut antiqua Ecclesiæ fides adversus Hæreticorum licacitatem exponeretur: Nova, inquit, in Ecclesia atholica opus fuit excogitare vocabula, cum hæreticioribus abusi vocibus simpliciter proferri solitis, ex illis nam ipsorum sententiam roborari conati sunt. Sic & os pari necessitate compulsi sumus, physicæ Prædeterminationis vocabulum usurpare; ut gratiæ se ipsâ efficiis omnipotentissimam, insuperabilem, & indeclinabilem energiam ab Augustino contra Pelagianum asserimus, significemus: id à nobis exigente adversæ partis dicacitate, quæ aliis quibusve vocabulis licentiùs utitur.

## XV.

## EPISTOLA

Reverendi Patris VALERIANI MAGNI  
Capucini ad summum Pontificem ALEXAN-  
DRUM VII.

BEATISSIME PATER,

**P**ost beatorum pedum oscula, & humillimam  
meæ devotissimæ subjectionis contestationem;  
Ego F. Valerianus à Mediolano Sacros Ordinis  
F. Minorum nuncupatorum Capucinorum: jussus sub  
cenâ excommunicationis lætæ sententiæ, aliisque ex-  
cessis in Bullis Summorum Pontificum Prædecessorum  
tuo-

tuorum, denuncio Sanctitati tuæ me per longam annorum seriem certò certius observasse, quodd Clerici Regulares nuncupati Jesuitæ, dum inhiant divitiis, dominationi & gloriæ super omnes mortales, plurima palam committant prohibita, & omittant præcepta sub poena culpæ mortalis, nullum exhibentes indicium poenitentiae, sine quâ sunt suspecti de hæresi, nimirum si credant eas commissiones non esse prohibitas; sint verò cognita culpâ inforDESCANT in illa, sunt suspecti de Atheismo. Expono hanc deductionem hoc exemplo.

Titius Parochus in Civitate inducit Notarium publicum & quatuor testes ad conficiendum testamentum falsum, cujus vafrie hæres privatur hæreditate centum millium aureorum, quam Titius sibi usurpat, eversa justitiâ apud Judicem; quem tamen ut & Notarium & testes pronunciat in sacramento poenitentiae immunes à culpâ, & restitutioni non obnoxios; se verò tuetur adversus oppressos & scandalizatos omni genere aliorum bonorum operum, iis exceptis quæ obstant consequendis divitiis, dominationi & gloriæ, cujusmodi sunt oratio, jejunium, eleemosyna, & quæ habent meritum & laudem ab austeritate vitæ. Hoc factum 1. involvit crimen falsi in Notario publico. 2. Juramenta falsa quatuor testium. 3. Furtum centum millium aureorum. 4. Oppressionem justitiæ apud Judicem. 5. Publicum scandalum impoENITENTIAE & impunitatis tot criminum. 6. Abusum Sacramenti poenitentiae,

Hæ sex actiones prohibentur sub culpa mortali omnibus hominibus per legem divinam, naturalem, & positivam: qui verò ea aliaque ejusmodi pertinaciter & contumaciter negat, est hæreticus. Cui doctrinæ innixus, contestatâ veritate facti, denuncio Sanctitati tuæ præfatam Jesuitarum hæresim vel Atheismum. Verùm antequam exponam non pauca earum commissionum & omissionum cum circumstantiis loci, temporis, personarum, & aliis eò spectantibus, volo asserere Sanctitati tuæ innocentiam meæ denunciationis.

non

non tamen ab utilitate ex suppressione hæresis (ea est per se nota) sed à circumstantiis mee personæ. Nimirum ab anno 1653. frequenter in hanc sententiam de Jesuitarum hæresi scripsi ad Sacram Congregationem de propaganda fide aliisque ministris Apostolicæ Sedis, nec tamen extitit unus qui ullo modo improbaverit hunc meum zelum, quem propterea credo sanctum, & non displicere.

Ante annos plus viginti exaravi scripto ad Sacram Congregationem de propaganda fide quatuordecim commissiones & omissiones, in quibus hærebant multis annis contumaces Generalis & duo Provinciales Jesuitarum, & alii plures cum suis Assistentibus & Consultoribus, quas sum execratus velut involventes hæresim & Atheismum. Illi verò Patres purpurati cum ex me intellexissent Jesuitas de me spargere me inde reprehendi, literis suis patentibus, roboratis appensione sigilli & subscriptione Eminentissimi Cardinalis Borgiæ, ultrò laudarunt illud meum scriptum & zelum, suaseruntque constantiam in obsequiis exhibendis Sanctæ Sedi Apostolicæ: provoco ad Archivum ejusdem Sacræ Congregationis. Ad hanc denunciationem fui aliquando animatus à persona quam paratus sum manifestare cum decore actionis quam instituo.

Patri Waddingo Jesuitæ tunc pseudo-Cancellario Universitatis Carolinæ Pragæ satagenti conciliare animum meum Societati, promissi mea humillima obsequia, si doceret præfatis quatuordecim actiones non esse prohibitas sub culpa mortali: Is verò statim abrupto colloquio indignabundus se inde proripuit nunquam postea à me visus. Simili studio post aliquot annos P. Nicolaus Lensivius Jesuita Exprovincialis Lithuanix, una cum Barone Pramoro Decano Cathedralis Comucensis, in præsentia aliquarum nobilium personarum multis suadebat concordiam cum Societate: Cui cum prælegerem meum scriptum de illis quatuordecim actionibus, non sustinuit finem lectionis, sed illicò evasit; nec modò literis de hoc argumento ad se datis respondit, nunquam postea à me visus.

Cum

Cum hæc & alia ejusmodi plura me stimulent ad denunciandum S. Sedi Apostolicæ hanc gliscentem, seu potius grassantem in illa Societate hærelim, humilliter ea de re monui ex nostro Monasterio Romano per epistolam Mutium Vitellescum Jesuitarum tunc Præpositum generalem, cujus copiam exhibui Urbano octavo felicitis recordationis Summo Pontifici, necnon & nonnullis Cardinalibus qui etiamnum vivunt, exemplarque ejusdem epistolæ destinavi ad gloriosæ memoriæ Cæsarem Ferdinandum secundum, ut disposita ex tunc denunciatio juridica esset innocentior, ubi evangelica correctio nil effecisset.

Nullum à Mutio retuli responsum, nullam in Societate noravi emendationem. Hisce igitur asseruerim sufficienter innocentiam meæ denunciationis, velut instituta secundum normam Evangelii sacrorumque Canonum ad conservandam fidei & morum puritatem. Verum ea spectat ad meam incolumitatem quam velim protectam contra Jesuitas, qui propterea me volunt extinctum, imò sepultum etiam viventem, cum tanto dedecore eorum quorum protectionem invoco, ut hoc meum privatum commodum spectet Catholicæ Fidei integritatem. Id verò exponam proximis meis literis.

Tux Sanctitatis

28. *Aprilis*, 1656.

*Humillimus Servus*

F. Valerianus Capucinus.

## XVI.

## EPISTOLA

*Reverendi Patris Provincialis Capucinatorum ad  
admodum Reverendum Patrem Generalem  
ejusdem Ordinis, de captivitate Patris Va-  
leriani.*

**L**ibellus Apologeticus nostri Patris Valeriani contra PP. Societatis non ita pridem vulgatus, qualem hic nobis tragediam exhibuerit, paucis innumera complectar.

In vigilia Purificationis B. Mariæ Virginis, circa horam octavam vespertinam comparuit in hoc nostro Conventu Viennensi Auditor Nuncii Apostolici cum curru, & cum eo quidem Secretarius Cæsareus militibus armatis stipatus. Auditor Patre Valeriano ad se vocato, præsentē loci Guardiano, ex parte Summi Pontificis, & ejusdem Nuncii, arrestum sive captivitatem annunciat: Secretarius verò Cæsarei Patruī nomine jubet eundem Patrem absque mora & sua sponte currum conscendere, nisi velit violentā manu capi, quem cū lubens ascendisset armatā manu ad Hospitale nuncupatum Imperatoris ducit, ibique in publicum, & infamem carcerem detrudit, & militibus custodiendus traditur, inde brevi extrahendus, & de mandato, ut dicebat, suæ Sanctitatis Romam deducendus. Dum interim tota Civitas Viennensis commovetur, major pars utriusque sexus & conditionis hominum stupet, miraturque turpem procedendi modum, & velut scandalosum, nimium præcipitem, religionique præjudiciale summe detestatur. Turmatim homines tam sæculares, & ipsi Magnates ad Monasterium current, compatiuntur, & nonnulli eorum sua sponte Imperatorem.

Im-

Imperatricem, Nuncium Apostolicum, & alios proceres quorum intererat, accedunt, partes Valeriani & nostri Ordinis assumentes, media scandalis obviantia supplices explorant. Clamores per plateas audiuntur vociferantium, Vivant Capucini, vivat P. Valerianus, hæc pro veritate dicta patitur: Pereant PP. Societatis velut omnium istarum turbarum autores & fautores, ac verbis maledicis, imò quosdam eorum obvios luto & saxis prosequuntur.

Ego interea quando Conventuum vicinorum incumbō visitationi. & hæc audio, mox Viennam advolo, Nuncium Apostolicum totum turbatum, & noctes insomnes ducentem accedo, pericula magni tumultus expono, pro mediis præsentibus & futuris scandalis mederi valentibus insto. Respondit hic se nobis & P. Valeriano quidem compati, sed non potuisse nisi mandatis Pontificiis parere, utque ipsi media pro avertendis malis indicem, postulat, & tandem concludit quòd Sacræ Cæsareæ Majestatis dispositioni, habitâ tamen cautione, se conformare intendat, dicendo se modum hujus captivitatis ignorasse. Inde pergo ad alios proceres, & tandem ad ipsum Imperatorem propero, & ab illo benignè & patienter auditus, dico me non venisse ut partes Valeriani agam, factaque ejus defendam, imò ut justitiam implorem, quatenus ipso mediante dictus P. Valerianus Judici competenti sistatur, processus ejus audiatur, & reus inventus, pro demeritis puniatur, quemadmodum ipse petit, & instat; sed saltem obnixè rogare ut scandalis obvietur, & honori Religionis nostræ hæc in parte nullam causam habenti maturè prospiciatur: Omnes dico in admirationem & stuporem raptos quòd unus Capucinus in Religione sexagenarius, à vita & moribus optimè commendatus, hujus provincie quondam provincialis, in conceptu totius Ordinis Generalis, ac tandem Cardinalitæ dignitatis, de domo Austriacâ optimè meritis, quo operante Matrimonium inter Regem Poloniæ & Filiam Imperatoris Ferdinandi secundi feliciter successit, ad eundem Regem Poloniæ, & Sedem Apostolicam, & alios pro-

ceres legatione cum bono effectu functus, non minus de Ecclesia Romana bene meritus, multis annis Missionarium Apostolicum agens, scriptis & disputationibus fidem defendens, & vitæ periculis pro eâ se exponens non sine animarum eximio fructu, necnon & Principum, & Imperummet Prædicantium conversione: Talis, inquam, vir multis Magnatibus ac Principibus sanguine junctus, & Conventu nostro. vel potius suo, non habitâ ratione tot corporum Imperatorum & Imperatricum suorum Antecessorum, imo suimet patris & matris in dicti Conventus Ecclesiâ in Domino quiescentium, armatâ manu capiatur, toti orbi & urbi velut maleficus ad publicos & infames carceres detrusus, ludibrio & spectaculo exponatur, non processatus, non auditus, non sententiat, nec condemnatus. Insuper adjungo, quod non minus scandalum in religionis detrimentum timendum & expectandum sit casu quo armatâ manu tot provincias peragraturus, & ubique notus, Romam usque captivus ducatur, causam populo ignorante.

Ad hæc Imperator objecta dicit se & Religioni & P. Valeriano plurimum compati, modumque procedendi sibi displicere, seque hoc in casu partem aliam non habere, quàm quod Nuntio Apostolico ab eo brachium sæculare imploranti nomine Summi Pontificis denegare non potuerit, seque cum dicto Nuntio collaturum, ac pro futuris avertendis malis & scandalis allaboraturum. Tandem Cæsare ab hac causâ ex toto exempto, in Concilio secreto concluditur ut prædictus P. Valerianus ex carceribus dimissus pristinæ libertati restituatur, cautione prius præstita ab Excellentissimo Marchione Principe Badensi P. Valeriani affine, & ejusdem Nepote Comite Magni de Straßburg, non in Conventu, verùm in domo Comitum de Weitenberg commoretur, donec illi tempus commodum se eo conferendi absque ullâ captivitatis notâ, ibique permanendum usque ad aliam resolutionem à Romanâ Curiâ ferendam affulgeat.

Tragedia hæc scandalosa quidem, attamen attentis circumstantiis videtur hic & nunc quod ad Religionis;

Patrisque Valeriani majorem potius honorem quam dedecus cedit : Omnium ferè Ordinum Religiosi videntur pro parte Valeriani stare. Interea P. P. Societatis qualiter adlaborent, quantisque conviciis & enormibus mendaciis in P. Valerianum ubique locorum invehant, est dictu incredibile. Hæc judicavi consultum A. R. Paternitati Vestræ annuntiare, ipsamque de successu tragediæ certiozem reddere, ut apud Curiam Romanam, & ubi opus fuerit, honorem saltem Religionis prout in Domino melius videbitur possit & valeat tueri.

*Vienna Austria*

15. Feb. 1661.

A. R. P. V.

*Obsequentissimus filius.*

## XVII.

# EPISTOLA

*R. P. Valeriani Capucini ad R. P. Ludovicum  
à Salice ejusdem Ordinis.*

**M**I Ludovice, Quandoquidem à me postulas breves responsiones ad illa quæ passim objiciuntur mihi, en illas: tu verò sciscitare & percunctare quodnam sit illud crimen meum tam grande ut justum fuerit ordiri judicium ab executione tam violenta & acerba, quam vir ingenuus averfatur horribilius ipsa morte. Spectaculum factus sum mundo. Vale.

*Dabam ex carcere Vienna, 8. Febr. 1661.*

1. Cur Valeriane denunciaſti Societatem Jesuitarum Summo Pontifici velut infectam hæresi? *Resp.* Quia committunt & omittunt impunè sine scrupulo plurima quæ evidenter involvunt culpam mortalem fide Christiana: Quia Ecclesia Gallicana & Belgica censuravit eorum moralem Christianum velut adversum Evangelio, Statui politico, & omnibus necessitudinibus vitæ humanæ.

Z 3

2. Cur



2. Cur Valer. post sæpius iteratam denuntiationem, Summo Pontifice silente, non desistis denunciare? R. Nec semel denunciavi, sufficienter scilicet, pauca exempla hæreticarum commissionum & omissionum adduxi, supersunt verò plurima eaque scandalosissima adducenda in considerationem Pontificis & Ecclesie Universæ. Quia usque in hunc diem ignoro an mea denuntiatio innotuerit Pontifici.

3. Cur Valer. ausus es aggredi universam totamque Societatem? R. Si temerè id feci, mea temeritas cedat in honorem Societatis, promittoque me in eo casu satisfactorum illi, etiam poena mei capitis.

4. Cur Valer. edidisti typo tuam apologiam contra Decretum Pontificis id inhibentis sub poenâ excommunicationis? R. Decretum illud non arctatur ad unum Valerianum, sed ad omnes Missionarios. Obedivi Decreto non publicatâ typo meâ disputatione cum Cærio Habenone & Calixto, licet ea fuerit approbata à Nuntio Apostolico & ab Ordinario loci ante Decretum: Obedivi Decreto non publicatâ majori parte meæ philosophiæ. Edidi meam verissimam apologiam quia difamatus sum à Jesuitis velut hæreticus, damnatus hæresis, destinatus inibi ad supplicium si Romam adirem, sceleratus ad eam mensuram cujus una pars decima mereatur expulsionem mei ab universo Ordine Capucinatorum.

5. Cur Valer. non postulasti providentiam Judicis adversus illas calumnias? R. Postulavi sæpius in successu aliquot annorum, sed sine remedio & responsione ullâ.

6. Cur Valer. non pertinuisti indignationem summi Pontificis editurus typis aliquid contra ejus Decretum? R. Credidi Pontificem non me separaturum à communionem fidelium ex titulo quoddam desperatâ justitiâ voluero me asserere Catholicum, non sceleratum, sed servum Dei. Quoddam verò homo constitutus in privatis circumstantiis teneatur sub poena peccati mortalis & excommunicationis à coetu fidelium, tolerare potius illam infamiam, quàm dispensare materialiter Decretum Pontificis.

tificis, est propositio falsa, involvens hæresim, & perniciosissima jurisdictioni Pontificiæ, velut illa sit iniqua & tyrannica.

7. Cur Valer. ut te purgares ab illa infamia non es veritus subicere Pontificem suspicioni denegatæ justitiæ? R. In mea Apologia sufficienter expressi principes omnes tametsi sancti & prudentes frequenter decipi circa veritatem facti, sentioque Alexandrum Septimum etiamnum ignorare veritatem hujus facti.

8. Cur Valer. non voluisti surdescere sub illa infamia potius quàm leviter ducere Pontificem in suspicionem denegatæ justitiæ? R. Illa quæstio est indigna viro non infano.

9. Cur Valer. tam aculeatè perstringis Societatem Jesuitarum, propalasque denuntiationem universo orbi? R. Id feci jure potiore ex quo illi me traducant ut Jesuitis aculeatè excitis, nec tamen contra me provocantibus esset præsumptio meæ innocentiae evidentissima: Ut auditus ad veritatem obstructus arte & potentia Jesuitarum, deobtureretur ingenti rumore.

10. Cur Valer. non es veritus scandala Acatholicorum ex dissidio? R. Imò publicavi meam Apologiam ut omnes intelligant Catholicos non conspurcari hæresi Jesuitarum, neque præsupponere in Pontifice jurisdictionem legibus non coercitam, meque lege Canonicâ coercitam, meque lege Canonicâ obligari in ejusmodi casibus præsumere & præsupponere innocentiam mentis Pontificis.

11. Cur Val. disponebas deficere à fide Catholicâ transiturus ad hæreticos? R. Nec cogitavi; imò sponte redi non vocatus Pragâ Viennam, ubi ut primum extuli pedem ex Monasterio me stiti Nuntio Apostolico, cui dixi me esse paratum respondere Judici interroganti, & convictum poena capitis satisfacere accusanti; & tamen fui incarceratus antequam id potuerit rescire Summus Pontifex.

12. Cur Valer. significasti Nuntio Apostolico nolle ire Romam, etiamli jubente, ut dicitur, Pontifice, posse quidem te eò trahi? R. Non credq Pontificem,

si est facti conscius, decreturum mihi carcerem sæcularem milite custodiendum, etiam in processione ad urbem propter has quas subjungo circumstantias meæ personæ: Nimirum, 1. Actu verfor in denunciandâ hæresi Jesuitanâ apud Summum Pontificem, ex Decreto aliorum Pontificum has denunciations præcipientium sub poenâ excommunicationis latæ sententiæ, cujus denuntiationis argumenta potiora non potui, ut dixi, exponere quinque vel sex epistolis, quæ vix ad textum sufficient. 2. Crimina patrata à Jesuitis velut ab ipsis directâ, ut aiunt ad majorem Dei gloriam non fuerunt à me deprehensa vel observata Româ, sed in statibus, hæreditateque Serenissimæ domus Austriacæ, unde abducendus sum. 3. Acerbitas & carceris & processio- nis ad urbem non potest fieri sine infinitâ confusione faciæ meæ. 4. Meum senium, valetudo imbecilla, & afflictio animi quam supponere debent qui sic me tractant, conjuncta privatis incommodis ea sunt quæ certò certius tolerare nequirem sine imminente periculo mortis. 5. Imò mea mors causata ex violento præfato modo procedendi fieret mihi infamis apud eos qui benè sentiunt de meo judice. 6. Tanta talisque dehonestatio meæ personæ urit & ureret Ordinem Capucinatorum, meosque consanguineos & affines, perturbaretque non exiguam partem orbis Christiani, cui plurimis, iisque honestis titulis innotui. 7. Invigilo curæ domesticæ meorum quatuor nepotum, qui, unico excepto, sunt minores, seniore omnium adolescente constituto tutore suorum fratrum, sub mea tamen directione; horum educatio & totius familiæ nostræ Comitum de Magnis certò certius peribunt me absente. 8. Itaque hæc mea incarceration & disposita deductio Romam usque affecta enumeratis, aliisque ejusmodi circumstantiis, judicio virorum prudentum ea est quam vir innocens & generosus aversetur, & horret plusquam mortem corporalem.

13. Quid ergo criminis objicitur tibi cujus infamia excuset hoc exordium judicii ab executione acerbiorè ipsâ morte? R. Ignoro incarceration, milite custoditus, frustra implorans audiri, Nuntio Apostolico negante sibi licere cognoscere hanc causam.

14. Tan-

14. Tandem Valeriane edic Canonem aliquem cujus vigore licuerit tibi dispensare Decretum Pontificium; hæc enim dispensatio tibi accuratiùs objicitur? R. Alexander Papa tertius ad Archiepiscopum Ravennensem C. V. R. de rescriptis. Si quando aliqua tuæ fraternitati dirigimus, quæ animum tuum exasperare videantur, turbari non debes, qualitatem negotii pro quo tibi scribitur diligenter considerans, ut aut mandatum nostrum reverenter adimpleas, aut per literas tuas quare adimplere non possis, rationabilem causam intendas, quia patienter sustinebimus si non feceris quod pravâ nobis insinuatione fuerit suggestum.

# I N D E X

## *Contentorum in hoc secundo volumine Tuba Magna.*

I. **A**URELII LE BLANC Gratianopolitani Opusculum de necessitate reformandi Jesuitas ob turbas longè maximas, quas plus quàm à sæculo in Ecclesia fuscitant cum maximo Reipublicæ Christianæ & honoris sanctæ Sedis præjudicio.

SECTIO I. De turbis quas fuscitant per Molinianas novitates suas. 1

SECT. II. De turbis per Jesuitas in Ecclesia fuscitatis à tempore Congregationum de Auxiliis. 28

SECT. III. De turbis per Jesuitas excitatis occasione libri Jansenii, cui nomen Augustinus 32

SECT. IV. De turbis per Jesuitas adversus aliorum Ordinum Missionarios in sinico Imperio fuscitatis, occasione Rituum sinensium, ab Innocentio X. & S. D. N. Clemente XI. damnatorum. 71

SECT. V. De turbis per Jesuitas excitatis occasione Quæsnellianarum Reflexionum super Novum Testamentum. 82

II. **EPISTOLA** Illustrissimi viri, Joannis de Palafox, ad summum Pontificem Innocentium X. de Jesuitarum Societate extinguenda vel strictè reformanda ob universalis

# I N D E X.

|   |     |
|---|-----|
| versalis Ecclesiæ bonum.  | 126 |
| III. EPISTOLA Fratris Ludovici Soteli, S. Ord. S. Francisci, Regis Oxensis ad Sedem Apostolicam Legati, & in Regno isto Missionarii Apostolici gloriosique Christi Martyris, de Ecclesiæ Japonicæ statu ad S. D. N. Urbanum VIII.             | 174 |
| IV. PROLOCUTASTASIS, seu prima Societatis Jesu Institutio restauranda summo Pontifici Latino Gallica Expositione proponitur Theophili Eugenii zelo.   | 204 |
| I. Prima Ordinis Societatis Jesu institutio sancta & restituenda.   | 205 |
| II. Beati Ignatii Loyolæ conversio admirabilis.   | 208 |
| III. Præsentem Societatem à prima sua institutione in aliam declinasse.   | 210 |
| IV. Præsentis Ordinis Jesuitarum gradus & jura & ejusdem ad primum institutum reformatio ac reductio petitur.   | 215 |
| Pauli III. prima primi instituti Societatis Jesu approbatio, cum restrictione numeri ad personas sexaginta duntaxat.  | 219 |
| Primæ Societatis laus in muneribus obeundis.  | 226 |
| Theophilus summo Pontifici primæ Societatis Jesu statuta restauranda asserit.   | 227 |
| Imperatori Augusto, Francisco Regi Christmo Hispaniæ Regi Catholico omnibusque Principibus Christianis, pro reformatione Ordinis Jesuitarum.  | 240 |
| V. DANIELIS HOSPITALII ad Reges Principesque Catholicos Consultatio de causis & modis conservandæ & amplificandæ Societatis Jesu, ut perpetuò durare, deque Ecclesia Dei & Regnis ac Rebus publicis Christianis præcarè semper mereri possit. | 247 |
| VI. FORTUNII GALINDI Cantabri de causis publici erga Jesuitas odii Disputatio.  | 278 |
| VII. VARIJ LIBELLI supplices summo Pontifici Clementi VIII. oblatis à pluribus Societatis Jesu Provinciis, pro reformatione obtinenda in eadem Societate.   | 292 |
| VIII. ILLUSTRISSIMI & Reverendissimi Principis, Domini Cardinalis & Archiepiscopi Pragensis, Legati nati  |     |

# I N D E X.

nati, &c. Judicium & Censura Bullæ à Patribus Societatis Cæsari oblatæ, Cæsareâ ac Regali autoritate firmandæ, pro erectione Carolo-Ferdinandæ Aca-  
demiz. 299

IX. EPISTOLA R. P. Nicolai Caussini Societatis Jesu Theologi Presbyteri, Regis Christianissimi Ludovici XIII. Confessarii ad Reverendissimum Patrem Mutium Viteleschum ejusdem Societatis Præpositum Generalem. 310

X. SUCCINCTA NARRATIO eorum quæ P. Thyrsus Gonzales gessit in Hispania apud Superiores suos & apud summum Pontificem Innocentium XI. ad cohibendum opinionum probabilium abusum, cum brevi explicatione rationum ob quas anno 1691. edidit tractatum succinctum de hoc argumento, & difficultatum quæ circa ejus publicationem supervenerunt. 344

XI. LUCII CORNELII EUROPEI Monarchia Solipforum ad virum Clarissimum Leonem Allatium. 368

CAP. I. Occasio hujus scripti. 369

CAP. II. Occasio adeundi Regni Solipforum. 371

CAP. III. Qui successus in Regia Solipforum. 374

CAP. IV. Antiquitas Monarchiæ Solipforum. 376

CAP. V. Nomen, & Sacra Solipforum. 378

CAP. VI. Gymnasia, & studia Solipforum. 380

CAP. VII. Varii Solipforum mores. 385

CAP. VIII. Magistratus, & forma regendi Solips. 389

CAP. IX. Status Monarchiæ Solipforum. 391

CAP. X. Leges Solipforum. 398

CAP. XI. Considerationes quædam circa leges Solipforum. 398

CAP. XII. Judicia Solipforum. 402

CAP. XIII. Considerationes circa Judicia Solips. 406

CAP. XIV. Comitæ, & Consultationes Solips. 413

CAP. XV. Inductio Solipforum in Monarchia propaganda. 418

CAP. XVI. Varii rerum apud Solipsos eventus. 421

CAP. XVII. Salni Genilosii ex Europa littera. 424

CAP. XVIII. Conjugia Solipforum, & liberorum educatio. 424

# I N D E X.

|  |            |
|--|------------|
| catio.   | 429        |
| <u>CAP. XIX. Redditus Solipforum.</u>  | <u>431</u> |
| <u>CAP. XX. Bella à Solipsis gesta.</u>  | <u>433</u> |
| <u>CAP. XXI. Rebellio Abicinianorum.</u>   | <u>436</u> |
| XII. FRAGMENTUM Epistolæ D. Ponti Tyardæi Bissiani,<br>Episcopi Cabilonenlis, quo Pseudo-Jesuitæ Caroli, &<br>ejus Congerronum maledicta depellit.   | P 447      |
| XIII. LIBELLUS SUPPLEX R. P. Hieronymi Baptistæ de la<br>Nuza Provincialis Aragoniæ, Ordinis Prædicat. Philip-<br>po II. Hispaniarum Regi datus, die 22. Aug. 1597.<br>quo ostendit Jesuitas novitatibus intendentes, causas<br>esse turbarum in Ecclesia Dei existentium.   | p. 469     |
| XIV. LIBELLUS MEMORIALIS datus Paulo V. anno 1612.<br>necessitatem demonstrans promulgandæ Constitutionis<br>Pauli V. jussu ipsius à sacris Consultoribus elaboratæ,<br>& ab ipso probatæ ad restituendam in Ecclesia pa-<br>cem, cujus spes probabilis non apparet quam diu di-<br>lata ulterius Constitutionis promulgatione, non com-<br>pescentur iniquæ suspiciones & accusationes, quibus<br>Jesuitæ viros singularis pietatis ob doctrinæ contra-<br>rietatem sibi invidios, non cessant insectari. | p. 497     |
| CAPUT I. Quantum Ecclesiæ Christi expediat contro-<br>versiam definiri.  | p. 499     |
| CAPUT II. Quantum expediat controversiam definiri<br>habita ratione partium dissidentium.  | p. 511     |
| CAPUT III. Quantum expediat, controversiam de-<br>finiri ob Apost. Sedis honorem & dignitatem  | p. 517     |
| CAPUT IV. Satis sit momentis adversæ partis, quibus<br>Apostolicæ sedis Judicio intercedunt.   | p. 521     |
| XV. EPISTOLA Rev. Pat. Valeriani Magni Capucini ad<br>summum Pontificem Alexandrum VII.  | p. 526     |
| XVI. EPISTOLA Reverendi Patris Provincialis Capuci-<br>norum ad admodum reverendum Patrem Generalem<br>ejusdem Ordinis, de captivitate Patris Valeriani.   | p. 530     |
| XVII. EPISTOLA R. P. Valeriani Capucini ad R. P.<br>Ludovicum à Salice ejusdem Ordinis.  | p. 534     |

F I N I S.

A01 146 9766

